



Ўзбекистон ЛКСМ
Марказий
Комитети ва
Ўзбекистон ССР
Ёзувчилар
союзининг
органи

[87]
Март

Ойлик
адабий-
бадний,
ижтимоий-
сиёсий
журнал

1982 йилдан
чиقا бошлаган

Бош редактор:

Омон МАТЖОН

Редакцион коллегия:

Эркин АЪЗАМОВ,
Эркин ВОҲИДОВ
Хуршид ДАВРОН,
Владимир ЖОНИБЕКОВ,
Жиянбой ИЗБОСКАНОВ,
Ҳамид ИСМОИЛОВ,
Муроджон МАНСУРОВ,
Насриддин МУҲАММАДИЕВ
(масъуль секретарь),
Олим ОТАХОНОВ,
Азим СУЮН,
Абдуқодир ЭРГАШЕВ,
Нурали ҚОБУЛ,
Абдурашид ҚОДИРОВ,
Ғаффор ҲОТАМОВ
(бош редактор ўринбосари).

Тошкент
«Ёш гвардия» нашриёти



Хамза Ҳакимзода Ниёзий

Бу на баҳти қоралиқдир, етмас аффоним санго,
Ҳеч манзур ўлмаса бу күздаги қоним санго.

Шаъми васлингга эрур маҳрам рақиб, ағёрлар,
Бу аламдан ори камдир мунча сўзоним санго.

Кош кўксим тилса эрди ханжари мужгонларинг,
Кўрсатур эрдим жигарда доги ҳижроним санго.

Тош уза ёғса қилурди сабзае борон кўзим,
То бу дам таъсир қилмас ашки гирёним санго.

Ҳар куни бинг кас ўлурмиш ёр курбонинг агар,
Жон фидо этмоқ-ла етса кабки хандоним санго.

Мунча золимлик, жафожўлиқ, заҳархўриқ десам,
Солмадим дерсан, ҳануз ул жабри чандоним санго.

На бўлур десам тараҳҳум айласанг, солмай азоб,
Бори шул дерсан, муруватт айни эҳсоним санго.

Ёки ўлдирғил десам, мен хастадин бўлғунг ҳалос,
Ҳайфдир дерсан, ниgoro, тийри пайконим санго.

Дод дастингдан, ики қўл бош уза кетгай Ниҳон,
Арз этолмай дилдаги андуҳу армоним санго.

* * *

Хастасин кўргали ул дилбари жонон келадур,
Юзи моҳ, юлдузи ўт, кўзлари чўлпон келадур.

Сурма тортиб кўзига, қирмизи кўйлакни киуб,
Ўйнатиб ханжарини қилғали курбон келадур.

Сендан ўзга йўқ экан ишқима чин куйгон деб,
Аввалғи ваъдасида турғали қочгон келадур.

Туну кун ҳажрини кезган бу гадосин кўлина,
Эмди васлин майдан қилғали эҳсон келадур.

Бугина сизга жафо согланин айбонасиға
Бу кеча ёлғуз ўзи бўлгали меҳмон келадур.

Ҳали ҳам кўнгли аро борму деб ишқим асари,
Рамзи дил олмоқ учун билгали мастан келадур.

Қиссаи жонни, Ниҳон, мақдама қил пойандоз,
Арзи ҳолингни бугун сўргали сulton келадур.

* * *

Эй маҳвashi замоним, эй ёр, хуш келубсиз,
Биздек ғарибни йўхлаб, дилдор, хуш келубсиз.

Навмид айламасдан мунглув факириңгизни,
Кўнглини бир олай деб, бисёр хуш келубсиз.

Етди фалакка бошим, кўп шоду хуррам ўлдум,
Маҳв ўлди барча ғамлар зинҳор, хуш келубсиз.

Беҳадду бешумор ул қилган гуноҳларимни,
Олмай кўнгилга ҳаргиз, минг бор хуш келубсиз.

Ман беадаб ёзардим ашъор куйганимдан,
Кўрганингизда топмай озор, хуш келубсиз.

Кўрманг илоҳи, ҳаргиз камлик юзин жаҳонда,
Мақсудингизни берсун жаббор, хуш келубсиз.

Тортиқ қиласай десам ўзга бир жондан ўзга тухфа,
Килмай факирлиғимдан ҳеч ор, хуш келубсиз.



Носирова
Адолат

ДИБОСТА БУРЖАНАГАН МУАММОЛАД

...Ўтган йили 11 июнда «Правда» газетасида «Аёллар кўтарилиган юк эмас» деган мақола эълон қилинди. Унда келтирилган рақамлар кишини ўйлантирмай қўймайди. Мамлакатимизда саноат корхоналарида ишлайдиган хотин-қизларнинг 42 проценти оғир кўл меҳнати билан машғул экан. Қурилишда бу кўрсаткич 70, қишлоқ хўжалигига эса 98 процентни ташкил этади. Республикаиздаги аҳволни бултур Фарғона облости партия конференциясида келтирилган мисоллар ифодалаб турибди: юритимизнинг энг гўзал вилоятда 24 мингдан ортиқ хотин-қиз од-

дий санитария талаблари жавоб бермайдиган шароитда меҳнат қиласётган экан. Далада ишлайдиган аёлларнинг 42 проценти анемия касаллигига чалинган.

Рақамлар ҳиссиёт уйғотмайди, дейишади. Бўлса бордир. Лекин 98 рақами дарҳол кўз олдимишга пахтазорин, унда қад буқкан деҳқон аёлни гавдалантиради. Беинтиёр олий ўқув юртларимиздан бирининг кўп нусхали газетасида босилган сурат, тўғрироғи, суратга берилган изоҳ ёдимга тушди. Суратда теримчи қиз тасвирланган бўлиб, унинг остига эса, «Унутма, бу бўлаjak он!» деган сўзлар М. С. Горбачевнинг «Қайта куриш ва янгича фикрлаш мамлакатимиз ва бутун дунё учунни китобидаги ушбу сатрларга ҳамоҳанг эди: «Бизда яна бир проблема бор — у ҳам бўлса хотин-қизларнинг ўз жисмоний ҳолатига ёмон таъсир кўрсатувчи оғир ишларда бандлиги проблемасидир. Бу — урушдан қолган меросдир. Ахолининг эркаклар қисмида жуда катта курбонлар берилганинг ва ҳамма ерда, ишлаб чиқаришнинг ҳамма соҳаларида ишчи қўллар ғоят етишмаслиги очиқибатидир».

Юқоридаги мақолада, курилиш майдонларида, дала ва фермаларда механизациялаш ҳозирги даражада сақланиб қолса, ишчи аёлларни оғир жисмоний меҳнатдан ҳалос этиш учун ярим аср керак бўлади, деб кўрсатилган. Балким, эскичасига «порлоқ келажак»ни ваъда қилавергандан кўра, ачиқ ҳақиқатни очиқ айтган маъкулдир!

Келгуси аср тўғрисида ҳозирча фикр юритиш мушкул. Аммо яқинда Тошкентнинг шундоқ биқинидаги Янгибозор ихтисослашган ишлаб чиқариш бирлашмасида ўз кўзимиз билан кўрганларимизни таърифлашга қўйналиб қолдик. Корхонада ишчи-хизматчиларнинг кўпчилигини аёллар ташкил қиласди. Улар ёзги чант-тўзондан ўзларини қаёққа уриши билмасалар, қишида совуқдан дилдираб ўтирадилар. Бу ерда на душхона, на кийим алмаштирадиган хона, на дам оладиган жой бор. Шундай бўлишига қарамай, бирлашма раҳбарларининг оғиздан «инсон омили» ибораси тушмайди. Улар даврага қанчалик тез мослашганларини кўриб ҳайрон қоласан киши.

Янада ажабланарлиси, ана шундай оғир шароитларда ишлайдиган хотин-қизлар 50 сўмдан, яъни мамлакатда белgilанган энг кам миқдордаги маошдан ҳам 20 сўм кам иш ҳақи оладилар. Бу муаммонинг моҳиятига жиддийроқ ёндошсангиз, ишчи аёлларнинг бошча иложлари ҳам йўқлигини тушуниб етасиз. Аввало, қишлоқ районларида саноат корхоналари, уларнинг филиаллари жуда кам. Аёллар мамлакатдаги ишчи-хизматчиларнинг ўртача

иш ҳақидан қарийб тўрт баравар кам маошга рози бўлгандаридан кейин, раҳбарлар иш шароитларини яхшилаш учун чинакам жон куйдириб ўтирадиларми?

Республикамизда аёлларни ишга жалб қилиш ўткир муаммолардан бири эканлиги маълум. Тошкент областининг ўзида меҳнатга лаёқатли 560 минг хотин-қизнинг 59 минги ҳеч қаерда ишламас экан. Кўн болали аёллар ичиде эса ишламайдиганлар саломоги янада катта. Жумладан, тўрт ва ундан кўпроқ фарзанди бўлган 73,3 минг онанинг 28 мингги ҳеч қаерда ишламайди. Бунинг сабаби ҳаммамизга маълум: боғча, яслилар етишмайди.

Расмий статистика маълумотларига қараганда, Узбекистонда доимий ишлайдиган мактабгача тарбия муассасалари билан таъминланганлик 34 процентни ташкил этади, холос. Бу кўрсаткич бўйича биз мамлакатимизда 12 ўринда турарканмиз.

1988 йил баҳорида М. С. Горбачев Узбекистонда бўлганида айтган гапларини ёдга олайлик: «Шаҳарда ҳам, қишлоқда ҳам мактабгача тарбия болалар муассасалари етишмайди. Айни вақтда бу ишнинг кўлами мутлақо етарли эмас.. Шунга эришимоқ керакки, ҳар бир колхоз ва совхоз, ҳар бир курилиш ташкилоти бу муҳим ишдан четда турмасин. Болалар боғчалари муаммосини ҳал этишига бутун республикини сафарбар этиш керак. Бу инсоний масаладир! Бу республикангиз учун кечикириб бўлмайдиган нуфузли вазифадир».

Хўш, ана шу «кечикириб бўлмайдиган нуфузли вазифа» қандай бажарилмоқда? Ун биринчи чақириқ Узбекистон ССР Олий Советининг тўққизинчи сессиясида доимий мактабгача тарбия болалар сони 70 минга кўпайди, дейилади. Шу тариқа боғчалар ва яслилар билан таъминланганлик даражаси 37 процента етказилади. Аммо бўйича барбири мамлакатда эришилган ўртача кўрсаткичдан анча камроқ. Натоҳи янги-янги корхоналар, цехлар қуришга маблағ топаётган министрлик ва идоралар боғча қуришга охизлик қилсалар? Партия ва давлатимизнинг раҳбарлари республика мактабгача тарбия муассасаларининг аҳволи хусусида жон куйдирсалар-у, биз журналистлар бонг уриш ўрнига оғизимизга талқон солиб олсан!

Бир хаёл суриб кўрайлик. Бирорта матбуоти нашри, айтайлик, хотин-қизларимизнинг журнали «Саодат» боғча-яслилар қурилишини ўз оталиғига олса, унда ҳар бир район қанча қўшимча боғча ва ясли қуриш мажбуриятини оғланлиги эълон қилинса. Журналнинг кейинги сонларида эса бу ваддаларнинг бажарилиши ҳикоя қилиб борилса. Йил якунидаги «Саодат» «Энг болажон

раҳбар» нишонини қайси облости партия комитетининг секретари ва ижроия комитет раисига берганлигини эълон қилса. Журналда боғча-яслига навбат кутилмайдиган хўжалик, район, балким, кейинроқ облости тўғрисида хикоя килиб бориласа, уларнинг тажрибаси кенг ёйилса.

Аёлларимизнинг меҳнати ва турмуши билан боғлиқ бу ва бошқа муаммоларни ҳам қилишда янгидан тузиленган хотин-қизлар кенгашларига катта умид боғланган эди. Улар анчагина ишларни қилмоқдалар. Хотин-қизлар учун турли тадбирлар уюштирилмоқда. Лекин, ростини айтадиган бўлсак, бу кенгашларнинг имкониятлари ҳам, ваколатлари ҳам чекланган. Бунинг устига, ҳамкасабам Мұхтарама Улуғова таърифи билан айтганда, айрим хотин-қизлар кенгашларининг раислари юқоридагиларнинг назарига тушмоқлик орзуси билан банд бўладилар, холос. Дабдабали кечалар, учрашувлар ташкил этишдан ҳам баъзан шу мақсад кўзланиши сир эмас. Замзамали тадбирлар ортида баъзан конкрет аёл, унинг дард ва ташвишлари кўмилиб кетади. Оқибатда — кўнгли кемтик, елкасигага фам-ғусса тошидан эзилган, иродаси заифроқ дугоналаримиз шафқатсиз қарорга келадилар..

«Хотин-қизларни сиёсий ҳаётда умумангина эмас, балки жамоат ишларига ёппасига, доимий равишда муттасил иштирок қилишга жалб қилмай туриб, социализм ҳақида эмас, балки тўла ва мустақил демократия тўғрисида ҳам гапириб бўлмайди». В. И. Лениннинг бу сўзлари бугунги кунда ҳам долзарблиги тўғрисида баҳслашиб ўтиришга ҳожат бўлмаса керак. Биз ССР Олий Совети депутатларининг учдан бир қисми хотин-қизлар эканлиги билан ҳақли равишда фахрланамиз. Республикамиз аёлларидан 180 нафари Ўзбекистон ССР Олий Совети, 50 минг 460 нафари маҳаллий Советларнинг депутатларидир. Улар ижтимоий ва сиёсий фаолиятда тобора катта роль ўйнамоқдалар.

Шундай бўлса ҳам, «ЗИЛ» заводининг созловчиси, Социалистик Меҳнат Қаҳрамони, Совет хотин-қизлар комитети раисининг ўринбосари Ю. Барулинининг «Правда» газетасида (1988 йил 14 сентябрь сонида) чоп этилган «Нима учун мен министр бўла олмайман?» мақоласини ўқиб мураккаб

ҳис-тўйғулар оғушида қолдим. Ишчи аёл Буюк Британия бош министри М. Тэтчэр хоним турмуш ўтогига нонушта тайёрлаб беришини ёзади. Айни пайтда у, ҳукумат бошлиги магазинларда навбат кутиб турмаса керак, деган фикрни билдиради. Ю. Барулинининг ҳулосаси қувонарли эмас: «Агар мен министрлик ўринидига ўтирасам, рўзгор ташвишларини нима қиласам?»

Бунга жавоб топиши учун Улуғ Октябрнинг 70 йиллиги муносабати билан чиқарилган статистика тўпламини варақлаб кўрайлик. Ишчи ва хизматчи аёл уй юмушлари учун иш кунларида салкам олти ярим соат, дам олиш кунларида эса 12 соатдан ҳам кўпроқ вақт сарфлар экан. Унинг иш кунларида бўш вақти 2 соат 24 минутни, дам олиш кунларида 6 соат 32 минутни ташкил этар экан. Бу бўш вақтдан аёллар қандай фойдаланишлари ҳам диққатга молик; дам олиш кунларида 6 соат 32 минутнинг 42 минути газета-журналлар, бадиий адабиётлар ўқишига, 30 минути кино, театр, концертлару спорт мусобақаларига боришига, ярим соати фарзандлар тарбиясига ва атиги 8 минути билим савиасини, малакасини ошириш, жамоат ишларига кетар экан.

Ушбу тараққиёт натижалари ҳақида қандай қилиб ўй сурмай бўлмайди! Янада афсусланарлиси шундаки, хотин-қизларимизнинг кўпчилиги ўз имтиёзларини тўлиқ билмайдилар. Мамлакатимизда бундан ўн йил муқаддам — 1978 йилда болали оналарга ўз малакаларини ишлаб чиқаришдан ажralмаган ҳолда ошириш учун имтиёз берилган эди. Улар ишламасдан малака оширсалар маошларининг ўртача миқдорини ошишлари мумкин. Бироқ, Совет хотин-қизлари комитети ўтказган текширишлар бу имтиёздан болали оналарнинг атиги 3 процентигина фойдаланаётганларидан далолат берди.

Партия ҳужжатларида хотин-қизларни раҳбарлик лавозимларига кўтариш масаласи доим таъкидланади. Яқин вақтларгача буни партия комитетларидага идеология билан шуғууланадиган секретарликка, ижроия комитетлар раисларининг ўринбосарлигига, колхоз-совхозларда эса бир-икки бригада бошлилигига аёлларни тайинлаш деб тушуниб келинди. Бу лавозимлар масъулиятли эканлиги маълум. Аммо раҳбарлик лавозимига кўтаришда кадрнинг билими, истеъоди, ташкилотчи-

лик қобилияти, принципиаллиги эмас, фақат АЕЛ эканлиги ҳисобга олинганлиги ажабланарли эди. (Яшириб ўтирамайлик, кўхликкина бўлса бас!)

Совет хотин-қизлар комитети ўтказган тадқиқотлар ҳам кишини ўйлантиромай қолмайди. Маълум бўлишича, ойли ва ўтга маҳсус маълумотга эга бўлганларнинг 48 проценти, яъни ҳар иккитасидан биттаси турли даражадаги раҳбарлик лавозимларида ишлар экан. Аёллар ўртасида эса бу кўрсаткич 7 процентини ташкил қиласкан...

1988 йилда бу соҳада ҳам «муз кўчди» дейиш мумкин. Бунда Хоразм облости партия комитети Биринчи секретарлигига аёл сайдланганинги назарда тутяпман. Р. Худойберганова мамлакатимизда Биринчи марта обкомнинг Биринчи секретари бўлди. Бу бизнинг республикамизда бўлганлигидан қувонмай бўлмайди.

Ҳозирги давримизда аёлларнинг давлатни бошқариша тобора фаол иштирок этаётганликларига ёрқин мисоллар кўп. Буюк Британияда Маргарет Тетчэр, Хиндистонда мархум Индира Ганди, Филиппинда Корасон Акино, Шри Ланкада Сиримаво Бандаранайке, Бангладешда Хасина Вазед. Энг сўнгги хабар: Покистон Баш министри қилиб Беназир Бхутто тайинланибди. Покистон — Ислом Республикаси эканлигини ҳам унутмайлик.

Яшириб ўтирамаймиз, отаси қатл этилганига қарамасдан сиёсий фаолият йўлини танлаган Беназир Бхуттонинг шахсий жасоратига тан бериш керак. Укаси Шоҳнавознинг ҳалок бўлиши ҳам уни танлаган йўлидан қайтара олмади.

«Маълумки, хотин-қизлар нечоғлик озодликка чиққанига қараб жамиятнинг социал ва сиёсий тараққиёт даражаси тўғрисида фикр юритишиади», деб ёзди М. С. Горбачев ўз китобидаги.

Жамиятимиздаги хотин-қизларнинг мавқеи тараққиётимиз даражасининг мезони экан, бугунги янгиланиш даврида бу масалага ҳар қочонгидан ҳам жиддийроқ ёндошиш зарурати тушинарлидир. Гўзал ва нафис байрам — 8 март арафасидаги нобайрамона ўйлар ҳам ана шу эҳтиёж туфайли қоғози туширилди.

Биз яхшироқ яшашга интилаётган эканмиз, ўйларни тасаввур этишимиз лозим. Уларни билиб, бартараф этибигина манзил сари шаҳдамроқ одим ташлаймиз.

«НАВРЎЗ!» ДЕЯ БУГУН БОНГ УРГАН
ГЎЗАЛ УДУМ, ҚАДИМ ЗАБОНДИР.

БАҲОР ЭМАС БОШИНГДА ТУРГАН,
ҚИШДАН ЧИҚҚАН ЎЗБЕКИСТОНДИР.




**Зулфия
Қурбонова**

Бу ёғи...

Кечки пайт Холбой амаки шериклари Ҳамид амаки ва Карим билан күрак чувиш машинасини ишлатишаётганди. Холбой амаки күракни тұхтосыз равишда құли билан машина «оғзи»га солар, шериклари эса паншаха билан унга тұхтосыз күрак етказиб туришарди. Қийимларидан тортиб қош-кіпприкларига оппоқ чанг зеди. Ҳамид амаки билан Карим үзаро нима ҳақида дир сұзлашишар, Холбой амаки уларга зәтибор бермас, үз үйи билан банд зеди. Ора-чора сал нарида күрткасияннинг чүнтагига күл солиб, жунжиккан кишидай елкасинаң қисиб тұрган неврасига қараб құяды.

«Зарилға зарил, унга нима зарил экан, — дея үйлайди амаки. — Уйга кетабермайдими? Е униям энасига мақтанғиси келдимикин? Лекин чаноқни эсон-омон уйга обориб олсам яхши иш бўларди-да. Кампирнинг ҳам жағи тинарди...»

Ниҳоят, күракни иккى марта машинадан чиқариб бўлишди. Ҳом пахта билан тўлган тележкани тракторга кўшиб юборишиди-да, Ҳамид



Хикоялар

амаки билан Карим дам очиш учун чүнқайышди. Холбой амаки чаноқни ортиб кетишга бирорта улов топиш учун йўлга чиқди. Кўп ўтмай даладан қайтаётган кўш прицепли трактор билан қайтиб келди.

Кеча шерикларига ёрдам бергани учун бугун улар ҳам Холбой амакини ёлғиз ташлаб кетишмади. Учаласи уч томондан орта бошлади. Бир маҳал ГАЗ — 53 машинаси йўлни чангитиб шу томонга кела-верди.

— Асат ака келяпти, — деди Карим, — тоза мижинглайдиган бўлди-да.

— Мижингласа мижинглайбермайдими, чаноқди иккى марта чиқардик-ку, — деди Ҳамид амаки.

Холбой амаки гапга аралашмади. У тезроқ чаноқни ортиб, уйига киргизиб олишга ошиқиб ишларди.

— Ҳормангизлар — деди Асат машинадан тушиб. — Бу... нима қиляпсизлар-а?

— Кўряпсан-ку, — деди Ҳамид амаки ёқтиirmay.

— Кимникига?

— Бугун бизди очирот эди, — деди Холбой амаки Асатга қараб.

— Ие, буни яна бир марта чиқармайсизларми? — Асат қоп-қора чаноқдан бир сиким олди. — Ҳали анча пахта бор бунда.

— Иккى марта чиқардик. Энди буни...

— Директорнинг кўзи тушса мени тириклийн ейди-ку, — деди Асат Холбой амакининг сўзини бўлиб. — Бўлмайди, яна бир марта чиқарасизлар!

Холбой амаки жаҳл билан паншахасини отиб юбордию шерикларига ҳам қарамай эшгининг олдига борди. Бир четда турган ўроғини хуржунга солди-да, неврасини орқасига мингаштириб жўнаб қолди.

— Шўйтуб итлик қилганинг ёмон-да, — деди Ҳамид амаки Асатга. Сўнgra Холбой амакининг отиб юборган паншахасини кўздан пана ерга қўйди-да, Карим билан йўлга чиқди.

«Чатоқ бўлди-да, — деб ўйлади Холбой амаки йўлда кетаётib. — Бугун қандай бўлмасин, чаноқ оп-келаман деб чиққандим уйдан. Кампирнинг яна жини қўзийди. Балки бу боланиям менга қарашиб деб жўнатдимикин. Энди брига-

дирга ёлчилик деб юрардим. Асат одам эмас экан. Яна бир марта чиқарасан дейди-я. Топган баҳонасини қара! Бугунги чаноқнинг мұллигини күриб күзи ўйнаб кетди. Одамларди билмайди дейди-да. Ёзда ғұзани суғориши билан бўлиб, сомондан қуруқ қолганимда «Ташвиш қылманг, ака, ҳадемай чаноқдан бир эмас, икки қишилик емишди ғамлаб оласиз», дегани ҳозир эсида йўғ-ов. Кампирга Асат шуйтди, десам, барибир тушунмайди. Мени ерга уриб ўзиникини маъқуллайверади. Икки бирдай қорамол, саккизта қўйни боқиш унгаям осон эмас».

Чаноқни ҳовлига ташиш учун кампирни чорси қанор тайёрлаб ўтирган экан. Чоли билан неварасининг шўппайиб кириб келишаётганини күриб, фифони кўкка ўрлади.

— Эртага молга нима бераман энди? — деб шанғиллади у.

Холбой амаки шошилмасдан эшакдан аввал ўзи, кейин неварасини туширди.

— Пичан бор-ку, шуни амаллаб тур, — деди кампирига қарамай.

— Э, худойим, ўттис үйлдан бери шу гап: амаллаб тур, амаллаб тур. Ҳовлида пичан тугул битта чўки йўқ-ку. Тўрт жанقا пичанингиз кече томом бўлган эди.

Кампирни неварасининг қўлидан етаклаб уйга кириб кетди. Холбой амаки қўлини ювиш учун обтовани олиб устунга суюнганча ўтириб қолди. «Ҳозир шартта Асатнинг уйига борсаммикан? — деб ўйлади амаки. — Айни чаноқни тушираётганинг устидан чиқардим-да. Бир шарманда қилиб... Кейин мени далисида ишлатмаса ишлатмай қўя қолсин. У ёқда жўралар, бу ёқда кампир, айниқса, неваранинг олдида мулзам бўлгандан кўра уйда ўтирганим маъқул. Ҳўш, Асатникига бордим ҳам дейлик. Бугун бўлмаса эртага оларсиз, ака, деса нима қиласман? У бу ёгини ўйладими, ўйламидими? Оббо, Асати тушгур хата қилди-да бугун...»

— Еғочнинг бўшини курт ейди, дегандай одамлар ҳам билади-да кимни орқасига тепиб ишлатишни. Бунга бир нарсани кўрсатиб қўйса бўлди. Шуни чуқалаб куни ўтганини билмайди. Уй билан, мол-ҳол билан дарди-касали йўқ бунинг, — деди кампирни ҳовлига чиқиб.

Холбой амаки индамади. Ҳар доим шунаقا: индамай енгади. Бир қарорга келолмай бирпас ўйланиб ўтири: «Ҳўш, нима бўпти хафа бўлса? Осмон узилиб устига тушиптими!.. Қишлоққа ёйилиб дув-дув

гап ҳам бўлгани йўқ. Лекин туриб туриб одамга алам қиларкан».

Ана шу алам Холбой амакини кўчага етаклади: нима бўлса бўлар, бир шармандасини чиқарайки!..

Муюлишга етганда орқасидан кимдир чақирганден бўлди. Тўхтади. Қараса, кўйлаклари ҳилпиллаб кампирни шу томонга шитоб билан келяпти. Ранги бир оз ўчган-у, лекин кўзларидаги бояги қаҳрдан асар ҳам йўқ. «Кампир шумлик қильяпти-ёв, — хаёлидан ўтди амакининг. — Энди кўчага чиқиб... бошламасайди.»

— Овқат совиб қолди, — деди кампирни етиб келиб, бутунлай бошқа оҳангда. — Уят бўлар-ов, ўлсин энди...

Холбой амаки енгил тортиди: «Тушунди, шу бақироқ кампирнинг борига шукр».

Амаки сўзсиз кампирига эргашиб ҳовлига кирди.

Эргаш бирпас ўйланиб турди-да, сўнг чайлага қайтиб кирди.

Яна тошчироғини ёқиб, чопонини эски жойига илиб қўйди. «Бугун Саттор аканинг навбатига ўхшайди,— деда ўйлади, у.— Ундан қўрқулик, бедазорни кўтариб кетишдан ҳам тоймайди».

Эргаш қўлларини боши остига чалиштириб чалқанча ётди.

Саттор ака полиз қоровули. Қўшбоқ ака деган шериги билан уч кунда бир алмашиб туришади. Қўшбоқ ака эгрилик қимлайди. Аммо Саттор аканинг мижозлари кўп. Полиз маҳсулотларини «қўтара савдо» қилиб уларга сотади. Ҳеч ким Саттор аканинг мушугини «пишт» демайди. Чунки совхознинг янги диреқтори Ҳотам унинг укаси, яъни Саттор аканинг ота бир, она бошқа акасининг ўғли. Шунинг учун ўчек кимдан ҳайиқмайди. Фақат Эргашдан сал қўрқади. Бир кунмас бир кун ичиб олиб тўполон қилишидан чўчиди.

Эргаш шартта устларига бостириб борсаммикин, деб ўйлади. Лекин... барибир бефойда. Қайтага йўқ ердаги гапларни гапириб уришиб қолади. Қайфи бўлмаса шунаقا, ўчек кимнинг айбини юзига айта олмайди. Озроқ отиб олгандақу. Ароқ ҳам йўқ-да. Сассиқ вино бўлса ҳам майли эди...

Эҳ, бир вақтлар Эргаш қанақа эди-я!

Ғўза эгатига сувни бошқарип қўярдию ўзи пайкалнинг этагига тушиб кетарди. Ҳеч кимнинг у билан иши йўқ эди. Ғўзанинг ўсиқ ерида ўтириб шишани бўшатарди-да, тарракдай қотиб ухларди. Маст бўлса ҳам жанжал чиқариши ёқтирасди. Ичдими, дарров ухлаб қоларди. Жанжал чиқариш одати бир оз кейинроқ пайдо бўлди...

Бригадир эндиликда бўшаб кетган директор билан келишиб, уни «жавобгарлиги йўқ ишга» — бедазор қоровуллигига ўтказиб қўйди. Аввалига алам қилди-ю, кейин ўзига-ўзи тасалли берди:

«Менга нима, ароқни ичаману оёқни осмонга кўтариб ётаверман, майли-да».

Дастлабки кунлар шундай қилди. Аммо-лекин беданинг харидори кўп бўларкан. Яқингача кўчада кўрса «алкаш» деб тескари қараб ўтадиганлар ҳам энди учраб қолиша: «Ҳа, Эргашбой, ишлар бешми?» деб сўрашиб ўтишади. Одамлар шунаقا қилишса Эргаш ўзиям икки қоп семиради-да. Руҳи кўтарилиб хурсанд бўлиб кетади. Хотини ёш болага ўхшайсиз, дейди.

Бироқ кўп ўтмасдан... Айниқса, бугун чатоқ ишларди-да...

Коровул

Эргаш анча ётса ҳамки, кўзига уйқу илинавермади. У ёққа ағанади, бу ёққа ағанади, барибир ухлаётмади. Охири туриб сигарет туатди. Сигаретни чуқур-чуқур тортиди. Жим атрофга кулоқ солиб ётди. Ҳаммәёқ сукутда. Фақат ҳар замонда қора чигирткаларнинг чириллаши эшитилади, холос. Ташқари зим-зиё. Шифтга илингандо тошчироқ чайла ичини хира ёритиб турарди.

Эргашнинг хәёлига «Нимага бу ерда ўтирибман ўзи? — деган ўй келди. — Одамларга ўхшаб уйимда тинчгина ётсан бўлмайдими? Кимдан қўрқаман? Олса битта қоровуллигини олар. Ўзимнинг ҳам тоза жонимга тегди... Кетдим!»

Эргаш ўрнидан туриб чайла бурчагида илиғлиқ турган чопонини олиб елкасига ташлади. Пуфлаб чироқни ўчираётган эди, ташқаридан мотор овози эшитилди. Эргаш чайланинг орқа томонига ўтди. Полиз билан бедазорнинг қоқ ўртасидан кесиб ўтган канал ёқасидаги чайла томон синчков тикилди. Мотор овози ўша ёқдан эшитилаётган эди. Қоронғу, бунинг устига машина чироқларини ёқмаганлиги учун ўчек нарса кўриб бўлмади. Фақат мотор овози эшитилади, холос...

«Болани бекорга урдим, — дея ўйлади Эргаш изтироб билан. — Минг қиласаям бола — бола-да. Кўм-кўк бўлиб ётганини кўриб қўнгли кетган. Отаси билан энасига мактамоқчи бўлган. Отаси Жумабойнинг феъли ёмон. Эшитса болани соғ қўймайди. Балки ҳозир бола ҳам уйидагилардан, ҳам мендан таёқ егани алам қилиб, бўралатиб сўкиб ётгандир. Ким билади... Ё уйида молига беришга емиш қолмаса, отаси атайин жўнатгандир. Йўғ-э, Жумабойни калласини опташласанг ҳам эгрилик қилмас-ов. У Хотам эмас...»

Эргаш қизиқ воқеани эслаб кулимсиради...

Бир куни эрталаб Эргаш чайласида нонушта қилаётган эди, «Виллис»да Хотам келди. Машинасини анча нарида тўхтатиб тушмоқчи бўлди-ю, аммо оёғи остида ошиқни кўмадиган иссиқ тупроқни кўриб иккиланди. Шофёрига қараб кулиб нимадир деди. Сўнг шартта машинадан тушиб янги туфлиси билан тупроқка кечиб келаверди. «Шаҳарда яшаб олим бўлгани билан барибир тўпорилиги қолмапти, — деб ўйлади Эргаш. — Занғар балога ўхшайди — сувми, лойми кечиб кетаверадиган. Илгариги директор «Виллис»дан тушмай бўйруқ берарди».

— Хорманг.

— Бор бўлинг, келинг ака.

— Чарчамаяпсизми?

Эргашнинг фаша келди.

«Калланг ишлайдими ўзи, — дея хәёлан директорга мурожаат қилди у, — ҳеч замонда коровул ҳам чарчайдими? Зерикмаяпсизми, дейиш ўрнига... Сизлашга бало борми. Мен сендан бир-икки ёш эмас, етти ёш кичикман-ку. Йў-ўқ, сенга шаҳарнинг нуқси уриби, бегоналашиб кетибсан. Ахир кечагина эди-ку, Кудрат жўрамнинг опаси билан ёқасида гаплашиб турганинг. Ўшандо биз Кудрат жўрамнинг отасига айтиб бергандиник. Жўрамнинг отаси сени ушлаб олиб икки шапат урувди. «Иккинчи марта сени бу ерда кўрмайин», деб дўқ қилди. Аммо сен эртасига яна келдинг. Биз яна Кудратнинг отасига айтиб бердик. Унинг отаси сени урмоқчи бўлиб қувди.

Кейин сен ўқишига кетдинг. Ҳар куни пойласак ҳам канал ёқасига келмасдинг. Ўқишини битирар йилинг ўзинг билан ўқиган қизга уйландинг!

Ана шундан бери сени Кудрат ёмон кўради. Менам... Биз сени

Кудратнинг опасига уйланади деб ўйлардик...»

— Олдингизга бир илтимос билан келдик.

Эргаш ҳушёр тортиб директорнинг гапига қулоқ солди.

— Шу-у, ўзингиз биласиз, мен давлатти иши билан бўлиб, далада юраверибман. Бугун янгангиз молларга қарай деса, бир тутам ҳам емиш қолмабди. Шунга бир-икки боғ... беда...

«Хар йили Саттор аканг битта қўйми, ёшроқ танами олиб қўйинг деб пул бериб кетди, деса ҳайрон бўлардим. Гап бу ёқда экан-да».

Эргаш йўқ дея олармиди каттапарга. Бугун бермагани билан эртаниндин беда ўрими бошланади, ана шунда барибир насибасини олади.

— Бораверинг, кечқурун ўзим...

— Раҳмат, ука.

Эргаш индамади.

— Минг қиласаям қишлоқда ўсган-да, дурустроқ гап ҳам билмайди, — деди Хотам машинага ўтираётib шоғёрига.

Эргаш кўп иккиланди. Бир хаёли: «Қўй-э, Эргашбой, кечао кундуз итдай қўрийсан-у, ўзинг ўйигача обориб берганинг нимаси, шуям иш бўлдими? — деса, иккинчи бир хаёл: «Балки Хотам рост гапиргандир. Раҳбар одам, давлатти ишиминан югуриб юраверган-у, ўйини ўйламаган. Ахир одамга рўзгор, мол-ҳол ҳам керак-да», дерди. Ниҳоят, иккинчи ўй голиб келди. Эргаш ўроғини олиб бедазорга оралади...»

Кечга яқин Кудрат жўрасининг ўйига йўл олди. «Унинг усти ёпиқ, бортли мошини бор. Ҳарна кўздан панарак бўлади. Беш-олти боғ беда бор эди десам йўқ демас», деб ўйлади у.

Кудрат жўраси уйида экан. Бирга ишлайдиган ўртоқларини меҳмон қилаётган экан, илтимосини эшитгач:

— Бўпти, жўра, бир оғиз сўзинг, — деди. — Тупканинг тагига бўлсаям бораман. Фақат сал кейинроқ. Олдин қиттак-қиттак қилайлик. Эндинга оғзини очаётгандик...

Эргаш йўқ демади. «Қиттак-қиттак» бор жойда тонг отгунча бўлсаям қолиб кетади. Икки пиёладан олишгач, Кудрат:

— Бизди жўруни зарил иши боракан, ярим соатда қайтамиш, — деб меҳмонлардан рухсат олди.

— Ўзингникига олиб борамизми бедани? — деб сўради Кудрат йўлда кетаётгандарида.

— Хотамнига, емиши қолмаган экан.

Кудрат ялт этиб қаради.

Эргаш унинг нигоҳини сезса ҳам эътибор бермади. Кудрат йўлга нигоҳини қадаркан:

— Ҳа, майли, — деб қўйди. Бир озгин олиб яна қўшиб қўйди: — Хотам уйида бўлса мен мошинадан тушмайман.

Хотамнинг уйи идоранинг ёнгинасида эди. Кудрат бедани тушириш ўнгай бўлиши учун машина орқасини Хотамнинг дарвозасига тўғрилади ва устма-уст сигнал берди. Зум ўтмай озғин гавдасига ҳалпиллаган халат кийиб олган хотини чиқди.

— Анави ерга қўяқолинг, — деди Хотамнинг хотини айвон бурчагини кўрсатиб, — кейин ўзим ташиб оларман.

Эргаш индамай у кўрсатган ерга елкасидаги беда боғини тап этказиб ташлади. Кудрат машина ичидаги кузатиб ўтирган экан, навбатдаги беда боғини елкасига олаётганида уришиб берди.

— Калланг ишлайдими ўзи, — деди у кўрсаткич бармоғини чеккасида айлантириб. — Тўғри оғилга ташлайвермайсанми? Хотин киши хўл бедани кўтароладими?

«Тўғри айтади жўрам, — деб ўйлади Эргаш ичидаги, — одамларнинг хотинидай полвон бўлсаям майлийди. Бедага кучи етадими бунинг? Хотин кишининг сал этлиси кўзга яхши кўринаркан. Бу қилтириқ, нимажон-ку. Олимнинг хотиниман деб овқат емай бир ичак бўлиб қолганга ўхшайди».

Эргаш оғилхона томон юрди. Хотамнинг хотини уй ичидаги кузатиб турган экан, югуриб чиқди.

— Ҳой, ука, айвонга қўяверинг ўзим ташиб оламан дегандим-ку сизга, — деди жаҳл билан у.

Елкасидан зилдай юқ босиб турган Эргаш жавоб бермади. Ўнг қўли билан боғнинг бир чеккасидан тутиб, иккинчиси билан оғил эшигини итарди. Орқасида нимадир бор шекилли, эшик қия очилди-ю, тўхтади. Эргаш бедани ерга қўйиб, эшикни итариб ичкарига кирди-ю, бир неча сония лол туриб қолди.

Оғил эшик ортигача сомон билан лиқ тўлган эди. Эргаш кўп йўлаб ўтиргади. Шартта бурилдию беда боғларини Кудратнинг машинасига орта бошлади. Хотамнинг хотини ҳам миқ этмади...

— Хотамнинг ҳовлиси зўрми? — деб сўради қайтаётгандарида Кудрат.

— Хотинига қарадим, орқи, лайлакка ўхшайди, — дея истар-истамас жавоб берди Эргаш.

— Оббо сен-эй, — деб Қудрат кулиб юборди.

Ўшандан бери Эргаш директорни икки-уч марта кўрди. Оғзини пойлади. Аммо Ҳотамдан садо чиқмади. Нега ўша куни бунаقا қилдингиз, деб бир оғиз сўрамади ҳам.

Эрталаб у ўйқудан туриб чайла-сидан чиқкан ҳам эдики, бедазор этагидан эшак миниб ўтаётган бо-лага кўзи тушди. Таниди. «Жумабойнинг ўғли-ку, — дея ўйлади у, — кудук томонга ўтга боряпти-ёв. Боланинг бир кўнглини олсан-микан?»

Эргаш қўл ишораси билан болани чақирди.

Болакай аввалига чўчиди. Эргаш қўлини сермаб чақиравергач, нима бўлса-бўлар деди шекилли, эшагини ниқтаб, чайла томонга ҳайдади.

Эргаш икки боғ беда ўриб, эшагига ортиб берди. Сўнг ички чўнта-гидан битта қизил ўн сўмликни чиқариб болага тутди:

— Беданинг ҳақига бир шиша ароқ опкеб берасан.

Болакай хурсанд бўлиб кетди. Пулни сариқ, кир рўмолласига тугиб, билагига боғлади. Кейин иргиб эшагига минди.

— Тезроқ келгин, — деб тайинлади Эргаш.

Чамаси ярим соатча вақт ўтгач, бола қофозга ўроғлиқ шишани бериб кетди. «Минг қилсаям болалигига борди,— дея ўйлади Эргаш,— кечаги калтакни дарров эсидан чиқарибди. Ҳотам ҳам унутиб юбордимикин? Ё пайт пойлаб юрибдимикин? Э, нима бўлса-бўлар, бугун ичишга ҳақим бор. Ҳотам гапиргудай бўлса, шартта ўзининг айбини очиб ташлайман...»

Эргаш чой қуйилавериб ичи сарғайиб кетган пиёлага ароқ қўйиб, энди кўтараётган эдики, чайла ёнига аллақандай мотоцикл келиб тўхтади. У пиёланни ерга қўйдию югуриб чайладан чиқди. Қараса, участка милиционери! Бирдан аъзойи бадани бўшашиб кетди: «Жумабойди ўғли беда опкетаётганини кўриб қўйганга ўхшайди. Энди нима қилдим?»

— Бедазор қоровули сизмисиз? — деб сўради милиционер чест бериб.

Эргаш бош иргади.

— Қани, мотоциклга чиқинг. Тезроқ!

Эргаш шалвираб мотоцикл томон юраётган эди, милиционер:

— Манави шиша билан пиёлан-тизни ҳам олинг, — деди.

— Қаёққа олиб борасиз м-мени? А-айбим н-нима?

— Айбингиз давлат мулкига кўз олайтирганингиз. Совхоз бедасини қариндошларингизга бўлиб берганингиз.

— Ким айтса ҳам сизни алдабди, — деди Эргаш бирдан жонланниб.

— Совхоз директори ёлғон гапирмас. Қўшнингиз Ҳакимов Жумабойнинг ўғли Ҳакимов Фарҳод бир эшак беда билан ҳовлисига кириб кетаётганини ўз кўзи билан кўрган. Қолган гапни совхоз идорасида гаплашамиз. Қани, тезроқ бўлинг!

— Бирпас шошманг, — деди Эргаш ўтиниб, — мени идорага эмас, қамайдиган ерга олиб борақолинг.

— Нега?

Эргаш индамади.

Ичиди «Барбибир ўзимни оқлай олмайман. Мелиса салдан кейин келгандаги-ку, тунов кунгини айтиб бир боплардим. Лекин ҳозир...» дедиую қўлидаги шишага тикилиб қолди...

Аёл қалби

Ўртага сукунат чўқди.

Қиз яна аразлаб қолди. Йигит уни чўчтишиб қўйганидан пушаймон бўлиб, ўзининг ноўрин қилиғидан ўсал бўлар, устма-уст сигарета чекарди. Қиз тирсагига таяниб хомуш ўтирас, зимдан йигитни кузатар, «Бирдан ташланиб қолса-я», деган ўй хаёлида чарх урарди.

Охири йигитнинг сабр косаси тўлди шекилли, сигарет қолдини деразадан улоқтириб юборди-да, қизга яқинроқ сурилди.

— Нимага индамайсан, Азиза?

— Нима дей?

— Жавоб кутяпман, ахир.

— Бир вақтлар жавоб берган-дим, шекилли. Энди нима дейишга ҳам ҳайронман...

— Очикроқ бир нарса дегин, саккиз кундан бери олдингга қатнайман.

— Саккиз йил кутганингда бошқа гап эди.

— Командировкам ҳам тугади. Вақтим тифизроқ, масалани ҳал қилиб олишимиз керак эди-да.

— Шунинг учун мени облбални-сага жойлаштирган экансан-да. Таниш-билишлардан йироқда... Мен сариқ касалман, ўзимизнинг колхоздаги балнисада ётишим керак.

— Даволашса бўлди-да, бари бир эмасми?

— Сенга ҳамма нарса бари бир. — Кўй энди, шунаقا гапларни, Азиза...

Йигит қизнинг қўлларини силай бошлади. Қиз унинг бежо ҳаракат қилишидан хавотирланиб, сапчиб ўрнидан турди. Дераза олдига борди. Йигит бир неча сония ғамминлик билан бошини солинтириб ўтиреди. Сўнг шими чўнтағига қўл солиб сигарет кутисини олди, бир зум унга тикилиб турди-да, чекиши фикридан қайдиди. Қизнинг қадиқоматига сўк билан тикилди. «Нашотки шунчалик бегоналашиб кетган бўлсан», деган ўй қалбини эди.

— Сизларнинг феълингизни биламан, — деди у анчадан кейин аламли кулимсираб. — Йигит кишини тиз чўқтириб, ер билан яксон қилиб, кейин ишонасизлар. Агар шуни хоҳлаётган бўлсанг, мана!...— Йигит қизнинг оёқлари остига чўқкалади.

Азизанинг юзида заррача ўзгариши сезилмади. Йигитнинг оқ оралай бошлаган соchlарига нигоҳ ташларкан, ўта хотиржамлик ва бир оз совуққонлик билан:

— Қарибмиз, Азим, — деди. — Тур энди, бизга ярашмайди. Саккиз йил бурун шундай қилганингда...

Хотиралар таъқибига учраб, қизнинг кўнгли алланечук бўлиб кетди. Бўшашиб олиб ўтиреди.

Қизнинг очиқ тиззаларига қўзи тушиб, Азимнинг юраги ҳаприди. Ўзини тутолмади. Тиззаларига лабини босди.

Азиза саросималанди, бироқ қаршилик кўрсатолмади. Азимнинг вужудидан уфуриб турган ва ўзини бошдан-оёқ қамраган ўша таниш куч таъсирини ҳис қилиб, юраги тез-тез ура бошлади. Қўзларини юмди. Бир неча дақиқадан кейин йигитнинг соchlаридан ўлмоқчи бўлиб энгашди, аммо лаблари пешонасига тегди. Тегдиую шу заҳоти ўзи сесканиб кетди. Қўзларини очиб, пешонасидаги терни артаркан, Азимни итариб ўзидан узоқлаштириди. Йигит таллинган эди, индамай ўрнидан туриб чиқиб кетди.

Касалхона ҳовлисида беморлар айланиб юришарди. Азиза бир зум гарансиб турди. Сўнг ҳаёлини банд этган ўйлардан қутулиш учун боғнинг хилват жойларида айланиб

юрди. У мақсадига эришгандай бўлди. Азим ёнида бўлмаса ғалати йўлар уни гирдобига камроқ тортар эди. У қуюқ соя ташлаган дараҳт остига ўтириб, хаёлга толди. Кўз олдида Азим пайдо бўлиб, унга мойиллиги орта бошлади. Қиз тиззалирини қулоқлаб, ғамгин атрофни кузатаркан, бир вақтлар қалбиди ёниб, энди ўнган totли муҳаббат учқунлари уни оёқости қилинган йигит олдида қайта ловуллаётгандай бўлди, юраги ўртанди. У туйғуларини жиловлаб олиш ва ўзини Азимдан совутиш учун ўнган кунларни эслай бошлади...

Улар синфдош эдилар. Азим уларнинг мактабига қўшини қишлоқдан қатнаб ўқирди. Мактабни битирғанларидан кейин Азим Тошкентга ўқишига кетди. Азиза медицина билим юртидан ўқилиб келиб, колхозда Саттор аканинг бригадасида ишларди. Азимнинг бир оёғи Тошкентда, бир оёғи Жиззахда эди. Тез-тез келиб учрашиб турарди. Азиза қўллари қавариб кетмон чопар, ғўзани ягана қилар, беллари толиб, қўллари тарс-тарс ёрилиб паҳта терар, Азим билан тўйлари бўлса, ҳадемай бу азоблардан қутулишини ўйлаб севинар, ўзи қатори тупроқ кечиб, товони ёрилиб юрган дугоналарига қараб туриб раҳми келарди.

Бир куни улар чайлада ўсма қўйиб, ўйин-кулги қилиб, ўз кўнгиларини ўзлари ҷоғлаб ўтиришган эди. Чошгоҳда бригадир келиб ҳаммасини бир пул қилди.

— Сенларда инсоф борми ўзи? — деганди Саттор aka тутоқиб. — Эрта-индин сувчилар сув олишлари керак. Қачон бўлассанлар?

— Вой, амаки, кеча кечқурундори сепишди-ку, — деди Азиза. — Бирам ҳиди ёмонки...

— Э, ҳеч нарса қилмайди, — деди бригадир ғижиниб. — Кечгача ҳар биринг ўнтадан эгатни чопикдан чиқармасаларинг, маошларингни олиб бўпсанлар. Буғалтирга бир оғиз айтсам, давлатнинг кассасига қайтариб қолади.

Берадиганлари олтмиш сўм — битта кўйлакка етмайди-ю, яна қайтариб қолармиш... Қизлар ноилож сурп рўмоллари билан оғизбурунларини боғлаб, ёқимизсиз ҳид анқиб турган пайкалга оралашиб. Бир оз ўтгач, қизлар бирин-кетин ўқчий бошлашди. Шунда ҳам эгатдан чиқишмади. Саттор aka чайлада кузатиб ўтириби деб ўйлашиб, дам олишга ҳам ҳайқишиди.

Азизанинг бояги шўх кайфияти сўнган, тундлик билан кетмон

ураркан, борган сайин мадорсизлананаётганини, кўз олди жимирилашиб боши айлананаётганини, кўнгли кўтарилиб лоҳас бўлаётганини ҳис этар, номус кучлилини қилиб дугоналаридан ортда қолиб кетмасликка ҳаракат қиласарди. Ўнтадан эгатни ўтдан тозалашга қизларнинг бардоши етмади. Қош қорайгандан, уларни беҳуш ҳолда касалхонага олиб кетишиди.

Ўшанда икки ярим ой касалхонада ётди. Дугоналари бир ой ичидага соғайиб чиқиб кетишиди. Негадир у ўзига келомлассди. Ҳамон боши айланаб кўзи тинар, ёқимсиз ҳид димоғига урилса бас, қайт қилавериб ҳолдан тояр, бунинг устига тез-тез бурни қонар эди.

Азиз ҳар ҳафтанинг охирги куни келар, кечгача ёнида ўтиради ва ҳар гал бир гапни тез-тез таҳоррорларди: «Агар хўл дессанг, ўша бригадирни боплаб фельетон қиласман!»

Азиза маъсум жилмайиб, йигитнинг қўлларини меҳр билан юзига босаркан:

— Бригадирни фельетон қилсанг, раисга ҳам гап тегади, — дерди.

— Гап тегмоқ ҳам гапми! Биласанми, уларни нима қилиш керак?

— Биламан, лекин ҳоҳламайман...

— Нега?

— Ахир, колхоз раиси амаким бўлади...

Ҳаяжонланиб кетган Азим бир гувранардию жим бўларди. Афтидан Азизани ҳафа қилиб қўйишдан чўйирди.

Касалхонадан чиққандан кейин Азим уларникига совчи юборди. Тўй тадориги кўрила бошлаган кунларнинг бирда Азим уни Тошкентга таклиф қилди: тўйга керакли нарсаларни ўша ердан ҳарид қиласиз деди. Азиза бир ҳафта онасига ялиниб, атиги бир кунга рухсат олди. Эрталаб тошойна олдида туриб кийинаркан, кўзгудаги аксига нигоҳи тушиб юраги орқага тортиб кетди. Ойнага яқин борди, кўзларини юмб-очиб тағин тикилди. Бўлмади. Эски кўйлаги билан шоша-пиша кўзгуни артди. Синчиклаб қараб кўкисини, биқинларини силяркан, аъзойи бадани қалтираб деворга суюниб қолди...

— Азиза... Азиза! Сенга нима бўлди, Азиза!

Азиза ҳушини йигиб олиб ёнида Азимни кўрди.

— Бу аҳволда ўзингни ўзинг еб қўясан-ку! — деди йигит куйиниб.

— Эсингдами, ўшанда мёнга нима деганинг?

— Қачон?

— Никоҳ кечаси...

— Азиз...

— Менга яқинлашма! Мени алдадинг! Пес экансан-ку, дегандинг. Қанча ялиниб-ёлвординг, йигладим, лекин сен ишонмадинг. Яхшиликча кет деб ҳайдадинг. Мен...

— Бас, Азиза! Бас!!!

— Нега энди... — Азиза киприларини пирпиратиб ёнламаси қарди. Унинг қайрилма қошлари, гилосранг лаблари ҳамон ўша-ӯша. Фақат пешонасида узун-қисқа ажинлар пайдо бўлган, кўзларнинг оқи сарғайиб кетган, қандайдир ҳадик ва синчковлик билан қаттиқ тикиларди одамга.

— Азиза, мени тўғри тушун, ахир, бу ҳолда...

Азизининг гапи чала қолди.

— Қариз ҳўлиб ўтиб кетасан демоқчимисан? — деди қиз унинг гапини чўрт кесиб. — Ёлғиз эмасман. Мен билан касалхонада ётган қизларнинг бешаласи ҳам отасининг уйида ўтириби. Мен... сени-кидан... қайтиб келганимдан кейин уларга ҳам одамлар ишонмай қўйишди, шекилли. Орқамиздан баъзилар «Олти қари қиз» дейишаркан, баъзилар «Олти дарға» дейишаркан. Ёш йигитлар эса бизга бошқача ном қўйиб олишибди. Яқингинада эшитиб қолдим, «Қишлоғимизнинг олти оқсоқол қизлари» дейишаркан улар. Галати-я, «Олти оқсоқол қиз...»

Азиза кулмоқчи бўлди. Аммо оғзи бир томонга қийшайиб кетди, холос. Азим унинг муаттар, кўркам сочларини силаркан:

— Чарчабсан, — деди меҳрибонлик билан. — Шунча ишлаганинг етар. Бригадирлик аёл кишига оғирлик қиларкан.

Азиза истеҳзоли кулимсиради. Мен раисликни кўзлаб юрибман-у. Амаким пенсияга чиқиши билан ўрнини эгаллайман.

— Ҳавойи гапларни гапирма, — деди Азим жаҳли чиқиб. — Соғлигингни ўйласанг-чи. Сариқ қасалга чалинибсан. Жигаринг оғриб, ҳар йили касалхонада ётиб чиқармиссан. Оқибати ёмон бунинг... Жонинг шунчалик савилми?

— Отимни бекорга Азиза қўйишмаган экан. Ўша азиз ерларда ўлиб кетсан ҳеч ким кўрмайди ҳам, қўймайди ҳам, — деди қиз юраги қайғу-ҳасратга тўлиб.

— Тентаквой, нималар деяспан?

Азим қизнинг елкасидан тутиб ўзига қаратди. Бир лаҳза бир-бирларига тикилиб қолишибди. Кейин... бўса қизнинг бутун вужудини ёқиб юборди, юрагига ўт солди. У Азим-

нинг бошини бағрига босиб, қаттиқ құчгиси келди, лекин күч билан үзини босиб, йигитни силтаб ташлағанда, юраги үтдай ёнарди.

Кетганинг маңқул, биз бары бир келишолмаймиз,— деди Азимнинг юзига қарашаға юраги бетламай.

— Үртамизда нимадир ғов бұлб турғанини биламан,— деди Азим тәгдор қилиб.

— Нима экан у? — деб сұради Азиза ҳүшөр тортиб.

— Бу ерга қандай мақсад билан келганимни унұтдинг, шекилли?

— Ҳа-я, айтгандай, Саттор аканинг шикоят хати юзасидан текширган келгансан-ку, а?

— Сен республикага машхұр одамсан,— деди Азим.— Сен билан олишиш қийин. Кейнинг пайттарда радиода сенинг овозинг, телевидениеда сен, газетани-ку, сенинг суратинг әгаллаб олган.

— Ұнчаликмасдир-ов...

— Ҳа, деявер. Сени шу даражага етказған раҳнамоларинг мени мақақлаб ташлашдан ҳам тойишмайди.

— «Раҳнамоларинг» деб кимни айтапсан?

— Ұша Холмухаммад акани-да.

— Амакимми? У яхши одам. Ұша пайттарда үзимни бир балоқилиб қүйишімден құрқиб, иш билан овунасан деб Саттор аканинг үрнігі бригадир қилиб қўйанди. Сендан яширмайман, Азим, бизнинг ерларда ҳеч қағон етмиш центнерлік ҳосил құтариб бўлмайди. Бизники фақат қофозларда бажариларди...

— Биламан, у ёғини айтмай қўяқол,— деди Азим сўзини кесиб.— Саттор aka баъзи бир нарсаларни айтиб берди. Сен ундан беш минг сўм талаб қилғанишсан, ноҳақ ишдан ҳайдаганишсан...

Сұхбатлари бирдан кескин тус

олгани Азизани ажаблантирди. Кўнгли аллақандай нохушликни сешиб, безовталанди.

— Мени суд құлмоқчимисан? — деб сұради таҳликаға тушиб.

— Суд құлмоқчи эмасман. Аммо бурчимга хиёнат ҳам қилмайман.

— Сенга тушунолмай қолдим, ҳалигина бошқача эдинг...

— Қўявер, муҳбир ҳалқи шунақа бўлади.

Йигитнинг беқарорлиги ғашини келтириди. Бироқ сир бермади.

— Майли, жавоб берсам бераколай,— деди хотиржам оҳангда.— Саттор акага беш минг келтириб берасиз деганим рост. Бу амаким қўйган нарх. Ұша пайтларда бошбухнинг ўрни бўш эди. Бир куни Саттор aka: «Ўғлим ўқишини битириб келди, раис билан гаплашиб шу ўринга жойлаб қўй, мен раис билан келишмай қолғанман», деб қолди. Мен бу гапни амакимга етказдим. Амаким бояги нархни айтди. Саттор акада бунча пуз йўқ эди. Ўғли оддий бўғалтир бўлиб ишга жойлашди. Ҳалиги «коқсоқол» дугоналарим ҳали-ҳамон уни ёмон кўришади. Лекин мен кек сақламадим. Биримиз табелчи, биримиз бригадир бўлиб озми-кўпми ишлагандик. Бояги воқеадан кейин муносабатимиз ўзгарди. Мен ҳақимда қандай хаёлга борганини билмайман...

Иккинчи марта бултур кузда тўқнашдик. Кечаси қўшни бригадага ёрдам берәётган студентларга пахта сотаётганида устига бориб қолдим. Ұша ердаёт паттасини кўлига бердим. Бор гап шу.

— Саттор aka бошқачароқ қилиб айтиб берганди.

— У ёғи мени қизиқтиримайди,— деди Азиза ўжарлиги тутиб.

— Сен ҳеч қағон бирорвга ён беришни истамайсан,— деди Азим.

Азиза эътироz билдиrmади. У ниҳоятда толиккан эди. Палатага бориб мириқиб ухлаб олишни дилига туғиб ўрнидан турди. Бир неча қадам юргач, беихтиёр тұхтади. Ортига қарагиси келди. Бироқ юраги дош бермади. Яна икки қадам ташлаган эди, ортидан Азимнинг ҳаяжонли ҳайқириғи эшитилди:

— Тұхта, Азиза!

У ҳаллослаб келиб, қизни құчоқлаб олди. Оташ нағаслар туташди. Йигит ҳаллослар, әхтироси жўшиб, ақлини йўқотар даражага етган, кўзларига қизнинг гилосранг дудоқларию оппоқ бўйнидан бошқа нарса кўринмасди...

«Мана, ниҳоят үзимни енгидим,— Азиза йигитнинг кўксига бошини қўйиб кўзларини юмди. Аллақандай ёқимли ҳидни туйиб, боши айланди.— Шу дамни қанчалар орзиқиб кутгандим. Иш ҳам, шоншұхрат ҳам мени овнтиrolмади...»

— Азиза,— шивирлади Азим,— агар хоҳласанг ўша хатни ҳозироқ йиртиб ташлайман. Редакцияга бориб фактлар тасдиқланмади дейман-қўяман.

— Ўзгариб кетибсан,— деди Азиза кўзларини очмай.

— Ҳаммамиз ўзгарғанмиз, сенам, менам...

Азиза илкис бошини кўтариб, йигитнинг әхтиросдан ёниб турған кўзларига тикилди.

— Ҳа, намунчади...— Азим ўнғай-сизланаётганини сезидирмаслик учун қизни қаттироқ бағрига босиб, кўзларидан ўпди.

— Мен ўзгарғаним йўқ,— деди Азиза овози титраб.

— Бу нима деганинг?

— Мен яна сени алдадим...

— Нимага? Нима мажбур қилди сени?— Азим қизнинг юзларини кафтлари орасига олиб, кўзларига тикилди.

— Қишлоққа борганингда сенинг олдингда паст тушгим келмади. Мендан жирканмай гаплашсин, деб ўйловдим...

Азимнинг ранги оқариб кетди. Лаблари титради. Азизанинг кўксига бош қўйганча, чўчиб тушди. Қизнинг белини оғритиб сиқиб турған қўллари бўшашди...

Азиза унсиз йиғлаб юборди.

Зулфия Қурбонова.

1966 йили Жizzax шаҳрида туғилган. Жizzax Давлат педагогика институтининг Ўзбек тили ва адабиётти факультетида сиртдан ўқиш билан бирга Жizzax районидаги Навоийномли 30-үрта мактабда ўқитувчи бўлиб иштайди.

Замира Рўзиева



Андижонда туғилған. ТошДУнинг журналистика факультетини битирган. Икки шеърий тўплам муаллифи. Андижон адабиёт музейида хизмат қиласди.

Атиргул саволга тутар ёмғирни

Юрагимга менинг ўткир кўз берди,
Кўриш берди,
Китоблари асотирларнинг.
Тупроқ кўравердим, эл кўравердим,
Турфа ечимида қат-қат сирларнинг.

Баҳодирлар «ёху» деб кирган жанггоҳ,
Тўпроқни ўғанча совуган танлар.
Оғир кишинларни уза олган оҳ,
Очиқ кетган кўзда қолган ватанлар.

Муқаддас азоб не — ўргатди вазмин,
Имонларга гувоҳ чўнг ёрилтошлар.
Ийфлатиб сўйлади муҳаббат шарҳин,
Кесилиб минорлар тиклаган бошлар.

Сарғиш сатрларни кўксимга ёпдим,
Томиримга қўйдим ларзаларидан.
Минг бор ҳазар қилмоқ баҳтини топдим,
Ватан, эл демаган лаҳзаларимдан.

Пахтакорга

Шунча кўп ном қўйдик биз сенга,
Марду майдон дедик, олтин қўл дедик.
Изгирин буғлаган ҳар нафасингга,
Ўтдай номлар тиркаб «ҳа, бўл, бўл» дедик.

Қалбингни дарё деб қарсаклар чалдик,
Дарёлар ҳақида қайғурмасдан ҳеч.
Минбардан сўзлашга навбатлар олдик,
Даладан кўп ҳориб қайтганингда кеч.

Унсиз ғазабингни ғайрат деб айтдик,
Юксак режа дедик ҳорғин ўй сурсанг.
Бахтдан сармаст дея имондан қайтдик,
Ўткир заҳар ҳидлаб юрганингда ганг.

Кўрдик ё кўрмадик жон-жонларингни
Кеч кузак ёмғири, қори савалар.
Қадоғинг, ёрилган товонларингни
Яшириб яшади ҳўл пайтавалар.

Биз ном топавердик: Ўқтам суворий,
Кўкраги фақат иш дея урган зот.
Сарвқад, беназир дедик рафтори,
Дунё гўзлларин қилмоқчидек мот.

Шунча таъриф, ташбеҳ, шунча кўп ёзук,
Қоғоз билан босдик дард, сирларингни.
Сен-чи, сен не дединг,
кўзлари очик,
Уйқуда яшаган шоирларингни?!

* * *

Кундан-кун кўзларнинг алами ортар,
Он сайин ортади ер узра ҳазон.
Кўёш маъюс чиқар ва маъюс ботар,
Кейин тунн...
Кейин тонг...
Айтишга осон.

Софингча айланиб кетди-ку бағир,
Хотиралар минг бор юпатиб тўйди.
Фаслга оғирдир, кўзларга оғир...
Йўллар шафқатимни йўқотиб кўйди.

Широқ

1

Бугун менга қиличдир сахро,
Ўқ-ёйимдир учган қум, шамол.
Нафратимни кўзга қилиб жо,
Бир лашкарни енгурман ҳалол.

Қароғимга чўқди булоқлар,
Ийғламасман, сизиб чиқмас, йўқ.
Ёғий сувсиз қирилган чоқлар,
Булоқ тўла кўзим тургай шўх.

Адашган ёв тақдири қаро,
Сақлар — элим унга бўлмас қул.
Мен ғолибман. Қиличим — сахро,
Гармселлар ўқим, ёйимдур.

2

Ён сахро, ён, бўл чақин,

Озорларинг тилагим.
Юрагимга бўл яқин,
Яқин сенга юрагим.
Ёнавер, ёвуз, баттол
Босқинчилар йўли берк.
Ўлслам бўлар бемалол
Элим билан қолди эрк.

1987 йил. Куз. Андикон.

Бу не тушким, бу не таъбир,
Қувонч эмас, бўлиб озор
Оёқламай Октябрь
Түшиб келдинг адашган қор.
Гул-гиёҳ, дов-дарахтларни
Босиб тушдинг, синиб кетди.
Шошган кўзлар караҳтланиб
Бир лаҳзага тиниб кетди.
Қарар эркак аёллар тенг
Белларида этак билан.
Айқаш-уйқаш хаёлларин
Пахтазорга етакладинг.
Кўсаклари шифил ғўза
Озор босиб инграб ётар.
«Болам» деган бир овозга
Жонин тикиб тинглаб ётар.
«Болам, бу мен...»
Этакларин
Ечмадилар ҳеч бирлари.
Аёз тутган ҳасратларни
Ичмадилар ҳеч бирлари.
Сўнг ўзинг ҳам қолдинг ҳайрон
Из солдилар улуғвор.
Бу жойлар... ўзбекистон,
Сезмадингми, ахир, қор?!
Сен адашдинг. Бу — Октябрь,
Бунда қиш эмас, куз бек
Озор еган жон — пахтадир,
Болам деганлар ўзбек.

* * *

Ёмғирлар ёғади, ғубор ўлади,
Дараҳтлар маъсумдир, майсалар тоза.
Фақат менинг кўзим дардга тўладир,
Нигоҳимни ютиб йиглар дераза.
Атиргул саволга тутар ёмғирни.
Атроф тозаради менга ўчма ўч.
Нега ахир, нега

Бир тошбағирни,
Унутдим дейишга тополмайман куч?!

* * *

Гулларга ишонса бўлади,
Шундок юрагимни турибди сезиб,
Хонамга муаттар бўйлар тўлади,
Қатидан сувратинг чиқади сизиб.

Шамоллар ҳам ҳамдард, бу аниқ,
Юзлаб таскин бор бир нафасининг.
Шивирлаб келади дарчамни таниб,
Тўкилган шивирлар исмингдир сенинг,

Гуллар унутмади сира уйимни,
Шамол-ку шивирга тўлдирди тоза.
Фақат йўл... тушунмас нега ўйимни?
Нега тушунмайди бу гунг дарвоза?!



Ойгул Суюндикова



Самарқанд облатининг Пойариқ районида туғилган. Горький номидаги Москва Адабиёт институтин тамомлаган. 40-ўрта мактабда рус тилидан дарс беради. Шеърлари матбуотда эълон қилинган.

Кузнинг сўнгги куни

Туркум

Кузнинг сўнгги куни сўнгги хабардай
Дараҳтдан барг бўлиб тўкилди. Тунги
Шамолнинг қаноти толди сафардан, —
Деворга, юлдузга нелардир сингди.
Бемор кўзларида оқшом ва шаҳар.
Қимирламас баланд уйлар, чироқлар.
Унга бу манзара оддийга ўхшар,
Осмон ҳам муаллақ, хотиржам боқар.
Ҳар куни бир хилда кечар ҳаёти,
Кетиб қололмайди аллақайларга.
Дўйствари — севимли иш, машғулоти —
Кутмоқ ва тикилмоқ тўлган ойларга.
Қаричлаб-қаричлаб кўради такрор
Серажин ўтишин жиддий, жимгина.
Яланғоч хона ҳам кўринмас беор,
Неки ўтди оғриқ, тутар бегина.
Бугун — ҳаётининг энг сўнгги куни,
Эҳтимол эртанги кунга бир зина.
Нима бўлса ҳамки, ўйлари унинг
Туғилмоғи керак — улкан тантана.

2

Зерика бошлади яланғоч боғлар,
Куздан ҳам муҳимроқ ташвишлари-ла.

Банд одамлар унга боқмасдан оқар,
Куз кетди, күл силтаб, чала ишларга...

Ёмғир ва шамоллар. Видо ва умид
Мен билан сўйлашди қадрдон тилда.
Куз қуёши кулди майин ва хушнуд,
Тонггача ёмғирда ювилган йўлда...

3

Омадсиз ва оғир кун кечди —
На хат келди, на ёғди ёмғир.
Кузги само сукутни қучди,
Боғлар боқди паришон, дилгир.
На күл ургим келди бир ишга,
Қушлар күйин ҳазин туюлди.
Фақат шаҳар доим ташвишда,
Шовқин пўлат бўлиб қуйилди.
Қабристонга йўл олдим ёлғиз...
Яқинлашиб борганим сари,
Унсиз инди қуёш ботар кез
Дараҳтларга шамол уҳлари.
На кўркитар, на севинтиар
Мармар тошлар, ёвуз ҳайкаллар.
Бунда барча боқар баравар,
Барча бирдан берар саволлар...
Катта-кичик, таниш-нотаниш
Қабрларга нигоҳим чизиб,
Оғир кун ҳам топди осойиш
Қабристонни мен билан кезиб...

4

Ёлғиз яшаб ўтди бу дарахт,
Ариқ бўйи, ўрмон четида.
Ҳеч ким унга тиласади баҳт,
Воз кечишиди кесмоқ аҳдидан.
Ёрилтошдай ёрилди дарахт:
Ёмғир-кувонч, билмайсан яшин.
Умрим ҳали битилмаган байт,
Ҳаёт эса ҳамиша ширин!
Кеч танишди булувлар увлаб
Кучишган дам дарахтни масрур.
Қора гулхан каби шовуллаб,
Йиқилди у ғамгин ва мағрур.

5

Куз баргини тилди мусибат,
Барглар — ҳазон ёшлик сурати.
Сийраклашар юлдузлар, фақат
Туман эди тонгнинг дастхати.
Тилсиз ғамдай эриб аччиқ ҳид
Пайдо бўлди париваш сиймо.
Уфқ ёнди, севинчдан ёхуд
Изтиробдан туғилган дунё.
Бошин маъюс кўтарган шамол
Қучди ярим яланғоч боғни.
Япроқларни сарғайтди хаёл —
Қайтмас ёди баҳорги чоғнинг...

* * *
Баҳт ҳақида сўзлаб бўлмайди.
Негаки, Баҳт... балким хаёлдир?..
Хаёлни бир умр излаб бўлмайди.

Баҳт ҳақида сўзлаб бўлмайди.
Негаки, Баҳт... балким саволдир?
Жавобни бир умр излаб бўлмайди.

Баҳт ҳақида сўзлаб бўлмайди.
Негаки, Баҳт
Хаёллари, саволлари чексиз Аёлдир.
Унга қиёс излаб бўлмайди.

* * *
Бошини салгина силкиган дарахт
Ўйларин, ташвишин тинглайман унсиз.
Мунис юрагимда шеърдай барҳаёт
Бу олам турланар, турланар тенгсиз...
Осмон шу қадар тор — унга сиғмас мунг,
Кимдандир яхши сўз кутгинг келади.
Осмон кўзга сиғмас, шу қадарлик кенг
Кимгадир яхши сўз айтгинг келади...

* * *
Тун бўйи безовта шамол
Кўзларимга иссиқ кўринди.
У — йўқотиб кутганим хаёл,
Кипригимда намлар суринди.

Кўзларингда уйқу йўқ, она,
Тушларингда мени кўрдингми?
Софинчларинг ичра тебрана
Шамоллардан мени сўрдингми?

Кўп бўларди, она, илгари,
Ховлимизда номозшомгуллар.
Сочимга оқ тушгани сари
Мени тез-тез ўйлатар улар...

Осмон синчков тикилар кўзга,
Ернинг эса ўйлари чуқур.
Юрагимни тўлдирган ҳисга
Номозшомгул, рангларингдан бер!



Ёқутхон Акрамова



Тошкентдаги 106-ўрта мактабни, сўнг ТошДунинг журналистика факультетини тугатган. «Менинг чинни кантарим» (1986 й.) қиссалар ва ҳикоялар тўпламишнинг муаллифи. Узбекистон радиосида бўлим бошлиғи вазифасида ишлайди.

Кўнғироқни босгач, аёл ҳаяжонланиб кутиб турди. Эшик фийқиллаб очилиб фаслига қирор қўнган эркак чиқди.

— Ассалому алайкум, — деди аёл титроқ товушда.

Мўйсафид аёлга ҳайрон қараб қолди. Бир оз сукутдан сўнг паришон алик олди. Гўё у аёлни танимадётгандай эди.

— Келинг, қизим, — деди.

— Келдим... — деди аёл оҳисати, — Мени танимадингиз-а?

Мўйсафид аёлга тикилди. У тунчироқнинг хира ёғдусида аёлдан нигоҳини узмай узоқ термулиб қолди, сўнг барибир эслеълмаганига икror бўлдими, уялиб, гапни бошқа томонга бурди.


— Уйга кирайлик, синглим.

— Уйга?.. — аёл яна дудуқланди. — Уйга... йўқ, мен сиз билан...

— Азизим, узр.

— Ҳурматли... қадрли устоз... — деди аёл ўнгайсизланиб томоқ қираркан.

— Ҳа, — йўқотган нарсасини топган одамдек севинди мўйсафид. У энди ўзини эркинроқ ҳис қиласади. — Сиз шогирдларимдан-



Ҳикоя

Жўжахошли эгаси

сиз. Азизим, айтдим-а, жуда иссиқ кўриндингиз...

Лекин аёл рад жавоб айтди:
— Йўқ...

Мўйсафид яна жим қолди. Аёлнинг юзида шодон болалиги мухри — кулгичлари. Лаблари худди нусха кўчириш учун яратилгандек. Тим қора сочи орқасига турмакланган.

— Устоз... — деди у. — Минг марта ўйлаб, минг мулоҳаза билан келдим. Лекин... — аёл бармоқларини ҳадеб бир-бирига ишқар, ҳаяжонланарди. — Лекин, айбга буюрмайсиз, бошқа чидомлайман, ҳаммасини айтишим керак, сиз билингиз керак...

Мўйсафид ғичирлаётган эшикка суюнниб олди.

— Биламан, биламан... Ичкарига киринг.

— Йўқ, — деди аёл ўжарлик билан, — агар сизга малол келмаса, мабодо вақтингиз...

— Марҳамат, марҳамат, — гапни бўлди эркак. — Бемалол айтиверинг.

— Устоз, кийиниб чиқсангиз. Хиёбонда...

— Бажонидил, — деди мўйсафид. Сўнг ичкарига киратуриб қўшиб кўйди:

— Лекин, барибир сизни таниб турибман...

Очиқ қолган эшикдан чироқ нури ёритган ичкари шундоққина кўринади. Мўйсафид даҳлизнинг ўнг томонидаги хонага кириб кетди. Аёл ичкарига разм солди. Тўғридаги хона ҳамон пала-партиш. Ушаша. Фақат китоб жавони кўпайтандай. Чизгилар ерда сочилиб ётибди. Ўртадаги хонтахтаю китоб жавонидан бўлак ҳеч нарса қўйилмагани учунми, хона янада фақирона кўринарди.

Етоқ эшигига мўйсафид кўринди. У даҳлиз бурчагидаги кўзгуга тикилганча зўр бериб галстугини боғлашга тиришар, лекин титроқ кўллар бўйсунмасди. Шу қўллар қилсалам тутиши ғайритабии эди.

Аёл мўйсафидга останада тикилар экан, ҳаяжони анча босилганини түйди. «Дарвеш рассом» номи билан машҳур бу соҳиби қаламга нечундир ачинаётганини ҳам сезди-ю, сиртига чиқармади.

Ниҳоят мусаввир ва аёл уйнинг

қаршисидаги хиёбон томон аста кета бошлаши.

Сокин куз. Кузнинг заррин либосию ёнгинасидаги истараси иссиқ жувон мўйсафид кўнглига аллақандай сархушлик бағишларди. «Ким эди бу аёл?»

Биринчи бўлиб мусаввир гап бошлади: — Фикр ўқишини яхши кўраман. Баъзан шу иш кўлимдан келса, худди янги асар ёзгандек хурсанд бўламан.

— Хурсанд бўлинг, устоз.

— Сиз ҳозир мен ҳақимда, анча кексайиб қолганим ҳақида ўйладингиз-а? Айтаверинг, — рассом фақат нуроний қарияларгагина муносаб табассум ила аёлга тикилди.

— Йўғ-э, — деди аёл, гарчи ичida қойил қолган бўлса-да. — Ҳечда. Аксинча, йиллар ўтибди-ю, ўзгармабсиз. Шу ҳақда...

— Э, йўқ, — деди мўйсафид. — Ундай ҳолда сиз билан гаплаша олмаймиз. Ахир, сиз кўзимга қараб туриб ёлғон айтаяпсиз-ку...

Аёл ерга қаради. Оёғи остида дув-дув тўкилган ҳазон шивирига қулоқ тутди. Ҳазон баҳордаги ўз ранги ҳақида эзилиб шивирлади.

— Мени кечиринг, устоз. Сизни ҳафа қилмай деб...

Мусаввир кула бошлади. Фикр ўқий билганига ўзида йўқ хурсанд эди.

— Янги асар чизгандек бўлдингизми? — сўради аёл ҳам негадир кулиб.

— Албатта-да.

— Устоз, келинг анавинга ўтирамиз, — деди аёл нарироқдаги скамейкага ишора қилиб. — Чарчаб қолмадингизми?

— Чарчамадим. Лекин, майли ўтирамиз.

Мажнунтол тагидаги скамейкага ўтирилар. Боғда булардан бўлак ҳеч ким кўринмасди. Шу чоғ кутилгандай, бирдан кўча чироқлари ярқираб ёнди.

Мўйсафид аёлга яна ўша мъясум табассум-ла боқаркан, айборона сўради:

— Биз қариялар болалардек бебабр бўламиз. Сизнинг хуш суратингиз, мана шу нигоҳингиз мени ҳайратга солган бўлса ажаб эмас. Мен сизни чизганимидим?

Аёл жим қолди. Сўнг маъюс:

— Устоз, сервиқор тоғлар олисда бўлсалар-да, қўл узатсанг етгудай кўринишининг боиси нимада? — деди, гўё уни эшитмагандай.

— Чунки...

— Устоз, — деди аёл унинг гапини бўлиб. — Сиз тоғларни манзара қилиб кўп чизганингиз сабабми ё билмадим, ишқилиб, мен учун

умидим тоғи эдингиз.

— Узр, қизим... — қария ҳеч нарсага тушунмай қолди.

— Ҳозир тушунасиз, қадрли устоз. Фақат бир илтимос, гапимни бўлмай эшитинг. — Аёл ҳам анча жим қолди. Рассом унинг маъюс кўзларини юлдузга ўхшатди.

— Агар ёдингизда бўлса, — деди аёл унга қараб, — сиз яшётган ўй боғкўчадаги сўлим ҳовлилар ўрнига қурилган. Ана шу ҳовлилардан бирида мен — «баҳтли қизалоқ» яшардим...

Рассом узоқдан, худди эртакдек бошлангаётган иқориятни эштар экан, ниҳоят чиндан ҳам баҳтли аёл учратганига ишона бошлади.

— Билсангиз эди: катта ишкомлар, шинам сўрилар, ҳовли этагидаги товуқхона, ундан аримайдиган бижир-бижир жўжалар. Сап-сариқ жўжаларни ҳозир кўрсам ҳам юрагим орзиқади. Билмадим-у, улар нечундир болалигим кўчалари рамзига айланиб қолган. Ҳозир менга буларни эслаш нақадар... — Аёлнинг қўзида ёш жилоланди. Унинг ёник эҳтиросидан далолат берувчи дардли кўзлари рассомни бутунлай ром этди.

— Кейин, ҳовлимиз ўрнига беш қаватли бино тушиши кераклигини эшитганимизда, уйимизда йиғлагман одам қолмади. Эсимда, ҳатто раҳматли адажоним ҳам ёш боладек йиғлагандилар. Бульдозерлар болалигим кўчаларини кўз ўнгимда янчилар. Ҳозиргидек аниқ эсимда: қизиқ, нимагадир чангি осмонга кўтарилигандар вайроналар ичida жўжа ахтаргандим. Бизга шаҳарнинг четидан, саккизинчи қаватдан ўй беришди... Ҳовлимиз «ободонгарчилик» деб аталашиб вайрондевнинг ўпқонига ем бўлган кундан бошлаб, адам қаридилар... Кейин узоқ яшамадилар. Мен ҳам шу кундан болалигим билан... Сўнг ҳовлимиз ўрнига қурилган ўйда кимлар яшётганини кўриш учун ҳар куни, кун ора шу жойга келдим. Шу ерга келганларнинг ҳаммаси жонажон ҳовлимиз ўрнини тепиб кириб, тепиб чиқиб юргандек туюларди. Уйнинг шундоққина қаршисида чала бузилган пахса девор мен учун овунчоқ, унга чиқиб атрофни кузатардим. Кечга томон у ердан қайтаётib хўнг-хўнг йиғлайманки, жўжаларимни қаерда боқаман деб. Ҳа, эсимни таний бошлаганимдаги энг оғир кунлар эди. Бир куни яна дарсдан қочиб, қадрдан пахса деворимни излаб келсан, у йўқ. Ўшанда қаҳратон қиши эди. Мен юм-юм йиғлайман, атрофда қарғалар қағиллаб учиша-

ди. Шу-шу қарғаларни ёмон кўраман. Шунда, туйкус, худди эртакдаги сеҳргарлар каби қаршимда сиз пайдо бўлдингиз. Аста кўз ёшимни артдингиз, ўзингиз ҳам шу ўйда туришингизни айтдингиз.

Кейин нималар деганингизни, қанча уринмай, эслолмайман. Ё гапларингиз қулоғимга етмадими? Аммо кўзларингизда худди ада-жонимнинг кўзларидагидек нур ва ишончни сездим. Ҳўнграб-ҳўнграб йиғлар эканман, бунинг боисини ўзим ҳам билмасдим. Шу кундан бошлаб, пахса девор ўрнини сизга топширдим.

Аёл сўзлаётган пахса деворлар ўрнида қад кўтарганди хиёбон даражатлари япроқлари шивирлаб гўё унга жўр бўлар ва ерни ҳазонга тўлдиради.

— Мен, — деди давом этди аёл, — сўлим ҳовлимиз ўрнини, файзли болалигимни сизга топширган эканман.

У кўзларини узок-узоқларга тикканди. Мусаввирларга қараб қолишидан ўзини тиярди. Аммо шериги ҳам ўзича ҳайрон, эҳтимол, умрининг етмиш бешичини кузида баҳорни туйишдан чўчириди...

Аёл кайфиятини сухбатдошига юқтириб бўлганди.

— Кейинги умрим жуда тез ўтгандек туюлади. Ўша адамни бериб кўйган кунимиз тобутларини лоппиллатиб олиб кетишар экан, бирдан қулоғимда сўзлари жаранглайди: «Фариштали одамни кўрсанг, ҳовлимиздан хавотир олма...» Ё раббим, бу билан ўзларини алладиларми, меними?... — Кейин... — Аёл қўлларини бир-бирига ишқар, асабий титроқ овозда, ичидаги бир тийиқсиз вулқонни базўр тутиб сўзларди. — Сиртдан қараганда, ажаб бир сурур бутун ҳаётим мобайнида менинг ҳамроҳимга айланди. Оғир дамларимда сиз билан ҳаёлан гаплашдим. Қизиги шундаки, сизни илк кўрган вақтимдан эски ҳовлимиз ўрнига бормай қўйдим. Гўё уни сизга топширдим, сизга ишондим. Тушларимда эса сиз билан бирга турналар чизардик. Сўнг ҳаёлан шогирдингизга айландим. Йиллар сиз билан мен чизганимиз — турналар қанотида оқиб ўтавердилар.

Дорилғунунда таҳсил олаётганимда шахсий кўргазмангизни, ўзингизнинг суратингизни кўрдим. Шу-шу сиз мен учун олис юлдуз шуъласидек бўлиб қолдингиз. Гап нима ҳақда кетаётганини англадингиз, устоз. Сизнинг ҳаётингиз, фаолиятингиз хусусида биз талабалар ўртасида ривоятлар юарди. Бир

умрлик вафодор севгингиз, эришмаган муҳаббатингиз садоқат рамзига айланди. Ҳар бир суратингизда, назаримда, беихтиёр ўша баҳтили аёлни чизардингиз. Севгилингиз нобуд бўлгани ва сиз унга атаб кўплаб асарлар яратганингиз биз талабаларни илҳомлантираарди-ю, мени сиздан ва, демакки, болалигим кўчасидан айиради.

Аёл ўрнидан турди... Тол шохини ушлаган эди, япроқлар дув тўкиди.

— Тўй куним чидолмай яна пахса девор ўрнига келдим. Орадан ўн йил ўтганига қарамай, сира ўзгармаган рассомлар уйи ҳам, барпо этилган мана шу хиёбон ҳам мен учун йўқдек эди. Ўша тонг деразангизга термулгандаримни яхши ҳамки, ҳеч ким билмайди...

Курдошларимдан уйингиз, хонанизи, ундаги ҳар бир жиҳоз ҳақида билиб олгандим. Чиқавермаганингиздан кейин саҳарлаб эшигингиз қўнғироғини босдим. Сиз ишлаётган экансиз.

— Муҳлисингизман, — дедим.

— Миннатдорман, — дедингиз.

Уйга кирдик. Ерда яраланган турна чизгиси ётарди. Мен уни кўтариб, қўлларим билан силардим. Сиздан шу эскизни сўрадим. Бу фақат чизги бўлгани сабабми ёки мени ростдан хурсанд қилгингиз келдими, ҳада қилдингиз. Орадан яна ўн олти йил ўтди. Оиласам, фарзандим, ишим — ҳаммаси яхши. Лекин устоз, мен қирқقا киряпман. — Аёл юзини қўллари билан яшириб ҳўнграб йиғларди. — Мени кечиринг.Faқат ростиши айтишим кепрак. Турмуш ўртоғим менга яхши гапирсалар, сизни эшитаётгандек бўлардим. Қаноти лат еган турнангизга термулиб тонгларни қаршилардим. Сиз ҳақингизда ўйлаган кунимда баҳтили эдим. Эшитдимки, сиз чизган сўймо шунчалар улуғ эканки, асарни ёълон қиласлини афзал кўришибди. Сиз чекинибисиз... Ҳамма даҳшат шундаки, чобутқаламлар учун ҳам сиз қуёшсиз. Нурингиздан баҳраманд соялар қанчадан-қанча...

Ниҳоят аёл мусаввирга тик боқди. Аммо тахайюл тўла нигоҳга дош беролмай нари кетди.

Мусаввир хаёлида ношоён манзара туғилаётганди: кул ранг само, жигарранг маъво, ёввойи чакалакзор...

Қамишларнинг хазин шивири... Тўсиқларни кўрмаганидан талтайлан шамол дарахтларни буталарга айлантирган. Буталардан бирига қўнган турна кўкка қараб видо қўшиғини айтмоқда...

Рассом ҳамон индамайди. Худди гапни бўлмаслик учун келишиб олингандек. Ниҳоят, аёл боғни бир айланниб чиқиб, яна мусаввир ёнига келиб ўтириди. Энди унинг овозида ҳаяжондан асар йўқ эди.

— Шундай қилиб, қадрли устоз, Шаҳризоданинг эртаги тугаб, кундузги ҳақиқат бошланди. Энди нега бугун ҳузурингизга келдим? Нега шунча олиб юрган, ўзим биланги на қолишига ишончим комил бўлган ҳисларимни сизга ўтган замонда айтаямсан? Мени ким деб ўйлаётганингиздан қайғурмайман. Лекин эшитинг, устоз, боламнинг жигарни касал. «Нима бўпти, ҳозир жигарни жигари хаста», дерсиз.

Рассом оғиз жуфтлаб норозилик билдиримоқчи бўлди.

— Худо шоҳид, мен...

— Илтимос, устоз, — деди аёл яна гапни бўлиб, — беадаблигим учун кечиринг. Агар бундан йигирма беш кун аввал сизга шунаقا гапиришим мумкинлигини билганимда, юрагим ёрилиб ўлардим. Ҳозир эса, мана кўриб турибсиз, отдекман.

— Ахир...

— Илтимос, устоз. Гапимни бўлманг. Шундай қилиб, қизимнинг жигарни оғрийди. Мен бунга кўниколмаямсан. Гарчи қизимнинг сариқ кўзлари билан дунёни сариқ кўра бошлаган бўлсан ҳам. Ҳа, сариқ кўраман. Гап шундаки, устоз, — аёл энди унинг кўзларига тик боқарди, — қизимни даволаш учун Марказий курортга ўйл олдик. Биз оиласим билан бордик. Тасаввур қилинг: хушманзара жойлар. Табиатнинг ўзи аёлларни эркалайди. Ўша иқлим шароитида туғилиб вояга етгандардан бирортаси бизнинг «дала малика»ларимиздек эмас. Бу табиий. Мени турмуш ўртоғимнинг обрўйи учун бўлса кепрак, «товоққа солишарди». — Аёл кўзларини юмб уни «товоққа солаётган» лаганбардорларни кўз олдига келтириди. — Ошхонамизда бир стол нарида ранги заъфарон, кўёш тафтидан, даланинг заҳматидан қорайган, озиб-тўзган аёл атлас кўйлаги кўкрагига бир қатор нишонларни тақиб келиб ўтириди. Бизга мулозамат қилаётган ошхона ходималари уни турткилашганини, сенсираб гаплашаётганини кўриб қолиб, ходималар билан уришиб кетдим. Гап талашиб турсак, бояти пахтакор аёл келиб ўша ходиманинг олдида менга: «Қўйинг, ўзингизни сиқманг. Мен бундай муомалага ўрганиб қолганман», деди. Мен йиглаб юбордим. Яхши ҳамки, ходима тилимизни тушунма-

ди. Бўлмаса арпа бўйи қўшилишиб кетармиди. «Нимага ўргангансиз, опажон? Шу ҳолга қўникунча афтига тарсаки тортмайсизми, опажон», десам, у киши мийиғида кулган бўлдию аста:

— Бу ерга шифо излаб келдимку. Тинчгина даво олай. Болаларим демабман, соғлиғим демабман. Ҳар тугулки, мана, қанча мукофот... — дея кўкрагидаги нишонларга ишора қилди.

«Вой, шўрликкина, опажон. Қачон тушунамиз ахир, соғлиғингиз эвзига олинган мукофот нима ўзи», дегим келди-ю, айтольмадим. Чунки опанинг эътиқоди соф эди. Ачиниб туравердим.

— Тарсакига келсак, — деди пахтакор опа, — не-не одамларимиз, қандай буюк намояндаларимиз тарсаки тортмай яшашяпти-ку. Менга йўл бўлсин... Бор-йўғи ўттиз бешга кирдим... — Ана сизга, «копа»... — Пахтакор тенгдошим ерга қаради. Қуруқшаб, ажин босган юзларини ишқар экан, яна нимадир демоқчи бўлди. Лекин айттолмади. Аста юриб ошхонадан чиқиб кетди. У қайтиб столига ўтирамади. Маданиятсиз ходима билан юзма-юз келишга иймандими, ё мендан истиҳола қилдими, ҳар қалай бошқа ошхонага ўтибди. Мен бари бир тинч ўтирай, тегишли ташкилотта ёздим. Мабодо пахтакор тенгдошим билан кўча-кўйда тасодифан учрашиб қолгуден бўлсак, ҳаракатларим бекор эканлигини айтса-да, шундай қилдим. Бироров бироров таҳқирлар экан-у, изисиз ўтарканми!

Ниҳоят, оғзи шалоқ ходима қайтиб шу соҳага ишга олинмаслик шарти билан ишдан бўшади. Лекин, таассуфки, пахтакор тенгдошим буни билмади. У бир кун аввал уйига жўнаб кетганди...

Кечакоқшом курорт шаҳридан биз ҳам учуб келдик. Бугун кечаси ўша пахтакор аёл билан сұхбатлашдим, сұхбат чоғи сизни ўйладим. Йўқ, устоз, сизга болалигим кўчаларини ишониб, адашибман. Сиз бир умр манзара чиздингиз. Сиз бир умр улуғ сўймолар чиздингиз. Лекин, болалигим кўчасини ё бўлмаса уни — баҳти қаро қўникунглар юзига тарсаки бўлалигига асарлар битдингизми?

Мени кечиринг!

Муҳаббат дейсиз, устоз. Ўзингиз эса меҳр кўрмайсиз.

Дард, дейсиз, устоз. Дардингизни фақат дардлиларгина тушунади. Шундоғам қийналганларни куйдиришдан не наф? Садоқат,

дэйсиз, устоз. Садоқатли аёл менми? Бир умр болаларимнинг отаси билан яшаб, бир умр сизни ўла-дим. Хисларимга эрк бермадим. Неча кечалар сиз билан хаёлан тиллашдим-у, ўзингизга айтмадим. Ишонч дэйсиз. Болалигим кўчаларини сизга ишонганимни билди-нгизми? Уни асрай олдингизми?

Айтадиганимни айтдим. Хайр, устоз. Менга севишини ўргатганингиз учун миннатдорман. Лекин — Аёл ўрнидан даст кўтарилиб, шахдам одимлар билан рассомдан йироқлаша бошлади. Рассом ҳайрон эди. У аёлни ушлаб қолмоқчи, нималарни дир айтмоқчи бўлди, аммо бу ўзини оқлашдан бўлак иш эмаслигини туйиб, ер чизганча қолаверди. Наҳотки, хайр дёйлмаса... Аёлга қаради. Энди оғиз жуфт-

лаган эди, кетаётган аёл унга бурилди ва узоқдан қичқирди:

— Дарвоқе, сервиқор тоғлар...
Уларнинг яқин кўринишига ишонч сабабми, устоз? Энди ишонмайман. Улар мендан анча йироқ.

Мусаввир ерга қаради. Аёл «йироқ» сўзини шундай бир маҳзунлик билан айтдики, рассом кўзида ёш жилоланди. «Чидаш керак. Ҳозир ҳақиқатни камдан-кам юзингга айтишади», ўйлади у. Сўнг ўрнидан туриб, мунгли хазон кўйида яна ношоён манзараларни кўз олдига келтириди: «...Тўсиқларни кўрмаганидан талтайган шамол да-рахтларни қўйшиқ буталарга айлантирган. Буталардан бирида яра-ланган турна. У кўкка боқсанча қўшиқ айтади. Бу видо қўшифими ё чорловми?..»

Мўйсафид уйига етиб келганда-

гина орқасида қолган йўлга, хиёбонга ва қаршисидаги пахса деворли катта ишкомли, сўлим ҳовлилар ўрнига тушган беш қаватли уйга назар ташлади. Кунда кўрган уйи ҳам бошқача кўринди кўзига.

«Қизи тушмагур-эй, — ўйлади у яна бошини чайқаркан. — Тоғлар ҳам қачонлардир ловуллаган вул-кон бўлғанларини қайдан билсин?.. Аммо...»

Мўйсафид иккинчи қаватга кўтарилди. Уйи олдида тўхтаб, эшик кўнғироғини босди. Уйда ҳеч ким йўқлигини билса-да, калит ўзининг чўнгагидалигини сезса-да, нечундир кўнғироқни босиб тураверди...

— Аммо... — ўйларди у ҳамон, — жўжаларини қаерда боқяпти экан-?..

Рустам Эргашев



Рустам ЭРГАШЕВ. 1959 иили Наманган областининг Норин районида туғилган. ТошДУнинг ўзбек филологияси факультетини тамомлаган. Ўрта мактабда ўқитувчи бўлиб ишлайди. Шеърлари матбуотда эълон қилинган.

Хазина

Баъзида хазинам қопқоғин очиб
Ҳисоблаб кўраман бори-йўғимни:
Унда кўринади даставвал
Ўқилмаган китоблар,
Чала шеърларим.
Ташвишга айланниб мудраб ётади
Ҳасратга чулғанган муҳаббатим ҳам.
Узоқдан кўриниб қолади гоҳо,
Хавотирларимга айланган онам...
Фақат орзуларим ўша-ўшадир,—

Шоҳона қасрда яшайди ҳамон.
Мен баъзан шундай қараб қўяман,
Битмас-туғанмас ҳазинам томон.

Лўлилар

Лўлиларнинг Ватани йўқ,
Бошпанаси йўқ.
Ватан тушунчасин улар
Англаб етган биринчи бўлиб,
Бутун дунё уларнинг Ватани,
Девор билан ўраб олмаган:
«Бу менинг уйим», деб,
Осмон уларнинг бошпанаси.
Дунё тилларини
Билади улар.
Дунё тушунмайди
Уларнинг тилин.

* * *

Отам — энг катта чўғ,
Кўксимга жазиллаб босилган.
Ҳали бир-бир учиб тушадир,
Инглайтган укаларим ҳам.
Хавотирларимнинг кўнгли тўқ,
Азалдаги ёзиқ ёзилган.
Етим йиғи инглаб юрадир, —
Оламдаги энг совуқ оҳанг...

* * *

Яхшиям мен борман
Сен учун.
Сен ҳам одамларга ўхшаб
Кимнидир масхара
Килишинг учун.



Мамадали Маҳмудов

КОРА ДУЛАНА

Қисса

У қирқта юзталикни санаб, чўнтаклариға тиқди-да, қолганини қайтариб берди. Сўнг:

— Оқ тута кўрдингми, йўқ, дўст! — деди кескин бир оҳангда кўзларини чақчайтириб, — бўлмаса сизни ҳеч ким қутқазолмайди! Ҳозир шерикларимга: «Минг сўмим бор, холос», деб айтасиз. Ҳа, пак эсимдан чиқай депти, бор документларингизни менга беринг, тағин мелиса олиб қўймасин.

Директор соддалик билан ҳужжатларини унга узатди. Нурбекнинг кўзлари ўйнади. У гарданини қашиб, мийигида кулди ва дабдурустдан:

— Менгатагин беш минг жўнатасиз, дўст! — деди, — тўйга, ишлатаман, биласиз-ку, дўст, ўзбекнинг тўйига унча-мунча кетмайди. Овозаси бутун дунёга тарафлуглик тўй қиламиш!

«Отангга лаънат, афирис! — деб ўйлади ич-ичидан тутакиб директор, — аммо... кўнмасдан иложим йўқда, қил устида туриппан. Лекин тўйда қатнашсан яхши бўлади, бари чиқиб кетади... Ҳалиги нейиди, бир пуфлаб учирив юборадигани билан танишардим. Шундан сўнг ҳеч ким пишагимни «пишт» демайди. Балки кейин бир' бўб кетармидим!»

— Пулни мана бу адресга олиб келинг, дўст! — Нурбек директор ўйланиб қолганидан хавотирга тушиб, юз кўзию овозига кескин тус берди ва бир энлик қоғозга турар жойини ёзиб узатди, узатди-ю, «Оёғимдан илиниб ўтирамай тағин», — деб ўйлаб қайтиб олди ва директорнинг ўзига ёздиртирид... Сўнг: — Беш кундан кечикманг, — деди. — Ҳа, айтгандай, тилингизни тийиб юрмасангиз, ўлдим деяверинг! Ҳозир тушунтириш хати ёзинг, актга ҳам қўл қўйинг. Пул қўлимимга теккан заҳоти ҳар иккенингм кўз олдингизда йиритиб ташлайман, ҳужжатларингизни эса ўшандга қайтариб бераман, дўст.

— Хўп, ака! — деди директор қўлтиғидан тарвузи тушса ҳам, қутулганига шукр қилиб, — пақат сўнг ишқали чиқмаса гўргайди, ака.

— Йигитнинг гапи битта бўлади, дўст! — Нурбек эшикни очиб, шерикларини чақиради.

Ўртада унча-мунча гап-сўз бўлиб ўтди. Кейин, ниҳоят,

минг сўм олиб қолиниб, директорга жавоб берилди. Кетиш олдидан у:

— Тўйга менам кесам бўлами, иним? — деб сўради, — қамишдан бел бойлаб хизмат қилардим-да.

— Майли, келинг, — Нурбек бироз ўйланиб тургач, кеча бўладиган жой билан вақтни айтди.

— Фақат тўлиб келинг-да, дириктир бува, — деди Ҳамида икки қўйини белига тираганича иршанглаб.

— Буёгини бизга қўйиб беринглар, — у сезидирмай Ҳамидага ижирғаниб қаради ва ичида: «Юртдан қоғон мегажин! — деб сўқди, — шуйтиб нон егинча, ўлганинг яхши!»

Тўйга айтилганидан кўра кўпроқ киши йифилди. Рестораннинг ўнг томонини оққояликлар, чап тарафини серсавлат кишилар эгалладилар. Тўрдан санъат усталари жой олиши. Кўзга кўринган хонандалар билан фарбга тақлид этиб кийинган ёшлар олаҳида-алаҳида ўтиридилар. Қолган жами ўринларни шаҳарликлар банд этдилар. Дириктор ҳам сўзининг устидан чиқди: ана, у эшик олдида, Амрулланинг ёнида қўл қовуштириб турибди.

Дастурхон кўнгил тусаган ноз-неъматларга тўла. Айниқса, серсавлат кишилар олдида... Наполеон сурати солинган фарангни конъяклару хасип, қази-қартаю калла-поча, қора, қизил булдуруқлар, қоврилган беданаю ранг-баранг узум, олма, хурмо, апельсин, ноку мандарин, карчланган қовун-тарвузлар кўзни ўйнатади.

Тўйга таниқли сўз устаси Бобо Фаррұх раис бўлди. Сўзга чиқаётгандар билан хонандалар кечани қиздиришга кўп уриндилар.

Хўл ўтин дам ёнади, дам ўчади, дам тутайди. Унинг гувиллаб ёнишига керосин етмайди. Тўйнинг қизишига ҳам нимадир монелик қилди.

«Нима у? — деб кўнглидан кечирди Нурбек кеча охира алам билан, — дастурхонда анқонинг уруғидан бошқа нарса бор-ку. Ё артистлар қиздирмадиларми? Катта: «Пул ёпиширилмасин», — деб рухсат этмади, ўзим тўйга келмади. Балки шунга қизимагандир. Ё бўлмаса, Шириннинг қарғишига қолдимми? Балки кеча шунга қизимагандир? Ким билади?»

Тўйдан сўнг яна ўн уч кун кечди. Лекин ичкуёвни бу ўй тарқ этмади: «Балки тўйнинг қизимаганига қайнотамнинг ўлим тўшагида ёттани сабаб бўлгандир?»

Нурбекнинг кўз олдида Муборакнинг отаси гавдаланди: бир пайтлар у қадам босганида ер ларзага келган, «Дунёда мендан қудратли одам йўқ», деб ўйлаган, шу киши бир қарич ерда тупроққа кўмилиб ётибди. Нурбек хаёлан унинг гўрдай чўккан жағиу ич-ичига ботган кўзларини, куриқшаган лабларину тупроқ тусига кирган юзларини кўз олдидан ўтказди. Сўнг: «Ўлим ҳеч кимга шафқат қилмас экан!» — деб «оҳ» чекди. Бироқ унинг «Нега сизлардан олдин ўлиб кетяпман, қайси гуноҳим учун!» — деган маъно ифодалаган нигоҳини эслаб, фикридан қайтди: «Ўлди-кетди. Менга нима?! На иссиғи бор унинг, на совуғи?!»

Барин бир, Нурбек уни миясидан қувиб чиқаролмади. У кўз олдидан арвоҳдек судралиб ўтаверди: ана, у тўйдан икки кун кечгач, хотини билан қизи тирагидаташкарига чиқди. Ҳазонли боғу олачалпоқ булутларни ёриб кўтарилаётган рангсиз қуёшга мислсиз армон билан ти-

* Охири. Бошланиши журналинг аввалги сонларида.

¹ Бир — биринчи секретарь демоқчи (муаллиф).

килди. Қор совуғини олиб келаётган заиф шамолга күкрагини тұтди ва күзига ёш қалқиди. Кейин, күтилмағанда чуқур қайғы ҳам умидсизлик мұхрланған юзига аянчли табассум ёйилди ва ҳирқироқ бир товушда тұшагига элтишларини сұради.

— Мубор, құзим, — деди у оқ, юшшоқ тұшакка чүзилгач, — амакингга құнғироқ қил, тез келсин.

— Хүп, папа, — Муборак шу зақоти ўз ҳужрасига кириб, амакисига сим қоқиб, унга отасининг гапини етказді.

Бир соат ичіда сутранг «Газ-31»да амакиси етиб келди. Бу баланд бүйілі, хүшбічим одамнинг чүзик юзида, ним қора күзіда: «Умр дегани күз очиб юмгунча экан! — деган сўзлар ифодаланаётгандай зди, — кечагина ёш бола эдик, а! Бугун... мана... югур-югур билан умр ўтганиниям билмай қолибмиз!»

Муборак амакисига чуқур қайғы билан мұлтираб боккан күйи оғир хұрсынди. Күzlаридан иккі томчи ёш сизиб чиқди. Оғаси уннинг ич-ичидан ачинәётганини күриб, «Жигар-да, жигар!» деб күнглидан ўтказди ва күзидан мілт-мілт ёш оққанча укасига узоқ тикилиб қолди.

Сўнг:

— Иним, — деб гап бошлади күз ёшларини артмай, — иним... — У тилдан қолаётганини ҳис этди. Аммо иродали киши бүлганидан бир зумга ўлым сиртмогини йириб, қызининг илтижосини жигарига айтишга ўзида күч тополди, — сен...дан ўтин...чим бор: Нур...бек...ни о...о...дам қил! — У шифтга ҳиссиз тикилганча қотиб қолди. Энди күзи ҳеч нарсани күрмас, мияси фикрлашдан тұхтаган, ўзи тағ-туғи йүқ бўзранг бўшлиқ аро оҳиста сузиб кетар зди...

Азага күп одам йиғилди. «Үлгач, тириклигидагидан күра иззати ошди, укаси туфайли-да», — деб шивир-кучир қилишиди баъзи кишилар.

Мархұмнинг ўғлы, ақа-укалари қатори Нурбек ҳам күк кийиб, дарвозда олдіда турди. У артистлигини ишга солиб, юз-күзига қайғули ту берди. Лекин ичіда амакисига, у орқали бошқа кattаларга танилаётганидан тери-сига сиғмас даражада хурсанд зди. Оч мушук «бир чимдим гүшт берармикан» деган илинжда үй бекасига яланыб қарагандай, Нурбек ҳам вақти-вақти билан ўзгаларга сезидирмасликка тиришиб амакисига: «Бор умидим сиздан», — дегандай мұлтираб-мұлтираб боқарди.

«Ишқилиб, кўллаб тұрса бас, ишни ўзим олиб кетаман, — дерди ич-этини еб Нурбек, — аnavilariдан, — у амакисига «күрятпизмы, биз сизга содиқмиз» дегандай қарашганча бўш тобутни келтиришаётгандай кишиларга назар ташлади, — қаерим кам? Улар бўлса катта-катта лавозимларда... Суяңчиқлари бор-да. Үшаларсиз гўрам бўлишмасди. Ҳозир эса үлк баҳона, ўзларини кўрсатишаپти. Баъзи бирорлар менга ҳам ёкишга уринишяпти. Аммо сир бермаган маъқул. «Сир бермаган маъқул» деганинг нима? «Сир бермайман» дегин. Қобилият нима ўзи? Раҳбарлик қобилияты?.. Сир бермаслик-да! Ҳеч кимга, ҳеч қачон сир бермаслик! Бирорга сир бериши — ўз уйнингнинг калитини ўғрига топширишдай гап. Раҳбарлик қобилияты яна нимада қўринади? Менимча, ўзингни жиждий тутиб, тийиб, тилингга маҳкам бўлиб юришингда! Унутма, одамнинг битта дўсти бор: ўзи! Бошқага ишонма, ҳатто ота-онангга ҳам!.. (Бирор ерда ўзлари билмай вадирақ қўйишлари мумкин.) Шунда сендан пухта одам бўлмайди. Шунда сен ҳаммага сирли туоласан. Сирли кишидан кўрқишиади. Қолаверса, буёқда амакинг ҳам бор. Белинг бақувват. «Амакисига ёмонлайди», деб қўрқишиади. Е тавба! Тезда ишларим юришиб кетадиганга ўхшаяпти-я!

О, чўққилар,
Юксак чўққилар!
Менга умид,
Армон чўққилар!

Мархұмни Чифатой қабристонига кўйишиди...

Шу куни тунда еру кўкни чулғаб қор ёғди. Совуқ қор, биринчи қор. Ширин юрак хасталиги туфайли ҳали узоқ ётадиган кўринарди. Чироқ ёқса ичи ёримасди. У Муборакларнинг қўшниси бўлмиш ҳамшира қиз — Салима орқали кўпгина гапдан воқиф бўлди. «Бугун аканғизнинг қайнатаси қазо этди», деган хабарни ҳам унга Салима етказди. Салима, Ширинни Нурбекнинг амаки синглиси, деб биларди. Буни унга Ҳамида шипшиган, шу билан гўё ўзи ҳам кattаларга дахлдор эканлигини шама қилган зди.

Шириннинг тұшаги дераза тагида. Унинг дардли нигоҳигина қорга михланған. Мияси зиндондай қора ўйлар исқанжасида зир қақшамоқда. Бу мудҳиш ўйлар илондай заҳарли тишини чўзди. Кўз олдига қора дўланазор ва Нурбек келди: «Қорачиғингиз мана шу дўланага ўхшайди, сулувгинам. Қора дўланам, сулув дўланам, ширин дўланам!»

Илгари Ширинга ёқимли туюлган бу сўзлар ҳозир эслаганида кўқсими яралаб ўтди.

«Қор ўғяпти, — оғир мунг билан дилидан ўтказди у, — энди пиша бошлаган қора дўланға қор тагида қоляпти! Табиатнинг ўзи уни етилтириб, ўзи нобуд этяпти, инсофданми?! Менам қора дўланадай нобуд бўляпман. Қора дўланана! Мен!.. Бир хил қисмат! Үн саккиз ёшимда нобуд бўляпман! Үн саккиз ўш!.. Энди ўн саккизга кирдимми? Нега бўлмаса узоқ, жуда узоқ умр кўрганга ўхшайман? Менга ўттиз ёш бир асрданам узоққа ўхшаб туюлади. Шу ёшга етаманми, йўқми? Етгунимча қарип қолсалм керак. Ўттиз ўш!.. Узоқ умр, жуда узоқ умр!.. Ўзи энди яшадим нима, яшамадим нима? На бугуним бор, на эртам! Бадном этди! Йўқ... Үзимни-ўзим бадном этдим. Ота-онамни, қариндош-уруғларимни бадном этдим. Ҳаммасига ўзим айборман. Энди бу дунёдан қаерга бош олиб кетай? Қаерга?!»

Инсон ҳеч қачон ўлимга рози бўлмайди. Бироқ бир нимадан қаттиқ, жуда қаттиқ таъсириланғанида, ор-номуси қаттиқ, жуда қаттиқ ларзага келганида, чексиз, мислсиз виждан азобида қолганида, олдинда ўзини овунтирадиган, қувонтирадиган нарсани кўрмаганида у ўз ўлимига рози бўллади. Шундай онларда ҳаёт дегани унга мислсиз азоб-уқубатларга, разиллиги адолатизликларга тўлиб-тошгандай туюлади. Йўқ, йўқ, ҳаёт дегани унга пуч, алдамчи, арзимас, рўёдай бўлиб қўринади ва уни қоронғилик, машъум қоронғилик чулғаб олади. Ўзини ўзи нобуд этгиси келади.

«Ўзимни ўлдираман! — Шириннинг аъзойи-бадани ёниб, титрай бошлади. — Қандоқ қилиб?! Деразадан ташлайман!.. Йўқ!.. Ташлайман!.. Йўқ!.. Ташлайман!»

Ширин тағин анчагина иккиланиб, ич-этини еб ўтиреди. Сўнг охири бир ечимга келди, юраги беко уриб, атроғга олазарак боқиб, қалтираб-қақшаб, раҳга тирмашди. Шунда ногоҳ, чап томонидаги каравот ғижирлаб, нимжон бир овоз эштилди:

— Ҳалиям ухламадингми, қизим?

Пичирлаб айтилган бу гап Ширинга шунчалик қаттиқ таъсири этдики, гўё дағъятан ёнида қоплон ўкиргандек бўлди. У тошга қоқилган кимсадек бир қалқиб, юрагини чанглаб қолди.

Товуш берган аёл сараб туриб уни сүяди. Сўнг авайлаб тұшагига ётқизди-да, оёқ-қўлни үқалади.

У аста-секин ўзига келди. Аёл:

— Яхши тушлар кўриб ухлагин, қизим, — деда ўз ўрнига ўтиб ётди.

Ширин: «Сездимикин, а?! — деб ўйлаб ўзини-ўзи қийноққа тутди. — Сезса нима деган одам бўлдим?! Сезмандир, овози хотиржамга ўҳшовди. Энди нима қиласай? Энди... Энди... Бу ерда... Йўқ... Нега? «Эшниминг қизи бекорга ўзини-ўзи ўлдирмаган» деб гап қилишади. Отам номусга чидолмай, энамни сўяди! Энди нима қиласай, энди дашти биёбонга бош олиб кетайми?! Ўёқда сўнгагимният ҳеч ким тополмайди».

Шириннинг юзи ёришиб, сўнди. Бирок, руҳий азобла нишдан тўхтамади. Азбланиш, фикр юритиш ҳаётдир, ҳаётнинг жон томиридир. Фикрдан умид туғилади. Умид табибидир. У одамни даволаб, унга қанот беради. Ширинни занжирдай бўғиб олган занжирли ўйлари бир нуқтага келиб узилди: «Йўқ, мен ўлдигани билан ер тўймайди! Нега ўзимни ўзим ўлдирмоқчиман? Унга ачиқ қилибми? Шунга арзийдими у? Ўзи аслида арзиса нима-ю, арзимаса нима? Аммо мен ўзимча яшасам бўлади, ҳеч кимга зиёним тегмайди. Аммо ишга жойлашоламани? Жойлашолмасам, чўлга кетаман».

Кутилмаган бу фикрдан у қамоқ муддатини ўтаган кишидек ўзини енгил сезди. Шунда негадир эсига Али билан Маъсуда келди. Али унинг қишлоқдоши, узоқроқ қариндоши эди. У касалхонада зерикиб, сил бўлиб кетганида минг ўйлаб, минг андишага бориб, охири эски танишлари — Нина Ивановна, Хосиятлар қатори Алига ҳам хат ёзган ва улар билан алоқа боғлаган эди. Маъсудани эса Али унга танишитирган эди. Ширин уларга ҳавас қиларди. У Маъсуданинг дард билан айтгувчи мана бу қўшигини қайта-қайта эшлишини истарди:

Оппоқ булат, эй оппоқ булат,
Қоялардан мен сизга боқдим.
Ёнингизда беларво бургут,
Юрагимни ўйларда ёқдим.
Худди сиздек учратдим уни,
Учратдим етмадим фақат.
Кўз ўнгимда, мана, бу куни
Оппоқ булат — олис муҳаббат.

Эрталаб уни кўргани Ҳамида келди. У Ширинни қулоқлаб кўзига ёш олди ва ҳар галги маъруzasини бошлади:

— Сани шу кўйга солган гўрсўхтанинг уйига ўт тушсин!

— Қарғиши ҳам эви билан-да, хола! — Ширин бу ёвуз хотиндан қўрқса ҳам, унинг гапини бўлишга ўзида куч топди.

— Нурбекни Москвага юборишибдими-ей, — Ҳамида унинг зардасини сезмаганга олди.

— Кўйинг, ҳаммасини биламан! Кўйинг! — Шириннинг юзи оқариб кетди.

Ҳамида довдираб қолди. Ширин унга нафрат билан тикиларкан: «Кешмири¹ — деди ичида ғижиниб, — Мизагур!² Ичи тўла фитна-я!»

Гап-гапга қовушмай турганда Али билан Маъсуда келиб қолишиди. Ҳамида пайтдан фойдаланиб:

— Яхши қол, қизим, — деда жўнаб қолди.

— Маъсуда опа, — деди Ширин маҳзун бир оҳангда тўшак четига қатор ўтиришгач, — ўтган куни тонгда радиодан «Оппоқ булат»ни эшигдин. Йиғлаб айтдингиз. Ҳеч бир қўшиқ менга муначалик таъсири этмаган.

Маъсуда миннатдорлик ҳиссиси билан қизга қаради ва сўнг бирдан маъюс тортиди.

— Энди бундай айттолмайман, — деди ўйчан оҳанг-

да. Кейин Шириннинг ғамли чеҳрасидан нигоҳ узиб, бир оз жим қолгач, давом этди, — менимча, дарди бор одамгина кўпга ёқадиган қўшиқ айтади. Юрагида ўти йўқ қиши қобилияти бўлсаям, биронинг кўнглини ёқолмайди, — Маъсуда Ширинни оҳиста қулоқлаб, қулоғига маъюс оҳангда шивирлади: — «Оппоқ булат»ни айтганимда, Али акамлар Афғонистонда эдилар.

Ширин унинг иссиқ қўлини ғалати бир меҳр билан юзига босди.

Али ўзи тўғрисида сўз бораётганини фаҳмлаб қизарди. Буни сездирмаслик учун Маъсуданинг фикрини ривожлантириди:

— Хонанда дегани юрагини ўртаган шеърни куйласа, шундайм айтмаса туролмайдиган даражага етганда куйласагина қўшиқ яхши чиқади. Тамагир артистлар Мурод Нарзига ўхшаш амалдор шоирларнинг бачкана, ҳиссиз шеърларини қўшиқ қиласидилар. Жин ургурлар! Актёр ўзига ёқмаган ролни режиссёрнинг амри билан ўйнаганидек, ўзи истамаган, аммо тамиа юзасидангина айтган артистдан нима чиқади?! Айрим хонандалар сўзнинг маъносини англамай, томоғига зўр бериб кучанадилар. Бундоқлар ғамли қўшиқ айтатеётса ҳам кўзларини лўқ қилиб иршаверадилар. Бир ҳофизни биламан, «бўса»ни «бўлса» деб тушунаркан. Тағин мукофотлар олган у! Артист деган ўз овози билан чиқса, ўз устида ишлаб борса бўлмайдими?

— Бўлади, — деди Маъсуда, — аммо бунда мухит билан имкониятниям назарда тутмоқ керак. «Истеъдод ҳар қандай қобиқни ёриб чиқади», дейишади. Менимча, бу нисбий тушунча. Очигини айтсан, қобилиятни бўғадиган баҳил одамларам бор. Нега дессангиз, истеъдоднинг соясиде қолишидан қўрқишиди. Баъзан қиз болага қийинроқ бўлади. У юрагини ўртайдиган шеърни бастакорга беради. Ёмон бастакор тушиб қолса, ишни унга тузоқ қўйишдан бошлайди. Қиз ўзига ёрдам ахтаради. Тополмаса, «бор-э!», деб қўй сиптайди. Қўшиқ меҳри устун чиққани учун курашади, охири ниятига етганда бўлади. Аммо, бари бир, бастакор ўч олади: ёмон куй басталайди. Қолаверса, хонанданинг маошиям камроқ, шунданми, айримлари тўйга юрадилар.

— Менимча, асл санъаткор бундай қилмайди, — эътирооз билдириди Али, — лекин яхши хонандага, яхши қўшиқка зормиз. Айниқса, ялла қўшиқларимиз кам, беш-олтита бўлиб бир жойга ўйғилганимизда ё сафарга чиққанимизда бу яққол сезилади. Аксар қардошларнинг, масалан, русларнинг ялла қўшиқлари кўп. Улар сайилга чиққанларида, тўй-маъракаларда ё кечалари тўп-тўп бўлиб қўшиқ айтиб, ўйнаб-кулишади. Украина, латиш, молдаванларнинг ҳам кечалари завқли ўтади. Бизда бўлса тунлар зерикарли, айниқса, қишлоқларда. Тун чўқдими, ҳаммаёқ жимиб қолади.

— Пахта иши оғир-да, Али ака. Чарчаган одамда ўйин-кулгига хоҳиш қолади дейсизми?

— Йўқ, Маъсуда, бу сабаб бўлолмайди, ҳамма халқ ҳам ўзига яраша меҳнат қиласиди, гап — одатланишада. Ҳа, майли, бу гаплар ўз йўлига, — у Ширинга юзланди, — сизга Одил Ҷўқубовнинг асарларини олиб келдим, — қора чарм халтасидан китобларни олиб, Шириннинг тўшагига қўйди, — албатта ўқинг. Жорж Дюмелъ деган француз ёзувчиси: «Китоб — ёлғизлиқда дўст, ўқиш билан одам ўзлигини англайди», деб айтган. Мен Одил Ҷўқубовни яхши кўраман, сизга ҳам ёқса ажабмас, Ширин.

— Раҳмат, Али ака, — Ширин Алига миннатдорлик ҳиссиси билдириди. «Оқил қадрига оқил, ғариб қадрига ғариб етади» дейишади, — деб кўнглидан ўтказди у, — рост экан шу гап. Хабар олиб туришибди. Ўзи Али ака чақалоқлигидан етим қолиб, қийинчилик билан ўсган,

¹ Кешмири — муноғиқ (шева).

² Мизагур — тилёғлама (шева).

шунинг учун одамларга меҳрибон». Ширин унга жовдираб тикилди. Сўнг:

— Али ака, ҳалиги... мен... — У гапини тугатолмай, ер чизиб қолди. Али унинг: «Касалхонада ётганимни отонамга сездирман», демоқчи эканини англади.

— Хотиржам бўлинг, Ширин, — деди.

Эшим зўр ҳеч кимга сездирмай, уч-тўрт марта Тошкентга келиб, Ширинни ахтариб тополмай кетган эди. Ички ишлар бўлимига айтишга юзи чидамасди. Сўраганларга «Исфарада, ачасиникида», деган гап билан чегараланарди. Ўзи ичида Ширинни оқ қилган эди. Бу гаплардан, ҳар қалай, Али хабардор, лекин ҳозир оғиз очмади. Хайрлашиши.

— Али ака, сездингизми, Ширин очилиб кетибди? — деди Маъсуда ташқарига чиқишгач, — шу қизда руҳий гўззалик бор. Бир кўришдан одамнинг меҳри ияди унга. Унинг кўнглида фараз йўқ, меҳри сутдай тоза.

— Тўғри, Маъсуда. Энди... унга ёрдам берсак савоб бўлади деб ўйлайман. У анча ишонувчан, итоатгўй, кўнгли бўш қизга ўхшайди. Бир қараганда бу фазилатларнинг бўлгани яхши, бир қараганда... ёмон. Ҳали дунёда кazzоблар кўп, Маъсуда. Улар бу шўрликни алдаб кетишлари мумкин. Бу катта шаҳарга осмондан тушгандай бўлади-да у. Лекин энди Ширин ўз йўлини топиб кетади. Унга жиндай берсак — бас. Ширинда бокириликка эш хусусиятлар борлигига шубҳам йўқ. Ахир, ундаги ўзгаришларни сиз пайқабсиз-ку. Демак, ҳамма нарсага эътибор керак.

— Фақат эътиборнинг ўзи етарлимикан?

— Йўқ албатта, Маъсуда, — деди ўйланиб туриб Али, — парвариш ҳам, меҳр ҳам, билим ҳам керак. Мана, мен сизга оддий мисол келтираман: боққа қарамасангиз куриб қолади. Агар уни эътибор билан, меҳр билан парвариш қиласангиз, обод бўлади. Жами мавжудот ҳам шундай. Шаҳарда ўқиётган қишлоқ қизлари билан йигитларига қаранг. Улар ўқишига келишганида қандоқ эди? Энди қандоқ?.. Муҳитнинг таъсири кучли. Шириндаги ўзгаришларни ҳам шундан деб биламан. Ахир, одамнинг маънавий дунёси бойиган сари унинг фикрлари ҳам, гап-сўзи ҳам, юз-кўзию хатти-ҳаракати ҳам гўззалиши боради. Мана сизга ҳаёт ҳақиқати! Одам ҳар томонлама камол топиши учун вақтида ишлаб, вақтида дам олиши керак. Шундагина унда китоб ўқишига, кино ё театрга боришга ва ё хушлаган жойида ҳордик чиқаршига имкон туғилади. Бу ерда, шубҳасиз, маош масаласи ҳам ҳал қилувчи масала ҳисобланади.

Улар Спитамен ҳайкали олдида, йўқ, Спитаменга ҳайкал ўрнатилиши кўзда тутилган — анҳор ярим буралиб оқсан жойда хайрлашдилар. Шу куни соат беш яримларда Ширинни кўргани Хосият келди. Энди унинг афтанигорига қон югуриб қолган, пардоз-андози ҳам меъерида эди. Қабулхонада анча дардлашиб ўтиришди.

— Шаҳар ободонлаштириш бўлимида ишляяпман, — деди сухбат давомида Хосият, — рўзгор ўлгур кам бўлса ҳам ўтавераркан, кўп бўлса ҳам. Тўй-отар деганини ташладим. Ёш ҳам ўтиб боряпти-да, синглим. Катта ўғлим иккинчи синфда ўқияпти, кичиги — биринчиди. Хўжайним ярашмоқчи. Аммо ярашгим йўқ. Кўнглим қолган. Фақат болаларимни ўйлайман.

— Ўзи нимага ажрашгансизлар, опа?

— Мен сизни билади деб лақиллаб ўтирибман ҳали.

— Менга ким ҳам айтарди дейсиз?

— Э, бунинг сабаби ғалати, синглим. Кенжамиз сариқ туғилган. Сочиям, юзиям сап-сариқ, кўзи кўк. Ишонасизми, йўқми, билмадим, мен ўзи тўғри хотинман. Нурбек билан Амрулла менга кўп тирмашиши... Охири, келишмай қолдик. Ҳозир кўча-кўйда кўриб қолсанам, кўр-

маганга олиб ўтиб кетаман. Э, мен ўлгур нималарни айтиб ўтирибман. Асабимнинг мазаси йўқроқ, даволанишими керак, ҳа, ҳа, кенжам сариқ туғилганидан кейин ўйимизда жанжал чиқди. Эрим: «Бирор билан юргансан!» — деб қорнинг пичноқ тиқиб олди. Онаси орага тушмаганида ўлдириб қўярди. Ҳеч кимга арз қилмадим, даволандим. Кейин ажрашиб кетдик. Аммо қайнотамнинг бобоси сариқ одам экан, уни «Солмон сариқ» дейишаркан. Яхшиям, маҳалланинг оқсоқоллари шуни айтишди, номим булғанмай қолди. Кейин эрим ярашига уринди, ярашмадим, мана энди яна орага одам қўйибди.

— Ҳа... — Ширин ўйланиб қолди, сўнг қўшиб қўйди, — сизни бунча мағрут деб ўйламагандим, опа, менимча, ярашганингиз маъкул, ярашинг.

Орага сукунат чўқди. Ширин унинг эски ярасига тағин туз сепмаслик учун мавзуни бурди:

— Улфат опамлар эсон-омон юрибдиларми?

— Эрга тегибди деб эшиздим. Ўзи: «Қари қиз бўлиб қолдим, Хоси, дунёда бундан ёмони йўқ экан-да. Тентак бўлсаям, алкаш бўлсаям, маймун бўлсаям, эринг бўлсун экан-да, Хоси», деб кўп нолирди, баъзан йиғлаб ҳам оларди. Ҳа, энди, шу экан-да. Мен бораӣ, синглим, ишқилиб, тезда ҳеч нима кўрмагандай соғайиб кетинг. Хайр.

— Хайр, опа.

Чумоли юришидай имиллаб кунлар ўтаверди. Ширин Одил Ёқубовнинг китобларини ўқиб чиқди. Али унга Лев Толстой, Жек Лондон, Виктор Гюго асарларини олиб келиб берди. У «Мартин Иден»ни ўқир экан, китоб орасидан юпқа варақ чиқди, бунга қўйидагилар битилган эди:

Ҳеч бир амалий иш қилмайдиган одамгина хато қилмайди.

В. И. Ленин

Ўзини ҳурмат қилмайдиган киши эркин бўлолмайди.

Ж. Ж. Руссо.

Ҳамма нарса бой берилган тақдирда ҳам ҳали олдинда келажак бор.

К. Боуви.

Фақат ўзи учун яшаш инсонликни суиистеъмол қилишдир.

В. Шекспир.

Тирикмисан, ҳали ҳеч нима йўқотмагансан.

Р. Роллан.

Киши ўзининг аянчли аҳволидан қутилишни жон-дилидан истар экан, бундай истак натижасиз қолмайди.

Петрарка.

Ширин қоғоз нима мақсадда китоб орасига солиб ўйилганини ўзича фаҳмлаб қизарди.

Бир куни «Бўстон» журналида Нурбекнинг сурати билан у ҳақда пуфлаб ёзилган мақолага Шириннинг кўзи тушди. Шунда беихтиёр Алининг фижиниб айтган гапи ёдига келди: «Буям маддоҳ журналга айланиб қоялапти».

Нурбекнинг телевизорда тез-тез кўриниши айрим беморларнинг ҳам гап-сўзларига сабаб бўлди: «Намунча буни кўттар-кўттар қилиб қолишиди. Эви билан-да. Телевизордагиларгаям ҳайронсан, бир кишини тутиб олишса ҳеч қўйишмайди, Тилласи борми дейман-да мунинг».

«Катта одамнинг куёви эмиш!»

«Ҳм-м. Гап бу ёқда денг?!»

«Хонанда деганиям бемаза қовуннинг уруғидай кўпайиб кетди. Сал овози бўлса бас, ўзига беш-олтитани шерик қилиб, тўйма-тўй санқииди».

«Тоғни ағдаргандай талтайиб куйлашларига ўлайми?»
«Оғизлари тұла тилла тиши-а?»

Ширилнинг чап тарафида ётүвчи ўнг ёноғида қора холи бор хотин гапга аралашиб: «Құшнимнинг қизи маданият бўлимида ишлайди. Айтишича, Нурбекданам кўра Амрулла шуммиш. Яхши артист концерт қўйса, учтўрт безорини ишга солиб томошани бузармиш... Нурбек ташкилотчиши. «Ой шуъласи» ансамблини ҳам шу бола тузишиб».

«Яхши ансамбль».

«Бошда яхши чиқади, кейин айниийди».

Ўнг ёноғида холи бор хотин айтди: «Ўзи ташкилотчи бўлсаям мансабпастроқмиш».

«Шунинг учун ҳам кattанинг қизига уйланган-да».

Улар Нурбекнинг Ширинга яқинлигини билмай, шунчаки холис гаплашсалар-да, бундан у нокулай аҳволга тушар, сидирилиб даврадан чиқарди-да, дераза олдига бориб китобга шўнғирди. Баҳор кириб, кунлар илигач, у ташқарида — боғнинг хилват бурчакларида китоб ўқидиган бўлди:

Баъзан ҳамшира қиз Салима унга янги гап топиб келарди:

— Ширин, амакингизнинг ишлари жа юришиб кетди. Яқинда яп-янги «Жигули» олди. Худонинг берган куни уйларига қўй, мева-чева келиб турди. Шаҳарнинг қоқ марказидан беш хоналик фиштин уй беришибди. Ҳозирча кўчиб ўтишмади. Айтишларича, амакингиз тағин кўтаришмиш.

Салиманинг қорасини кўрса Ширилнинг юраги безиллар эди.

Айрим кишиларни ҳаёт ўзгартиради ва улар маънан қайта туғилиша — ё яхши, ё ёмон туғилиша дучор бўлади. Илгари Ширин шунчаки сулув эди. Энди унинг вужудида руҳий бир гўзаллик барг ёза бошлади ва бу унинг чиройнга чирой қўшибигина қолмай, феъл-авторни ҳам сезиларли қайради. У деярли соғайган, касалхонадан чиқиш арафасида эди.

Нурбек буни Ҳамидадан эшитди. Эшитдию «Жанжал қилиб уйимга келса нима бўлади? — деб ўйлади ва рангида ранг қолмади,— хотин мени болта билан чопади! Е кattанинг ўзи оёғимни осмондан қиласди! Олдини олмас бўлмайди. Олдини олиш керак. Шундай кишилар бор дейишади... Пулга дейишади... ими-жимида дейишади... Мабодо иси чиқиб қолса-чи? — Унинг бадани увишиб кетди,— бўлмаса нима қиласай? Пулга дейишади... Жиннихонанинг эшиги... дейишади... Сезиб қолишса-чи? Йўқ, яхшиси, тағин Ҳамида қўшмачи... Яна қандоқ каромат кўрсатаркан?... — Нурбек бошини чангллади. Кейин аста-секин унинг юзи ёришиб,— топдим,— деди ҳаяжонини пича босиб,— Эшим зўр аёл деса ўзини томдан ташлайди... Уни сохта телеграмма билан Тошкентга чақираман. Кейин яширинча Ҳамидага қорасини кўрсатаман. Йўқ, аввал Ширилнинг олдидан ўтаман. Кўнса, иккинчи хотин қиласман, ўйинчим бўлади, ҳусни бор, қилпиллаб турса бас, қарсак устига қарсак бўлаверади, ана вада-ванг, мана вада-ванг!

О, чўққилар,
Юксак чўққилар!
Менга умид,
Армон чўққилар!

— Нурик¹, ты человек или сумашедший? — Рўпарадаги хонадан Муборакнинг овози эшитилди ва ҳаял ўтмай ўзи кўринди. Эгнидаги француза чўғ тусли ҳарир шойи халат ярашиб турар, сочилган сочи елкалари билан юзларини тўсив олганди.— Агар одам бўлсанг, нега мунча

бақирасан? — деда у русчалаб, зарда қилиб гапирди.— Ваня ухляяпти-ку ахир! Э, худо, шунчалар жонимга тегдингки, сени нима қиласам...

— Бўлди, дўст,— деди унга жавобан Нурбек ҳам русчалаб,— ахир мен атай шўйтмадим-ку!

— Амаким кутиб қолгандир? Тошбақадай тепса тебранмас одамни жиним сўймайди. Сен аёлданам баттарсан: икки соатдан бери кўзгу олдидан жилмайсан-а! Агар бугун ишга чиқмаганингни у билса, эсингни киритиб қўяди. У жуда қаттиқўл, талабчан одам. Қалбаки қилиқларингни сал сезса борми, унда сенга нима бўлишини ўзимам билмайман. Эсингдан чиқарма, азизим, сен амакимнинг соясида бурнингни кўтариб юрибсан...— деди Муборак, у «азизим» («милый») деятуриб, бор заҳрини сочди-ю, сўнг негадир безовталаниб сўради:— Кеч қолмадингми? Айтилган вақтга улгуриб бора оласанми ўзи?

— Ҳа, дўст.

— Эҳ, қишлоқи, қишлоқи! — Муборак лабини буриб, хўмрайиб Нурбекка қаради, сўнг чақалоги йиғлаётган хонага кириб кетди. Кейин шу ёқдан унинг: «Ваня, Ванюшенка» дегани эшитилди. «Баюшки, баю!» — Муборакнинг майин қўшиғи хоналар аро ўйилди.

«Отасининг васияти билан исмими Ваня қўйди,— деб тўнғиллади Нурбек,— мен ўзимга уйқаш қилиб Дурбек қўймоқчийдим. Тентак чол! Урушда сени ўлимдан сақлаб қолган бўлса менга нима? Худога тавба деб айтай, ёмонлигингдан сен рак бўлиб ўлдинг! Ўғил менини бўлса, сенга нима, бурнингни тиқиб? Ўғил... Ўғил? Нега у менга ўхшамайди, а? Ҳали чақалок-да, балки кейин... Ўзи мендан...— У қўл силтади ва бориб одам бўйи баробар кўзгуга ўзини солди,— қад-коматим ҳеч қайси министрикадан қолишмайди.— Нурбек ўзининг кўзгудаги аксига мароқ билан тикилди.— Сал озишим керак. Юқорига кўтариладиган одамнинг фигурасигаям қарайди. Ҳар куни тонгда уч-тўрт минут физзарядка қиласам ўлиб қолмасман? Шунгаям ҳафсала йўқ-да. Энди ялқовликни йиғиширмаса бўлмайди. Овқатниям ҳўқиздай ейман-да ўзи. Бунгаям чек қўяман. Семириб кетсам, ҳеч кимга ёқмай қоламан. Ҳар нарсанинг меъери бор. Тағин ҳовлиқмай, сипороқ, камтарроқ юрган маъқул. Айниқса, одамларга ёқиши, таъсир ўтказа билиш керак. Ўпкангни янам босиб ол, Нурбек, ҳали олдинда до-вонлар турибида, довонлар.

О, чўққилар,
Юксак чўққилар!
Менга умид,
Армон чўққилар!

Шу пайт эшик қўнгироқчаси жиринглаб қолди. «Бу дунёда менга энг ёқсан куй — шу қурғурнинг жиринглаши,— дилидан ўтирадиган қўноқ келса...— У оёқ уида юриб бориб, бойўглиниң кўзидай катталиқдаги тирқишидан мўралади.— Мурод қуруқ-ку,— деди ҳафсаласи пир бўлиб, аста-секин юриб, хотинининг ёнига борди ва унинг қулогига шивирлади: «Мени уйда йўқ деб айт!».

— Лиса пришла, да?..! — Муборак маънодор илжайди,— айт, ким келди ўзи? — У негадир илиқ бир табассум билан эрига муте бўқди.

— Гулмурод, аниқроғи, Мурод.

— Ахир, у сенинг дўстинг-ку,— Муборак негадир қизаринқиради,— ёқимтой йигит у, дурустгина киноактёр ҳам. Бундай дўстларни қадрлаш керак, Нурик.

— Ҳа, ҳа, сенингча шундай! — деди Нурбек заҳарханда оҳангда, негадир ўзбекчалаб.— Аслида бу касо-

¹ Нурик, сен одаммисан ё жиннимисан?..

фат найрангбоз! Найрангбоз ҳам сохта одам! Гап-сўзлари билан қиликлари сохта! Нима қилса фақат ўз манфаатини ўйлаб қиласди. Иркит-да у! Иркит! — Нурбек кўл силтаб соатига қаради ва титраб кетди. «Соат ўн бирдан етти минут ўтибди-ку! — деб ўйлади ички бир ғазаб билан.— Гулмуродга керак бўлсан, нега ишхонага бормай, бу ерга келди? Ҳм-м! Так!..» — Унинг кўз қорачиғи кенгайиб, ранг-рўйи чархланган жодунинг тифидай оқариб кетди.— Ҳм-м! У ичидагини сездирмаслик ҳам ғазабини босиш учун ошхонага кириб сигарет тутатди. Сўнг эшикни қия очиб, имлаб хотинини чақирида-да, бояги гапини қатъий оҳангда тақорорлади:— Мени уйда йўқ деб айт!

Хорошо, Нурик, хорошо¹, — Муборак шуни кутиб тургандай, зипиллаб бориб эшикни қия очди-да, сук бармоғини лабига босиб эри уйда эканлигини англатди.— Нурик ишга кетган, Миша,— деди у атай баланд овозда.— Нурик уйдалигида болаларинг билан келгин, хўпми?

— Яхши, Мубор. Мен уйдами деб ўйлабман уни. Ҳа, майли, салом де.

— Хайр.

— Яхши қол! — У Муборакка шум, баҳил кўзини артистона қисиб, гул япроғидай кичкина қофоз узатди ва озғин, ингичка гавдасига мос асони Пушкин замонидаги оқсуякларга таассуб этган ҳолда тақиллатиб йўлида давом этди.

Муборак қофозни сийнабандига яшириб, эшикни ёпди.

Нурбек гапни эшикни таталаётган гумони бир қадар тарқалгандай бўлди. «Шунчаки, йўл-йўлакай бош суққандир-да, дарвеш,— деб ўзига-ўзи тасалли берди,— аммо, ҳар қалай феълим ёмон... Сўйиб қўяманми деб қўрқаман. Ўзи Ширинга тинчгина уйланиб, эл қатори яшайверсам бўларди-да!»

Нурбек амакисининг ҳузурига бориш ниятида оқ, оппоқ «Жигули»га ўтириб (аскарликда ҳайдовчиликдан сабоқ олган эди) калитни буради. Шу сония очиқ дарвозадан нафис оқ бана шим билан нафис оқ кофта кийган жувон ичкарига қадам қўйди ва Нурбекка кўзи тушиб беихтиёр тўхтади. Шу кунларда серқатнов бўлиб қолган бу жувонни қайси бир оқшом Мурод билан судралиб юрганини Нурбек кўрган эди. Шу боисми унинг манглайи тиришида ва «Жигули»ни тислантириди-да, жувоннинг ёнида тўхтади.

— Нурбек ака? Яхшимисиз? — Жувон нечундир каловланди. Кейин ўзи сезиб-сезмай узун бармоқлари билан сочини тузатган бўлди.

— Яхшимисиз, Забаржад? — Нурбек унинг оқ кравсока кийган оёғидан тортиб то соч турмагигача кўздан кечирди, сўнг: «Ўзидан кийими чиройли»,— деди дилидан ўтказди. У жувоннинг чарос кўзларига ноҳуш тикилди.— Кираверинг, дўст, уйда у,— деди истар-истамас.

Забаржад шипиллаб юриб кетди. Нурбекнинг таъби хира бўлди. «Нега бу ойимча бизниги айланишиб қолди»,— деб тўнғиллади у ва газни босди.

Бу пайтда Муборак сийнабандидан мактубни олиб ўқимоқда эди: «Мубарка! Азизим! Эртага чамаси соат учларда кўришамиз.

Кутгин.

Ўпаман!

Сенинг Шерзодинг».

Мактуб русча битилган, унга Шерзод дея имзо чеккан ўигит эса кинорежиссер эди. У қотмадан келган, новча, кўринишдан касалманд — Мурод, тўғрироғи, Гулмурод унинг ўтидан кириб, кулидан чиқиб юрар, қайси бир

ўтиришда Муборакни Шерзодга таништирган ҳам аслида шу эди.

Аёл киши бир йўлдан озмасин, озса кейин тўғри йўла га тушиб олиши қийин. Бундай тақдирда унга панд-насиҳат ҳам зиғирча таъсир этаслиги мумкин.

Муборак: «Эрга тегсам ҳеч ким билан юрмайман!» деб ўйлаган эди. Бироқ қора соқол қўйган шу йигитнинг чўғ кўзларига кўзи тушдию ҳатто ёнида эри ўтирганлигини ҳам унутиб кўз сузди. Тўғрироғи, сузилиб бок-қанини ўзи ҳам сезмай қолди.

«Эр деган шундай бўлса-да! — деб ютинди у.— Қизик, нега қиз бола мунча кўп йигитни севиб қолади? Ҳатто қайси бирига тегишини ҳам билмайди. Аммо танлаб-танлаб Нурга ўхашига йўлиқади. Шерзоддай йигитга йўлиқса қандай яхши-я! У билан кўча-кўйдаям уялмайди, қайтага ҳамманинг ҳавасини келтиради, соқолиям зўр, ўзи пулдор, қолаверса таникли кинорежиссер!»

Ваня юмшоқ кароватда пиш-пиш ухламоқда. Муборак қозғони ёқиб туалетда ташлади. Сўнг кўзгу олдига келиб, пардоз-андоз қилишади ўтириди. Шу чоғ хонага хомуш бир тарзда Забаржад кириб келди...

Нурбек белгиланган вақтда — соат ўн икки яримда амакининг ҳузурига кирди. Қўринишидан камтар ва бағоят олижаноб бу кимсанинг юз-кўзида меҳр-оқибат тўйғулари силқиб турмоқда эди. Баланд бўй, сийрак кўкиш соч, истараси иссиқ. Нурбекни у ўзига хос майнин нигоҳ билан илиқ қарши олди. Унинг қараашларида юрак қаърида нима борлигини уқишига қодир синчков назар ҳам бор эдикни, Нурбек буни сезиши мумкин эса-да, тортиниб-қўмтингани боис унга тузукроқ қарашга ботинолмаётган эди. Нурбек: «Бу одам жуда оддий, жуда самимий кўриниади-я!» — деб кўнглидан ўтказди. Лекин шу оддийлик, самимият унинг улуғворлиги тадбиркорлигини ошириб турганлигини у тасаввур ҳам қилолмади. У қаттиқ ҳаяжонланмоқда эди. Ҳаяжон одамнинг юрагини ёндириб, миясини чалғитади. Ҳозир унинг бошида фақат бир фикр айланмоқда: «Амал пулни топади, пул амални. Кишига шон-шуҳрат келтирадиган шулар. Одамни чиройли, ўқтам қилиб кўрсатадиган, унинг нуқсонларини ҳам фазилат каби кўрсатадиган шулар. Айтгани айтган, дегани деган бўлгач, егани олдида, емагани кетида бўлгач, шу-да. Амакининг оддий, самимий кўриниши ҳам, юзидаги нур, виқор ҳам шундан, амал, пул, шуҳратдан. Агар мен унинг ўрнида бўлганимда, оддий, чиройли бўлиш билан бирга салобатлироқ ҳам кўринардим. Ўзи мени бошқа ишга ўтказса керак, бўлмаса бекорга ҷақирадими? Ҳали менга бир мартаям ёрдам бермади. Ҳозирги ишгаям унинг кўмагисиз ўтдим. Мендан бошқа мутахассис йўқ эди-да ўзи. Амрulla коммунист эмасди. Яхшиям, армияда партияга ўтган эканман! Лекин орқамда бу киши турмаганида, бари бир қўйишмасди. Дунёнинг иши қизиқ-да ўзи.»

Нурбекнинг фикрига зид ўлароқ амакиси деди:

— Нурбек Назарович, узр, келажакда сабоқ бўлар деган мақсадда бир гапни айтишини бурчим деб билим, сизни таклиф этувдим. Эшитишимча, ишни тузук эплайсиз экан, баракалла. Бироқ ўзни кам кўз-кўз қилиш керак, иним. Шуҳрат, пул, мартаба орқасидан қувган киши ўзига-ўзи душманлик қиласди, қалбидан ажраб қолади. Менимча, матбуот, радио, телевизорларда бир йилда бир, нари борса икки марта чиқиш кифоя. Қолаверса, одам деган бирорни орқа қилмай, ўз кучига ишониб яшагани маъқул. Бирор орқали эришган баҳт эмас, иним, у қўлнинг киридай гап, ҳар ким оғир синовларда баҳтини ўзи топади.

Бу гаплар Нурбекни осмондай узиб олиб, тупроққа коришишириб ташлади.

«Орқамдан сотишипти-да! — деди, энг қимматбаҳо

¹ Яхши, Нурик, яхши.

нарсасини олдириб қўйган кишидек шалпайиб чиққач.— Ёмонлаб юмалоқ хат ёзиб юборишган. Мунофиқ кишилар кўп-да ўзи, олдингда қўлтиинггасув пуркаб мақташади, икки қадам силжимасингдан...»

У қаёққа боришини билмай — бошига тўқмоқ теккан қўчкордек гарансиб турди, юрагига қил сиғмас эди. «Ҳар ҳолда, «ишини тузук эзлаб кетибсиз, баракалла», деди-ку. Қолган гапларни яқин олиб айтди, шекилли. Лекин гапи илон заҳридай суюк-суюгимдан ўтиб кетди. Минг қилсаям бегона-бегона-да! Ҳа, майли, бу дунёда эркин одам йўқ ўзи, чунки ҳаммаси ҳаракат асосига қурилган. Ҳаракат бор жойда кураш бўлади, кураш бор жойда қарама-қаршилик бўлади, қарама-қаршилик бор жойда ким-кимгadir тобе бўлади, бусиз ҳаёт бўлмайди. Мутлоқ эркинлик нариги дунёда, чунки нариги дунёда «мен» йўқ, нафс йўқ. Амаки мени уришса, одам бўл деб уришади, энди ўзимга янама маҳкам бўламан. Лекин ҳозир аламимни қандок ёссан экан-а? Ичсаммикан? Қаерда? Ким билан? Дардимни тинглайдиган дўстлар ҳам ўзига яраша... Яхшиси, бирон қиз билан ўзимни овутсаммикан? Азгануш биланми? Йўқ, у пулни яхши кўради. Пулни яхши кўрдими, бир нимага шама қилдими, тамом, одамни ўзидан бездиради. Тоза бўлса, кам-сукум бўлса, бунинг устига сулув бўлса меҳрингни ийдирди, ундан ҳеч нимангни аямайсан, ўзи истамасаям аямайсан. Қизиқ, одамнинг табиатига тушуниб бўлмайди. Ҳозир, яхшиси мен Лимга телефон қиласман. Уни ўйиям бор. Фақат оёғи ингичка, лаби юпқа-да. Юрдандан кейин хотиндан зўри билан юриш керак. Шоҳида билан улансаммикан? Шоҳида беминнат. Ўзиям бир қошиқ сувга чайиб ичгудай жувон. Айниқса, сочини қирктиргандан кейин очилиб кетди. Аммо ҳозир ишда-да. Ишия жиддий. Бунинг устига эри бот-бот телефон қилиб тураркан... Хотиннинг ўзига инсоф бермаса қийин. Аёлнинг ҳийласи қирқ эшакка юқ бўлади деб бекорга айтишмаган. Яхшиси, Малоҳатникига бораман. Ўзиям қўfirchoқдай, балеринага ўхшайди. Лекин у ота-онаси билан туради-ку. Э-э, шу, жой ҳам проблемами? Амруллага айтсан, дарров тўғрилайди. Йўқ, сир берсан бўлмас! Яхшиси, «Ойдин кеча»га бораман.

Нурбек «Жигули»га ўтириб, «Ойдин кеча» меҳмонхонасига борди. Япон магнитофони билан бир неча касетани олиб машинадан тушди-да, эски таниши — Равекка деган озғин, кўкиш кўз аёлга йўлиқди ва бели синмаган эллиktалик бериб, «люксидан, дўстим», — деб шивирлади.

Равекка тўққизинчи қаватдан жой тўғрилади. Нурбек унга тағин учта эллиktаликни чўзаркан: «Номерга... бирон соатлардан кейин...» — деди. Равекканинг кўзи ёнди. «Мард йигитсиз-да! — деди,— лекин биласизми нима, арман конъягидан кўра ўзимизнинг «Самарқанд» афзал, ҳозир отлиққа топилмайди, аммо сизга!..» — Равекка гапини тугатмай, мамнун жилмайиб, хонадан чиқди.

Нурбек эшикни қулфлаб, ечинди-да, кўзгу олдига келди: «Оҳ, ёлғизлик — гўзал озодлик!» — деб яйраб керишди. Сўнг Малоҳатга сим қоқди.

«Алло, лаббай?» — деган жарангдор овоз эшишилди. «Сизни кўргим келяпти, Малоҳат!»

«Қандай палакат босиб, эсингизга тушиб қолдим-а?»

«Келинг, кейин айтаман, дўстим».

«Катга борай палакат босиб».

«Ойдин кеча»га. 915 хонага».

«Хўп, Нур ака, хўп».

Нурбек мамнун ҳолда бошини қашиди, сўнг Амруллага сим қоқди: «Мен каттанинг ҳузуридаман, дўст». «Омад тилайман, Нурбек Назарович», — деган товуш

эшишилди. «Баччағарнинг овози самимий», — деб қўйди Нурбек.

У хиргойи қилиб борди-да, деразадан шип-шийдам ниҳоллар тагида турган машинасига қаради. Сўнг ҳаммомчага кириб чўмилди.

Нурбек артиниб таранаётган пайт мalla соч хушрўй официант аравачада егулик-ичгулик олиб келиб, дастурхонга қўйди. Нурбек: «Қўfirchoқдай, а ўлгур! — деб ютинди ва магнитофонин қулоғини қаттиқроқ буаркан, қизга ҳирс билан тикилди. Қиз хонадан қулогигача қизариб чиқиб кетди. «Нози борга ўхшайди ўлгурни!» — деб илжайди Нурбек, тағин ечинди-да, бир пиёла конъяк ичди, оғизга яхна гўшт соларкан, оҳ, оҳ, деб кўзини юмиб-очди. Кейин бир фужер «Фанта» ичиб оппоқ чойшабга ўзини ташлади.

Нурбекнинг кўзи илингандан эшик тақиллади. Турив очди у. Остонада оврўпача тўқ яшил кўйлакда гўзал қоматини кўз-кўз этиб Малоҳат турарди.

— Мана, палакат босиб келдим! — деди у ўйноқи кўзларини сизиб,— қаранг, Нур ака, кўйлагим қанақа чиройли-я! Ажаб қилсан, сизда йўқ бунақа кўйлак! Биласизми нима, Нур ака, анҳор кўпрги олдида башарангни ит ялагур бир хиппач, хў, қўfirchoқчам, шамолдан эҳтиёт бўлинг, учирив кетмасин, дейди. Шунча ориқманми, Нур ака? Баб-балодайманку-а?

Нурбек эркалиги ўзига ярашиб турадиган қизнинг нозик билагидан ушлаб ичкарига тортди-да, эшикни қулфлади. Сўнг қизнинг чумолидай ингичка белидан қучиб, тўлин лабидан ўпди, кўзлари қизариб, азойибадани ёниб, титраб ўпди.

— Палакат босиб, ўлдириб қўисангиз нима қиласман-а? — деди Малоҳат унинг оғушидан балиқдай сирғалиб чиқар экан.— Вуй, анавиларри-и, худди оч бўрига ўхшайдилар-а. Вуй!.. — У ёш қизлардай лабларини чўччайтириб аразлаган бўлди.

Нурбекнинг хоҳишига кўра Малоҳат ҳам чўмилиб олди. У энди ярим яланноч ҳолда эди. Нурбек уни даст кўтариб олди-да, ҳовур кўтарилаётган оппоқ елкаларидан ўпа кетди.

— Шошманг, палакат босиб мунча шошмасангиз,— деди Малоҳат ширин-ширин тўлғониб,— мунча ахир! Бугун... сизникиман!.. Азизим, шириним, шакарим!.. — Ўзи сезиб-сезмаган ҳолда у Нурбекни силаб-сийпалаб, бўйнига илондай чирмашди.

Ярим кечагача... Кейин кўчага чиқишиди.

— Энди, палакат босиб, хотинчангизнинг қўйнига кирасиз-да, а? — деди Малоҳат ҳовлисига яқин келиб тўхташгач, — яхши кўрасиз-да уни, а?

— Тағин шу гапми, дўстим?

— Йўқ, айтинг, яхши кўрасизми?

— Қўйинг энди, Малоҳ.

— Яхши кўрасиз-да, айтгингиз келмаяпти.

— Ўз хотинининг орқасидан гапириб юрадиган эркак эркакми?

— Майли, айтгингиз келмаса... Лекин ҳалиги гапингиз гапми?

— Қайси гапим?

— Палакат босиб эсингиздан чиқариб қўйибсиз-да, а? Уй дегандингиз-ку, а?

— Эсимда, дўст, пича ташвишим бор, қутулай.

— Ҳм-м, майли. Аммо миямга бир фикр келиб турди,— кутилмаганда Малоҳат жиддий қиёфага кирди, — сал орқага олинг, кўзимни симёғоч чироғи қамаштириб қўйди.

Нурбек «Жигули»ни тислантириди. Энди чироқ шульси энсаларидан тушиб юзларини хира ёрита бошлади.

— Демоқчийдимки... Ҳа,— бир оз тараддулдланиб, иккиланиб давом этди Малоҳат,— бир йигит топилса...



Расмни Х. ЛУТФУЛЛАЕВ чизган

тўй қилиб берсангиз демоқчийдим-да. Фақат сизга садоқати бўлса ў? Уй олиб бергунингизгача ижарада яшайверардик. Қари қиз бўлиб уйда ўтиргандан кўра, шу яхши-да, Нур ака.

— У-чи?

— Уми? У... Мени тушунмабсиз, Нур ака. У билан номигагина никоҳдан ўтсан, «сохта эр» демоқчиман-да, Нур ака. Ҳатто унга қўлимниям ушлатмайман. Шунга айтяпман-да, сизга садоқатли бўлсин, деб.

— Ҳа, ҳа, тушундим, дўстим, энди тушундим,— Нурбек бехосдан илонни босиб олгандек, қўрқиб кетди. «Уни мунча шум деб ким ўйлабди? — деди ичида.— Ё тангри!..»

— Мум тишлаб олдингизми, Нурбек ака?

— Ўйлаб кўрай, Малоҳат, бу анча қалтис иш. Бирон киши сезиб қолиши мумкин.

— Сезмайди. Сиз топган йигит гулламаса бўлгани. У билан ота-онамни қўргани бориб турамиз. Бир йилча чидайман, кейин «ажрашдик» деб...

— Ота-онангиз уйингизга келишса-чи?

— Сафарда деб айтаман, келишларини олдиндан билсам, сизга айтаман, «куёв»ингизни чақиртириб бerasиз.

— Бари бир, қийин масала бу, дўстим.

— Сиздай одамга нимаси қийин, жоним. Биламан, сиз қиломайдиган ишнинг ўзи йўқ. Сиздай йигитлар дунёда кам, битта-иккита, жоним.

Нурбекнинг қўзи ёнди.

— Бир ўйлаб кўрай, дўстим,— деди эриб, илжайди.

— Майли, ўйлаб кўринг, жоним, шириним, шакарим,— Малоҳат унинг юзидан оҳиста ўпид, елкасига эркаланиб бош қўйди.— Сиз нима дессангиз, шу. Мен учун сиз дунёда азиз одамсиз!— У эшикни очди,— эҳтиёт бўлиб боринг-а, Нурбек ака, ичгансиз, эҳтиёт бўлиб боринг, тунингиз хайрли бўлсин! — Малоҳат тағин шўх-шодон қизга айланди.

— Хайрли тун, Малоҳат,— Нурбек унинг лабидан ўпди,— хайрли тун.

Малоҳат кабинадан аста чиқди. Нурбек моторни ўт олдириди. «Хотининг шундай меҳрибон бўлса-да,— деб дилидан ўтказди унга қўл силкир экан.— Бари бир жонга тегади меҳрибонлигиям. Бу дунёда жонга тегмайдиган нарсанинг ўзи йўқ. Ҳар ҳолда, хотиннинг меҳрибони, мутеси яхши. Муборак бўлса терговчининг ўзи. Ҳозир борганимдан жанжал қиласди. Қандай сабаб топсам экан-а?»

Нурбекнинг дили тағин хуфтон бўлди. Хотинидан кўнгли совиган эди. У билан зарурат туфайлигина яшарди, холос. «Умр бўйи бир аёл билан кун кечириш нақадар оғир-а? — деб ўйлади у,— оғир, жуда оғир! Айниқса, Муборакка ўҳашаши билан! Жин урсин! Нақ терговчининг ўзи! Тергадими, тамом, қўзингга бало-қазо бўлиб кўринади, бор ҳурматинг ҳам елга учади, бирга ётгинг ҳам келмайди. Жин урсин! Туф! Отангга лънат! — Унинг юраги баттар сиқилиб қош-қовоғи учашошлади.

Нурбек «Жигули»ни дарвозадан киришдаги мармар бостирма остига қўйди. Пулини курси тагига яшириди. «Чўнгакларимни бир-бир титиб чиқади, қанжиқ! — деб ғудранди у,— хотин деган ғурурини топтамай яшасада!»

У оёқ учиди юриб бориб, эшикни қўрқа-писа тақилатди. Жавоб бўлмади. Кутди. Фойдасиз. Юрак уриши кучайиб, ўзига эшитила бошлади. Манглайдан совук тер сизиб чиқди. Тағин секин тақиллатди. Яна жавоб бўлмади. Кутди. Сабри тугагач, сал қаттиқроқ тақиллатди. Жимжитлик. У «Машинада ётаман» деб ўйлаб, аста изига қайтди. Шу лаҳза эшик тарақлаб очилди.

Нурбек баданига илон ўрмалаган кимсадек қўрқиб тўхтади ва сўнг беихтиёр ортига қайрилди. Остонада: «Гўштингни бурда-бурда қилиб ейман!» деган вожоҳатда ўртаниб хотини турарди. Унинг сочи тўзғиган, юзида қон қолмаган, кўзи жинниникидай совук ялтиради. «Мунча хунук бўлмаса бу бадбахт!» деган ўй Нурбекнинг хаёлидан ўтди.

— Где ж ты скитался до сих пор!¹ — деб шанғиллади Муборак.

— Сирдарёдан бир раис келувди, дўстим,— деди Нурбек ҳам русчалаб, олдиндан ўйлаб қўйган баҳонаси ни у рўйач этди: — Шу ўғилни ўйлантиряман, тўйни ўтказиб беринг, деб ҳоли-жонимга қўймади...

— Сен нима дединг? — Унинг гапини бўлиб русчалаб сўради Муборак.

— Майли дедим.

— Қаерда ўтирдинглар? Ресторандами? Ярим ялан-ғоч бузуқлар билан...

— Раиснинг жияниникида ўтирдик.

— Кимлар билан?

— Раис, жияни, мен...

— Жияни қаерда туради?

— «Октябрь» массивида.

— Ростданми?

— Рост.

— Қасам ич!

— Агар гапим ёлғон бўлса худо урсин! — «Худо, ўзинг кечир гуноҳкор бандангни! — деди ичида у,— мени ургунча мана бу алвастини ур!»

— Гапинг чин бўлса,— деди Муборак,— ҳозир мени олиб борасан ўша жияниникига.

— Жуда узоқ-да, дўстим.

— Майли. Олиб бор!

— Ваня ёлғиз қоладими?

— Ойим қараб туради.

— Ичганиман-да, Мубарка.

— Нега ичасан? Қасам ичгандинг-ку, оғзимга олмайман, деб.

— Ароқнинг қасами бўлмайди.

— Тутуруғинг йўқ сенинг!

— Ичмасдим, дўстим, амакинг хафа қилди, шунга аламимдан ичдим.

Муборак алланимани ўйлаб жим қолди. Нурбек хонага кирмоқчи бўлди. Хотини унинг йўлини тўсди.

— Вижу я, ты все врешь, не хочешь меня вести племяннику тому, поведешь!² — У тағин жазавага тушди.

— Кеч бўлди, ахир, Мубор, нима деб ўйлашади?

— Нима деб ўйлашса ўйлайверишиш, олиб борасан.

— Бўлти, юр.— У хотинининг боришига ишонмай, эшикка йўналди.

Муборак кийиниб чиқди.

— Юр! — деди у.

— Негадир оёғим тортмаяпти-да.

— Қасамхўр. Ёлғончи! Ҳеч қандай жиян-пиянникида ўтирмагансан, шунинг учун ҳам оёғинг тортмаяпти. Биронтаси билан наҳсга ботиб келяпсан!

— Бас-да, дўст.

— Бўкирма, қишлоқи!

— Бас қил деяпман. Йўқса ҳаммасининг баҳридан ўтаман. Тўйдим!

— Одам бўлиб қолдинг-да, а? Қишлоқи-е!

— Хватит!³ — Нурбек ўзини тутолмай сўкинди-да, Муборакни итариб юборди.

¹ — Қаерларда дайдиб юрдинг шу пайтгача?

² Кўзимга қараб туриб ёлғонни ямламай ютъяспан сен, олиб боринг келмаяпти-да ўша жияниникига, олиб борасан!

³ — Бас.

— Вой-дод, убьёт! — Муборак чинқирганича унинг сочига ёпишди. Нурбекнинг кайфи учиб кетди. Шу асно Ойсара хола «ҳай-ҳай»лаб келип қолди. У шошганидан кийинишни ҳам унуттган, ички оқ пушти кўйлакда эди. Ойсара хола қизини койиб, уришиб, Нурбекни ажратиб олди. Муборак юлинган сочини оёқ остига ташларкан, ғижиниб:

— Тебя отда в милицию!¹ — дея қичқирди.

— Айб ўзингда, болам! — Ойсара хола анча оқила аёл эди. Күёванинг тарафини олди.— Эркак деганинг ёр-жураси бўлади, баъзан кеч қолади, буни билан ер ёрилиб осмон ўйниб тушмайди.

— Сен аралашма, мама!

— Шунча йил яшаб эр тергашни билмабмиз-а?

— Нимани билардинг ўзи?

— Эрка ўсгансан-да, жувонмарг, паст-баландни билмайсан! — У қизига қўл силтади,— бизникига бориб ухланг, ўғлим, бу билан тенг бўлиб ўтиранг,— у күёвани ҳовли адогидаги ўйига жўнатди, ўзи эса қизи билан қолди.

«Қайтага яхши бўлди,— дилидан ўтказди Нурбек,— у энди сезмайди».

Жанжал ора-сира бўлиб турарди. Кўниши аломатими, унча эзилмади.Faқат амакисининг гапини юрагидан чиқаролмади.

Эрталаб истаб-истамай ишга борди. Азойи-бадани тиришиб оғрияпти. Кўнгли ғаш. Буни билдирамасликка уринса ҳам Амруллага ўхшаш яқин кишилари: «Кеча амакиси бураганга ўхшайди», деб шивир-шивир қилишди.

Қабулидан одам узилай демасди. Олдига бастакор, режиссер, раҳбар ҳодим, қўшиқчи-шиоirlар келиб кетишияпти. Уларнинг бири ўйига таклиф этади, иккинчиси жиянини ишга олишини сўрайди, учинчиси уни, унинг овозини ва у тузган «Ой шуъласи» ансамблини мақтаб, аллакимларни ёмонлайди. Илгари Нурбек улар билан танишишнингина орзу қиласди, энди эса...

Ранги совуқ бир киши кирди. У бўйдор, бурни қирғиникига монанд, тепакал, бўйни йўғон, елкаси олдинга эгилган, кўринишидан сохта мағрур ва дағал одамга ўхшарди.

Нурбек уни кўриши билан тўнини тескари кийди. Сабаби — бурноғи йил ёзда у институтга яп-янги костюмини кийиб борганида бу кимса бир «ўйиб» олган эди: «Бунақа иссиқда костюмга бало борми, болакай? Е менистр бўлмоқчимисан? Ҳар қалай, оёқ олишинг чаккимас».

Ичиқоралик билан айтилган, яъни Муборакка уйлангани шама қилинган бу гап Нурбекнинг суюк-сугидан ўтиб кетган, лекин индамаган эди. Рости, индашга қўрқанди. Мана, энди ўзи оёғи билан ҳузурига келиб турибди. Нурбек зиддан унга қаради ва энсаси баттар қотди: «Ўзини бутун дунё танийдиган киши қиёфасига солиб юрганини ўйлами? Кошки сени ҳамтовоқларингдан бошка билса! Ёзганинги-ку, ит ҳам ўқимайди! Чайналган нарсалардан нарига ўтмайсан. Ўргилдим сендақа толтув санъатшуносдан. Боққанинг тўққиз эчки, айқириғинг оламни бузади!»

Санъатшунос орқасига қайтиб кетишини ҳам, ўтиришини ҳам билмай ноқулай ахволда қолди. Нурбек одатда супурувчи келса ҳам ўрнидан туриб илик кўришар эди. Бу гал ҳатто жойидан турмади. Анча сукутдан сўнг унга қўл чўзиб совуққина қилиб: «Келинг! — деди холос. Ҳатто ўтиришга ҳам жой кўрсатмади. Санъатшунос аввал қизарди, кейин оқариб кетди. «Кекчи экан, бачағар! — деб кўнглидан ўтказди.— Нега келдим-а ўзи?!

¹ — Сени милицияга топшираман!

— Узр, Нурбек Назарович,— у сиртига сув юқтирмай юмшоқ курсига рухсатсиз чўқди,— узр, маданият бўлимига бошлиқ бўлибсиз, табриклайман, чин кўнглимдан табриклайман, шунга қувонганимдан қутлаб кетай, деб келувдим.

Аслида у: «Ҳар қалай, студентим эди, қани бир олдиндан ўтай, балки ёрдами тегиб қолар» деган умидда келган, мақсади — «Республикада хизмат кўрсатган маданият ҳодими» деган унвонга эришиш эди. Дарди ичиди қолди.

— Раҳмат,— Нурбек кўз қири билан унга қаради.

— Узр, ўшанда...

— Мен кекчи эмасман,— Нурбек унинг гапини кесди ва жўрттага ўзини осмонни кўядиган одамдай тутиб қовоғини солди,— лекин, билсангиз, полчини жиним суймайди,— Нурбекда ўч олиш истаги ловуллаб ёнди.

— Мен бирорларнинг гапига кириб...

— Қўйинг, дўст! — Унинг қони қайнаб, кечаги алами ҳам интиқом истагига қўшилди,— ҳозир ҳам мени «Бурни осмонда» деб ўйлаб ўтирибсиз. Начора, ҳар ким экканини ўради. Очик айтиб қўяй, агар менга ким ёмонлик қиласа, уни таг-томири билан суғуриб ташлайман!

Санъатшунос сесканиб кетди.

— «Бирорларнинг гапига кириб» дейсиз?! — Нурбек вужудининг қаериандир отилиб чиқаётган сўзларни жиловлай олмай қолди. Ўзи ҳар замон-ҳар замонда унинг қайси бир бобосидан ўтган асов қони гупурар, «Юксак чўққилар»ни унутар ва қутириб кетар эди. Одатда, у ким билан гаплашмасин, ўзи доим тақрорлайдиган «дипломатия»га амал этар, ҳамсұхбатининг ҳурматини жойига қўйиб, етти ўлчаб бир кесар эди. Ҳозир бўлса...— «Бирорларнинг гапига кириб» эмиш-а! — Фижиниб тақрорлади у.— Ахир, ҳар ким ўз мияси билан эн тутади-да, дўст. Дуч келганинг гапига кираверса, ўзи қаерда қолади? Ўзини сақламаган одам одамми? Бахил одам бирорларнинг оёғидан чалади. Лекин шуни билингки, дўст, баҳилнинг боғи кўкармайди!

Санъатшунос ўтирган курси фижирлади. Аммо оғзини очмади, очолмади. Ичиди: «Кандидатлигимча қолганимга шама қиляпти, лаънати! — деди ўзини иложсиз босиб,— бу итвачча нимани билди ўзи?! Бирорларнинг дами билан шишиб юрибди-да. Кандидатлигимча қолсам ҳам профессорман, ахир. Қайси кандидат профессор бўлган ўзи? Бармоқ билан санарли бундайлар!»

— Бу дунёда кўнгилни кенг қилган ютади,— Нурбек унинг хаёлини парчалаб ташлади,— хаётда ШУҲ-РАТ, ЖАСОРАТ, КАШФИЁТра ҳамиша ўрин бор, осмон, ер, одам бор экан, ўрин бўлади, бўлаверади. Faқат киши ичиқораликдан сақлангани маъқул, акс ҳолда куйиб кул бўлади. Зўрга тан бериш қийин, бироқ мард тан беради. Ичиқора эса: «Санъатимизга доғ туширяпти»,— деб унга бўхтонлар уюштиради, казо-казоларни қайрайди. У «санъатимиз» деб лоф ургани билан аслида санъатдан кўра ўзини, ўз курсисини яхши кўради. Санъат унга шунчаки восита, қурол. Бу қурол орқали у ўзига «ложный авторитет» орттиради, гарчанд илми юзаки бўлса ҳам!

Тош манглайига тегди. Илгари ҳам санъатшунос ортидан «юзаки олим», «ложный авторитет билан юриби» дея фийбат қилишларини эшитган эди. Кўзлари чақчайди. Унча-мунча одамни у назарига илмас эди, калондимоқларни эзиб ташларди. Бироқ тулки қўён олдида ботир-у, бўри олдида ожиз бўлганидай, театршунос ҳам ўзидан қудратли киши олдида латта чайнаб қолади. Бундай одат номус-оридан кўра мартабаю нафси биланд қўювчиларда кўпроқ учрайди. Санъатшунос ҳам кимларнингдир олдида ўзини топтаб бўлса-да, жа-

миятда мавқе топишга интиларди. «Бу ифлос бола билан ҳазиллашиб бўлмайди,— деб ўйлади у.— Орқасида одами бор, ўзиям ўсади, ёмонлик қилганга кун бермайди, пули кўп, зўрга замон оғади, ошкора олишиш хавфли, зимдан курашган маъқул».

Санъатшунос сиртига сув юқтирумай, ўлганининг кунидан илжайди.

«Турқи совуқ одамнинг чеҳраси кулгандаям очилмайди,— деди Нурбек ичиди фижиниб,— тиржайиши тобутдай совуқ-а! Чәёндан қандоқ фарқи бор бунинг, отангга лаънат!»

У новвотранг улкан столи тагидаги тугмачани босди. Ёши ўтиңқираган, қорагина аёл икки қаватли қора чарм эшикни қня очиб: «Лаббай, Нурбек Назарович?»— деб мўралади. У Муборакдан, тап-сўз бўлишдан қўриб, шу соддадил аёлни котибаликка олган эди.

— Раҳима ола, илтимос, Амрулла Хайруллаевични қақириб беринг, мана бу нусхани олиб кетсан! — У атайлаб гапни икки хил маънода айтди.

Нурбек яйраб кетди. «Уч олиш мана бундай бўлади, тувлак! — деди ичиди ўзининг устамонлигидан ғурурланиб.— Шошмай тур ҳали, сен билан яхшилаб ораочди қилиб қўяман!» — У ўзини яшил гиламлар тўшалган, қатор стуллар турган, радио, телевизор ва бешта телефон ўрнатилган улуғвор кабинетига хос тарзда тутиб: — Кетадиларми? — деб таҳқирона илжайди.

— Ҳа, Нурбек Назарович, дарсим бор... — Нурбекнинг ёвузна ҷақнаётган қўзига қўзи тушиб санъатшунос титраб кетди ва хайр-маъзўрни ҳам унутиб, шошилинч эшикка чиқди.

Қизишганда унча сезилмаган экан, Нурбекнинг иситмаси кучайди. У беихтиёр заиф ингранди. Кейин ўзининг ожизлигидан жирканиб, тиши қайдари. Нурбек ишхонада бироннинг шахсига тегмас, одамлардан ёрдамини аямас, ходимлари тумовлаб қолса ҳам кўргани борар, тўй-маъракаларни ҳам деярли канда қилмас эди. Устига устак берилиб ишлар, бироннинг ифвосига деярли учмас, яхшими, ёмонми, ўз ақли билан иш юритарди. Иложи борича бесабаб идорасидан жилмас эди. Ҳозир эса иситмаси қаттиқ хуруж этяпти. Кўнгил ғашлиги ҳам ортиб боряпти.

«Бояги нусхани бекорга хафа қилдим,— деб афсусланди у.— Энди бу нокас ҳам қараб турмайди. Лекин ўзи ёмон одам. Қанча силаб-сийпалама, илон илонлигидан қолмайди. Шунинг учун ёлғондан юз-хотир қилиш бефойда. Қачонгача бинқаниб яшайман? Ошкора курашишнинг ўзидаги мароқ бор! Шундайку-я, аммо ҳозирча — оёқни ерга маҳкам қўйиб олгунча дипломатия қилиб турган маъқул эди. Бўлмаса баттар фисқу фасод қилишади. Ўзи сир бермаслик керак эди, мушукни силағандай қип чиқарвормас бўларди-ку. Отасига лаънат!»

Нурбекнинг дили баттар хуфтон бўлди. У министрликдан келган хат нусхасини Амруллага бериб, алланималарни тайинлаб, уйига қайти. Остонага қадам қўйиши билан бурчакдаги ҳақандоз ва оёқ кийимлари тагидаги дўппайлан нарса Нурбекнинг эътиборини ўзига торти. Юраги ўйнаб кетди. Ҳалигини бир тепган эди, товони баланд кўнғир туфти кўзига чалинди. «Кимники?» деган ўй миясига санчилди. Бехосдан Мурод эсига тушди. Титраб эшикни тақиллатди. Ҳеч ким жавоб бермади. Гумони ошди. Чўнтағидан қалит олиб қулғфа солди. Ичкарида ҳам шубҳасиз қалит бор эди. Нурбекнинг қони гупирди. «Очи! — деб бақирди у. Тапир-тупур овоз эшитилди. У жон-жаҳди билан эшикни тепа бошлади, ахийри, синдириб очди. Муборак ўзини йўқотган ҳолда шоша-пиша кўйлагини кийишга уринар эди, йўқ, ултурмади, эрини кўриб, ҳайкалдек қотиб

қолди. Унинг сочи алвастиникидай тўзғиган, юзи оҳак тусида, кўзлари бежо. Енидаги тўшак ағдар-тўнтар. Олов ранг япон гилами устида қандайдир шим, кўйлак, пуллар сочилиб ётарди. Нурбек ҳамма нарсани сўзсиз тушунди. Миясига қон тепди. «Бузуқи! Хотинига ташланди. Муборак: «Вой-дод, ўлдириб қўяди!» деб чинқирганча хонани айланиб қоча бошлади. Нурбек бир зумда унга етиб олди ва қулоқ-чаккаси аралаш шапалоқ тортди. Хотини додлаганча қулаб тушди. Ҳудди шу сония жовоннинг эшиги очилдию яланоч бир кимса ичкаридан чиқиб ўзини эшикка урди. Айб устида қўлга тушган одам минг кучли бўлса ҳам эс-хушини йўқотиб қўяди, бангидай довдираб қолади. Қоқо остонага суринги юзтубан йикилди. Нурбек уни тuriшга қўймади, нақ бошига тепди. Сўнг сийрак сочларидан чанглаб олиб турғазди-да, оғзи-бурни аралаш мушт солди. У «вой-вой»лаганча чалқанча қулади. «Е, тангрим! — деди Нурбек ўз кўзларига ишонмай,— бу Шерзод-ку! Ўзим қўллаб юрган Шерзод-а! Ё раббим! — У бениҳоя қутуриб кетди, Шерзоднинг хотинчалиш чиройли юзига, қаншарига, дуч келган жойига тепа бошлади. Шу пайт қаёқдан ҳам додлаганча Ойсара хола келиб қолди ва ўртага тушиб Нурбекка ёлворди:

— Тегманг, жон болам, тегманг! Умрингиз ҳазон бўлади, тегманг!

— Умрим ҳазон бўлди! — Нурбек алам билан тупурди.— Отасига лаънат! Умрим ҳазон бўлди. Минг лаънат! — У ҳўнграб յиғлаб юборди.— Отасига лаънат! Умрим ҳазон бўлди!

У ҳовлига чиқиб «Жигули»сига ўтиради-да, калитни буради ва машинани дарвозадан учирив чиқиб кетди. Изизда аччик тутун тўзғиб қолди.

Амрулла уйда йўқ экан. «Қора хотин» уни мулоим кутиб олди. Нурбек эрсиз уйга кирмас эди, бироқ ҳозир асаби қақшаб, қовоқлари оғирлашиб, елкалари тиришиб оғриётгани учун киришга мажбур бўлди. Қолаверса, бундан бошқа кўнгилтортар жойи ҳам йўқ. Ҳозир ўзини бутунлай ҳимоясиз сезар, атрофида парвона бўладиган ошна-оғайнилари эса худди ундан ўз ўгиришгандай. Ё унга шундай туялятпимикин?

«Қора хотин» Амрулла нолиганидай ёмон, қора эмас, балки қора чадан келган, истараси иссиқ, хушфеъл аёл экан. У дарҳол кенг, озода хонага жой солиб берди. Нурбек ўраниб ётди. «Қора хотин», яъни Гулойнинг ўзи эса дориҳонага бориб, дори-дармон сотиб олди, сўнг бозорга ўтиб, янги сўйилган қўй гўшти билан шолғом ҳарид қилди, қайтиб келиб қозон осди.

— Сизни овора қилиб қўйдим-да, Гулой,— деди Нурбек хижолат чекиб, учинни косада қайнатма шўрва олиб киргач.

— Овараси борми, Нурбек ака,— Гулой унинг олдига хонтахтани аста сурди,— ҳар кунги тирикчилигимиз-да, ош бўлсин,— у хонадан оҳиста чиқди.

Нурбек дори-дармон қабул этди, хиппа битган бурнига санорин томизди. Сўнг шўрва ичиб, тағин ўраниб ётди. Учта кўрпа ёпинган бўлса-да, оёқлари совқотиб қалтираяпти. Боши чўғдай қизиб, лўқиллаб оғрияпти. Алам, афсус сиқувида юраги сирқирайди. Бўлиб ўтган воқеа аввал унга туш каби туялган, эҳтимол шу бойисдир, бутун даҳшатни ҳис этмаган. Энди кўз олдини қора темир панжара тўсиб қўйди. Муборак соғ қўймайди уни! Судга беради! «Бекордан-бекорга мени урди, тұхмат қилди!» деб судга беради. Ҳеч ким Нурбекнинг тарафини олмайди. Гувоҳи йўқ. Нега урди ўзи?! Фазаб келганда ақл қочар экан. Урмасдан, сўкмасдан милиса чақириб, орани очса бўлар эди-ку! Йўқ, унда «Нурбек Назаров хотинини ушлаб олиби» деган гап тарқаларди. Яхиси, уйдан тинчгина бош олиб чиқиб кетади. Бекор-

га урди, яхшиям ўлдириб қўймади, ўзи аслида ўлдириб қўйгани маъқулмиди? Барি бир, умри панжара ортида ўтади энди. Қора панжара! Даҳшат! Даҳшат, шармандалик! Ширин билан тинчгина яшайверса ўлармиди? Астасекин ниятига ҳам етарди. Етмасаям, бирордан олдин, бирордан кейин бўлиб яшайверарди-да. Оилада тинчи бўлмаса, юрагига қил сиғармиди? Кўра-билатуриб ўзини ўтга урди-я! Бу не кўргулик?! Амакисиям бошидан қолсин!

Ўй, ваҳима, иситма Нурбекни адойи тамом қилди. Тонгда «Тез-ёрдам» чақирди, уни касалхонага олиб кетишиди. Нурбек етти кунгача дам ҳушига келиб, дам ҳушидан кетиб ётди. Бу вақт ичиди миш-мишлар ўрмаб қолди денг.

Ерӯ жўрлари деярли оёкларини узуб қўйишиди. Амрулла ҳам ўзгариб қолди. У аввал тез-тез, кейин онда-сонда хабар олиб турди, миш-мишлар кўпайгач, қорасини кўрсатмай қўйди. У Муборакнинг амакисидан кўрқди, Нурбекнинг думи деб ўйлашлари мумкин-да. Қолаверса, истиқболсиз одамнинг нима кераги бор? Фақат Ойсара хола келишини канда қилмади. Нурбек соғая бошлагач, унга ўйлаб юрган гапини айтди:

— Озгина англашилмовчилик бўлиби-да, ўғлим. Шерзод сизни ахтарган бўлиб, хонага кириди, Муборак ухлаб ётган экан, эшикни қулфлаб, унга ёпишибди, аммо Муборак ўйғониб кетиб, яқинига йўлатмади. Шерзод сизни кўролмайдими дейман-да, болам.

— У билан сен-менга бормовдим, шекилли,— Нурбек қайнонасининг гапига ишонмади. Лекин кўнглида «Балки англашилмовчиликдир» деб ўзини муқаррар фикридан чалғитмоқчи бўлди. Бироқ одам ҳаммани доғда қолдирса ҳам ўзини-ўзи алдаши қийин. Шунга қарамай, бу уйдирма унга ёққандай бўлди, ҳатто ўзини-ўзи зўр бериб ишонтиришга уринди: «Балки англашилмовчиликдир?! Балки англашилмовчиликдир?!». Балки англашилмовчиликдир?!..

— Бўлмаса қайси бир душманингиз уни тезлагандир, ўғлим,— Ойсара хола Нурбек ётган тўшакка ўзи ўтирган курсини яқинроқ сурди. Нурбекнинг хаёли қочди.

— Қайси душманим экан-а? — Нурбек жўрттага ҳайрон бўлиб, талмовсиради.

— Бешикдаги боланинг эмаклаган душмани бор дейишади, ўғлим.

Нурбек ўйланиб қолди: «Кампирнинг гапидаям жон борга ўхшайди. Шерзодга нуқул яхшилик қилиб юрардим. Аммо бу отангга лаънат, нимага менга ёмонлик қиласди, а? Ҳм-м, демак, кимдир номимни булғаб, пайимни қирқмоқчи бўлган! Ким?! Балки анави тепакал санъатшуносид! Ҳароми! Буни ундан кутиш мумкин. Ўб-бо отаси бетайин, онаси байтал-э! Наҳот шу уюштирган бўлса!?!»

— Э, ўйланиб ўтирасизми, болам,— деди Ойсара хола унга мулойим боқиб,— тоғсиз бўри, душмансиз одам бўлмайди.

— Тўғрику-я...

— Сиз ўзи пича тезроқсиз-да, ўғлим. Суриштирмайнетмай Муборакни уриб тепибсиз, унинг юз-кўзи кўкариб, тиши синиб кетибди. Уям ёш, қизиққон, мендан сўрамай, экспертизага борибди.

Нурбекнинг ранги қув ўчди. Кампир буни сездими, сезмадими, номаълум, давом этди:

— Эл ичиди қандай бosh кўтариб юраман энди? Ўртада болаларинг бор. Мен бўлсан сизни ўз ўғлимдан кам кўрмайман. Дўст-душманнинг ичиди шармандаю шармисор бўлмасак гўргайди.

Нурбек кампирнинг ниятини пайқади. У жавоб бериш ўрнига кўзини юмиб олди, бир-бирига зид ўйлар хаёлини қуршади: «Ярашсам, эл-юрт нима дейди? Тўғридан-

тўғри «Бунақа кун кўргандан кўра ўлганинг яхши!» деймадими? Аттанг, номим булғанадиган бўлди-да! Энди нима қилай? Ярашами? Нима қилай? Ярашмасам, ишдан кетаман, матбуот, радио, телевизорларнинг эшиклиари тақа-тақ ёпилади. Тағин бир ёқдан экспертиза дегани чиқиб турибди. Нобуд бўламан. Ярашсам, ҳеч вақо бўлмайди. Ёниғлиқ қозон ёпиқлигига қолади. Фақат оқ тиян кўрмагандек ўзимни тутиб юрсан бас, ҳамма думини қисади. Қайтага бу сабоқ бўлди менга, ким дўст, ким душман эканлигини билиб олдим!»

Нурбек касалхонадан чиққач, бир хушфеъл рус чоннида ижарада яшаб юрди. У озди, ингичка тортди, ранг-рўйи сомондай сарғайди. Бурунгидай дид билан кийиниб, хорижий кўзайнагини тақиб, тетик юришга ҳаракат қиласа-да, энди елкаси ўз-ўзидан қисилиб кетаварди. Одамларнинг кўзига ҳам тик қаролмай қолди. Қараса, «Сенам одаммисан!» деган маънони уққандай бўлаверарди. Ўзаро сұхбатлашиб турган тўдани кўрса, «Менинг фийбатимни қилишяпти» деб шубҳаланадиган бўлиб қолди. Шу боис ҳаммадан ўзини олиб қочар, у қочгани сайн одамлар уни қувиб, гап қилишарди: «Эрта-индин ишдан кетади».

Муборак тўқиганни ёхуд ростдан ҳам амакиси айтганими, номаълум, ҳартугул, Ойсара хола «кatta айтди» деб қўйидаги гапни Нурбекка етказди: «Оиласини эпломлапти-да».

Нурбек буни ўзича тушунди: «Оиласини эпломлмаган киши колективини эплай олармиди?!»

Узун-қулоқ гаплар кўпайгандан-кўпайиб кетди. Нурбек жонига қасд қилишгача етиб борди. Лекин жон ширин экан. Ўзингни ўлдириш учун ҳам тоғдай юрак ке-рак экан. «Юксак чўққиз турганида қора ер тагида ириб ётадими? У ўз умид-армонларини ҳамма нарсадан, ҳатто ўз номус-оридан ҳам устун қўяди, ахир!

«Емонлик дегани чирмовиқдай чирмашиб оларкан,— деди ичиди у,— яхшилик дегани гулдай гап экан. Емонликни яхшилаш мумкиндирик ахир, худди заҳардан дори ясагандай. Мумкин! — Нурбек хаёлига келган тасодифий фикрдан ўзи севиниб кетди. У ярашишни кўнглига туғиб, Ойсара холанинг қайта келишини кутиб юрганида кўққисдан каттанинг ўринбосари уни чақириб қолди: «Ярашмасангиз, партбилетни столга кўйинг-да, қишлоғингизга қайтиб кетинг! — деди у бургутдек ўтириб кўзларини унга тикиб,— гап-сўзниям кўпайтириб ўбордингиз. Одам деган орқа-олдини тозалаб юрадида!»

Қарчиғай қиёфали, хушбичим, кўркам бу киши билан Нурбекни Муборак танишириган эди. Нурбек баъзан Амруллага ўхшаш дўстлари олдида атайлаб... ўринбосарга кўнғироқ қилиб қўярди. Лекин ҳеч маъал уни ҳозиргидай важоҳатда кўрмаган, кескин гапини эшитмаган эди. Ўзини йўқотиб қўйди у. «Йўқ, йўқ, орамиздан ҳеч қандай гап ўтгани йўқ, ярашаман!» деганини ўзи ҳам сезмай қолди.

Ярашди, Юксак чўққига чиқиш учун ҳам ярашди. Ва кимлардандир ўч олиш учун. Фақат Муборакдан эмас. «Ҳали эрта,— деди тишини фижирлатиб,— ҳали эрта. Ҳамма нарсанинг вақти-соати бор. Ўшандада... ўшандай аламимни олайинки, туғилганларига минг пушаймон бўлсин. Бу дунёда ўч олишнинг йўллари кўп, жуда кўп. Масалан... Забаржадни қўлга оламан, минг сўм, ҳатто ундан ҳам кўп бераман, у ўтириш қиласди. Мен тайёргарлик кўриб тураман. У ёғи... Қўнғироқ қилган заҳоти шундай учеб бораман, ёнимда икки дўст билан милисаям бўлади. Кейин... кейин бир дўст уни суратга олади, албатта яланғоч ҳолида, яна жазмани билан... Ана ундан кейин додини худога айтсан! Ҳозирча шошмаслик керак, ҳали вақт бор. Ахир ўзимни ўтга

уриб нима қиласан? Амакиси оёғида маҳкам турибди! Ҳозирча эрта, лекин вақти-соати келади! Үшандада қайтага менга яхши бўлади, янги каттагаям маъқул тушади бу, «Амакисидан зулм кўрдим», деб суратларни олиб чиқаман! Ҳа, ҳозирча эрта, вақти-соати келади, албатта келади!

О, чўққилар,
Юксак чўққилар!
Менга умид,
Армон чўққилар!

Нурбек хотини билан ярашган куни эрталаб Амруллани ҳузурига чақирди:

— Дўст, бу дейман, тобингиз қочганроқ кўринади,— деди илжайиб. Бироқ бу илжайиш тагидан илон заҳарли тилини чиқариб турарди,— анчадан бўён гаплашмаям кўйдик, а? Ҳар қалай, дўстмиз, дўстлик ҳурмати деғандай, дам берайми? Е ёнгилроқ ишга! — Нурбек Амруллани ўзига яқин олгандай кўрсатиб, кўпдан бўён қайраб юрган тифини унинг юрагига санчди.

Кутимаган зарбдан Амрулла довдираб қолди, хийла сукутдан сўнг ўзини ўнглаб олди ва Нурбекка тажовузкорона тикилди. Бироқ қутурган бўронда кема қояга урилиб чилпарчин бўлганидек, унинг нигоҳи ҳам чақнаб турган кўзларга урилиб синди, синдию ўзи полиздаги «кўрики»дай шалвираб қолди.

«Хотини билан ярашганга ўхшайди,— деди ичиди ўзининг шошмашошарлигидан пушаймон еб,— энди кун бермайди! Ярашган — тубан! Лекин энди сulton суганини хўрламас, дегандай уни ташлаб қўйишмайди». — Амрула тагин бурунгидай мўмин-қобил қиёфага киришга мажбур бўлди ва раҳм туғдирувчи оҳангда деди:

— Сиз билан ишлашга нима етсин, Нурбек Назарович? Тумовлаб юрганингизда сизни ўйлаб кўп эзилдим-а, Нурбек Назарович.

— Шундоқ демайсизми, дўст! — Нурбек ўзини суюнган кишидай кўрсатди. Бироқ кўнглидан бўлак фикр кечмоқда эди: «Ялоқсан, ялоқлигинча ўлиб кетасан! Сендан кўра шайтонга ишонган маъқул. Тўхтаб тур, ҳали кулиб туриб бир жонингни олайки!..»

Нурбек ўч олишининг хилма-хил усулини билар эди. У душмани билан ош-қатиқ бўлиб кетар, бирга юрар, дўстлик ва меҳр-оқибату адолат ҳақида сухбатлашар, давралару мажлисларда уни мақтар, ҳатто унга ёрдам ҳам берар, пировардида унинг анча-мунча сирларини билиб, баъзан душманларидан ўч олишда уни курол қилиб юборар эди. Ҳа, зимдан душманинг тагига сув қўйиб борарди. Ўзининг душмани Эшматни Тошматга мақтаган бўлиб ёмонлар ва уларни усталик билан бир-бирига қайраб қўярди.

Эшматвой камтар, оқил киши! — дерди у самими тарзда ичидаги қора ниятини сездирмай,— сизам оққўнгил одамсиз, дўст. Аммо, менгабир-бирингни унча хуш кўрмасликларинг ёқмайди.

— Нега энди? — Тошмат елкасини қисиб ҳайрон бўларди,— орамиз яхши, шекилли.

— Ҳар ҳолда, Эшматвой тўғри сўз йигит. У сизга ёмонликни раво кўрмайди. Аксинча, сизни оққўнгил деб мақтармиш, фақат ҳовлиқмароқ, саводсизроқ дермиш.

— Вой ярамас-эй, ўзи ғирт саводсиз-ку!

— Эшитганини айтдим-да, дўст,— Нурбек ичиди кублиб қўярди ва худди шу гапларни оқизмай-томизмай Эшматга айтарди. Эшмат газабга минарди. Бу ҳам етмагандай, Нурбек уни яна уч-тўрт кишига худди шу тарзда мақтаган бўлиб ёмонларди. Ўртада низо чиқар-

ди. Эшмат жар лабига бориб қоларди. Нурбек кўпчиликнинг қўли билан унинг оёғини осмондан қилиб жарга кулатарди. Худди шу усулни пича ўзгартирган ҳолда Амруллага қўллашни ўйлаб Нурбек мийиғида кулиб қўйди.

Тагин у ҳамманинг кўзига тик, мағур, тетик боқувчи Нурбекка айланди. Гўё орадан ҳеч қандай гап-сўз ўтмагандай эди. Одамлар ҳам унинг мардана ҳаракатидан чўчиб, миш-мишларни камайтиришди, кейин-кейин деярли шу ҳақда лом-мим демай қўйишиди, фақат санъатшуносга ўхшаш кимсаларгина пана-пастқамда сасиб юришарди: «Вой, хотини қанжиғ-эй! Керилиб юрганига қара. Ҳудди осмонни кўтариб тургандай-а? Аввал хотинчангни эплаб!»

Ўз навбатида Нурбек ҳам Амрулла орқали санъатшунос ҳақида гап тарқатди: «Қулмат санъатшунос ўзини имли кишидай кўрсатиб юради, аслида саводсиз. Бечорага бу касаллик ойисидан юқкан, ойиси бузук аёл эди, аммо ўзини қўй оғзидан чўп олмагандай кўрсатиб юради. Лекин эл-юртдан ҳақиқатни яшириб бўладими? Уни ҳамма «Холида бузук» дейишарди. Қулматнинг ўзиям суюқёёқ. Бундан кўра хотинини тийиб олса бўлмайдими? Ўзининг шогирди билан дон олишади-я...»

Санъатшунос ва унинг гурухи Нурбекнинг нега ёмон кўришади? Бунинг тарихи бор: Нурбек бир баҳона, холос. Аслида уларнинг асосий душмани — Муборакнинг амаки.

Йигирма йиллар бурун у билан санъатшунос ўртасида бир низо чиқкан. Амакининг одил дўстини санъатшунос машинада уриб қочиб кетган. Шумғия сувдан куруқ чиқкан. Буни амаки қайта қўзғаган. Ўша пайтлар «йирик одам» ҳисобланган, эндиликда одамларнинг эсидан чиқиб кетган тили заҳар бир киши мақеидан фойдаланиб, «иши»ни бости-бости қилган.

Бу мудҳиш тарихни Нурбек билмасди. Куни кеча Амрулладан эшитди.

— Ў-ҳў! — деди Нурбек таъсирланиб,— гап бу ёқда экан-ку, дўстим. Илдизига урсам, шохи зирқирайди деб ўйлаган-да, энагар! Аммо ўзининг шўри, шахсан мен биринчи бўлиб, ҳеч кимга душманлик қилмайман, агар кимки менга ёмонлик қилса, уни таг-томири билан суғуриб ташлайман!

Нурбекнинг кўзлари илонга чанг солаётган мушукни кидай ёвузона йилтиради. Амрулла сесканди, назарини олиб қочди. Нурбек бу гапни қизим сенга айтаман, келиним сен эшит қабилида айтган эди, шуни фаҳмлади.

— Тўғри қиласиз, Нурбек Назарович! — деб тасдиқлади ўлганинг кунидан Амрулла,— душманга бўш келдингми, у бошингга чиқиб олади, буям етмагандай пана-панадан фиску фасод қилади; ўзи табиат ҳам ғовак нарсани ёқтирамайди, масалан, бўш дарахти курт ейди, одам қатиъй бўлса ундан ҳамма қўрқади, ҳурмат қилади, ўзи душман билан оғиз-бурун ўпишиш ярамайди, душман бари бир душманлик қилади, сиз айтгандай уни таг-томири билан суғуриб ташлаш керак.

— Тўғри, дўст,— унинг товлама гапи Нурбекка маъкул бўлди, аммо Амрулланинг ичиди илон ўйнаётганин ҳам пайқамай қолмади.

Нурбек душманлари билан фақат маҳфий тарзда курашибши, ўзига, тилига маҳкам бўлишни дилига маҳкам туғиб, янада ишонч ҳам дадиллик билан ишни бошқаришда давом этди. Бироқ ҳали олдинда Ширин масаласи гов бўлиб турар эди.

Шириннинг чиқишига беш кун қолганида касалхонага боришига мажбур бўлди у. Баҳор офтобидан ҳаммаёқ яшнаб кетган эди. Олдиндан сим қоқиб қўйгани учун нақ дарвозада уни бош врачнинг ўзи кутиб олди. У «Жигули»дан тушар экан, ўзини сирли кўрсатиш,

кагтанинг күёви сифатида салобатли ҳам самимий тутиш учун кўзидан кўзойнагини олмай, виқор билан унга қўлини чўзди.

— Салом дўстим...— Нурбек гўё унинг исми-шарифини унтиб кўйгандай, томоғини маънодор қирди,— андек кутдириб кўйдик-да, узр сўраймиз.— Аслида у бош врачни шошириб кўйиш учун шундай қилган эди.

— Сиздай одамни қанча бўлсаям кутамиз-да, Нурбек Назарович, бош устига,— у Нурбекнинг амалдор ҳам пулдор эканини кўрсатиб турган нафис оқ костюмига, хурмо тусли кўйлагию олов ранг галстуғига ҳамда тово-ни баланд бўз туфлисига яширинча разм солди, ичиди «Мен ҳам шундай кийинсан бўлади-ку», деб ўйлаб ютинди.

— Раҳмат, дўстим, биз ҳам қўлдан келганча хизматларига тайёрмиз.

Нурбек: «Таниш-билишсиз ва ёки пулсиз касалхонага жойлашиш қийин», деб эшигтан эди. «Бу нусха ҳам битиб кетган чиқар,— деган ўйга борди.— Қолаверса, врач дегани керак бўлиб туради. Лекин ўзи пачоқ одам экан, бирга юришга ҳам уяласан киши. Кўршапалакка ўҳшайди-я, кўзи кўринмайди, бўйиам бир қарич, раҳбар дегани йирик, серсавлат бўлгувчи эди. Энағарнинг ба-шарасига касалларнинг, ўликларнинг нуқси уриб қолган: сап-сариқ, заҳил. Аммо кўнгли очиқ кўринади».

— Қани, юқорига, кабинетга марҳамат, Нурбек Назарович,— жимликни бузиб таклиф этди бош врач,— қани,— у соддадиллик билан Нурбекнинг тирсагидан тутиб, юқорига ундали,— марҳамат.

Бирдан кагтанинг күёви, машҳур хонанда ва масъул идоранинг бошлиғи эканлиги ёдига тушдию Нурбек тирсагини тортиб олди.

«Эрк берсанг, арзимаган кимсаям бошингга чиқиб олади-я!— деди ичиди ғижиниб Нурбек,— сирли бўлиш керак. Иложи борича одамларга кам кўриниш керак. Лекин кишиларга ёқа билишинг, уларни ўзингга қарата билишинг ҳам лозим. Акс ҳолда пуч ёнгоқдай бирор бир тийинга олмай кўяди. Ким бўлмасин, уни, ҳатто кучукниям бездирма. «Каттага куёвман» деб ўзингни осмони-фалакда чоғлаганинг билан иш битмайди. Таъсир эта билиш керак одамларга, тағин каттанинг номини тилга олмасдан, хатти-ҳаракатдагина шуни сездириб кўйиш, кўрсатиш керак. Ҳа, ҳеч кимга сир бермасдан, жуда усталини билан мумомала қилиб таъсир ўтказ. Шундагина пишагингни ҳеч ким пишт дейлмайди, ҳатто катта ишдан кетган тақдирда ҳам!»

— Авф этасиз, дўстим,— деди Нурбек бош врачининг оғринганини кўриб, сохта равишда юзини буриширилар экан,— сабил, нақ тирсақда яра...

— Э-ҳа, узр,— бош врач хижолат чекиб қизарди,— даволайлик, Нурбек Назарович.

— Раҳмат, иш бошдан ошиб ётибди. Бўлмаса, ўзимизнинг правительственный больнициям бор, вақт то-пид боролмаяпман. Бу ерга бир зумга келдим, холос. Бир оғайним бор, ўзи паҳтачалик бўйича мутахассис, профессор, ҳозир чет элда, уч ўйлга кетган. Сизда шунинг бир сингиллари ётиби, отиим нимайди, Шарбатми, Ширинми, шу... ёдимдан кўтарилаёзилти, фамилияси Эшимова эдими-еъ, ҳар қалай, шунга ўхашаш. Дўстлик ҳурмати, бир кўриб кетай деб келувдим.

— Бунинг савобиганима етсин, Нурбек Назарович?— Бош врач негадир шошиб соатига қаради ва безовтала-ниб деди: — Фақат каминани маъзур тутасиз, жиддий операция бор эди. Ширинхоннинг ёлғиз ўзлари тушадилар-да.

— Бемалол, дўстим, bemalol.— Нурбек: «Сиримни билиб қолмасин», деб қўрқиб турган эди, бирдан енгил тортиди. — Баҳузур.

Бош врач ўнг қўлини кўксига қўйиб бурилди-да, иккى томонида дараҳтлар мунҷоқдек тизилган ўйлка бўйлаб пилдираб юриб кетди. «Муборакнинг таниш-билишлари кўриб қолмасин» деган хавотирда Нурбек хиёл четдаги арча панасига ўтди. Бироқ Ширин ҳа-деганда чиқавермади. «Кутишга мажбурман,— деди Нурбек, «БТ» тутатаркан,— отанга лаънат! Вой-бўй, анави қиз мунча сулув-а!— Нурбек ўйлакда кетаётган қизга ёниб тикилди,— оёғи зўру! Кўзлари тим қора, қошлари чимирилган. Ўзининг гўзлаллигини билади, ўлгур, мағрут қад кериб кетяпти. Доим юзини сутга чайиб юрадими дейман, оппоқ, қурмагурнинг сийна-лариям бор экан-да ўзи, ҳандалакдай-ҳандалакдай ке-лади-я. Бир қошик сувга чайиб ютиб юборсанг! Кимга насиб қиласарин, жодугар? Унча-мунчасига қарамас-ов. Аммо бундайлар танлай-танлай тозига йўлиқади ёки эрсиз қолиб кетади. Э, Ширинга нима бўлди ўзи, ҳалигача келмаяпти?— Нурбек соатига қаради,— ал-васти!— У дарвозадан бир томони кўриниб турган «Жигули»сига қаради.— Қиз бола дегани машинаю пулни яхши кўради. Жин урсун!— Унинг тоқати-тоқ бўлди, шу чоғ ўйлакда Ширин кўринди.

«Мардона юриб келяпти,— деди бўшашиб Нурбек,— шарманда қилмаса гўргайди! Яхшиси...— у «Жигули»си томон сильжимоқчи бўлди. Бироқ Ширин яқин келиб қолган эди, улгурмади. Ширин ўзидан нафрланишини ва буни яширмаслигини кўриб, баттар талвасага тушди, килмишидан афсусланган кимса қиёфасига кирди.

— Яхшимисиз, Ширин?— Нурбек унинг нафрат, аф-сус-надомат балқиган юз-кўзига мўлтираб тикилиб, қўлини чўзди.

Вақт туйғуларни синайди, синовга дош берганлари яшайди, дош бермаганлари ўлади. Ширин учун Нурбек ўйқ, унга меҳру муҳаббати ўлган эди. Дарада туйғулар ўша масъуд туйғулар вақтнинг қора тўзони тагида қолиб кетган эди. У Нурбекнинг қўлини олмади. Нурбек қаттиқ изза бўлди. Шириннинг нигоҳига дош беролмай, кўзини олиб қочди. Шунда дафъатан «Ишқилиб шарманда қилмасин!» деган фикр миясини тилиб ўтди ва яна бир бор унга ер тагидан қаради. «Янаям сулув бўлиб кетибди,— дея у дилидан ўтказди,— аммо феъли ўзгарган, ўзгаргандаям ёмон томонга ўзгарган кўринади».

У тағин ер чизиб қолди. Кейин ногаҳон Шириннинг қаттиқ портлашини ҳис этиб, юраги орқасига тортиб кетди ва бунинг олдини олиш учун ёлворганнамо гапирди:

— Мени кечиринг, Ширин! Мен алдандим, кечиринг!

Ширин чиқсамми, чиқмасамми деб узоқ иккилангач, алҳол «Чиқиб юзига тупуриб келаман!» деган ўйда келган эди. Бироқ Нурбекнинг бундай товланаётганини кўриб, аламини ёзолмади. «Одам ўзини шундоқ ҳор қиладими?— деб кўнглидан кечирди у,— ё менга шундоқ туйилаётганимикан? Илгари дўст бўлиб, сунг ёвлашсанг, унинг ҳамма қиликлари ёмон кўринаверади ўзи. Лекин ҳозир кашмирилик қилаётгани кўриниб турибиди. Тоза тубанлашиб кетибди!»

— Сизам ўзингизни одамман деб юрибсизми?!— деди Ширин асов ғазабини жиловлолмай, совуқ тонг қировидай оқариб.— Сиз..— Ширин гапини тутатишни ҳам эп кўрмади ва мислсиз нафрату қаҳрга тўлган қўзини Нурбекдан узди-да, ижирғаниб ортига шарт бурилди.

Нурбек ер билан битта бўлиб қолаверди. Унга: «Си-зам ўзингизни одамман деб юрибсизми!» деган сўз ҳар ҳандай ҳақоратдан ёмонроқ таъсир этди. Бундан унинг

дарди-дунёси қоронғи бўлди.

Шундай кимсалар бор: сенинг ҳақ-ҳалоллигинингни билади, сенга ичида тан беради. Лекин бари бир ўз нафси йўлида сенга ёмонлик қилишдан қайтмайди. Ҳатто сени яхши кўрса ҳам, сенга ичи ачиса ҳам ёмонлик қилишдан тоймайди. Нурбек ўзини кўлга олиб-олмай, қалтираб-титраб, гезариб-бўзариб деди:

— Шошмай тур ҳали, дўст!

Шириннинг елкасидан тоғ ағдарилгандек бўлди. Дили ёришиб палатага кирди. Бу ерда уни Нина Ивановна кутиб турган экан. Қадрдонлардек кўришдилар. Нина Ивановна Ширинн ёқтириб қолганиданми, кўнгли тураган пайтларда ундан хабар олиб турар ва ҳар гал «Софайиб кетсанг, мен билан яшайверасан», деб айтар эди. Шунда Ширин ўйланиб қолар, аниқ жавоб беришга қийналар, «Қани, аввал соғаяй, хола» деган гап билан чекланар эди. Бироқ бу сафар Нина Ивановна маҳкам оёқтираб туриб олди.

— Менинида яшайқол, қизим. Мен қаридим. Иссиқ-совуғимдан хабар олиб тургувчим бўлса дейман-да. Сенга меҳрим тушган, гапимга кир, йўқ дема, ҳам ўқиб, ҳам ишлайсан, қизим.

Ширин ўйланиб қолди: «Бошқа қаерга ҳам борардим? Аниви Ҳамида га ўхшаганланинида яшашдан худо асрасин!»

Ахийри у рози бўлди. Нина Ивановна севиниб, уни бағрига босди. Бироқ...

Ширинн олдинда мудҳиш қисмат кутмоқда эди.

Нурбекнинг кўрсатмаси билан Ҳамида қўшмачи тағин «иши»га киришди. У Шириннинг Нина Ивановнага берган ваъдасию қачон чиқини биларди. Лекин фурсат етганда касалхонага атайлаб бормади. «Борсам, чўчиди жувонмарг,— деб ўйлади маккор хотин,—лаш-луши билан ҳужжатлари ўйимда, ўз оёғи билан келади, хи-хи!»

Ширин келди, оёғи тортмаса ҳам келди. Кеч кириб қолган, заиф ел эсмоқда. Ҳовлида зоғ кўринмайди.

— Ҳамида хола-ю! Ҳамида хола-а! — деб чақирди у. Ҳеч ким жавоб қайтармади. Фақат ён томондаги дераза пардаси сезилар-сезилмас силкинди. Лекин буни Ширин пайқамади. У тағин чақирди. Сукунат ҳукм сурди. Ширин: «Қўшнисинига чиққандир,— деб гумон қилди,— пича кутайчи!»

У хаёл қуршовида ҳовли ўртасига — ариқ бўйига борди ва бирдан кафти билан оғзи-бурнини бекитди. Ариқчада қора лойқа илондай судралмоқда. Ҳиди одамни ўқчитади, сассиқпопушакнинг инидай бадбўй. Ширин дарҳол нари кетди. Унинг кўзи ҳовли четидаги оппоқ ўрикка тушди. Юзи ёришди ва яна бирдан хомуш торти. Оппоқ гуллар қишлоғини, онасини ёдига солди. Ана, тоғдан пода қайтмоқда. Майдо тош тўшалган кўчадан енгил чанг кўтарилади. Ўтин ортилган эшакда «телба» чўпон келяпти. Чанг ичра ярим яланғоч боалар кўзга чалинади, улар чўпонга тилларини чиқариб, муштларини дўйлайтириб қичқиришади, тош отиб қочишади. Чўпон эса уларга тиржайғанча хезланиб қўяди ва тағин руҳсиз бир алпозда ўйлида давом этади.

Ана, онаси сигирни соғиш ниятида хурмачаларни чаймоқда. Унинг кўзлари нам, ғамбода. Сочлари оқарган, ўзи буқчайиб, ранг-рўйи ҳам бир ҳолда.

«Эна! Энажоним!» деб пичирлади Ширин. Шунда унинг вужуд-вужуди, юрак-юраги титраб-титраб кетди, йиғлаб юборди. Уни овутадиган киши бўлмади. У йиғлади, йиғлаверди. Охири Шириннинг кўз ёшлари қўриб қолди.

Охири қишлоғи, онаси кўздан ғойиб бўлди.

Охири кўз ўнгига бир туп ўрик қолди. Оппоқ гуллари

битта-битта тўкилаётган ўрик. Оппоқ-оппоқ. Битта-битта...

Кўз олди қоронғилашди. Оёқ-қўли музлади, юз, манглай ва кўкрагини совуқ тер қоллади. У мувозанатини йўқотди, тупроққа ўтириб қолди. Тағин парда силкинди. Унинг қовушган узун-узун киприклари иккига ажралди. Оппоқ гуллар ҳам кўздан ўди. Йўқ, уларни бир нима тўсиб қўйди.

— Ўзингни тут, оппоғим!

Ширин тўқсингини таниди: Ҳамида. Ширин унинг кўмагида ўрнидан турди. Сўнг нари бориб устини қоқди.

— Яратганга шукр! — Ҳамида ёқасини очиб, кўкрагига тауфлади.. Нақ юрагим ёрилаётди, тауф-тауф! Қани, ўйга кир, ширин қизим!

— Йўқ, хола, қоронғи тушиб қолади, нарсаларимни беринг, кетаман.

— Ҳеч бўлмаса, жиндай нафасингни ростлаб ол, оппоғим, — Ҳамида жон-дили билан қоронғи тушишини истарди,— дармонсизсан, анча ётдинг-да. — У Ширинни қўярда-қўймай ичкирга олиб кирди,— тағин йўл-пўлда кўзинг тиниб... — Ҳамида гапини тугатгунча бўлмай дастурхон ёзи ва чой дамлагани югурди.

У ошхонадан атай ҳаяллаб қайтди. Ҳамидага қизи — Холида ҳам эргашиб келди. Хонани атир-упа ҳиди тутди. Ҳадемай ичкири қоронғилашди. Холида чироқни ёқди. Нур жилва қилиб унинг пардоз-андозли юзи хийла чиройли кўринди, оч пуштиранг кўйлаги, тилла тақиңчоқлари равшан тортди. Шириннинг юраги сиқилиб кетди. Кетай деб у руҳсат сўради.

— Бир кечада,— минг кечамас, ширин қизим,— Ҳамида раҳмдил аёл қиёфасиға кирди,— рангингга қара, бир ҳолдасан. Қолгин оппоғим, қолгин. Холи билан гурунглашиб ётасизлар,— у Ширинга чой узатди. Ширин пиёлани истар-истамас олиб, дастурхоннинг четига қўйди.

— Йўқ, кетаман, хола,— деди у юраги баттар сиқилиб,— руҳсат беринг.

— Қоронғи тушиб қолди-ку, тилла қизим, яна де, худди аксига олгандай, хўжайнин ўлгур ҳам келмаяпти, кийим-бошинг турган хонанинг калити ўшандада, чўнтағига солиб кетган, гўрсўхта.

— Кейин келарман бўлмаса,— Шириннинг руҳи буткул тушиб кетди. У келганига пушаймон бўлиб, ўрнидан турди. Бироқ Ҳамида: — Алҳамдиллло, мусулмон парзандимиз, оппоғим, дастурхонга патиҳо ўқийлик!— дея уни тағин ўтқазди.

«Мунча ёпишиб олди бу хотин? — дея кўнглидан кечирди Ширин.— Ишқилиб, бир шумлиги йўқмикан? Ечиндан меҳрибончилик қиляптими? Ахир, мени алдаб чақиргани йўқ-ку, ўз оёғим билан келдим-ку. Пича одамгарчилигим бор ўзи, ҳар қалай, кўргани бориб турди. Лекин бари бир одамга ёқмайди, ундан қўрқасан киши, қарашлари ёмон, ўша ҳалиги ҳодисагаям асли шу хотин сабабчи эмасми?!»

Ҳамида унинг ўйланиб қолганидан фойдаланди, қизига «Мана бу ер юткурни қолдиришга санам уриниб кўр!» деган маънода кўз қисди. Холида Ширинга яқин сурилиб, унинг тиззасига қўлни қўйди.

— Ўртоқжон, борадиган жойингизам тайинсизроқ,— деди томдан тараша тушгандай дангал,— ҳали у уйидами, йўқми, буни худо билади, балки бирон ерда ўчиб қолгандир? Ўзи ичар экан, ундейлардан буни кутса бўлади. Яхшиси қолинг, эрталаб кетасиз. Биз сизга фақат яхшиликнираво кўрамиз, касалхонадан чиқиб келяпсиз... қишлоқ қизисиз... Адашмасам, кўнглингизга ҳар балолар келиб... бундан бизнинг хафа бўлишишимизни ўйла-маяпсиз ҳам.

Ширин ноқулай аҳволда қолди. Шунда «Қолсамми-

кан?» деган ўй хаёлидан ўтди. Лекин бир ёмонликни сезиб тургандай күнгли ғаш эди.

— Холининг гапи тўғри, Ширин қизим, — деди Ҳамида Шириннинг иккиланаётганини сезиб, — ҳар нечук, катта шаҳар-да, оппогим, сен бўлсанг бир қишлоқ қизисан, шаҳарда кечаси юриш хатарли эканлитгини билмайсан, айниқса, қиз болага!

Ширин қолди, ўз иродасига қарши туриб қолди. Ҳамида унга Холида билан бир хонага жой солиб берди. Шириннинг таъби нозик эди, кўрпа-тўшакдан ижирғанди, ечинмасдан ётди. Лекин ухлолмади, не сабабдан-дир қалбини енгиб бўлмас ғашлик тумани чулғаб олган эди.

Тун оққач, Холида ташқарига чиқди. Ширин ўз хаёлларига ўралганча ётаверди. Эшик қайта очилганда ҳам Холида кирди деб ўйлаб қўзини очмади.

Нимадир қитирлади, сўнг шитирлади. Ширин: «Холида, нима қиляпсан ўзи?» — демоқчи бўлди, демади, андиша қилди, факат оғир «уҳ!» тортиб қўйди. Худди шу сония кўпол, зил-замбил бир нарса чўчқадай хириллаганча уни босиб тушди. Ширин чинқириб юборди. Кўзига одамсиёқ маҳлук кўринди, йўқ, тўғрироғи, тун зулмати ичра Ширинга шундай туюлди.

Унинг дами ичига тушиб кетди. Лекин дарҳол ўзини кўлга олди, «маҳлук»нинг башарасига чанг солди.

«Маҳлук» қаттиқ маст, оғзидан ароғу саримсоқнинг қоришик ҳиди анқимоқда эди. Ширинни «Қанжики!» дея сўкканча юзига шапалок тортди.

Шириннинг боши айланди. Аммо танишдай, жуда танишдай овоздан сергакланиб, ўзига келди. «Маҳлук» ўнга ўлиб-тирилиб ёпишганча кучоқлаб ўпа бошлади. Ширин жонҳолатда «маҳлук»нинг қўлини тишлади ва юз-кўзига қайта чанг солди. Шунда у бўкириб юборди. Ширин ўрнидан сакраб турди-да, ташқарига отилди. Бироқ ҳалиги ариқчага етмади, етолмади, хириллаб этиб келган «маҳлук» уни тутиб олди ва сочини бураб, ўзига қаратди. Шунда, ё тангрим, ой ёғдусида у қизини таниб ток урган кимсадек титради ва қорайиб кетди, оғзини ланг очганча қотиб қолди.

Шириннинг юраги орқасига тортиб кетди. У ҳам қотиб қолди, ҳайрат кўзларини катта-катта очиб тош қотди. Сўнг телбадек чинқириб юборди ва юрагини чанглаб йиқилди. Худди шу лаҳза бошқа бир хонадан Ҳамида қўшмачи, унинг эри, Сайдалим, Холидалар чопиб чиқишиди. Эшим зўр ҳамон эс-хушини йўқотганча қора ҳайкалдек қотиб турар эди. У шир яланғоч эди. Сайдалим келиб унинг қўлини орқасига қайирди. Ҳамида сочлари ёйилиб, тупроққа беланиб ётган Шириннинг билак томирини тутиб кўрди, сўнг:

— Дунёдан ўтибди, шўрлик! — деб кафтларини юзига сурди.

Эшим зўр яшин урган дараҳтдай титраб кетди, юзлари қорайди. Сайдалим, Холида билан отаси Эшим зўрни тепиб судраганча хонага олиб киришиди. Факат Ҳамида қўшмачигина бир оз ҳаяллаб қолди...

Ширин тупроққа қорилганча ётар, лекин ўлмаган эди. Буни Ҳамида қўшмачи сезмади, сезадиган ҳолда ҳам эмасди, кўзини пул, пачка-пачка пул қамаштириб кўйган эди. Шоҳди, ақли шоҳди, пулга, пачка-пачка пулга ҳаёли кетди. Шунинг учун ҳам сезмади, аста-аста ураётган юрак зарбини сезмади, шоҳди, пачка-пачка пулга шоҳди...

Эшим зўр ўзини йўқотиб қўйди. Ҳатто яланғоч эканини ҳам унутди. Сайдалим: — Қотил! Одам ўлдирдинг, қотил! — деб унинг қорнига устма-уст тепди. У буқчайиб ўтириб қолди.

Ҳамида ҳам Эшим зўрнинг бошига муштлаб қарғади:

— Деразани бузиб кирдинг, ит, қишлоқи! Ойдай қизининг юрагини ёриб ўлдирдинг, мохов!

Эшим зўрнинг лаб-лунжи осилиб, кўзи ўлган қўйнинг кўзига ўхшаб қолди. «Тириклайн ўлдим!» деб ўйлаб, у ич-этини ея бошлади.

Сайдалим қизил муқовали ҳужжатини атай хонтахта устига қўйди. Сўнг «Акт» ёзиб, Эшим зўрга мажбуран имзо чекдирди. Қўшмачи, Холида ва унинг отаси ҳам битувга кўл қўйишиди.

— Энди «Тушунтириш хати» ёз, разил! — деди Сайдалим унга жирканиб. Эшим зўр моховдай қаради, кўзига қўлини нуқиди.

— Ёз, ювуқсиз, гўрсўхта! — Ҳамида Эшим зўрнинг пешонасига туртди.

— Ёз! — деди таҳқириона овозда Холида.

— Ёз! — деди чийиллаб Ҳамиданинг эри.

Эшим зўр овлоқ довонда, қор кўчки тагида қолаётган кимсадай титраб, қалтираб кетди. Агар минг чандон айбдор бўлса ҳам, қизи билан қўлга тушмаганида у Сайдалиму Ҳамидани еб қўярди. Не қилсин, ноилож, умрида кўрмаган хўрликларга чидайди, ноилож, ўртада одам ўлган, тағин ўзининг қизи, ноилож! Ўз қизи-я! Қандай шармандалил! Шунча ақл-фаросати билан бир арзимас хотиннинг тузофига илиниб ўтириби-я! Қандай шармандалиг-а!

— Нега ўйланиб қолдинг, қотил?! — Сайдалим унинг юзига тарсаки тортди. — Ёз! Ёз дедимми, ёз!

— Н-н-ни-ма, ё-ё-ёз-и-и-и-иш-ни би-и-и-ил--ма-а-ай-ма-ан! — деди Эшим зўр дудукланиб, қалтираб.

— Нимани ёзиши билмайман эмиш-а? Биласан, балони биласан, ернинг тагида илон қимирласа, биласан! Ўзингни гўлликка солма. Сандақаларнинг мингтасини кўрганмиз. Бутун разиллигингни бошдан-оёқ ёзасан, ўйимга ўғринча кирганингниям, гулдай қизга тажовуз қилганингниям, қотиллигингниям ёзасан! Энди тушундингми, ит қишлоқи! Ёз, бўлмаса қўзингни ўйиб оламан! — Ҳамида товони билан унинг қаншарига тепди. — Сенга бегуноҳ қизнинг сочидан бураб уриш қандай бўлишини кўрсатиб қўйман ҳали, гўрсўхта! — У яна тепди.

Эшим зўрнинг қулоғи бутиб, кўз олди қоронғилашиб кетди. Ўзига келгач:

— Кийиниб олай, кейин ёзаман! — деди у бўшашиб.

— Нариги дунёда кийиниб оласан, гўрсўхта! — Тупигини саҷратиб шанғиллади Ҳамида. — Тушундингми, нариги дунёда, дўзахда! Шу туринингда ёзавер, ит! Ўн гулидан бир гули очилмаган қизга ёпишганда уялмаган, энди уяласанми, қорамозор!

— Ўзингиз айтганга...

— Ўзингиз айтганга? — Ҳамида унинг гапини бўлиб, юзига туфлади. — Сени етти ухлаб тушимда кўрмаганман, ҳайвон! Сен қотилсан! Энди ҳеч қаёққа қочиб қутулашади, олмайсан, турмада чириб ўласан! Яхшиликча ёз, чўпчагингни сувга айтасан, каззоб!

— Ёз бадбахт! — чираниб бақирди Сайдалим. — Имиллама! Тонг ёришиб қолса, ўзингга қийин, яланғочсан, экспертиза текшириб кўрмагунча, кийинмайсан, йиғилган ҳалқ олдида ҳам шундай турасан!

Эшим зўрнинг лаблари титраб, кўзлари ёшга тўлди. Сайдалим севинса-да, сир бермади, қовоғини уйиб, гапида давом этди:

— Фирт жиноят устида қўлга тушдинг, разил! Акта ҳам қўл қўйдинг, энди ҳеч қаёққа қочиб қутулолмайсан! Ҳеч қаёққа!

Эшим зўр йиғилаб юборди. Эркакнинг йиғиси тоғни ларзага солади, дейишади. Лекин унинг бу йиғиси тиззасида турган пашишага ҳам таъсир қилмади.

— Қишлоғингга срочний телеграмма юборамиз! — Сайдалим атайлаб пинагини бузмаган оҳангда гапир-

ди.— Уруғ-аймогларинг дарров етиб келишади, Шириннинг жасади билан сени шу ахволда кўришади.

— Оҳ, пешонам шур экан! — Эшим зўр таҳликага тушиб Сайдалимнинг оёғига йиқилди.— Нима десангиз қиласман, ука, фақат уйимга билдириянг! — У йиғидан тўхтаб Сайдалимнинг оёғини қучганича кўзига мўлтираб термилди. Сайдалим уни ит ўрнида кўрмай тепиб юборди.

— Аввал ёз, кейин гаплашамиз,— деди у Эшим зўрда умид учқунини уйғотиб.

Алҳол у титраб-қалтираб тушунтириш хати ёзди. Сайдалим уни акт билан бирга папкасига солди.

— Ана энди, қон қусгур, тақдиринг бизнинг қўлимизда! — деди қувониб Ҳамида.

— Чўнтағингда нима бўлса ҳаммасини чиқариб кўрсат, қотил! — дея буюрди Сайдалим.

Бешови ҳам ҳовли бурчагидаги хонага боришли. Ана, Ширин тупроқса сингиб, ер билан битта бўлиб ётиби. Унга биронтаси қарамади. Қарашибанда балки унинг хушига келганини сезишармиди? Пул одамнинг кўзини кўр, қулоғини кар қилиб кўяди. Эшим зўр эса шу тарафга қарашиба ҳам ботинолмади, кўрқди, унинг юраги бандида ҳилвираб турган кузги барғдай титрамоқда эди, қаттиқ титрамоқда эди.

Бирин-кетин ҳужрага киришли. Эшим зўр қалтираб-қакшаб бир-бир чўнтақларини ковлаб чиқди, сўнг оёғига мих кирган кимсадай инграб юборди.

— Етти минг сўм пулим бор эди, йигирма уч сўмги на қолибди! — Эшим зўрнинг юзида қон қолмади.— Худо урди мени! — У гарангсиб мук тушди.

— Шантажингни гўрдаги онангга қиласан! — деб бақирди Сайдалим.— Афирист!

Ҳамидинг эри унинг қўлтиғига кирди:

— Тұхматчи! Қотил!

Ҳамидаю Холида ҳам уни бу гўрдан олиб, у гўрга солишиди.

Эшим зўр яланғоч тиззасига бошини қўйганча бир сиқим бўлиб қолди. Ичида фақат бир гапни тақрорлар эди: «Мени худо урди!»

Сайдалим унинг паспортини олиб Холидага узатди ва буюрди:

— Бу одамхўрнинг уйига «Катта жиноят устида қўлга тушди!» деб тезда телеграмма беринг! Яна, совхоз директори билан райком секретарига ҳам телефон қилинг. «Эшим деган главбухларинг Ширин деган бир қизга тажковуз қилиб, уни ўлдириб қўйди!» деб айтинг. Фақат тез!

— Ҳозир, Сайдалим ака, ҳозир!

— Йўқ, йўқ, илтимос, ялинаман! — Эшим зўр нохосигна устига ўтирган кимсадек сачраб туриб кетди.— Йўқ, йўқ, илтимос, ялинаман, уйимга айтманглар, нима десанглар шуни қиласман, уйимга айтманглар! — Унинг кўзи ақлдан озган кишиникига ўшаб қолди.— Уйимга айтманглар! Ахир!.. Ахир!.. Ширин!.. — У гапини давом эттиромай ҳўнграб йиглаб юборди.

Ҳамида қўшмачи беҳад севиниди. Нурбекнинг олдинни кўра биладиган ақлини яна бир марта тасанино ўқиди. «Худо назар қилмаса эшак бозорида даллол бўлолмайди киши,— деди ичида у,— умринг узун бўлсин, Нурбек, Нурбекжон! Сен жуда ўсуҷчан йигитсан! Ҳали ўсасан! Жуда-жуда ўсасан!»

Сайдалим ҳам ундан кам севинмади. Ота билан қизнинг юзлари ҳам ёришиб кетди. Ҳамида қувончини яшириб, уни юмдалагудай бўлиб чийиллади:

— «Ахир, ахир!» дегунча муддаонгни айт, чўчка!

— Ахир!... Эшим зўр баттар таҳликага тушди,— ахир, ахир!... Ширин... Ширин... менинг... менинг... қи...— У баҳтиёр ўзининг бошмалдоғини тишлади, лабининг

икки четидан қон сизиб чиқди. «Э, худо! Ёмон шарманда бўлдим-ку, ёмон шарманда бўлдим! Ота ўз қизигая!..» — Эшим зўр гапининг охирини айтмади, айтольмади, ғажиган бошмалдоғини баттар тишлади...

Ҳамида билан Сайдалим сукут сақлашиди. Ота билан қиз ҳам. Улар кутишиди, унинг айтишини, сўнгги сўзни... кутишиди. Сукут Эшим зўрга уруш-сўқишидан ҳам ёмон таъсир этди. «Тўхтаб тур, ман-жалақи! — деди ичида алам билан,— Тўхтаб тур ҳали! Сени қўлга туширмасам, онам берган сут ҳаром бўлсин!»

У иложисиз қолди. Тамомила иложисиз.

Айтди.


Келишишдилар... Сўнг хонадан чиқишиди. Чиқиши-ю, юракларида юрак, рангларида ранг қолмади. Ширин йўқ эди, худди ерга кириб кетгандек йўқ эди.

— Алҳол бошимизга етдинг, Нурбек! — деб юборди баҳтиёр Ҳамида ва азойи баданидан совуқ тер чиқиб, кўз олди қоронгилашиб, оёқлари майишиб кетди.

Қолганларни баттар даҳшатли таҳлика босди. Эшим зўрга эса жон кирди, у Сайдалимдан қора папкани тортиб олди. Ола-ғовур, ур-ийқит бошланди.

Бу пайтда Ширин катта кўчага чиқиб олган эди...

1980—1983 йиллар



Тил сандиги

Қўқим — чиқинди, ахлат

Дўржи — мўл, кўп

Ушуллак — ҳуштак

Чегана — аҳолининг қўй-эчкилари

Ушмак — учли темир

Суқоноқ — очкўз

Қочов — исканা.

Товбой Ҳўжамбердиев,
Фаллаоролдан.

Долдирға — сув чиқмайдиган тепалик

Қўпо — қамишнинг пастки томир қисми

Рош — баланд қирғоқ

Гаччи — эчки ёки такалар тўдаси

Сорқим — чеълакдан сув олиб ичадиган стакансимон идиш.

Пўлат Эрматов,
Боғот районидан.

Чоғат — қирларнинг офтобрўй томони

Бойер — қирларнинг шимолий томони

Калдирчи — тасқара (қуш)

Қунғилтоқ — пойабзални пайтавасиз, пайпоқсиз.
кийиш

Килали — пичан ташиш учун мослама: ҳар бир икки метрдан келадиган иккита айри шохнинг айри тарафлари бир-бирига эшилиб биркитилади. Қайрағочдан ясалади. Узунлиги тўрт метрча келади.

Горғаноқ — ёввойи тоғ бодоми.

Ж. Тўқсанов,
Каттақўргондан.

Ойдин Шукрова



Навоийда туғилган. ТошДУнинг журналистика факультетини тамомлаган. Ўрта мактабда ўқитувчи бўлиб ишлайди. Шеърлари матбуотда эълон килинганди.

Ватан

Ватан, сени англадим бу кеч,
(Чехранг синиқ — изтироб чеккан).
Сен ҳам ҳар он ёрдамга муҳтож
Одам каби оддий экансан.

Саҳроларинг қаршимда турар,
Юлдузларинг бағримга боссам.
Тонг отсаю шабнамлар билан,
Ватан сени севдим, деб ёзсанм.

Шамолларинг айлаб тўполон,
Адиrlарда талашади жой.
Момолардай оппоқ ясаниб,
Тунлар алла айтиб ўтар ой.

Дилда қўзғаб қадимий бир ҳис,
Ёмғирларинг ёғади яна.
Теракларнинг шовуллашида
Абадийлик қилас тантана.

* * *

Куни бўйи осмон сербулут,
Боғлар маъюс, дарахтлар ғариб.
Шамолларнинг ғалаёнида
Туйғударим борар ўзгариб.

Нечун қуя қолмади ёмғир,
Мотамсаро нечун тўрут томон?
Дўстим, менинг ҳеч бугунчалик
Бўлган эмас юрагим вайрон.

Тунда яна шудринглар тушди,
Сездим, бу тун ёбонлар караҳт,
Сездим, бу тун охиригача
Япроқларин тўқди бир дараҳт.

* * *

Кеча ёруғ, беҳузур бираам,
Супада нур ўйнар бетиним.
Райҳон ҳиди, гул барги билан
Имлаётир мени аллаким.

Қайдан бунча сехру малоҳат,
Ой шошади бунча ёнимга?
Гуллар ҳиди, она алласи,
Кириб борар жисму жонимга.

Мен ўзимни сезаман енгил,
Тупроқларнинг нами қандай соз.
Гоҳ тентиравар, гоҳ равонлашар,
Тераклардан чиқаётган овоз.

Ялтирайди жамики юлдуз,
Айланмоқда борлик эртакка.
Ўйку келмас бу кеч, негадир
Ой нурини санчар юракка.

* * *

Хазонлар ёғилар бошимдан,
Бунча тиник, беғубор осмон.
Бунчалар кенг, бунчалар мовий,
Мен туғилдим қайта, онажон.

Куз, сени севаман, барги хазонлар,
Нам йўлаклар беради ором.
Олисдаги бегона кун ҳам
Узатади ҳаёт тўла жом.

Тинглагайман, хазон шовуллар,
Хиёбонда кезаман бедор.
Сўқмоқларга тушган ёмғирда
Юлдузларнинг ажиг сехри бор.

Ёмғир ёғар, соchlарим ювар,
Менинг кулгим келаверади.
Кетишолмас шамоллар нари,
Атрофимда елаверади.

Мен уларга қиласман сажда,
Шу заминга, сенга, волидам.
Ўйку бермай тунлари такрор
Шитирлаган хазонларга ҳам.





ЖИГОНХА

Муаззам жуда бегубор кулади.

Фасли наисоннинг шадбод шамоллари гулга кирган оғочлар нөвдаларини йўнаеган ёруг кунларда бор кезганимисиз! Сизни билмадим-у, менга бундай пайтда, бодроқдай очилган гүнчалар қашқаза ураётгандек туюлаверади. Шошиб теваракка гермуламан, баҳорга қақшаб чиқсан бармоқларини елпана қилиб, қулоқ соламан: заргалдоқнинг чуғуридан бўлак говуш ўйк. Лекин сочилшиб кетган хаёлимни йигиб улгурмай, яна аллаким кулаверади, кулаверади... Бу бодрезакнинг тортиқлашидан озурда баргнинг шитирлашими, ё заргалдоқ қанотларидан чиқсан сасми, билмадим.

Муаззам ана шундай бегубор кулади. Тайёрлаб қўйган ҳамма саволларинг эсингдан чиқиб кетади. Унинг ўзи ҳикоя қила бошлиайди. Ёзib улгурсанг бўлгани:

«Фарғона областининг Бувайдага районидаги тутғилганиман. Янгиқўргондаги 1-мактабникинг болалар ансамблида рақс машқ қилирдим. 1972 йил. Бувайдага районининг «Табассум» ашула ва рақс ансамбли республика телевидениеси ўюстирған «Чашма» конкурсида жуваффоқиятли қатнашди. Мен ҳам рақс тушигдим. Ёшимми? Ўшандаги етти ёшда эдим. 1979 йилда мактабнинг олтинчи синфини тугатиб, Тошкентга келдим, республика Хореография билим юргида ўқий бошладим. Мени бу даргоҳга бошлаб келган республикада хизмат кўрсатган артист Шокир Аҳмедовдан миннатдорман. Устозим Раиса Хўжасаидованинг дарслари ёдимда. Узбекистон ҳалис артисти марҳумча Ҳалима Комилованинг ўғитларини умрбод унутмайман...»

Муаззам рақс тушияти. Буғун биз, шуғала-ғовур XX аср сўнгидаги дилбар санъатни, бу назокатни кўриб, қувона оламизми?! Қалбимиздан гўзалликка жой топишлармикан, идрокимиз бедорми, эҳтиросимиз тирикми?

«1984 йилнинг ёзида билим юргини имтиёзли диплом билан тугаллаб, «Лазги» ансамблига ишга келдим. Ҳозир шу ерда яккакон рақкосаман. Марокаш, Исландия, Японияда бўлдим. Яқиндагина ГФРдан қайтдик...»

«Москвадаги Жаҳон ёшлари ва студенгларининг XII фестивалида қўлларини жина юлиб кетган афғон боласини кўрдим. Рақсни севган одам бундай ёвузлик қиломайди. Шафқатни унугтганлар, санъатни унугтганлар афғонларни шу кўйза солдилар. «Гўзаллик дунёни асрайди», — деганлар. Гўзалликни ким асрайди?!

ЖИГОНХА



Турсунбой Саматов



ИШОНЧ

Фантастик ҳикоя

— Дадаси, негадир мазам йўғ-а...

Эр чой ичиб ўтирган еридан ялт этиб хотинига қаради. Чиндан ҳам ранги бир оз синиқкан, кўзлари киртайган.

— Нима қилди?

— Қайдам...

— Чарчабсан, дам олгин, ўтиб кетар, — деди эр юпатувчи оҳангда.

Аммо аёлнинг аҳволи эртасига ҳам, индинига ҳам яхшиланмай, ёмонлашиб бораверди. Ноилож шаҳар диагностика ва даволаш автоматик марказига йўл олиди.

Навбатда ҳеч ким бўлмагани учун улар тўппа-тўғри диагностика залига кириб боришиди. Механик овоз беморни муолажа столига ётқизишни, ҳамроҳига эса четроқка ўтиб, халақит бермай туришни буюорди.

Аёл инқиллаганча, номи диагностика столи бўлса-да, кўпроқ тобутни эслатадиган жойга бориб ётди. Шу заҳоти ўнлаб асбоблар унинг танасини қамраб олди. Орадан уч-тўрт дақиқа ўтгач, механик овоз бефарқ равишда «ҳукм»ни эълон қилди:

«Беморнинг касали номаълум. Программамида бундай касаллик кўрсатилмаган. Умумий аҳволи оғир. Ички аъзоларининг қолган иш ресурси 72 соат».

«Демак уч суткадан сўнг ўлади!»

Миясидан ўтган бу фикрдан эр қўрқиб кетди. У «Нега касали номаълум бўларкан? Нега даволаш ўрнига, қаҷон вафот этишини каромат қиляпсиз?» демоқчи бўлди-ю, бунинг бефойдалигини, сұхбатлашиш компютер программасига киритилмаганligини билгани учун индамади. «Балки аппарат бузуқдир?» — деб ўйлади у. Ахир энг мукаммал техника ҳам бузилиши мумкин-ку? У дарҳол хотини билан ўрин алмашди. Механик овоз эса, ҳалигидек бефарқ равиша, ошқозонда шира бир оз кўп ажралаётганини айтиб, нордон нарса емасликни маслаҳат берди.

Уйга этиб келганида аёлнинг аҳволи яна ҳам оғирлашганди. Эр нима қиласини билмай, уни ўрнига ётқизиб, орадаги жимликни бузиш учун сўради:

— Бирор нарса емайсанми?..

Жавобини эса олдиндан биларди. Нимадир деб хотинини юпатишни истар, лекин миясига тузукроқ фикр келмасди.

— Болаларни чақиринг...

«Видолашмоқчими?» Эр қўрқиб кетди.

— Сен шу автомат қўғирчоқнинг гапларига ишондингми? — Бу ҳам бетайн савол. Чунки унинг ўзи ҳам ўша «механик овоз»га ишонарди. Ўн йилдирки, шаҳарда диагностика ва даволаш автоматик маркази ишлаб турибди. Шу вақт ичиди у ҳали адашганий йўқ.

— Болаларни чақиринг, кўргим келяпти уларни...

Эр илтимосни бажо келтириди. Болалар тўпланишди. аёл уларни қўрқитиб юбормаслик учун жилмайшига уринар, аммо бунга ҳам ҳоли келмасди. Каттарофининг анча эси кириб қолган. У онасининг аҳволини кўриб, ўнгидан ўзини тутиб туролмади. Кичиги эса, нима бўлаётганини яхши англаб етмаса-да, ҳозир ота-онаси нимадир хафа эканликларини сезиб анграйиб қолди. Аёл ўғлини тинчлантириб:

— Сал мазам қочиб турибди, кўрқадиган жойи йўқ, болам, — деди. — Сизлар бир-икки кун бувингникида яшайсизлар. Менга тинчлик керак...

Буни эшишиб болалар йиғини баттар авж олдиришиди.

— Бас қилинглар энди ўнгини! — деди ота. Лекин ўзининг ҳам кўнгли тўлиб, бошقا хонага чиқиб кетди.

У болаларни онасинига ташлаб, уйга қайтаркан, хотини билан кечган ўн йиллик умрини эслади. Қизиги шундаки, улар компютер орқали танишандилар. Энди шу компютернинг ўзи уларни ажратмоқчи.

Мехр кўзда бўлади деганлари ҳақми, ё электрон ҳисоблаш машинаси икковининг феълинин бир-бирига идеал мос деб топгани тўғрими, ҳарқалай севишиб қолдилар. Турмуш кўриб, ҳаёт чечаклари эндиғина кулиб боқаётган бир пайтда бу гап... Нима қилиш керак? Бирор чораси бормикан бунинг?.. Қанча академиклар ўнлаб йил тер тўкиб шу машинани яратган бўлишса-ю, оддий бир одамнинг ақли нимага ҳам етарди? Илгари, ҳали у вақтда автомат шифохоналар йўқ эди, газеталарда врачларнинг қўполлиги ё уқувсизлиги танқид қилинарди. Агар беморни даволай олишмаса, у бошқа докторга бориши мумкин эди. Автомат шифохоналар эса, бир хил қилиб яратилган. На бошқасига бороласан, на

шикоят ёзиб ҳайфсан беришларини талаб қилоласан. «Бундай диагноз программамизга киритилмаган эмиш... Нега киритилмайди ахир? Хотиним ҳам инсонку?.. Аслида аппаратлар мукаммал эмас. Қачон мукаммалликка эришамиз?..» Буни кимдан сўрайсан? Ҳеч кимдан. Жавоб берадиган одам топилган тақдирда ҳам энди бефойда. Яна етмиш икки соатдан сўнг... балки етмишdir, олтмиш саккиз соат вақт қолгандир. Қанча бўлгандга ҳам энди фойдаси йўқ!..»

Шу тобда у негадир болалигига бетоб бўлганини, отаси уйга кўзойнакли доктор чолни бошлаб келганини эслади. Доктор қизиқ-қизиқ гаплар айтиб уни роса кулдирганди. Сўнг аччиқ дори ичириб, отасига нималарни дир тайинлаб чиқиб кетганди.

Айни пайтда ўша доктор «бундай диагноз программага киритилмаган», деб важ-карсон кўрсатармиди? Ҳарҳолда, у етмиш икки соат ҳақида оғиз ҳам очмаган бўларди. Қизиқ, ҳозир тирикмикан у? Хотинини ўшанга кўрсатса-чи? Ётиб қолгунча, отиб қол, деганлар.

У отасидан докторнинг яшаш жойини сўраб билгач, ҳаялламай йўлга тушди. Ундан-бундан суринтириб зўрга топиб борди. Тўртинчи қаватга кўтарилиб, кўнғироқ тумчасини босди. Эшикка ўрнатилган объектив ҳозир уни хонадон соҳибига экран орқали кўрсатиб турганини билгани учун у ёқ-бу ёғини тузатган бўлди. Чунки экрандаги тасвир то эгаси ўчиргунга қадар қотиб тураверади.

Хонадон соҳиби уйда экан, эшик очилди, лекин ўзи кўринмади.

— Марҳамат, кираверинг! — деб унинг овози эшилди, холос.

«Масофадан туриб бошқариш», дея ҳаёлидан ўтказди эр ва хонага кирип борганида доктор аквариумдаги балиқларга емиш ташлаётган экан. У яна ҳам кексайган, калта соқол-мўйлови бутунлай оқарган, ўзи эса кичрайиб қолгандек эди.

Салом-аликдан сўнг эр унга аҳволни тушунтириди.

— Ўн йилдан ошди, медицина билан шуғулланмайман, — деди чол. — Энди қўлимдан бирор нарса келармikan?

— Доктор, илтимос, йўқ деманг. Бутун умидим сиздан!..

Жавоб ўрнига чол индамай кўчалик кийимларини кийиб чиқди. Кейин қўшни хонага ўтиб, бирпастдан сўнг қўлида эски саквояж билан эшикда пайдо бўлди...

Улар уйга кирип боришганда эр ўзини ташвишлардан бир оз халос бўлгандек ҳис қилди. Доктор бемор билан

саломлашиб, нима безовта қилаётганини сўради. Аёлнинг галиришга мажоли йўқ эди.

— Майли, — деди доктор, саквояждан алмисоқдан қолган эшитиш асбоби — фонендоископни оларкан. — Сиз «ҳа» ёки «йўқ» ишорасини қилсангиз бўлди. Мадорсизлик қийнаяпти, шундайми?

Аёл «ҳа» ишорасини қилди.

— Қаерингиз оғрияпти?

Энди «йўқ» ишораси бўлди. Доктор чол унинг томирини ушлаб кўрди, фонендоископ билан ўпкасини, юрагини эшиди, сўнг қон босимини ўлчади.

— Етмиш икки соат, деб бекор айтишибди! — деди баланд овозда. — Аҳмоқона гап! Бу — компютернинг хатосидан бўлак нарса эмас. Менга ишонаверинг, сиз ҳали ёшсиз. Демак, сизда касалликка қаршилик кўрсатиш ҳам кучли бўлади деб ўйлайман. Икки хил дори ичиасиз. Қандай ичиши мен эрингизга тушунтираман...

Бирор соатлардан сўнг доктор чол қўлида қандайдир суюқлик солинган икки дори шишини кўтарганча кириб келди. Доридан чой қошиқча қуйиб беморга ўзи ичириди. Иккинчи шишадаги дорини ичиш тартибини тушунтиргач, эртага яна келишини айтиб, улар билан хайрлашди.

Эртасига доктор беморнинг томирини ушлаб кўриб дорининг таъсири бошланганини билдириди. Сўнгра ўз ҳаётида бўлиб ўтган бир воқеани ҳикоя қилиб бергач, ўйига кетди.

Компьютер башорат қилган 72 соат вақт ҳам ўтди. Аммо бемор ҳамон тўшакка михланиб ётарди. Дорилар тугай деганда доктор янгисини олиб келди.

Даволашнинг еттинчи кунидан аёл биринчи марта ойнадан тушиб турган күёш нурига қараб жилмайди. Эртасига илк бор иштаҳа билан овқатланди. Кейинги куни эридан кўзгу сўради. Доктор ҳар куни келарди. Аёлнинг ўзи ўрнидан туриб юра оладиган бўлгач, чолнинг маслаҳатига биноан, болаларни уйга олиб келишиди.

Ниҳоят, кунларнинг бирида чол аёлни соппа-соғ деб эълон қилди ва энди келишга ҳожат қолмаганини айтиди. Аёлнинг эри уни кузатиб чиқаркан:

— Сиздан умрбод қарздорман, доктор, — деди. — Лекин ҳайронман, ахир сиз қанақасига...

— Азизим, ўша касални мен ҳам билмайман. Бироқ қандай қилиб беморни ёрдамсиз ташлаб кетишим мумкин! — деди чол ва бош иргаб хайрлашди-да, ёшига тўғри келмайдиган бир чаққонлик билан зиналардан чопқиллаб тушиб кетди.

нончи, шифокор беморга дорилар беради. Лекин уларнинг қандай дорилиги ўқувчига қоронғилигича қолади. Агар улар чиндан ҳам инсон организминга ижобий таъсир кўрсатувчи дорилар бўлса, ҳикоя асосига олининг ишонч ва эътиқод ёрдамида даволаш ғоясига путур етади. Агар у оддий лимон суви ёки гирос шарбати бўлса-чи? Ўлашимча, шу ҳолдагина автор ўз олдига кўйган мақсадига эриша олиши мумкин.

Бундан қатъни назар, ёш адаб Т. Саматовнинг ижодий истиқболига умид билан қарагим келади.

Ҳожиакбар ШАЙХОВ

Турсунбой САМАТОВ 1956 йили Тошкент шаҳрида туғилган. Тошкент Давлат медицина институтини 1979 йилда битказган. Ҳозир шаҳардаги 1-клиник касалхонада хизмат қилмоқда. Ҳикояси «Ёшлик» журналида илк бор босиляпти.

Шавкат Полвонов



Профессор Эддоузнинг университетдан ҳайдалиши маймуншунослар жамияти учун кутилмаган зарба эди. Шаҳримизда энг ҳурматли зот ҳисобланган ва инсон миясининг тараққиёти ҳақида тахлам-тахлам китоблар ёзган бу камтар олимнинг аҳволига, айниқса, мен бефарқ қарай олмасдим. Ахир у қўшним, квартираси меникидай икки эмас, олти хонали, даромади меникидан етти баробар кўп бўлиб, турмуш ташвишлари хумдай бошини безовта қилмаса ҳам, ачинмай бўладими? Ҳар қалай, оғриқ тишнинг давоси омбур қабилида иш кўрувчи ҳукumat арбобларининг бу қилиғи каминага ёқмади.

Профессор паканадан келган, пешонаси кенг, калтакесакдай чақон одам эди. У фахрланадиган қол-кора, кўксига тушган соқоли ҳам, тўғрисини айтганда, ўзига унчалик ярашмасди. Кўзлари эса, йириклиштирувчи шишли кўзойнаксиз буюмларни зўрға ажратса-да, доим ёниб турадигандай тууларди менга.

Олим ёлғиз яшарди: унинг фарзандлари йўқ, хотини беш йилча бурун ракдан қазо қилганди. Мен уникуига (кўпинча қарз олгани) тез-тез кири турардим. Тегирмонда туғилган сичон сахий бўлади деганларидек, профессорнинг қўли кўнглидай очик эди. Эддо-

Қашфиёт қурбони

Фантастик
ҳикоялар



уз инсон онги тўғрисида шу қадар кўп гапирадики, гоҳ ишонмай энсам қотса, гоҳ ҳайратланиб тинглардим. Эй, худо, — ўйлардим ўзимча, — шунча гапни қайдан топади, а? Тавба. Шу хаёллар билан унинг нутқини шарт бўлардиму корхонамизда юз берган бирор ғаройиб воқеа ёки аварияни таърифлай бошлардим. Турган гапки, бу Эддоузни қизиқтирмасди — у суюнчиққа тиралиб чукур уф тортар, полга етай-етай деб турган оёқларини ёш боладай ўйнатиб, тақир бошини лициллатишга тушарди. Лекин мен нафасимни ростлаш учун тўхтасам бас, у имкониятни яна қўлга олардию одам ёки маймун миясини кўкларга кўтариб мақтаганча булбулдай сайрар кетарди.

Уйга ниҳоятда кеч қайтишим-гасабаб, хўжайнинг иш кунини ўн соатлик қилиб белгилагани эди. Эшикдан кирмасимданоқ, қизчам чиқиб, Эддоуз бир неча бор йўқлаганини, келсан зудлик билан олдига боришим тайинланганини айтди. Улардай ҷарчагандим, яна бир оз кутар деган ўйда ошхонага ўтиб, нонуштага ўтирган эдим ҳамки, жаҳлдан юзи кўкарган олимнинг ўзи кириб келди. Кайфиятимни кўриб, ҳоврини босиб олди шекилли, ёнимга ўтиаркан, ҳар галги сийқа саволини берди:

— Ишлар қалай, а? Қачон ҳайдашади?

Унинг бу совуқ нафаси қачон бўлмасин панд беради-ёв, дердим ўзимча, шунинг учун ҳамишаги жавобимни хоҳламайгина такоррладим:

— Заводга ўт тушса, жаноб Эддоуз.

Олим калта гавдаси силкиниб-силкиниб куларкан, мақсадга кўчди.

— Ҳозир меникига чиқамиз, гап бор.

«Негадир сўнгги пайтларда унинг гаплари суваракдай болалаб кетди. Эҳтиёт бўл», — огоҳлантириди ички бир туйғу. Бироқ профессорнинг жиддийлиги қаршилик кўрсатишинга йўл қўймади. Чала-чулпа тамаддидан сўнг ёш боладай унга эргашдим.

Эддоузнинг квартираси учинчи қаватда эди. У мени ўз кабине-

тига бошлаб, эски, аммо яна учтүрт йил дош бера оладиган курсига ўтқазді. Таниш хонани бир бор күздан кечириб чиқдім. Шифтда چанг қоллаган, хира шуъла сочувчи эски қандил (олим университетден ҳайдалғач, хизматкорига жавоб беріб юборганды), деворлар жағонга айлантирилиб, минг-мингларча ориқ-семиз китоблар тартибли териб қўйилган, ёнимда пастак стол, унда қўлләзмалар сочилиб ётарди.

— Сиз мен билган одамлар ичиде энг пок, энг дилкаш инсонсиз, Ленд, — деди Эддоуз қаршимдаги креслуга вазмин чўкаркан. Бу хушомадга ўшамасди, хушёр тортдим. Зоро, мени умримда илк бор инсон деб аташаётган эди. — Бугун улуғ кун, — хўрсинди у. Назаримда, олим иккиланаётгандай эди — қўзлари жавдираб атрофга аланглади. Оғиз жуфтлаганимни кўриб қўл силтади. — Гапимни бўлманг, Ленд. Қулоқ солинг. — Олимни биринчи бор нокулай аҳволда кўраётганим учун кўнглимга шубҳа оралади: «Хойнаҳой, қарзини сўрамоқчи». — Ҳамма юз ўғирган телба Эддоуз табиатнинг улкан сирини очди!

Мен ўрнимдан туриб кетдим. Ҳа, ундан ҳар нарсани кутиш мумкин эди. Ўзининг қайсараги билан ҳамкасларининг жонига теккан, дориларни ҳайвонларда синашга қарши бош кўтариб, иш ташлаган ва оқибат меҳнат қилиш ҳуқуқидан маҳрим этилган бу одамдан мен худди шу сўзларни кутгандай эдим.

— Қандай қилиб? — сўрадим қизиқиб.

— Утилинг, Ленд, — деди у босиқлик билан. — Сизга одам мияси ва унинг имкониятлари ҳақида жуда кўп гапиргандим. Булар бе-

ҳуда эмасди, — у озроқ ўйланиб, яна давом этди. — Эсингизда бўлса, «Инсон мияси минг-мингларча майда катакчалардан иборат. Ҳозир шулардан фақат тўртаси ўйғонсан. Агар ҳаммаси ўйғонса инсон тенгиз қудрат эгаси бўлади», деб айтгандим. Тўғрими? — Уша куни у нима ҳақда вайсаганди дейа ўйлашнинг мавриди эмасди, жаҳлидан чўчиб дарров маъқуллаб қўяқолдим.

— Энди ўйланг — Профессор шайтондун трубкасини кулдонгга уриб тамаки тўлдирди. — Битта катакчада тўпланган тажриба билан ўқ-ёй, тўртасига таяниб эса нейтрон бомбасини яратган жонзот келажакда қандай имкониятлар соҳибига айланади?

Мен ҳуштак чалиб юбордим:
— Уҳ! Ишламай фақат еб ётаверар экан, а?

— Эҳ, Ленд, Ленд, соддасиз. Ўзи ишчи ҳалқи шунаقا фур бўлади. Ҳа, майли, эшитинг. Агар катакчаларнинг бари фаолият кўрсатса, инсон күшдай уча олади!

— Қанотсиз-а? — қичқириб юбордим ишонмай.

— Ҳа, — сийрак қошларини чимирди Эддоуз, — тўғри, мен яратган дори одамга келажакда у эгалик қилиши керак бўлган илмларни ҳозирнинг ўзидаёт берга олмайди. Шунинг учун ҳам катакчаларнинг кўпі бўш қолади. Бироқ инсоннинг жисмоний имкониятларини тўла тикловчи катакчалар уни яшиндай чаққон, филдай кучли, пардай енгил қила олади. — Эддоуз асабий титраётган қўлларини соқолига олиб борди, қўзлари оловланди. — Мени тушуняпсизми? Еки эшакмижоз ҳамкасларимга ўхшаб «қария ақлдан озибди» деб ўйлаяпсизми?

— Йўқ, — хижолат бўлиб бўйнимни ичимга тортдим. — Ҳар қалай, қанотсиз... ишониш қийин, профессор.

— Испот керакми? — Уқувсиз лигим унинг жазавасини қўзғади. Жавобимни ҳам кутмай қўшни хонага отилдиу зум ўтмай суюқлик солинган кичик идишча олиб қайтди. — Мана ў! — қичқириб олим қўлини боши узра баланд кўтариб. — Ҳозир бунга ўзингиз амин бўласиз!

Мен чиндан ҳам қўрқиб кетдим. Қанотсиз учиш тасаввуримга сифмасди. Ўрнимдан туриб, эшикка чекиндим.

— Тўхтанг! — буюрди у. — Утилинг! — Мушук чангалидаги сичқондек оёқларим қалтираганча жойимга чўқдим. Бизни бирбиризига маҳкам боғлаб, орамиздаги муносабатни чин дўстлик дарајасига кўтартган Жаноб Қарз бўлмаганида унинг китобу пробиркаларига тупурардиму кетардим.

— Нега титрайсиз?

— Ўзим шундай, — тилим зўрға калимага келди, — севинганимдан, — ва телбаларча тиржайиб қўйдим.

— Ушланг! — У қўлимга шишини тутқазди. — Ичинг!

Пробиркадаги пинҳон азобни оз бўлса-да, енгиллатиш умидида:

— Устига озроқ виски қўшсакчи, — деб оғиз очганимданоқ у:

— Ичинг, Ленд, — деб гапимни бўлиб тушлади.

Профессорнинг қўзларига тикилиб ихтиёридан айрилаётганимни сездим. Гўё гипноз ҳолатига тушгандай идишни лабимга олиб бордим. Ҳа, бу шубҳасиз гипноз эди. Қанча қаршилик кўрсатмай «ичинг, ичинг, ичинг...» деган сўз миямга

ТАНИШИНГ: ШАВКАТ ПОЛВОНОВ

Ҳозирги ёш ёзувчилар ўзларидан каттароқ ёзувчиларнинг адабиёт майдонига «Оқ йўл» ёзиб беришларига мұхтож эмас. Бундан ўн беш-йигирма йил бурунлари бошқа гап эди. У пайтлари ёш қаламкаш фалончининг назарига тушса, айниқса унинг мақтовини ололса, шубҳасиз, матбуотдан майдон топар, ўша устоз кейин ҳам шогирдининг ўқ-бўйқа оғиб кетмаслигига кўз-қулоқ бўлиб, доим «тўғри йўл»га бошқарб турар эди.

Бугунги ёш қаламкаш кўп жиҳатдан мустақил, фикрлашда, муносабатда дадилроқ. Уларнинг орасидан кўзга кўриниб келаётганилари кўпинча йўл-йўриқ, насиҳатга ҳам талабгор эмас. [Бунақа йўл-йўриқ ва насиҳатларнинг ўзи эскириб қолган. Сиёсий томони пухта, бадий жиҳатдан сўхтаси союқ асарлар уларни қизиқтиримайди ҳам, эргаштиримайди ҳам. Улар, ҳозир, менингча, олдинги авлод пайқамай ўтган ёки очишига рағбат қылмаган нарсаларни билишга, пайқамай кун-кундан шиддат олаётган ижтимоий жасоратни адабиётда кўришга интилишаётир.

Шу ташналик уларнинг ўз асарларида сезилади. Адабиётга энди кириб келаётган истеъдодларнинг аксариятида иккиси

хил умумият сезилади: бири — фикр-мушоҳада, шаклий қўрилмалардаги янгилик, иккинчиси — асар дадил «қўрилгани» ҳолида, бадий тишининг ҳомлиги, оддий имлодан тортиб, стилистикагача чалалик. Ҳар икки хусусият ҳам давр маҳсулни турғунлик йилларининг бошлари жуда кўн нарсаларга, дадил фикрларга ороқ ўсади, энди унинг ўрнини тўлдиришга шошилади, бу интилишнинг равон кетишига эса пахтакор маорифмиз берган чала билим монелик қилади. Шу боисдан биз ҳозир адабиётимиз келажагига катта хизмат қила оладиган, аммо бунинг учун ўз устида тинмай ишлаши шарт бўлган бир неча истеъдодларга эгамиз.

Шавкат Полвонов, чамамда, шундай ёшлар сирасидан. Унга «Оқ йўл» очиб бериш шарт эмас. У ўз йўлни учтўрт йилнинг нари-берисида топиб олади. Фақат бир истак — хаёлнинг заминини ўзимиздан танласа. Профессорнинг исми Эддоуз, ўзи ажнабий бўлиши шарт эмас. Эддоуз, Френз деган қаллоброқ адабинген исми шарифи ўзбекча бўлиб, ўз орамизда ҳам шунаقا аҳволга тушши мумкин эди. Демокчиманки, ҳис-туйгу ўзбекча бўлгани ҳолда воқеалар, одамлар заминдан узилмас...

Аҳмад Аъзам

тобора чүкүрроқ сингиб борарди. «Нега жаҳлани чиқардим, а? Нега? Нега?...» — шу фикр миямда ялт этдию сүнди. Баданимга ёқимли илиқлик югурди. Гипноз ҳолатидан қутулғач, ўзимни құшдай енгил сездим, хаёлим равшанлашиб борар, лекин аллақандай нохушлик тарқ этмасди мени, гүё бенона танага ўтиб қолғандай эдим. Күзларимни очдим: қаршимда жилмайғанча Эддоуз турарди.

— Профессор, дориларни инсонларда синаш қатый тақиқланған. Устингиздан арз қыламан! — Ўзимнинг дадиллигимдан ўзим чүчиб тушдим. Аммо бу бир зумда ўтиб кетди.

— Ўзингизни босинг, йигит, препарат олти минутча таъсир қиласы. Эҳтиёт бўлинг! — Унинг товуши девор ортидан келаётгандай заиф эшилди.

— Аллақандай пасткаш, илмисиз қаллобларнинг қилмиши деб доим биз ғалвага қолмаз.

— Секирроқ, бунча бақирависиз. Кар эмасман. Кар эмасман, — кулади Эддоуз. — Ҳар қалай, дори қандай таъсир қиляпти? Бирор ҳаракатга уриниб кўринг-чи.

— Масалан? — дедим қайсарлигим тутиб.

— Масалан, учишга урининг.

— Майли, — дедиму қўлларими ёзиб керишдим, таним роҳатланиб, эснаб ҳам қўйдим. Парвозни хаёл этишим билан оёқларим полдан узилдиу хона бўйлаб секин уча бошладим. Бу шундай завқли эдики, беихтиёр бақириб юбордим. Ҳатто Эддоуз ҳам оғзини очганча қотиб қолганди. Орадан уч-тўрт минут ўтгач бу ҳолат менга кўпдан танишдек, ҳамиша учеб юрадигандай сездим ўзимни ва ҳуши бошидан учайдиган профессорни чақиб олдим:

— Нега бақраясиз, умрингизда учадиган одамни кўрмаганимиз, а?

Тез орада препаратнинг таъсири сусайиб, ҳиқиҷоқ тутиб қолди. Дарров диванга «кўниб» сув сўрадим. Эддоуз гавдасига ярашмаган чақонлик билан қўлимга стакан тутқазди.

— Хафа бўлманг, Ленд, — деди у елкамга қоқиб. — Дорини ўзимда синаб, хавфсизлигига ишонгачига сизга бердим. Ҳўш, қалай?

— Жуда зўр, — дедим нафасим бўғзимга тиқилиб. — Сиз ажойиб олимсиз, жаноб Эддоуз!

Мақтовим профессорни эритиб юборди.

— Раҳмат, раҳмат, Ленд, — олим жойига ўтириб трубкасини

тутатди. Заиф ақлингиз билан ихтиро моҳиятини тушунмаган бўлсангиз ҳам, мақтовингиздан хурсандмад.

— Бу ажойиб қашфиёт, мистер, революция! — севинчдан ёрилиб кетадигандай эдим.

— Инсон имкониятлари чексиз. Бу модда уни юксакликка кўтариб, табиат исканжасидан буткул холос этади, — Эддоуз аччиқ тутунни ҳузурланиб тортаркан, давом қилди: — Менинг қашфиётим инсонни нафақат жисмоний тенгсизлик, балки биологик тенгсизликдан ҳам қутқара олади. Масалан, дейлик сиз бирор ҳайвон ёки жисмга айланмоқчисиз. Бунинг учун доридан бир мисқолини тил остига ташлаб, унинг таъсир кучини сезгач, миянгизга ахборот йўллайсиз. — Профессор шу даражада берилиб кетдик, ўрнидан туриб, қаддини фоз тутганча, бир нуқтага тикилиб қолди. — Мана шу ҳолатда туриб, кўярпизим? «Мен фалон нарсаға айланмоқчиман...» Бу изборани бир неча бор таракорлаб, ўша жисмни хаёлингизда жонлантирасиз ва...

— Ишонмайман! — Бирдан бақириб юбордим. Эддоуз энди чиндан ҳам лаққилатаётгандай туюлди. Кутимаганда чироқ ҳам ўчиб, юрагим кўркувдан қаттиқ-қаттиқ ура бошлади.

— Нега ишонмайсиз? — олим гугурт чақаркан, қоронғида қокилиб-сурилиб, жавондан шам олиб ёқди. Шамнинг заиф шуъласида унинг тақир боши, чақчайган йирик кўзлари мени янада ваҳимага солди. — Ахир ўз шаклини, тусини ўзгартирувчи жонзотлар озми дунёда, — у жойига ўтириб, лабини ғалати қимтиб қўйди. Қаршимда одам эмас, гүё арвоҳ ўтиргандай сесканиб тушдим. Асабларим тарапглашиб, кўзларим тиниб кетди. Вазиятни енгиллатиш умидида сұхбат мавзуни ўзгартиришга уриндим:

— Россияяда ўрмон ёнгини давом этаётганиши.

Эддоуз қаҳ-қаҳ отиб юборди, нима сабаб бўлди, билмайман-у, лекин кулгисининг сунъий эканини сезиб, товонимгача музлаб кетдим.

— Жуда шўхсиз-да, Ленд, — деди у кўзларини ишқаб ва бирдан жимиб қолди. Хонага қабристон сукунати чўмди. — Ленд, — мунгли товушда давом этди у, — мен ихтироминг сизларга қарши қўлланишидан кўрқаман. Шу вақтгача фандаги барча янгилик фақат яхшилик йўлида эмас, балки... —

Эддоуз охиригача гапирмади. Шундай ҳам унинг нима демокчилиги аён эди. Миям ғовлаб, уғ тортиб қўйдим.

— Чарчабсиз,— деди олим ва ўрнидан қўзғалиб, томирлари бўртиб турган қўлини менга чўзди.— Энди боринг, лекин бугунги гап орамизда қолсин. Сўз берасизми?

— Ҳа!

Профессор билан хайрлашгач, уйга қандай етиб келганимни билмайман. Тўшак устида уйқум ўчиб, узоқ ўтиридим. Кўнглимдаги ғул-ғула кучайгандан кучаярди. Эддоузнинг сўнгги, видолашаётгандай боққан нигоҳи, ўзини ғалати тутиши ақлимга сиғмас, гапларидан тинчимни йўқотгандим. Тун ярмидан оққанда фикрларим ўзгарди. Энди унинг ихтиросидан қандай фойдаланиш режаларини туза бошладим. Бироқ ҳаёлларим илдамлаган сари ўзимнинг нақадар ожиз эканимни, инсон ўз елкасига тоғдай ағдариладиган турмуш ташвишлари остида мажақланиб кетиши мумкинлигини аниқ сезардим, аммо кекса профессорнинг дориси ёрдам беришига сира ақлим бовар қилмасди. Шундай ҳаёлларга берилиб, тонг оттирдим.

Эрталаб шаҳар осмонини қалин булат қоплаган, ҳаво ниҳоятда дим эди. Кўчага чиқишим билан ёмғир ёғиб, тез орада жалага айланди. Йўлакларни тўлдириб, анҳордай оқаётган оломон ўзини автобус бекатларига, трамвай ва троллейбусларга ура бошлади. Шу топда шаҳар қозонга, кўкни тўғсан кўрғочин тусли булутлар унинг қопқоғига ўхшарди. Ишга кечикаётгандим, лекин илож қанча, тезда газета дўйконини пана қилиб, одамлар орасига суқилдим. Ноиложликтан умримда биринчи бор ўз пулимга газета сотиб олдим. Чўнтағимга солмоқчи эдим, ғалати сурат эзтиборимни тортиду кўздан кечиришга тушдим. Кўм-кўк майсалар устида алакимнинг мурдаси ётарди. Калта қўл-оёқлари, қомати танишдек туюлиб, дикқатим ошиди, баданимда чумоли ўрмалагандай сесканиб, тунги нохушлик қора илондай бошини кўтарида. Шошиб сарлавҳага тикилдим: «Профессор Эддоузнинг сўнгги парвози». Юрагим сиқилиб кетса-да, ўқишга тутиндим: «Кеча кечқурун полиция патрули марказий парк узра учеб юрган ғалати кимсанни отиб кулатди...» Оёқларим жонсизланиб витринагасуяндим. Кўз ўнгимда олимнинг ерга киргандай кичик жуссаси, ақи тўла катта боши, қора бўёқ-қа атайлаб бўялгандай узун соқоли

гавдаланди. Гавдаландиу бирор уни ҳаёлимдан ювиб ташлашга уринаётгандай тез хиралаша бошлиди. Чўчиб кўзларимни очдим: йўналишини ўзгартирган шамол ёмғир томчиларини юзимга урарди. Оғир тин олиб йўлакка чиқдим ва турли ҳаёллар гирдобида аста юриб кетдим. Профессорнинг ўлими мени ларзага солганди. Ахир у даҳо эдиди. Унга ўхшаганлар ўлса танишу нотаниш — ҳамма қайғурди. Миямга ғаройиб фикр келдию тақъиа тўхтадим.

«Балки буларнинг бари яхшилик-кадир,— дерди ички бир тўйғу.— Ахир бевақт туғилган чақалоқ ўлимга маҳкум-ку. Бечора Эддоуз. У препаратининг келажагидан бежиз хавфсирамади. Миясининг атиги тўрт катақчаси ўйғонган инсон шундай ҳунарлар кўрсатяптики, дод деб юборгинг келади. Агар у профессорнинг кашфиётидан фойдаланса, биласанни нималар қилиши мумкин?..»

яшадинг нима?»— деда ғулдиради. Ўйчан ва ғамгин нигоҳини дарз кетган кўзгуга тикиб ҳаёлга толди. Фреизнинг кўриниши оғир дард билан узоқ ётган кимсаникидан фарқ қилмасди: озғин, чақка суюлари бўртиб, кўзлари чўккан, ранги сил касалига чалинган беморникидай заъфарон эди.

У креслосини столга яқинроқ суриси, чўнтағидаги чақаларини китоб устига тўқди. Чақаларнинг масхараомуз жиринглашибдан афти буришиб: «Гадойдан фарқинг йўғ-а»,— деб ғудранди.

Фреиз ширин тушлари ўнгидан келавермайдиган ҳаёлпарастлар тоифасидан эди. Гёё пешонасига тангри баҳтиқаролик тамғасини босганду энди умрбод шу қисматга маҳкумдай сезарди ўзини.

Кузнинг узун тунлари бир хилда кечар ва ўйқуни енгган очлик эртанги кун режаларини қайта-қайта эслашга мажбур қиларди. Бироқ Фреиз бошига тушаётган кулфатларни омадсизликка йўяр, тақдири янам чигаллашиб бораётганини сира тан олгиси келмасди. У қўлига қалам тутқазиб буюклигини башорат этган ўқитувчиси, илк ҳисоясини босиб, келажакдан умидвор қилган газета редакторио саробдай бетайн пойттахт сари улоқтирган шум тақдирини лаънатлашдан нарига ўтломасди. Лекин ғам-аламга тўла бу нолалар тор хона деворларини садақаси, нолишиди гадойлар.

МУДРОҚ ЎЛКАДАГИ САРСОНЛИК

Бас, тўхта, айланма, эй чархи фалак,
Азалий касбингни тарк айла тезроқ.
Нурафшон, эй идрок, зулмат бўлиб бок,
Ловуллаб олов соч атрофга, кесак.
Ақлга бўйсунгил, ошуфта юрак,
Кел, ёвуз қисматга кўнақол, қашшоқ...

Лопе де Вега

Салқин анча эрта тушди. Дараҳт япроқларининг сентябрь ойидаёқ тўқилиб битиши кўпни кўрган қарияларни ҳам таажжубга солди. Қиши қаттиқ келади, дейишиди улар. Башорат ҳақ чиқиб, кўп ўтмай қалин қор ёғди, уч кун давом этган изғирин газ ва сув қувурларини ёриб юборди. Бошланиши шу бўлса, қашшоқларнинг ҳолига вой, деди сенатор Берло. Бироқ мўжиза юз бердию кунлар яна илиб кетди. Аммо қора булатлар чоқидан мўралаган қуёш одамлар юрагини иситмади, шаррос қўйган ёмғир эса кўнгилдаги шубҳаларни юволмади. Табиатнинг садақаси, нолишиди гадойлар.

Хона ниҳоятда тор ва ифлос бўлиб, унинг бор безаги бурчакка ўйиб ташланган юзтacha китоб, занг емираёзган каравот, синиқ стол, ёзув машинкаси, эски кресло ва ранги ўчган заранг шкаф эди. Шкаф тепасида елимланган биллур ваза ва chanгга ботган сунъий гулдаста турарди. Бир қарашда унинг нималигини англаб бўлмасди. Факат эшик ҳар гал қарсиллаганида гулдаста титраб, мавжудлигини сездирмоқчидай мажолосиз силкиниб қўяди.

Фреиз ҳужрасига шошиб кирдида, столга эгалиб, бир зум тек қотди: «Сенга нима, эй одам, тушун,— унинг овози мойланмаган арава ўқидай асабни эговларди.— Ғамалам юкини кўтармоқ нечун? Ҳўқиз шохиди кун кўрдинг нимаю телба



соққа сатҳида судралдинг нима?» У миясида чарх ураётган бош қаҳрамон нутқини шоша-пиша оққа кўчиргач, енгил тортиб, қадрдан креслосига чўкди, чаркоқдан зирқировчи оёқларини кериб, сигарета тутатди. «Тентак соққа сатҳида

яшадинг нима?»— деда ғулдиради. Ўйчан ва ғамгин нигоҳини дарз кетган кўзгуга тикиб ҳаёлга толди. Фреизнинг кўриниши оғир дард билан узоқ ётган кимсаникидан фарқ қилмасди: озғин, чақка суюлари бўртиб, кўзлари чўккан, ранги сил касалига чалинган беморникидай заъфарон эди.

Ота-онаси оламдан ўтгач, яна пулсиз қолганини идрок этиш уни даҳшатга солди. Хавф келса ақли — ақлига, тентак таёққа чопади. Фреиз руҳидаги умидсизлик кишсанларини ечиш, қандай йўл билан бўлмасин жамият пиллапояларидан тўсиқсиз кўтарилиш усулларини излади. Ба топди! У сўнгги пулларига янги кийим-бош сотиб олди. Соқолини қиришлатиб, раҳмат айтиб ҳисоб-китоб чоғи, қайтим

ўрнига учта ширин сўз эшитиб «Верд» журналининг редактори ҳузурига отланди. («Верд» остонасида телбаларча ётиб қолган кезлари у билан деярли сенсираб сұхбатлашиш шарафига мусасар бўлганди).

— Берт, уйланмоқчиман,— деди у диванга ўнашиб ўтиаркан.

— О, Фреиз,— мамнун жилмайди редактор.— Табриклайман. Хурсандлигингни кўриб, янги роман ёздими дея қўркиб кетибман-а.

Фреиз унинг гапларига эътибор бермади,— очлик нени едирмас, тўқлик нени дедирмас. Уни шод кўрган барча редактор ўринбосарларининг оёғи қалтирас, хира пашшадай ёпишиб олишидан чўчишарди.

— Аҳволимни ўзинг биласан,— деди Фреиз унинг кулгисига қўшилиб.— Менга пул керак.

— Қанақа пул?— ҳайратланди Берт.

— Оддий, ўзимизнинг давлат газаси босиб чиқарадиган, оддий қоғоз пул.

Берт тиржайишга уринди, овсарлик унинг табиатига хос бўлса-да, ўлари минг бир жинкўчага кириб чиқаётганини пайқаш қийин эмасди.

— Келиннинг сепи ярим миллион,— сигарета тутатаркан деди Фреиз.— Тез орада қайтариш имкониятига эгаман. Дарвоқе, уни ўзинг ҳам яхши танийсан-ку.

— Ким у?

— Арзия.

— Арзия хоним?— Берт собиқ ўйнашининг номини эшитидию юраги қинидан чиққудай потирлаб кетди. У омади чопган бева учун севинишини ҳам, ачинишини ҳам билмасди. Миш-мишлар рост эканда.— Хурсандман, хурсандман, Фреиз. Бу ҳақиқий эрнинг иши,— фўлдиради у фикрини жамломмай.— Маданиятимиз равнақи учун жон кўйдирувчи бу аёл ҳар қандай олқишига сазовор. Табриклайман!

— Раҳмат, Берт,— ёлғондан тикланган пойдевор иш берганини кўриб Фреиз кулиб юборди.

— Қанча керак?— Берт сувдек оқиб кирадиган процентларни ўйлаб яйраб кетди.

— Бошлинишига эллик минг етади. Кейин бир гап бўлар,— кўзлари ёшланиб деди Фреиз ва чўнтағидан таклифнома чиқаруб унга узатди. Тўйга айтилган муҳтарам зотларни бир-бир санаб, охирида самимият билан.— Лекин энг азиз меҳмоним ўзинг бўласан,— деб қўшиб қўйди.

Фреизнинг болаларча соддадиллиги Бертни шу даражада тўлқинлартириб юборган эдики, бечора чек ёзиб, қўлига тутқазганини ҳам сезмай қолди.

* * *

«Ўрмон ўртасидаги мўъжазгина яланглик. Даҳаҳт новдалари оралаб тушувчи қуёшнинг олтин нурлари уни зўрға ёритарди. Адолат дараҳтининг баланд шохига ўнашиб олган учта бойўғли ақлли бошларини юз саксон градус бурганча, йирик кўзларини пастроққа, «Жазо» дараҳтига осиғлиқ қафас ичидаги баҳтиқаро Қизилиштонга қадаши. Ут-ўлан ва моҳлар орасида чирқиллашаётган қушчалар судъяларнинг тебраниб қўйишганини кўриб, ниҳоят тинчишиди.

— Тўққиз ой ишлаб топган дони жабрланувчи фойдасига ундириб берилсин! Жазони ўрмоннинг энг хилват жойларида ўтасин! — ҳукм ўқилди-ю, зағчалар норози чирқиллашиб юборишиди.

— Мен ишлай олмайман,— беписандлик билан деди Қизилиштон ва лой беланган кўкрагини ҳурпайтириб, қафасга тиради.— Тумшум қайрилган,— изоҳлади у,— лекин товушим ёзилган магнит ленталари шу қадар кўпки — ажойиб ленталар — жабрланувчи уларни тўққиз ой қўйиб, зарарини қоплаши мумкин.

— Сенинг сассиқ нафасингни бизнинг ўрмонда ким ҳам эшитарди,— жигибириён бўлди Ўрдак.

— Бизники бўлмаса қўшни ўрмон,— баттар керилиди Қизилиштон.

— Ажойиб фикр, жаноб судьялар,— қариллади қари қарға.— У оқловчи вазифасини ўтарди.

— Иnobатга оламиз ва маслаҳатлашамиз,— судья ёнидагиларга бош силкиб, унинг гапларини маъқуллади. (Пора сифатида берилган олтита сичқон жаннат эшигини очиб юборганди).

* * *

Бахтсизлик бўлмагунча баҳт ҳам келмасмиш. Бу гаплар қанчалик тўғри эканини билмадиг-у, бироқ Фреиз ёзган «Кўланка» романининг тўлалигича нашр қилиниши унинг йил қаҳрамони дея донг таратиши учун етарли эди. «Кўланка» Фреизнинг ҳақиқий истеъодод эканини исботлабгина қолмай, балки ишсизликдан зерикиб, шифтга тупириб ётган ашаддий танқидчиларни ҳам кавакларидан судраб

чиқазганди. Улар қиши ўйқусидан очиқиб турган бўйма илондай қақшатқич ҳужумга ўтишиди. Муаллифи адабиёт қонунларию инсон қадрини менсимасликда айблашар, Фреиз эса бу ноҳақ таъна ва таъқиблардан қочиб, мудофааға ўтганди. Унинг асарида ҳақиқат билан уйдирма, яхшилигу қабоҳат шу даражада уйғунлашиб кетардики, ўқувчида ўз шахсига, даврига, ҳаётiga кучли нафрат ўйғотарди. Романда бирон-бир ижобий қаҳрамон бўлмай, ҳаёт худди кафтадигай бор доғлари билан кўринар ва асаби қақшатувчи салбийлик китобдан тўғри ўқувчи юрагига, ўйига ўнашиб оладигандай таассурот ўйғотарди. Ҳа, ҳақиқат ҳеч кимга ёқмайди, тўғрироғи уни тан олиш маънавий қашшоқ одамларда ўз принципларига қарши боришдек, қадрини ерга уришдек туюлади. Тан олган тақдирдаям юракда оғир дард қолади. Фреиз эса қалб амрига қарши боролмасди. «Қора бўёқ жаҳондаги чиройли ранг», дея жар сололмасди. Шунинг учун ҳам сўл танқидчилар уни коммунист, дея ўнга, ўнглар эса анархист, дея чапга улоқтиришар, бироқ Фреиз на ўнгни, на чапни тан оларди. У танҳо буюклик сари — кўкка ошиқарди.

Фреиз ёзғанларини ўрнидан туриб, минбардаги нотиқдай тантанавор оҳангда ўқиркан, кўзлари чакнаб сесканиб тушди. У ўзи сезмаган ҳолда президентга тақлид қиларди.

Суткасига ўн уч минут илдамлайдиган девор соати вақтни ортда қолдирганидан хурсанд бўлиб, шошганча беш маротаба бонг чалди. Фреиз керишиди, суюкларининг ёқимли қисирлашидан ҳузурланиб, эгнидаги кийимларини ечди-да, шкафдан костюмини чиқарди. Эгаси уни мутлақо янги деб билар ва фақат тантанали кунлардагина киyrяди. Сўнг номаълум муддатга «қамоқ жазоси» белгилаб, нафталин ҳиди аrimайдиган торяшикка «қамаб» кўярди. Фреиз ўзини кўзгуга солиб, тиржайиб кўрди — сарғайганини ҳисобламаса тишлари жойида, барвақт оқ оралаган соchlарини таради, қимматбаҳо сигарета кутисига арzon папиросларни жойлагач, чақаларини йиғиштириду эшикни қулфламай пастга шошилди. (Чақаларнинг хиёнаткорона жиринглashi демаса, у бинойиңек бойвачча эди).

Пойтахтнинг қоқ марказига жойлашган, етти иқлим ўсимликларига бурканган боғ ўйсизлар ва дайдилар масканӣ эди. Кундузи оромижон, кечалари зимиштон парк улар-

ни совуғу иссиқдан, жалаю бўрондан, гоҳида полиция таъқибидан асрорчи яккаю ягона бошпана эди.

Жамият қурбонларининг бу гўшаси билан ёнма-ён, ҳашаматли банқ ва варъетелар қуршовида, республиканинг фахри бўлмиш комедия театри ярим асрдан бери полициячидай қақайиб турарди. Байрам кунлари театр таниб бўлмас даражада ўзгаририлар, неон чироқларни кучли пројекторларнинг ранго-ранг ёғдулари унга афсонавий тус берарди. (Агар бирор грециялик кечаси адашиб театрга келиб қолса, кўзларига ишонмас ва ҳойнаҳоҳ ҳамроҳидан: «Акрополь хароб этилмаганимди?» — деб сўраши аниқ эди).

Сув сепилган мармар йўлак катта гулзор ва томошоналар оралаб театр пойига элтарди. Фреиз босмаконадан «ўмарган» таклифномани дарбоннинг шалғомдек бурнига тираб, илм ахлидан эканини билдиргач, залга кириб, ҳақиқий зодагонлардан иборат республиканинг олий тоифасига қўшилди. Зал ниҳоятда кенг — унга паркда туновчи беш юзта уйсизни бемалол жойласа бўларди. Шифт уйғониш даври рассомларига тақлидан ишланган турли безакларга тўла бўлиб, етмиш қиррали улкан колонкаларни бронздан қўйилган яланғоч паҳлавонлар елкаларида кўтариб туришарди. Уларнинг мушаклари футбол тўпидай таранг, юзларида эса чиранишга ҳам, табасумга ҳам ўхшамас анои ифодалар намоён эди. Гёё одамзод паҳлавонлар елкасига шифтни эмас, ўз гарданидан соқит этган оғир гуноҳларини ортиб қўйгандай туюларди. (Чиран паҳлавон, чиран!)

Муаттар бўйлардан маст Фреиз томоша залига кирганида соат ўн эди. Унинг театрга келишдан мақсади комедия аҳлини ширин табасуми билан баҳтиёр этиш, ёки Муқаддас ота — президентга туғилган куни муносабати билан туб жамоа табригини етказиш эмас, балки Ёзувчилар касаба союзининг бошлиғи Алфрид Коудга учрашиб, юрагини очиши, редакторлар ҳузурига кириш учун бефарқлик деворини тешишига боши ярамаётганини айтиш эди.

Коуд олд қаторда, юмшоқ креслога ястаниб, қизғин баҳсга қулоқ тутарди. Арзия хонимнинг калта юбка расмдан қолмаётгани ҳақидаги фикрига қўшилиб, юзига мондэльер ниқобини илганча тинмай бош силкирди. Калтакесак кўзидай ўйноқи кўзлари эса жувоннинг хушбичим қоматию ҳарир кўйлаги ва

кўкракларидан узилмасди. Буни хонимнинг ўзи ҳам пайқади шекилли, сұхбат мавзуини чўмилиш анжомларига буриб юборди.

Фреиз илк бор иккиланди. Унинг ўрнида бошқа бирор бўлганида олтин топган гадойдек севинган, Коудга минг бор эгилиб, чиройли сўзларни маржондай тизарди. Фреиз эса кўпдан бери сарсон қиласётган омад маймуни ҳудди шу жаноб эканига ўзини ҳеч ишонтирмасди. Тердан жиққа ҳўл кўйлаги елкасига чип-чип ёпишар, томоғи қақраб, ютинар эди. Таваккал! У рингга чиқаётган боксчидай бошини дадил кўтарили Коуднинг ёнидаги бўш жойга бориб ўтириди, кафтига ўйтади. Хайрият, Коуд бу сийкаси чиқкан усулага учиб, ўғрилди.

— Салом, жаноб Коуд,— Фреизнинг ҳаяжонли овози ўзига ҳудди гумбурлашдай эшитилди. Коуд ари чаққандек сапчиб, оқариб кетган башарасини буришириди. Бечора Фреизнинг назарида бутун зал унга тикилаётгандай, лаънати кресло бўлса гуноҳкорни ютиб юбораётгандай туюлди. У жон ҳолатда суюнчики чанглаб, телбаларча тиржайди.

— Фреиз? — чийиллади ҳайрон қолган Арзия хоним ва бўйнидаги қалбаки маржонларини жиринглатиб, қовоғини уйди. Шу топда у ўлжасини қизғанаётган мушукдек олишишга шай эди.

— Сизни ким таклиф этди? — қизиқи Берт, унинг чехрасидан табассум аримаса-да, Олимп худолари ҳузурига шайтонни кириктган соқичидан, Зевснинг иштаҳасини қочирган иблисдан минг бор норози экани аниқ сезиларди.

— Кечирасиз, жаноб Коуд,— Фреиз уларнинг вайсашларига бепарво, дарров мақсадга кўчди.— Сиз билан сұхбатлашиш ниятида эдим.

— Шу ерда-я? — Коуднинг жиккак гавдаси Фреиздан бутунлай қарама-қарши томонга бурилди.— Ким бу?

— Фреиз Хук,— тантанавор эълон қилди Берт,— январь процессининг бош қаҳрамони.

— Шундай пасткаш мендек одам билан-а? — ғазаб билан чинкирди Коуд.

— Кечирасиз,— омад маймунининг юз ўғираётганини кўриб Фреиз ўзидан жирканди.— Чумоли Кўрбақанинг ёнига гадойликка келибида?

— Сизни бу ерга ким қўйди? Қандай ҳаддингиз сиғди?! — Дўндиқини Арзия хоним ҳақоратлан-

гандай жазавага тушиб, сал бўлмаса ҳушидан айрилаёди.

— Мен эркин шахсман, Арзия хоним,— ўзини қўлга олиб деди Фреиз.— Хоҳлаган еримда бўлишим, хоҳлаган ишимни қилишим ва энг муҳими, истаган тўшакка ётишим мумкин.

— Ҳаддингдан ошма, жойинггабор! — бўғилди Берт, унинг ранги бўзарид, кўзлари совуқ чақнади.

— Жойим қаерда, хўжайн? — паст товушда зўрга шивирлади Фреиз.— Дарвоза ёнидаги уйча мабодо менини эмасми?

Шу пайт ложада президент пайдо бўлди оломон оёққа қалқди, даҳшатли гулдурослар оркестр чалаётган давлат гимнини босиб, шифтдаги сувоқлар кўчиб, қандил силкинار, шунчалик шовқин кўтари олишларидан одамларнинг ўзлари ҳайрон эдилар. Чириб бораётган саҳна остида ин қурган қари каламуш умрида сўнгги бор кўркувдан титраб сапчидию нам тупроққа чўзилди-қолди. Юраги ожиз-да.

Ҳаво ниҳоятда салқин эди: океан томондан эсувчи нам шамол сүяқ-сүяқкача етар ва ҳар қандай гадойни иссиқ овакт ейиш, дайдини эса миллионер бўлишдек хомхәёллардан чалғитиб, бирор кўпприк остида жон сақлашга мажбур этарди.

Фреиз костюмининг тугмаларини қадаб, театр биносига тикилди. Ғалати жимлик... гўё «тимсоҳ» ичига кирган ҳалойиқ аллақачон ҳазм бўлиб кетгандай. У бошини маъюс эгиб кимсасиз, заҳ майдонга чиқди, сўнг чапга, кундузи бозор, кечалари йўлтўсларлар масканига айланувчи «Диктатор Вест» кўчасига бурилди. Президентлик «татхита» ўтиргач, бирор қишлоқни шаҳарга, яна бирор шаҳарни қишлоққа айлантириб, ўзидан ўчмас из қолдидари. Тентак Вест эса шу кўчани кўрди. Унга бу кўча нега керак эди? Кўпчиликнинг фикрича, ўз жасадини олиб ўтишлари учун. Тасодифни қарангки, шундай бўлди ҳам. Кўнгилсиз ҳол, тўғри эмасми?

Фреиз оғир ҳўрсинди, ҳўрликни кўтара олмаган юрак ноласи аъзойи баданига титроқ солди. Намланган кўзлари ишратхона пештоқидаги сиёҳранг чироқларга жавдиради. Ноҳор ўтмишини ўйларкан, шу тор дунёга қандай сикқанига ҳайрон қолди. Келажак тўғрисида фикрлашга унинг қурби етмас, уни ўйлаган сари вужудини вахима чулғаб, нақадар қадрсиз экани аён бўла борарди. Нега шундай? Миясини мингинчи бор азоблаёт-

ган бу саволга у ҳеч жавоб тополмас ва надомат билан қўй силтаб, айни пулга тўнкаб қўяқоларди: «Нима ҳам дердик. Маймун одамга айланибдики, бошида пул ташвиши».

У қадамини секинлатиб, телефон будкаси ёнида тўхтади. Бошқа пайт бўлганида техниканинг бу аломат мўъжизасига заррача эътибор бермасди. Лекин ҳозир... Фреиз мастидай тентираб, будкага кирди-да илтижоли нигоҳини сеҳрли тугмаларга қадади...

— Полиция маҳкамаси эшитади.

Фреизнинг нафаси бўғзига тикилди, соатининг фосфорли миллирига тикилиб, бир зум жим қолди.

— ...эшитади.

— Ҳозир соат, йигирмата кам ўн бир,— деди у овози титраб.

— Тентак какку!

— Йигирма минутдан сўнг... комедия театрининг кули кўкка соврилади.

— Нима?!

— Ку-ку.

Фреиз турбакни жойига илдию ўқдай отилиб қўшни бино ортига ўтди. Нафасини ростларкан, кўз ўнгидаги кўркувдан шишиб, кўп ўтмай пақ ёриладиган жанобларнинг ориқ-семиз жуссалари гавдаланди. Мана буни қасос деса арзиди, ўйлади у ва борлигини чулғаб келаётган кувонч ҳиссини енголмай қаҳқаҳа уриб кулди, ўзини буюк кашфиётчи сезиб будкадан чиқди. Хира ёғду сочаётган фонаръ остида тўхтаб, полиция машиналарининг бўғиқ чинқиришларига қулоқ тутди. Бу унинг охирги асари эди. Асар чоп этилишидан олдин унга сўнгги бор назар ташлаш фойдадан ҳоли бўлмас. Фреиз ўт ўчирувчи машиналар изидан аста йўлга тушди.

Бутун китъа уйсизларни бемалол сифдира оловчичар марказий майдон қозондай қайнарди. Фреиз қочоқларни оралаб, банк ёнига етди-да, девор паналаб, театр биносига мўралади. Чироқлар ўчирилган, у ёқда нималар кечачётгани факат тангрига аён эди. Деразаларнинг чилчил синиши, ваҳимали бўкириклар ажал дастагига чап берган олomon кўнглида шум тўйғулар ўйғотарди. («Худога шукр, мен бу ердаман»).

— Афсус,— ох урди кимдир,— энг зўр комедия театри эди-я.

— Ҳечқиси йўк,— далда берди бошқаси,— ўрнига драма театрини куриб беришади. (Янги президентга ном қолдириш учун ажойиб имконият).

Фреиз ҷеҳрасида мулойим табассум, кеч кузнинг муздек ҳаво-

сидан ўпкасини тўлдириб, кўлларини чўнтакларига тиқди. Проекторларнинг сарғиши шуъласи одамлар уори пайҳон этган гулзор, мажақланган будка ва театр тепасидаги Озодлик маъбудасининг шоҳдор бошини ёритди. Маъбуда ўттис ўйлдан бери ўнтача социолог олимни узоқ муддатли иш билан таъминлаб келарди. Улар икки гурӯхга бўлинниб олиб, эрталабдан кечгача баҳслашишгани баҳслашган эди.

— Айтинг-чи, жаноб Б. Озодлик маъбудасида шоҳ бўлиши шартми?

— Саволингизга жавоб йўқдур, ҳурматли И. Унинг ханжар (уруш рамзи) ютаётганини кўриб одамнинг иштаҳаси бўғилади. Буни ошқозон (тинчлик рамзи) ҳазм қила оладими, йўқми. Сизнинг фикрингиз?

— Фикримча Маъбуданинг турган жойи нобоп. Уни янаям баландроққа, масалан, Сенат биносининг тепасига ўрнатган маъқулроқ... Э, жаноблар, тушлик қилмаймизми? Фреиз «асарнинг» биринчи бобидан мамнун эди. Унинг ҳалойик руҳига таъсирини билиш учун шаҳарнинг энг ўддабурон психологларидан бири — кекса полициячига мурожаат қилди:

— Узр, патрон, бу қаллоблик эмасми?

— Қанақа қаллоблик,— оломон шовқинини босишига уринаркан, қичкирди у.— Нима, ойдан қуловчилар тоифасиданмисиз дейман. (Назарда чет эллик меҳмонлар).

— Йўк,— тиржайди йигит,— биз Капитолий минорасидан қулайдиганлар тоифасиданмиз.

— Чеккароқ, чеккароққа ўт! — оғзидан кўпик сачратиб ўшқирди полиция. У қашшоқларни жаннатга элтувчи йўллардан бири Капитолий минорасидан бошланишини жуда яхши биларди.

Ҳаммаёқ тинчб қолди. Шамол кучайиб, дараҳтлардаги сўнгги япроқларни юлқилай бошлади. Ибодатхона томондан кўнгироқларнинг мунгли садолари эштилди. Фреиз оломондан ажраб чеккароқдаги сирли тўдага қўшилди. Тўда марказида ҳукуматнинг энг муҳтарам ва энг пакана арбоби — президент гердайиб турарди. У енгил плашиб ёпиниб, хотинининг қўлтиғидан олган, катта-катта кўзлари театрдан узилмас, ажин босган ҷеҳрасини кўрган одам ҳойнаҳой миллат бошига тушаётган бу балоға чора излаётган бўлса керак, деб ўлаши мумкин эди.

— Уч минут қолди, жаноб президент.

— Жуда яхши,— хаста товушда деди у ва хотинининг пинжига қирди.— Уч минут!

Тутқич бермас секундлар эринчоқ милларни ўн бирдан ошириб юбордиямки, портлашдан дарак йўқ. Алданган «тамошабинлар» орасида ғала-ғовур кўтарилиди — у норози. Қани энди театр қуласаю зерикари бир хилда кечувчи тунлар ўзгариб, кўнгилга завқ бағишласа!

— Портламади-я,— жимликини бузди президент.

— Афсус,— ох урди хотини.— Зерикяман, Поль.

— Портлатгич панд берди чаммада,— айбордордай изоҳлади полиция бошлиғи.— Лекин жуда ҳафли, жуда... Истаган дақиқада...

Фреиз умрида илк бор ўзининг бу одамлардан нақадар юксак ва буюк эканини ҳис этди. Шу билан бирга омад кулиб боқаётганини, Буюклик сари элтувчи сўқмоқ ғаройиб қуёш нурига бурканётганини англади. Умидли дунё, ноумид шайтон. Ҳозир ёки ҳеч қачон. Ички туйғу уни олдинга итарди.

— Қаёққа, тентак, тўхта! — норози тўнғиллади сапёрлар бошлиғи.— Ушланглар уни!

— Жаноб президент, о, тангри, ўзинг мадад бер,— Фреиз оғриқдан инграб тилини тишлиди.

— Нима гап? — соқчиларини туртиб бакирди президент.

— Фикримча, у театрга кириб портлатгични зарарсизлантироқчи,— жавоб берди ёрдамчиси.

— У ўлмоқчими? — президент ҳайратланиб, Фреизни ёнига имлади.

— Ватан ва Сизга содиқлигимни исботлаш учун фурсат етди, жаноби олийлари. Рұхсат этинг.

— Мана, қаҳрамон,— азбаройи қувонганидан президентзинг рафикаси ақлдан озаёзди.— Қўйиб юбор уни, Поль. Майли борсин. Вой ботирлигини!

— Сен учун азизам,— хотинининг кифтидан ўпид деди у.— Оқ йўл, содик дўстим,— ва йигитни кузатиб қоларкан ғўлдиради. Менинг фуқаром. У мени шундай севадики, ҳатто... Дарвоқе у ким?

— Фреиз Хўк, жаноб олийлари,— тиржайди Коуд.— Машхур «Кўланка» романининг камтар муаллифи.

— Ўқимаганман. Ҳали у ёзувчими?

— Ажойиб қаламкамш! — шошапиша деди Арзия хоним.

— Бебаҳо инсон! — гул-гул очи-либ бидирлади редактор ҳам.

Доноларнинг аллома сифатида

ёркин юлдуздан нур сочишларига сабаб; бу кўхна дунё кенгликларида иқтидорсиз одамларнинг сероблигидир. Фреиз тўхтаб, изига ўгирилди. Унинг кўзлари нафратдан қисилиб, бўйин томирлари ўқловдай шишган, юзлари бўзарип, оқ доғ тошиб кетганди. У энтикли, олачипор галстугини бўшатиб, енгил тин олди. «Фалсафа,— ўйлади у.— Бахт қушини бир жойда тўнқадай кутгунча, унга тузоқ ўйиган яхши эмасми».

Фреиз эшикни очдию юзига уғурган оташдан кўзларини тўсди. Даҳшатли портлаш ва кучли зарб

уни худди ҳасдай остоноадан юлқиб, гулзорга улоқтириди. Гёй сайдира ўз ўқидан оққандай борлиқни чанг-тўзон тутди. Театр ўз қаърида мислсиз қудрат уйғонган қоядай дарз кетди оловли фаввора вахимали гувиллаб кўкка ўрлади. Фреиз кутилмаган фалокат пардаси аро устига қулаётган ҳайкални кўрди. Озодлик маъбудаси олами қуммоқидай қўлларини ёзиб, ханжарли оғзини ланг очганча бақирап, Фреиз эса ҳеч нима эшитмас, мажақланиб, қонга беланган танаси мажолсиз силкинар, бақрайган кўзлари ҳиссиз йилтиради.

— Қип-қизил тентак экан-ку,— хирингләди президент устидаги чангни қоқаркан.— Борма дедим-а.

— Телбалиги кўзларидан ҳам кўриниб турганди, жаноб олийлари, сездингизми? — Коуд ҳамроҳларига ўқрайиб, президентга эргашди. Арзия хоним билан Берт бир-бирларига елка қисиб, банк оптида ғойиб бўлишиди.

Фалокатдан ўн минутлар ўтгач «Люк» редакциясида телефон жиринглади ва номаълум шахс порташ «Акцион фронт» ташкилоти томонидан уюштирилганини айтди.

Аминжон Маматов

КОМСОМОЛ ҲАҚИДА ҮЙЛАР

Шу йил нашр қилинган мўътабар бир асарда ВЛКСМ аъзоларининг сони 42 миллионга етганлигини ва комсомол ташкилотининг вазифаси янги жамиятнинг фаол, онгли қурувчиларини, коммунизм ғояларига содик меҳнатсевар, жасоратли ва ўзини қурбон қилишига (самопожертовование) тайёр бўлган ўшларни тарбиялаб етиштиришдир, деган жумлани ўқиб қолдим. Мен юқоридаги сатрларни ўқир ўсанман, қайта қуриш ҳамма соҳада ҳам акс садо бермагандек, ҳамон баландпарвоз иборалар яшаб келаётгандек туюлди ва ўзимнинг комсомоллик йилларим, бошдан кечирган — яқин йилларда содир бўлган, бўлаётган турли туман ҳодисалар кўз ўнгимдан ўта бошлади. Бу ҳол комсомолнинг жамиятимизда тутган роли, фаолияти ҳақида туғилган айрим мулоҳазаларни айтишига ўнадди. Тўғри, менинг гапларим ўқувчига эриш туюлиши, ёшинг бир ерга етганда, ўшлар, комсомол ишига нега сукислан, дейишлари мумкин. Бироқ, мен ҳам бир вақтлар комсомол бўлганиман, одимда комсомол фарзандларим бор, ўз навбатида улар ҳам бўлажак комсомолларнинг отоналаридир. Шу жиҳатдан олганда, комсомол фаолияти ҳақида гапиришим ўрнуни кўрнинади.

Менинг комсомоллик йилларим 40—50-йилларга тўғри келади. Уруш вақти эди; тўлиқсиз ўрта мактабда ўқисам-да, колхозда тенг ҳуқуқли аъзо сифатида табелич бўлиб ишладим, педагогика билим юртида, университетда стўдентлик даврим бошланди. Шунда комсомол ишларидан фаол қатнашиб, ўқиши ҳам, комсомол топширикларини ҳам меъёрида бажардим. Ўша йиллардан бошлаб «комсомол партияянинг содик ёрдамчиши» деган ибора ёд бўлиб кетди ва у ҳозиргача иншоларда эркин тема сифатида учраб туради. Чиндан ҳам, комсомол партияянинг содик ёрдамчи-

си, унинг келажак резервидир. Партия ва давлатимизнинг талайгина раҳбарлари комсомол сафида тарбия топган, ҳозирги 20 миллион партия аъзоларининг қариб ѡхамаси собиқ комсомол аъзолари. Бизда комсомол сафида бўлмаган кишилар фоят кам топилади.

Комсомол совет тузумини мустаҳкамлашда, Ватанинчики ва ташки душманлардан ҳимоя қилишида, мамлакат экономикаси ва маданиятини юксалтиришда бениндоҳи хизмат кўрсатди, унинг жанбозликлари, қаҳрамонликлари, ҳасоратига ҳалқимиз қойил қолди, тилларда ва дилларда достон бўлди. Бироқ тажриба шунни ҳам кўрсатадики, жиноят кўчасига киргандарнинг ҳам аксарияти комсомол аъзолари ёки содик комсомоллардир. Жумладан, қотиллик, босқинчилик қилаётган, чўнтақ кесаётган, гиёҳвандликка ўрганган, фоҳишалик йўлига кирган, ширин-ширин ёш оиласларни бузиб, болаларни тирик етим қилаётгандарнинг фоят кўпчилиги ҳам комсомоллардир. Эсингизда бўлса, «Тошкент оқшоми» газетасининг 1988 йил 3 июль сонида босилган «Беҳаёлар» номли мақоладаги нопок йўлга кирган 63 та аёлнинг яқин 80 фоизи айни комсомол ёшидаги аёллар эди.

Ана шундай ҳодисаларни ўйлаганда бир вақтлар эскилика, динга қарши курашиб байроғи остида не-не тарихий ёдгорликлар, ажойиб миллий урфодатлар, кимматбахо ёзма манбаларнинг йўқ бўлишида, адолатсиз жазоларнинг юз беришида ҳам комсомол фаол иштирок этмадимикин деб ҳайрон бўлмалан. Шундай кўнгилсиз ишларга қисман ўзим гувоҳ бўлсам-да, Узбекистон ҳалқ ёзувчиси Одил Еқубонинг қўйидаги гапларини келтириб ўтмоқчиман: «Эсимда, 50-йилларнинг бошларидан комсомол раҳбари сифатида мансаб пиллапояларидан яшин тезлигига кўтарилиб бораётган бир

амалдорнинг марказий матбуотда мақоласи босилди. У ўз мақоласида ҳалқнинг севимли достони «Алномиши»ни миллий маҳдудликда айлади. Ана энди тўхтатиб қўринг-чи!» (УАС, 1988 й. 1 июль.) Хайриар, вақт-соати келиб тўхтатилиди, аммо не-не азоблар, қийинчиликлар ҳисобига! Шуниси ажабланарлики, Узбекистон Коммунистик партияси Марказий Комитетининг ўша вақтдаги биринчи котиби А. Ниёзов ҳузурига юран ютиб, бел бериб кирган ва ўз фикрини илмий жиҳатдан асослаб берган киши атоқли олим, чин инсон, СССР ва ЎзССР Фанлар академияларининг мухбир аъзоси, марҳум проф. А. К. Боровков бўлган.

Хурматли ёзувчимиз юқоридаги мақоласида тўғри таъкидлашича, булар-ку шахсга синини даврида бўлди, ҳозир эса Қирғизистонда «Манас»га ана шундай муносабат бор, дейди. Булар нима: кишилар ўртасидаги ўзаро курашми ёки шахсий манфаатдорликнинг устунлигими, маданий мерос тушунчаларидан маҳрумликни ёки киши вояга етган тор муҳитнинг, оиласви тарбиянинг таъсирими? Назаримда, ҳаммаси бўлса керак. Маълумки, бизда салбий ҳодисаларнинг аксариятини шахсга синини даври билан боғлаш одат бўлиб қолди. Майли, шундок бўлсин. Тараққиётимизнинг маълум даврида бирор шахсга эътиқод кўйиш, унинг кўрсатмаларини кўр-кўрона бажариш, тинимиз сиз куллуқ қилиш кўпга келган тўй эди, дейлик. Лекин ўша шахс, айтайлик, фалон ҳалқнинг фалон бойлиги, урфодати ярамайди, уни йўқотиш керак демаган бўлса керак, ахир!

42 миллион комсомол! Бу ҳазила кам куч ва озмунча миқдор эмас: жондаги ўртача катталикдаги мамлакат аҳолисига тенг. Аниқроқ қилиб айтганди, Афғонистон, Болгария, Венгрия, Монголия, Финляндия мамлакатларининг умумий аҳолиси сонига тенг демакдир. Комсомоллик — инсоннинг кучга тўлиб бораётган фасли. Бу кучга

ҳеч нарса писанд эмас: унга бир ишора бўлса бас, тоғни талқон қилиб ташлайди, бироқ унда ҳали турмуш тажрибаси оз, ҳамма ҳам бирор нарса-ҳодиса тўғрисида ўйлаб, мулоҳаза қилиб ўтирамайди. Кўпороқ қилиб айтганда, салла олиб кел дейилса, калла олиб келиш ҳеч гап эмас. Комсомол фақат партияниң резервигина эмас, балки жамиятимиз келажаги, келажак байроқдори, демак, у ёшлар учун чинакам тарбия ўчоги бўлмоғи керак, бинобарин, комсомолга кираётганд ҳар бир ёш биринчи кундан бошлабоқ комсомоллик бурчани, унинг мөхиятини, жамият олдидағи вазифасини мумкин қадар тўлароқ тушиниб олмоғи зарур. Агар ҳар бир шахс ёшлидан бошлаб тўғри тарбия олса, бўлғуси нуқсонлардан анча холи бўлиши мумкин, жумладан, яқин ўтмишда ғоят оғир жиноятларга қўл урган масъул шахслар ҳам комсомолдан чиққан, чакирикларга «лаббай» деб жавоб беришган ва нопокликни ўша ёшлик йилларидан ўзларига сингдириб олишган. Тарбияда конкретлик керак, мавҳум тушиунчалар, ваъдалар билан вақтина мудафакиятларга эришиш мумкин, холос.

Биз ҳамиша «янги одам»ни, «ҳар томонлама баркамол инсон»ни тарбиялаш, унга коммунистик ахлоқни сингдириш билан шугулландик, бироқ бу ҳаракатлар ҳаммага ҳам бориб етавермади, чунки бизнинг тарбия ҳақидаги кўпгина гапларимиз мавҳум тушиунчалар, баландпарвоз сўзлар йиғиндисидан иборат бўлиб қолди ва кўп ҳолларда катталар ўзи айтган сўзга ўзи амал қилмади. Юқорида эслатилган «янги жамият» ибораси ниманинг ифодаси, у қандай жамиятни реал акс этиради, унинг белгилари нимадан иборат, уни биз қандай тасаввур қиласмиzu ўшлар қандай тасаввур қилишади? Ахир, янги жамиятни В. И. Ленин бошлик большевиклар бундан 72 йил аввал қурган эди-ку! Ешишимиз 70 дан ошиб кетса ҳам, ҳамон ёшимиз, ҳамон янги жамият қурамиз... Бизнинг вазифамиз ота-боборларимиз курбет кетган жамиятни янада мустақамлаш, уни ривожлантириш, гуллатишдан иборат эмасми? Ҳа, мазкур ибора аллақачон мавҳум тушиунчага айланни қолган. Коинотнинг чеки бўлмаганидек, бизнинг янги жамият қуришимизнинг ҳам чеки йўқ. Сўзларимиз таъсирили, дабдабалию, тушиунчаларимиз эскина, мавҳум. Худди шунга ўхшаш «коммунизм ғояларига содиқлик» тақрорланавериб сийқаси чиқиб кетган ибора. Ҳўш, биз коммунизм қурдикми, ахир, адашмасак, бундан 30 йил олдин социализм тўла ва узил-кеслил ғалаба қилид дейилган эди, шекилли. Бизнинг қайси фазада яшатганимизнинг аниқ таърифи борми, энг муҳими: «Ҳар кимнинг қобилиятига яраша, ҳар кимнинг эҳтиёжига яраша», деган ғояни ўшлар қалбига сингдира олдиқми, инсон эҳтиёжининг чегараси бор эканми?

Мен шулар ҳақида ўйлар эканман, назарий фикрларимиз билан амалий ишларимиз ўртасида анчагина номуво-

фиқилик борлиги, бу эса талайгина нуқсонларга сабаб бўлаётганилиги сезилади. Умуман, биз бирор шиор ўтага ташланса, орқа-олдини, оқибатини ўйлаб ўтирамай, унга ёпишиб оламиз, аслида эса, сўзиз бажариш лозим бўлган нарса бор, айтайлик, Ватан мудофааси, ҳозирги кунда Арманистанга мoddий ва маънавий ёрдам берни ва бир оз ўйлаб, мулоҳаза қилиб амалга оширадиган ишлар бор, масалан, турли курилишлар, Оролни араб қолиш муаммоси каби. Менимча, «биз табиатдан хайр-ҳақон кутмаймиз» шиори бизни, айниқса, ёшларни табиатга (аслида, биз ҳам шу табиатнинг бир қисмимиз) бешафқат муносабатда бўлишга ўргатган бўлса, минг йиллик тарихимиз ва адабиётимиз битилган араб ёзувини ислом дини билан боғлаш (қизиқ, ёзувнинг дин билан қанчалик алоқаси бор ёки мазкур ёзувда марксистик ғояларни ёзиб бўлмайдими?), уни ўқиш қийин, «лаънати алифбо» деб аташлар (афуски, сўнгги иборанинг туғилиш сабабларини чукурроқ ўрганмади ёки мутахассислар билишса ҳам атайн индашмади) шу ёзувдаги қанчадан-қанча ёзма манбалардан ажралшига сабаб бўлди. Эсимда бор: ёшлик йилларимда уйимиздан арабча ёзувдаги китобми, рисолами чиқиб қолса бўлди, бошимиз ғалвадан чиқмасди. Текширувчиларнинг ўзлари чаласавод эдилар. Сир эмаски, бизнинг ўтмиш маданиятимиз, анчагина урф-одатларимиз ислом дини таъсирида шаклланган. Биз «дин ҳалқ учун афюндири» иборасини фақат сиёсий томондан талқин қилганимиз учун талайгина ёдгорлик ва маънавий бойликларни дин, эскилик сарқити, деб бой бердик. Ваҳоланки, исломни маънавий жиҳатдан ҳам баҳолаш керак эди. Ахир, християнликнинг қабул қилиниши Русда қандай роль ўйнаганини кўриб турибмиз-ку!

Комсомолнинг қаҳрамонлуклари, жасорати ҳақида ўйлар эканман, босқинчи ёвларла қарши фидокорона курашган, кишилар оғирини енгил қилган, ҳалол-пок, бирорвоннинг ҳақидан ҳазар қилган ўшлар ўтмишда ҳам бўлганлиги ҳаёлимга келади. Бизнинг тушиунчаларимизга кўра, комсомол бўлмаган ўшлардан ҳеч нарса чиқмайдигандек, уларга ишонч ўйдек кўринали. Очигини айтадиган бўлсан, менинг иш ва ўқишга, ҳаётга ва одамларга бўлган муносабатим комсомол сафида бўлганимидан эмас, балки одамгарчилик, муруват, раҳимдиллик, ҳақонийлик каби ахлоқий тушиунчалар отаонам, мен ўсган муҳит таъсирида шаклланганилигидан, эътиқодимдандир. Лекин улар мутлақа инқилобдан олдинги давр тарбиясида этишган одамлар эди. Ҳа, ҳалоллик, поклик ва унга эътиқод қонда, баданда бўлиши керак, акс ҳолда, бундай тушиунчаларни ташқаридан сингиши анча оғир кўчади.

Партиянизнинг XIX конференциясида ВЛКСМ Марказий Комитетининг биринчи котиби В. И. Мироненко: «Комсомол барча совет ўшларининг сиёсий авангарди бўлиш ҳуқуки учун

курашади, уни бюрократизм ва формализм иллатларидан тозалаш керак», деган эди. Бунинг учун аввало комсомолга қабул қилиш усулини қайта кўриб чиқиши керак. Маълумки, ҳануз комсомолга группалаб, ҳатто бутун бир синфини бир вақтда қабул қилиш ҳоллари мавжуд, бериладиган саволлар олдиндан ўқитилади, ёдлатилади, айниқса, қишлоқ жойларида норма бажариш энг шарафлидир. Адашмасам, бериладиган саволлар кўйидагича: комсомолнинг қачон ташкил топганию нечта ва қачон, нима учун орден олганлиги, партия ва давлат арбобларию бирор соҳада ном қицарган қаҳрамонлар, уставнинг баъзи талабларию айрим ички ва ташки ҳодисаларга оид бўлади. Лекин бу билан бирор ёшнинг маънавий дунёсини, келажак фаолиятини, маданий бойликларга, оиласиб бўлмайди, комсомол сафининг ошиши эса комсомол харататини қоплаш учунгина хизмат қилади, холос.

Хулас, мамлакатимиз тарихида юз берган ҳар бир ўзгаришда: ютуқларимизда ҳам, нуқсонларимизда ҳам комсомолнинг иштирики бор, чунки комсомол қатнашмаган бирорта ҳам соҳа йўқ. Модомики, «комсомол барча совет ўшларининг сиёсий авангарди бўлиш ҳуқуки учун курашаётган» экан, ҳар бир ёшнинг комсомол сафида бўлиши ҳам, 14 ёшга тўлган ҳар бир ўғил-қизининг комсомолга ўтиши ҳам шарт эмас. Майли, 18, 20, ҳатто 25 ёшда ҳам кираверсин. Гап ёшда эмас, балки оқ-корани нисбатан яхшироқ ажратлашида, ҳаётий тажрибасининг ошишида, пишиқ-пухта бўлишида. Ҳар бир ёш ишда ва ўқишида ўзининг ҳалол-поклигини, меҳнатсеварлигини, ҳар жиҳатдан етуклигини, комсомол деган шарафли номга лойиқлигини исбот қилисин, одамлар ишончини оқласин, тоқи у келажакда ўзини, бола-чақасини, қариндош-урӯғларини, оиласини, ўқитувчиларини, ўз ҳалқини ерга қаратмасин. Бунинг учун комсомол ўшларининг ўндан, юздан бирни танлаб, саралаб олинисн ва у колган ўшларга ўрнак, намуна бўлсин, қолганлар унга эътиқод қўйиб эргашсин. Агар ҳамма ўшларни бирлаштириб туриш лозим деб топилиш, у ҳолда бошча бирор ташкилот тузиш лозим бўлар. Лекин ўйлайманки, ҳар жиҳатдан етук комсомол қолган ўшларга раҳбарлик қила олади ва комсомолнинг чинакам сиёсий авангардиги, раҳбарлиги ҳам шунда намоён бўлади. Бу ўринда ўрта ва олий ўқув юртларидаги комсомол ташкилотлари алоҳида роль ўйнаши керак. Рўйхатга қарасангиз, ўқишига кирайтган ўшларнинг деярли ҳаммаси комсомол аъзоси, шунинг учун ўқув юртлари комсомол ташкилотларининг кимларни тарбиялаб, ўз сафига қабул қилгани, бизнинг кузатишмизча, реал кўзга ташланмайди. Шу ўринда В. И. Лениннинг «оз бўлсин-у, соз бўлсин» деган иборасини эслатиб ўтамиш.

ОЙНА

**АЙТСАМ ТИЛИМ,
АЙТМАСАМ ДИЛИМ...**

Хурматли Пўлат Набиевич Рустамов! Сизни 2-Қашқадарё область касалхонаси бош врачи этиб тайинланганлигиниздан «хурсандлигимизни» кечикиб бўлса-да, матбуот оғзали маълум қилмоқчимиз. Зоро, демократия ва ошкоралик ҳаётимизга чуқур илдиз отиб бормонда экан. Биз бугун торгинмасдан дилимиздагини очик айтиш имкониятига эгамиш.

Сиз мазкур лавозимга тайинлангиздан аввал Қарши шаҳар соглиқни сақлаш бўлими мудири бўлиб ишлар эдингиз. Партия ва ҳукуматимизнинг халққа текин медицина ёрдами қўрсатиш тўғрисидаги гамхўрлигидан фойдаланиб, давлатнинг оз эмас, кўп эмас 29 минг сўм пулини кўйка совурудингиз, яъни талон-тарож қўйлдингиз. Бундай жасорат қўрсатиш ҳар кимнинг ҳам қўйлидан кела-вермайди, албатта. Натижада беморлар сони икки бараварга кўпайди. Медицина муассасаларида кераклидори-дармонлар ва асоб-анжомлар етишмайди. Айниқса, шаҳар соглиқни сақлаш бўлими сабиқ бош бухгалтери М. Бекмаевнинг оғзи қулогида. Чунки, у сиз ва сизнинг хомийларингиз туфайли (шу жумладан ўзингиз ҳам) область прокуратураси таъқибидан осонгина қутилиб кетди. Прокуратурадаги масбул ходимларнинг эса жавоби оддий: халқ мулкими миллион сўмлаб ўмарган жиноятчилар олдиди, 29 минг сўмлик жиноят қилгандарнинг иши иш бўйтими!

Шунинг учун ҳам область соглиқни сақлаш бўлими медицина Совети молиявий-хўжалик фаолиятнингдаги хатоларинги ҳамда мавжуд хайфсанларигизни ҳисобга олиб Сизни лавозимнингдан бўшатиш вабишинингизни область прокуратурасига топшириш тўғрисида 4 июнь 1987 йилда қарор қабул қилди. Қарорда 2-шаҳар болалар поликлиникаси бош врачи В. Гребенщиков ҳам ўз вазифасидан озод этилиши ва иши ҳуқуқ органларига топширилиши кўзда тутилган эди. Минг афсуски, Ўзбекистон ССР молия министрлигигининг Қашқадарё

области бўйича назорат-ревизия бошқармаси ва область соглиқни сақлаш бўлими назорат-ревизия бўлими ходимлари томонидан, текширишларда аниқланиб қўрсатилган мазкур хатоликлардан турли йўллар билан кўз юмилди ва «қорлар ёғиб излар йўқолди»... Область соглиқни сақлаш бўлими мудири Р. Шодмонованинг 239-к номерли бўйрги дард устига чипён бўлди. Сиз ҳозирги пайтда фаолият қўрсатадиган 2-область касалхонасига бош врач этиб тайинландингиз.

Бутун мамлакатимиз демократия ва ошкоралик тўғрисидаги боғн уралётган бир пайтда бизнинг кўз ўнгимизда мана шундай воқеалар бўлиб ўтди. Бу ўзига хос қайта қуриш бўлди.

Ҳалқимизда шундай мақол бор: айтсам тилим куяди, айтмасам дилим... Пўлат Набиевич! Сиз коммунист сифатида ҳам, раҳбар сифатида ҳам ўз қўйл остингизда ишлаётган ходимларни беш қўйлдай билишингиз табиий. Қайсиdir ходим санатория-курортларда корсаю, унга тўлиқ ишлади деган мазмунда «ўллик жон» учун маош ёзилса, бундан сиз ҳам М. Бекмаев ҳам бехабар бўлса, давлат мулкия танг солишинг бундан ҳам кўра мукаммалироқ қўриниши бўлмаса керак.

Сизга, бундан бўён ҳам мана шундай «жонбозлик» қўрсатиб ишлашингизни тилаб, эҳтиром ила.

Орзи ЖУМАЕВ

пенсионер,
Улуг Ватан уруши II группа
инвалиди, Қашқадарё области.

РЕДАКЦИЯДАН:

Қосонлик отахон Орзи Жумаевнинг мактубини жузъий таҳrir билан озроқ киноя «суви юғуртириб» ҳукмнингизга ҳавола этидик. Чунки, қўйлимиздаги бошқа мавжуд ҳужжатлар шуни талаб қилди. Жумладан, Қашқадарё область соглиқни сақлаш бўлими мудири Р. Шодмонованинг область партия комитетига йўллаған 01-3/736, Қарши шаҳар партия комитетига йўллаған 01-3/734 номерли хатларида ҳамда Ўзбекистон ССР Молия Министрлиги Қашқадарё области бўйича назорат-текшириш бошқармасининг тағтиши ҳисоботида П. Рустамовнинг фаолияти қаттиқ қораланди. Р. Шодмонова айборни ўз лавозимидан четглатишни таклиф қиласди. Амалда эса П. Рустамовни бошқа ишга — иккинчи область касалхонасига бош врач этиб тайинлаш ҳақидада бўйргу беради. Редакция мутасадди ташкилотлардан, биринчи наебатда, республика соглиқни сақлаш министрлигидан тегишли жавоб кутади.

ТИЛ МИЛЛАТНИНГ ТУГИДИР

Ҳаёт сув билан тирик, деганларидек, миллат тил билан тирикдир. «Токи тили бор экан, ҳалқнинг умри боқийдир», дейди Чингиз Айтматов.

Жаҳонгир ёзувчи она тилининг илдизий аҳамиятини яна бир бор таъкидламоқчи бўлдимикн?! Бу сўзлар тизмаси ўз тилига лоқайд қараётгандар учун таҳликали чақириқмикан ё!

Биз ўйғондик. Тўғрироғи, бизни ўйғотишиди: Масковдан ва бошқа маддани марказлардан эсган Апрель шамоллари ўзликка ўтиқодимизни ўйғотди.

В. И. Ленин миллый масалалар борасида тўхталиб, шундай деган эди:

«Биз улуғ ва қурдатли рус тилини ҳеч бир кишининг калтак остида ўрганиши учун ҳожат йўқ, деб ўйлаймиз... Узининг ҳаёт ва иш шароитлари жиҳатидан рус тилини ўрганишга эҳтиёжи бўлган кишилар бу тилини калтак сиз ҳам ўрганиб оладилар (Биз таъкидладик.— З. Х.) Мажбур қилиш эса фақат биргина нарсага сабаб бўлади: у бошқа миллый группаларнинг улуғ ва қурдатли рус тилини ўрганишини қийинлаштиради, ҳаммадан ҳам кўра душманликни кучайтиради, сонсаноқсиз низоларни тұғдиради».

«Иккинчи она тилимизга шу қадар берилиб кетдикки, оқибатда ДУЛБАРЖИН аталган туркй ёзув ҳақидаги маълумотни ўқиётгандан чет элда топилган ноёб топилма тўғрисидаги хабарни эштгандағидек ҳайрат аралаш лоқайд кайфиятни хис қиласмиш.

«Биз икки тилиллик дегандан, ҳар бир ҳалқ аввало ўз она тилини, сўнг рус тилини ҳурматлашини тушинашимиз. Ҳозирда аксари рус тилини улуғлаш шиорини ниқоб қилиб олиб, ўқишидан, ийилиш ва мажлислардан ўзбек тилини сиқиб чиқармаяптими?!» дейе жонкуярлик билан ташвишланади тилларвар. Ва бу ташвиши — ҳақиқат, шунинг учун ҳам ачиқидир. Ву ҳақда аллақачон ўлашибимиз керак эди.

Тил учун кураш, тўғрироғи, она тили учун қайғуриш — умумхалқ иши дарајасига кўтарилгандағина бирор натижага эришилади. Иккитилилики икки томонлама бўлсин. Кичик ҳалқ вакиллари рус тилини ўрганишлари лозим, айни чоқда руслар ва бошқалар ишлаб чиқаришда, турмушда, жамоат жойларидан керак бўладиган ҳалқнинг тилини билиши ҳам мұхимдир. Бунинг учун миллый тилинг шуҳратини кўтариш лозим. ОНА ТИЛИни севиш даркор.

Зулхумор ХОЛМАНОВА



Комил Нуржонов

ЧИН ДҮСТ ЭДИ

ХОТИРА

Унинг таржимаи ҳоли оддий, бир неча жумладангина иборат. Агар у тирик бўлганида йигирманчи баҳорни қаршилаган бўларди. Баланд бўйли, кенг яринли, истараси иссиқ, паҳлавон йигит эди.

У Хива шаҳридаги 13-эзлатда истиқомат қилувчи Отабо Мадраҳимовлар оиласида дунёга келди, ўсди, улғайди. Тимиризев номли ўрта мактабни аъло баҳолар билан битириди.

— Кудратбек ёшлигидан расм чизарди, спортни, кураш тушишни ёқтиради, — деб эслайди унинг синф раҳбари ўртоқ Ортиқ Абдуллаев. — Курдаша ўзидан катта ёшдаги болалар билан беллашарди. Расмда «Қизил аскар», «Самолёт», «Ракета», «Тинчлик кабутари», «Хива» манзараларини тасвирларди. Унинг расмларидан мактаб клубида кўргазма ташкил этилди. Кудратбек интернационал дўстлик клубининг аъзоси эди, унинг номига Иттифоқимизнинг турли бурчакларидан мактублар келиб турарди. Аъло ўқириди, интизомли, каттаю кичикка меҳрибон эди. Афсус, минг афсус...

«Кичик сержант, моторлаштирилган ўқчи ротанинг бўлинма командири Кудратбек Рустамович Отаев 1987 йил 24 октябрь куни Афғонистон Республикаси территориясида ўз ҳарбий бурчини адо этаётган вақтда мардларча ҳалок бўлди» (Н-кисм командирининг бўйруғидан кўчирма).

1986 йилнинг кузиди Кудратбек ҳарбий хизматга чақирилди. Маълум муддат сержантлар тайёрлайдиган маҳсус мактабда ўқиди. Сўнг



Афғонистондаги чекланган Совет қўшиллари сафига жалб этилди. Кўмондонлик Кудратбекдаги ташкилотчилик ва интизомлиликни пайқаб, уни аввал группа раҳбари, кейин бўлим командири вазифасига тайинлади. У хизмат қилаётган рота Кобул, Жалолобод, Қандаҳор шаҳарларида босмачи-душманлар билан жанг қилди.

Кудратбек ҳарбий хизматга чақирилгунча Афғонистон тўғрисида газета-журналларда чоп этилган мақолаларни ўқиган, кинофильмлар ва телекўрсатувлар томоша қилар эди, холос. Афғонистон чегараларига туташган Ҳиндикуш тоғлари ортидаги Пешовор (Покистон) ҳарбий полигонларига Farb мамлакатларидан келган ажнабий инструкторлар душманларнинг группаларини тайёрлаётганини, она шаҳри Хивадан анча узоқда — тоғу тошлар оралиғида аёвсиз жанглар бўлаётганини биларди. Ағон диёри бизга бегона эмас, бу ерларда азал-азалдан пушту, урду, ўзбек, туркмэнларнинг авлодлари яшаганлар. Улуғ бобомиз Алишер Навоий, Бобур Мирзонинг, Абу Райхон Берунийларнинг ҳоки шу муқаддас тупроқда ётиди. Имкон топилса шу муборак қабрларни зиёрат қилишни у ният қилиб қўйган эди. Бу ҳақда у ота-онасига мактублар ёзган. Бундан ташқари, у хатларида ағон шаҳарлари ҳам, одамлари ҳам, Ўрта Осиё ҳалқарига, жумладан хоразмликларга ўхшашликларини ҳикоя қилган эди.

Афғонистон ҳукумати душман билан яраш сиёсатини илгари сура-

ётган бўлишига қарамай, гоҳ-гоҳ шаҳар ва қишлоқлар, мактаб ва мачитлар, саноат корхоналари, савдо дўконлари портлатиларди. Душманлар оддий дехқон қиёфасида, паранжию чачвон ёпинган аёл кўринишида келар, уларни дарҳол илғаб олиш қийин эди. Кудратбек ва унинг сафдошлари ана шундай мураккаб шароитда ўта маккор душман билан жанг қилгандар.

Уша машъум тонготарда ҳарбий рота жанговор тревога билан уйғонди. Саноқли дақиқалардан сўнг Кудратбек бўйлнимаси тушган машина тоғ йўлидан илгарилаб бораради. Аҳён-аҳёнда йўлнинг ўнгу сўлида кулга айланган иморатлар, кўпприк ва автомашиналар кўзга ташланарди. Кутимаганда кучли портлаш рўй берди: машина душманлар кўмиб кетган минага дуч келган эди. Машинадаги 12 кишидан 10 нафари ҳалок бўлди... Қоидага мувофиқ интернационал жангчиларнинг жасадлари солинган тобутлар шу куниёқ марҳумлар туғилиб ўсган жойларга самолётда жўнатилди.

Интернационал ва ватанпарварлик бурчини адо этиш йўлида қурбон бўлган Кудратбек Отаевни дафн этиш маросими бўлди. Жангчиларни кузатиб келган солдат ва офицерлар, маҳалла фаоллари марҳум ҳақида илиқ сўзлар айтдилар. Лекин ана шу илиқ сўзлар унинг ота-онасига таскин бера олармикан?.. Зора мана шу хужжат оғир жудокликдан юрак-бағри қон бўлган ота-онанинг қалб жароҳатларига малҳам бўлса, дардларини озгина бўлса-да, енгиллатса...

«Хурматли Рустам Отаевич ва Саломат Мадримовна!

Ҳарбий кўмондонлик ўғлингиз Кудратбекнинг бевақт ҳалок бўлганини маълум қилади ва сизларга таъзия билдиради. Ўғлингиз Кудратбек Рустамович Афғонистон территориясида ўз ватанпарварлик ва интернационал бурчини шараф билан адо этиди. У жанговар ҳарбий топшириклиарни жасорат билан аъло даражада бажарди, интизомлилиги, ташкилотчилиги ва мардлиги учун бир неча бор қисм кўмондонлиги томонидан тақдирланди. Ўғлингиз 1987 йил 24



октябрь куни фавқулодда топширикни бажараётган чоқда қаҳрамонларча ҳалок бўлди.

Биз сизга ҳамдарду қайғудошмиз. Ўғлингиз чин дўст, жанговар ўртоқ, мард ўғлон эди. Биз ана шундай йигитдан жудо бўлдик.

Азиз Рустам Отаевич ва Саломат Мадримовна! Ҳасрат ва надоматлар чекиб қайғураверманг, бизга хатлар ёзинг. Биз, ўғлингизнинг куролдош дўстлари, Сизларга мадад беришига ҳамиша тайёрмиз. Бўлинма командири В. Зотонский, ўринбосари В. Шоков».

Қудратбекнинг синфдошларидан бири К. Сафаров уни шундай хотирлайди: «Дўстим Қудратбек билан ёшлидан иноқ эдик. У спортни севарди, аъло ўқирди, каттаю кичини ҳурмат қиласди. У йигитлик бурчани адо этиш учун армияга кетди, тинчлик йўлида қурбон бўлди. Мен Қударатбекдек жасур дўстим бўлганидан фахрларланаман. Доимо қалбимда яшайди».

Интернационал жангчи Қудратбек Отаев жасади ҳарбий иззатикром билан Хива яқинидаги Чинобод қабристонига қўйилди. Ватан йўлида жон фидо қилган жангчининг қабрига ёдгорлик лавҳа ўрнатилди. Қудратбекнинг вафотидан кейин унга «Қизил юлдуз» ордени берилди. Ҳарбий комиссариат Ватан мукофотини жангчининг отаси Рустам Отаевичга топшириди. Тимирязев номли мактаб пионер дружинаси Қудратбек номи билан атала бошланди.

Қурбон бўлганлар хотираси ёшлар юрагида содиқлик, мардлик ва ватанпарварлик тимсоли бўлиб қолаверади. Жасорат ҳеч қачон унтуилмайди.

Назар Шукур



КЎҚДАГИ УМР

Назар Шукур (1954—1985) ўзининг ilk шеърий тўпламини шундай атаган эди. У ўз асарлари билан танила бошлаган бир пайтда, айни навқирон ёшида, ўзи айтганидай, «шеър устига кулав», ҳаётдан кўз юмди. Аммо ҳалқона, мушоҳадага ундовчи шеърларини бизга мерос қолдирди. Шеърлари билан бирга ўзи ҳам хотираларда ва қалбларда яшаб қолди...

Машраб қўшиғи

Не юртни дарбадар кездим, оёғимда гуноҳ йўқдир,
Кўз ашким бузди дунёни, қарогимда гуноҳ йўқдир.

Юрагим ғамга садоқдир, кўп отдим нафратим ўқин,
Адо бўлмас экан ўқим, садоғимда гуноҳ йўқдир.

Тарқ этдим чархи фалакни, мени тарқ этмади оҳлар,
Агар кечсам бу очундан талофимда гуноҳ йўқдир.

Гоҳо эл-юртни оч кездим, насибам бўлмади ёвғон,
Мудом бўш бўлса, эй дўстлар, товоғимда гуноҳ йўқдир.

Аъёнлар гардуни аро гўё тийра булатдирмен,
Нетай, ҳар куни қор ёғса, қовоғимда гуноҳ йўқдир.

Үсиқдир соқолу мўйлар, тутундек тўзғиган соchlар,
Тарашга етмаса ҳолим тароғимда гуноҳ йўқдир.

Қўниқмадим ноҳақликка қаламим бўлди яроғим,
Ноҳақнинг қотили бўлсан яроғимда гуноҳ йўқдир.

Худоман! Гарчи коғир деб худони тортдилар дорга,
Бўғар сиртмоқ, билинг, ахир, томоғимда гуноҳ йўқдир!

1982 й.

Нидо

Қисматим бўйнига ташлагансан ип,
Ғазабинг ўтида қоврилар таним.
Қочаман сендаги ёнгиндан кўрқиб,
Кўйгин ўз ҳолимга, эй севмаганим!
Кўзимда чинқирадар есир муҳаббат,
Қўл чўёсам ҳуркитдинг мен севган баҳтни.
Сенга эш тақдирни ҳар гал этдим рад,
Сен эса рад этдинг мендаги аҳдни.



Орада жар каби ҳувиллар тўрт йил,
 Мен учун баҳтсизлик ташувчи уйсан.
 Серёғду кунларга очмоқ бўлсам дил
 Сен мени ёр дейсан,
 Фарзанд бор дейсан!
 Кетаман, барибир, топмайман нажот,
 Ортимда дўст йиғлар, кулади ғаним.
 Ғавғолар зуғмидан яшайнин озод,
 Ҳоқонсан, шафқат қил, эй севмаганим?
 Чап бериб нечча бор ўз қисматимга
 Чарчадим.
 То лиқдим.
 Керак ҳаловат!
 Ахир, ранг чапладим соғ хислатимга,
 Сен боис бошимда ҳадсиз маломат!
 Ишончлар чил-чилдир сен отган тошдан,
 Узилган умидим ётар чувалиб.
 Йўқ, юпанч топмадим кўздаги ёшдан,
 Толесиз этишда сен доим ғолиб!
 Қисматим бўйнидан аргамчинги ол,
 Жон берган севгимга мотам этайин.
 Йўлингни ҳар қачон кўрганман малол,
 Қўйгин, бу ёғига ўзим кетайин!

1983 й.

Онамга

Она, энди ортга қайтиш йўқ,
 Ярим умрим шеър билан ўтди.
 Тупрок йўллар изимга интиқ,
 Қишлоқ мағлуб, бу шаҳар ютди.
 Шеър устида яшнаб, сўламан,
 Барибир, мен шоир бўламан!
 Қай мунаққид сатрларимнинг
 Газетларда айтса қусурин,
 Ҳасадгўйлар кулиб, тортди кенг,
 Тотди шунда ҳаёт ҳузурин.
 Бу зотлардан роса куламан,
 Мен барибир шоир бўламан.
 Бу йўлдағо кўп экан, она,
 Ҳаёт — кулол. Пишитди рўй-рост.
 Заб пишитди ҳасад, кин, таъна,

Тарк этмади илҳом, эҳтирос.
 Оқ-корани энди биламан,
 Барибир, мен шоир бўламан.
 Қайтиш йўқдир, она, назмдан,
 Яшолмайман қаламсиз сира.
 Йўқ, бўлмайман пулга таъзимда,
 Ахтармайман ҳаётдан шира.
 Шеър устига қулаб ўламан,
 Мен барибир шоир бўламан!

* * *

Бир санг кўрсанг йўл ўртасида
 Тепиб ўтма, ёр, қилиб ҳазар.
 Сени кутиб оёқ остида
 Ётар тошга айланиб Назар.

Аямасдан ардоқларингни
 Зангор сойни кечасан кулиб.
 Билмайсанки, оёқларингни
 Ўпар шу чоқ Назар сув бўлиб.

Бевафолик қиласа гар санам,
 Ҳайикмасдан мард эр тиф санчар.
 Ҳушёр тортгин, ичиб онт-қасам
 Юргай Назар шаклида ханжар.

Топмас эди шеърларим сайқал,
 Ёр, бермасанг ишқинг билан зеб.
 Сенга тиклаб сўзлардан ҳайкал
 Имзо чекдим «Назар Шукур» деб.

Соқчи каби турган ҳар дарахт,
 Манзилингга омон етказар.
 Қўйғанмисан уларга қараб?
 Ахир, унинг ҳаммаси — Назар.

Сени жондай асрароқ учун
 Жисми билан интилиб нурга.
 Гирдингдаги нарсалар бугун
 Айлангандир Назар Шукурга!



А. СУХАРЕВ.

Т. Тўланинг «НОДИРАБЕГИМ» асарига ишланган расмлар.

Ҳуррият ва адолатни улуғлаб...

ҲАМЗА ТАВАЛЛУДИНИНГ 100 ЙИЛЛИГИГА

ПРОФЕССОР ИЗЗАТ
СУЛТОНГА УЧ САВОЛ

1-савол. Бир ўқувчи сифатида Ҳамза ижодининг ўзингизга ёқадиган хусусиятларини нималарда деб биласиз? Сизга ёқмайдиган жиҳатлари ҳам борми?

Жавоб. Мен Ҳамза ҳақида гапирганимда фақат ўқувчи сифатида фикр билдириш им мушкул. Менинг қиёфамда ҳам ўқувчи, ҳам олим, ҳам драматург кўшилиб кетади. Ана шу уч нуқтаи назардан қараганда, мен Ҳамзани юксак даражада қадрлайман.

Ҳамза янги маданият тарғиботчиси, Ватанимизнинг юксак граждани. Ҳамза ижодкор сифатида уч хусусиятга эга. **Биринчидан**, ҳаётимизнинг муҳим томонларини адабиётимизга олиб кирган ва сақланиб қолишига сабаб бўлган бир адаб. Ҳамза ижодида ўзбек ҳалқининг инқилобдан аввалги ва ундан кейинги ҳаётининг энг муҳим нуқталари ёрқин ифодасини топган. Шу сабабли Ҳамза ижоди доимий маърифий аҳамиятга эга бўлади. Ҳатто замонлар ўтган сари бу аҳамият янада орта боради. **Иккинчидан**, Ҳамза ҳаётни яхши билиши билан, одамларнинг психологиясини яхши тушуниши билан ўқувчиларни доимо мафтун этиб келди ва ёзувчиларга абдий устоз бўлиб қолади. **Учинчидан**, Ҳамза ўзбек тилининг бойлуклари ва фазилатларини яхши биларди. У ўз ижодида тилининг серқирилгини, бойлигини, гўзаллигини ифода эта билди. Мен ҳатто ўйлайманки, биз ҳалқимизнинг тилини билиш ва сайқаллаш жиҳатидан Ҳамзадан жуда узоқлашдик ва ютказдик. Биз бу борада Ҳамзага қайтишимиз шарт.

Шунча фазилатга эга бўлган ёзувчининг ижодидан мен ўзим-

га ёқмайдиган жиҳатларни ахтарсан адолатга хиёнат бўлмайдими? Ҳамза ижодида камчиликлар бор. Масалан, баъзи асарлари, жумладан, «Жаҳон сармоясининг сўнгги кунлари» асари ўзининг гоявий йўналишлари жиҳатидан эскирган. Еки айрим асарларида парокандалик бор. Бу камчиликлар замонасида махсули бўлиб, бугун бизга ёзувчи шательнига таъналар қилиш учун асос бўла олмайди.

2-савол. Замон ўзгаряпти. Ҳамият ҳамиша янгиланиб туриди. Ижтимоий фикр ҳам бир ўзанда қотиб қолгани йўқ. Шу маънода ҳамзашуносликда ҳам янгиланишлар бўладими? Шахсан фикрингиз ўзгардими ҳеч?

Жавоб. Ҳамза ижодининг маданиятимиз тарихида катта ижобий аҳамияти ҳақида фикрим ҳеч қачон ўзгарган эмас ва ўзгармаса керак. Ҳозирги ҳамзашуносликда менимча, иккита камчилик мавжуд. Биринчи камчилик шуки, Ҳамзани бошқа катта ёзувчиларга қарши қўйиш тенденцияси, аниқ айтилмаса ҳам, кўп ишларда сезилиб туриди. Бу бирёзламаликка барҳам берилиши лозим. Бошқа ёзувчиларнинг, масалан, Абдулла Қодирийнинг адабиётдаги катта ижобий хизматини тасдиқ этиш ҳеч қачон Ҳамзанинг аҳамиятини пастга уриш бўлмайди. Иккичи камчилик шуки, ҳамзашуносликда унинг ижодини чуқур ўрганиш ўрнига, ижодкор ҳаётининг икир-чикирларигача ўрганишга кўпроқ эътибор бериш устунлик қилиб кетяпти. Шу сабабли Ҳамза ижодининг катта ижобий хусусиятлари етарли очилган эмас. Энди ёзувчи ҳаётининг икир-чикирларини ўрганишга келганда, мен уларнинг аҳамиятини катта деб билмайман. Чунки ҳар бир ёзувчи даставвал ўз ижоди билан қимматли. Шахсий ҳаётининг деталлари эса бошқа оддий одамникидан фарқ қиласлиги мумкин. Бундан ёзувчи шахсий ҳаётига доир деталларни ўрганиш керак эмас деган холоса чиқмайди. Бундан ёзувчининг ижодий хазинасини чуқурроқ, кенгроқ ўрганиш керак деган холоса чиқади, холос.

3-савол. Ҳамза асарларининг яратилиши ва таҳрири хусусида нималар дея оласиз?

Жавоб. Тарихий шароит Ҳамза асарларидан баъзиларининг тақдирини анча мурakkabлаштириб юборган. Мен бу ерда «Бой ила хизматчи» асарининг асл нусхаси бизнинг замонимизгача тўла равища етиб келмагани каби ёқимсиз ҳодисани кўзда тутаман. Бу ёқимсиз ҳодиса баъзи ўртоқларни, Ҳамза ижодининг ожиз томонлари кўп, деган нотўри хулосаларга келтираётгандек туюлади. Шуни ҳам эътиборга олиш керакки, классик асарларнинг замонавий саҳна талқинларини яратиш бадиий амалиётда янгилик эмас. Тарихда бунга мисоллар учрайди. Аммо Ҳамзанинг асосий асарлари бизга асл нусхада етиб келган. Улар Ҳамза ижодини юқори баҳолашга етарли асос бўлади. Энди «Бой ила хизматчи»нинг Комил Яшин томонидан тикланган саҳна вариантига келсак, 1918 йилдан бери бизда сақланиб келган афишаларда келтирилган бу асарнинг анча батафсил мазмуни билан ҳозирги талқини кўп жиҳатдан бир-бирига яқин. Бу драманинг ҳозирги саҳнавий варианти уч ҳужжат — пъесанинг суфлёрлик варианти; 1918 йилги афишалардаги мазмун; китоб ҳолида босилиб чиқкан «Бурунги сайловлар» асари асосида тикланган. Лекин шуни таъкидлаш керакки, бизга маълум саҳна варианти Ҳамза асарининг аслидан анча камбағал. Чунки, афишанинг сўнгига ёзилишича, «Бой ила хизматчи»нинг бош қаҳрамони Сибирда инқиlobчилар билан учрашиб, улар

тарбиясида онги яна ҳам очилиб, ўз юртига фаол инқилобчи бўлиб қайтади... Албатта, «Бой или хизматчи» нинг асл нусхаси тўла сакланганида эди, унинг янги варианти устида туғилаётган шубҳалар ва нолишлар пайдо бўлмас эди. Шу сабабли мен конкрет тарихий шароитда Ҳамза асарларининг таҳрир этилган варианти унинг асл асарлари билан деярли бир қаторда қимматга эга, деб ҳисоблайман. Ҳар ҳолда, бугун биз «Бой или хизматчи»ни таҳрир этилган варианта кўрар эканмиз, бу нарса Ҳамза ижодининг қимматини бизнинг назаримизда сал ҳам пасайтирумаслиги керак.

Биз ўтмишдаги маданий-маънавий қимматликларни асрар ва қадрлаш даврида яшамоқдамиз. Бу шароитда биз Ҳамза ижодини ўрганганимиз сари маданиятнинг бу буюк арбобига миннатдорлигимиз ва ҳурматимиз ортаведаи.

ПРОФЕССОР ЛАЗИЗ ҚАЮМОВГА УЧ САВОЛ

1-савол. Ҳамза Ҳакимзода Ниёзий номини улуғлайдиган энг муҳим жиҳатлар қайсилар деб биласиз?

Жавоб. Ҳар бир санъаткорнинг қадри ўз даврининг илғор ғояларига муносабати билан белгиланади. Мана, Ҳамза таржими ҳолининг айрим нұкталар:

«1905 йил рабочий инқилобини мен шунда (1908 йилда, Намангандан. — Л. Қ.) ўргандим. Қўл матбааси билан майда рисолача эълонлар чиқариб турувчи бир татар йигити бўлиб, мен ҳар ҳафтада бир-икки унинг билан сухбат қиласидир эдим. Ул мени хили дардлаган бўлса керак, шул кундан бошлаб эски подшоҳлар турмушидан бир «Ҳақиқат кимда?» исмли ҳавосиз, операли бир роман ёзган эдим, ўғирлатдим, бугунки, топилмайдир. Бундан буёнги шеърларим миллий ва инқилобий тусларин ола бошлади».

1916 йил мардикор воқеалари даврида Ҳамза бир қанча маслакотлари билан биргаликда Қўқонда содир бўлаётган адолат-сизликлар ҳақида марказга — Петроградга хат ёзиб, ҳалойиқقا қўл қўйдириб, подшонинг номига жўнатади. Ўша вақтда (эҳтимол, Ҳамзанинг хати ҳам сабаб бўлгандир) Туркистонга давлат ду-

масининг икки аъзосидан иборат комиссия етиб келади ва 1916 йил 15 августидан 2 сентябринг кадар мазкур комиссия ўлканинг асосий районларини айланиб, вазият билан танишиб чиқади. (Комиссия аъзоларидан бири бир йилдан кейин муваққат ҳукумат бошлиги бўлган А. Ф. Керенский эди.) Комиссия вақтинча тартиб ўрнатгандек бўлди. Бу чоралар яқинлашиб келаётган ҳалқ қўзголонининг олдини олиш учун подшолик ўйлаб топган тадбир эди.

Маълумки, Ҳамза бу қўзголон пайтада ҳалқ тарафida бўлган. У мазкур мавзуни адабиётга олиб кирган ижодкорлардан биридир. Автобиографиясида ёзади: «1917 йилгача асарларимни бостириш, асар ёзиш, газетага мақола ёзиш, Лошмон воқеалари ҳақида турли мажлислар қилиш билан давом этдим».

1917 йил 27 февралда Россия марказида буржуа-демократик революцияси ғалаба қозонди. Бу ҳуҳшабар улкан мамлакатнинг ҳамма бурчакларига яшин тезлигида тарқалди. Шу кунлардаги Ҳамзанинг кайфиятидан бир далил: «Тубандаги ашъор доҳ миллатларнинг йиллардан бери асорат абрининг заҳарнок томчилариндан каъбай ҳаётлари намнок келаркан, у қурбонларнинг ижобати, мукофотина бу кун бир адолати ҳуршиди ҳуррият фалакиндан оғоз этмаса, ҳар ошиқ энг суюкли маъшуқасина, узун зимистонлар ҳақиқий бир баҳористонина етмасидир».

1917 йил март ойида Ҳамза муҳаррар бўлган «Кенгаш» журнали «Ҳуррият», мусовот, адолат каби чин ҳаёт юлдузлари билан ҳамма ватандош ва диндошларини умумий табрик этадир... Истибодд тазалуми сиёсат зинданида маҳбус келиб, бу кун... умумий бир озодлик абди ва саромади дил шодлигига етишганимиз жумламизга муборак бўлсин!»

Мазкур журналнинг программаси эса «Ёшлик»ка ҳамоҳангэди:

Ёшликни элга таржимони бўл,
Сўйгули реза ҳам калони бўл,
Сўзда бир қаҳрамони соне бўл,
Барча бидъатни кил фано «Кенгаш».

1917 йил 7 апрелда «Сафсан гул» тўплами нашрдан чиқди. «Ватан ишчиларининг забон ҳолиндан» деб сарлавҳаланган бу тўпламнинг охирги бетида «Яшасин янги давлат! Яшасин ҳур-

рият! Яшасин ёшлар!», деб ёзилган эди.

1917 йил 25 апрелда босилган «Туркистон мухториятина» шеърида Ҳамза ёзади:

Тўрт юз йиллик Романовлар битгач давлати,
Кўтарили асорат, хўрлик зулмати...
Кутлуг бўлсин, эй ёшлар, тўқиб
конигиз
Берган қурбонингизга олгаи шонингиз
Мангу қолди дунёда ҳуш анвонингиз.

«1917 йилнинг 28 майида Қаландархонада (Қўқон — Л. Қ.) тўрт юзга яқин рабӯчийларни тўплаб, зўр намойиш қилиб, рабӯчий-мехнаткашлар жамияти ташкил қилдик. Бу кунгача давом этмоқда бўлган «тўртинчилик» («большевилар» — Л. Қ.) унвонининг бош муассасалари шул ташкилотдир. Ҳозирда менда даъватномалари сақланадур».

Қўқонлик кекса партизан Р. Маматқулов гувоҳлик беради: «Таъсис мажлисига сайлов олди кампанияси даври эди... Мен эски вокзал кўчасида яшар эдим. Менинг қўшним Ҳамза Ҳакимзода сайловда тўртинчи номер билан овозга қўйилаётган большевиклар учун, мусулмон меҳнаткашлар союзи учун овоз беришга чақириб, ҳаммаҳаллалар орасида сайловолди ташвиқоти ўтказарди. Сайлов куни Ҳамза бизни Жомега олиб борди. Сайлов ўша ерда бўлиши керак эди. Кўпчилик большевиклар ба мусулмон меҳнаткашлари союзи тарафдори бўлиб, ўз соккаларини тўртинчи номерли партия кутисига ташлайдилар. Буни кўриб саккизинчи номерли партия «(«Шўрайи ислом») учун зўр бериб ташвиқот юргизган бойлар жанжал бошладилар».

1917 йил 29 сентябрда содир бўлган бу воқеада большевиклар тарафдори бўлган ўн беш киши ўлдириб юборилган.

Ҳамза таржими ҳолида ёзади: «Ундан сўнг, мақсадим бўлмагач, Туркистон кетдим. Туркистонда Қалмиков деган бир завод рабӯчийси билан ўзимни овундирб, соат кутадир эдим, оз ўтмай Октябрь инқилobi бошланди».

Бу ёғи ўзингизга яхши маълум.

Бу лавҳалар ўзбек жалқининг инқилобчи фарзанди Ҳамзанинг таърифлайди. Бинобарин, Ҳамзанинг номини улуғлайдиган энг муҳим жиҳатлардан бири — бутун фаолияти давомида ҳалқ бахти учун курашчи бўлганилиги, ўз даврининг энг илғор ғояларини қўллаб-қувватлаганидир.

Аммо булар барчаси Ҳамзанинг гражданлик хизматлари. Энг муҳими унинг ана шу гоялар мавзу бўлиб яратилган мазмундор ва серқирра ижодидир.

Унинг совет даври ижоди шу давр ўзбек тарихининг бадиий солномаси бўлди. Бу солнома ижоднинг ҳамма жанрларида яратилди. Ҳамза шоир, носир, публицист, муаллим, болалар ёзувчиси, таржимон, журналист, актёр, бастакор, режиссёр, драматург, театр ташкилотчиси, хотинқизлар озодлиги учун ботир курашчи, ёш ижодкорларнинг севимли устози эди.

У ижодининг ҳамма соҳасида новаторлик қилди. Чунончи, шерпиятимизда аруздан фойдаланди, эркин вазни ишлатди, бармоқ вазнини етакчи қилиб олди.

Ҳамза ўзбек тилидан ташқари, кўпгина туркий тиллар — жумладан уйғур, татар, озарбойжон, турк тилларини жуда яхши билар, тоҷикча шеърлар ёзарди. Русча-ӯзбекча ширу-шакар мисралари бор. Араб тилидан саводи яхши бўлган, ҳатто озроқ француздани ҳам тушунган. Рафикаси Аксиня Платоновна Уварова билан, табиийки, русча гаплашган. Гарчи филолог олимликка даъвоси бўлмаса ҳам тил билими кенг ва чуқур бўлган бу маданиятли ўзбек ёзувчиси ўзбек адабий тилини шакллантириша катта хизмат кўрсатган. Бу жиҳатдан мен Абдулла Қаҳҳорнинг ушбу сўзларига юз фоиз қўшиламан: «Ҳамза асарларининг ҳалққа бу қадар яқин ва суюкли бўлишига сабаб унинг замон билан ҳамнафас ва ҳалқ дилининг таржимони бўлганилигидир. Шу сабаб унинг тилини ҳалққа ниҳоят яқин қилди. Ҳамзагача ва Ҳамза даврида ҳам ҳеч бир ёзувчининг тили Ҳамза тилидек жонли ва ранг-бараңг, ҳалқ тилига яқин бўлган эмас».

Ҳамзанинг номини улуғлайдиган кўп жиҳатлардан баъзиларини сизга эслатиб ўтдим.

2-савол. Фаолиятингизнинг аксари қисми Ҳамза ижодининг

тарғиботига багишланган. Нега шу йўлни танлагансиз ва бу иш сизга қийинми ёки осонми?

Жавоб. Ҳар бир инсон ўз она ҳалқи олдида бурчини тўғри тушуниб олиши керак деб биламан. Мен ҳам ўз назаримда илмий балоғатга етдим деб ўйлаганимда ҳалқимни улуғлаш, унинг ақли ва талантини намойиш қилиш учун энг яхши совет мисоли Ҳамза бўлса керак деб ўйладим-да, Ойбек, Яшин каби устозлар рағбати билан шу катта мавзуни ўттиз ийл аввал ишлай бошладим. Шу орада катта-кичик, илмий ва оммабоп, ўзбек ва рус тилларида ўттизистча китобим чиқди. 1963 йилда мен Ҳамза ҳақида докторлик диссертацияси ёқладим. Шу асосий ишимда баён қилинган илмий талқинлар жамоатчилик томонидан қабул қилиниб, ўзимнинг китобларимдан ташқари кўпгина ҳамкасларимнинг ишларига ҳам ўтди, илмий ва бадиий асарларга асос бўлди. Олимнинг энг катта бахти шу бўлади. Шундай бахт насиб этганда, чеккан қийинчиликлар, рақиблар ҳасади ва иғволар ҳаммаси ёдингииздан чиқиб кетади. Умуман илмда осон йўл йўқ. Бу соҳада ҳам қобилиятдан ташқари меҳнат, чидам, шижаот керак.

3-савол. Ҳамзашунос сифатида ўз ишларингиздан қониқасизми? Келгуси авлодлар яна нималарга эътибор бериши лозим деб ўйлайсиз?

Жавоб. Айтганимдек, мен бу мавзуни кўп йилдан бери ишлайман. Аммо унинг илмий такомилидан қониқмайман. Қўлдан келганича уларни янги фактлар, янги талқинлар билан тўлдириб боришига интиламан. Чунончи, 1988 йил октябрь—ноябрь ойларида Ҳамза архивидаги янги маълумотлар асосида унинг таржимаи ҳолини тушиб чиқишига уриндим. Ўзимдан бирор жумла қўшмал, Ҳамзанинг ўз иборалари билан ҳаёт тарихини ҳикоя қилиб, «Совет Ўзбекистони» газетасида эълон қилдим. Ўйлайманки, шундай фактлар илмга озиқ бериб, ҳамзашунослик бойиди.

Еш олимларга маслаҳатим шулки, Ҳамза ижодий мероси ҳали тўла тўпламаган. Архивларнинг кўпи ҳали очилмаган. Ҳозирги ошкоралик ва қайта қуриш руҳида уларни кўпчиликка етказиши керак. Ҳамзанинг 1914—1915 йилларда «Илм ҳидояти» каби бир қанча асарлари тошбосмада босилган. Демак, тиражи камида 100—200 нусха бўлган. Шу асарлардан бирор нусхасини зиёли ҳалқимиз илм учун топиб беришига хеч шубҳам йўқ. Бинобарин, жуда катта ошкоралик ва оммавийлик билан Ҳамзанинг ҳозирча биз ўқимаган асарларини излаб топиш керак. Ҳамза ва Афғонистон, Ҳамза ва қардош адабиётлар мавзулари ишланмаяпти. Ҳар бир маданий ҳалқ улуғ адаблари қомусини яратади. Ҳамза қомусини яратиш пайти аллақачон етган.

Ундан ташқари, ҳар авлод улуғ сиймолар ижодини ўз даври, ижтимоий руҳи ва эстетик диди нуқтаи назаридан ўқийди. Шунинг учун ҳамзашуносликда ҳар авлодга иш топилади.

Ва яна Ҳамза асарларининг русча таржимаси сифати бугун мени қониқтиримайди. Кўпгина асарлари умуман таржима қилинмаган. Бор таржималар савияси ҳар хил. Кўпи биз русчани яхши билмаган пайтда кўзимизга яхши кўринган. Ҳозирги русча билимимиз билан ўқиганда у таржималар жўн кўринади. Уларни такомиллаштириш керак.

Ҳамза образини яратища ҳам ҳамма соҳадаги ёш ижодкорлар олдидаги катта вазифа ва имкониятлар бор.

Қисқаси Ҳамза — ўзбек ҳалқининг фахри. Бу улуғ сиймонинг ҳақиқий баҳосини тарих беради. Тарихни эса келажак ҳам яратади. Қайси олим издошлари бўлишини истамайди дейсиз. Умуман фан ҳеч қаҷон бир киши томонидан яратилмайди. Ҳамзашунослик эса жамоатчилик тан олган фандир. Бинобарин унинг фақат ўтмиши, бугунги куни эмас, келажаги ҳам бор. Ҳар ҳолда мен шундай бўлишини умид қиласман.

жалб қилган хусусиятлари ҳақида гапирсангиз.

Жавоб. «Абдулла Қаҳҳор» монографиям чоп этилганидан сўнг Комил Яшин ижоди билан кенг шуғуллана бошладим. Бунга асосий сабаб — драматургияга бўлган муҳаббатим ва меҳрим эди. «Улуғ Ватан уруши драматургияси» мавзусидаги кандидатлик диссертациям бу соҳадаги машаққатли ва се-

ПРОФЕССОР ҲАФИЗ АБДУСАМАТОВГА ИККИ САВОЛ

1-савол. Маълумки, Ҳамза ижодининг тарғиботи билан кўп шугуллангансиз. Бу йўлни танлашингизга сабаб нима? Ҳамза ижодининг сизни ўзига

вимли ижодий-илмий ишимнинг маҳсали сифатида бунёдга келди. Ҳа, шуни айтиб ўтишим керакки, менинг биринчи китобчам ҳам саҳна асарлари таҳлилига бағишинган («Улуғ Ватан урушидан кейинги ўзбек совет драматургиясида конфликт масаласига доир»).

Албатта, бу соҳадаги назарий ва амалий билимлар мени драматургия жанрини янада кенг ва чуқурроқ таҳлил қилишга етакларди. Бу ният мени атоқли санъаткор Комил Яшиннинг ижодий лабораториясида бошлаб кирди. Бу лабораторияни тадқиқ қилганин сари, улуғ Ҳамзанинг фаолияти ва ижоди билан тўқнашиб бордим. Чунки Комил Яшин Ҳамза Ҳакимзоданинг тўла маънодаги шогирди бўлиб, ундан кўп нарсаларни, маҳоратни ўргангани, драма ва театр сирларидан сабоқ олган. Шу сабабдан ҳам ўзбек ёзувчилари ичida ҳеч ким устоздан Яшинчалик кўп фойдаланмаган, ҳеч ким бу шогирдчалик устозни кенг ва ҳартомонлама тарғиб қилмаган. Устоз ва шогирд ижодий алоқаларини, қисман бўлса-да К. Яшин ҳақидаги монографиямизда ёритганимиз. Бу икки машҳур адабининг устозлилар шогирдлик ижодий алоқаларини кенг таҳлил қилиш масаласи менга тинчлик бермади. Ҳамиша қалбимда илҳом баҳшида этиб турди. Бу эзгу ниятимни бироз вактдан кейин амалга ошириш баҳтига сазовор бўлдим.

Шогирд устоздан нима нарсаларни ўрганганини, унинг бадиий маҳоратидан қандай фойдаланганини, қайси масала ва мавзуларни ёритишга эргашганини аниқлаш учун Ҳамзанинг бутун ижодини ва фаолиятини синчилкаб кўздан кечиришимга тўғри келди. Очигини айтишим керакки, улуғ адабининг асарларини илгари ҳам ўқиганимиз, улар ҳақида галирган ва ёзган эдик. Лекин уни чуқур, ҳартомонлама билиш бизга янги бир ижодий оламни, ҳеч кимда кўринмаган маҳорат лабораториясини, революцион янгиликларни ижодда кашф этиш ўйларини очиб берди. Ҳамза ижодий олами бизни ўзига оҳанрабодай тортиб олди.

Устоз асарларининг ва фаолиятининг бизни ўзига жалб қилган хусусиятлари нимада?

Энг аввало, Ҳамзанинг ўзбек адабиётидаги бадиий кашфиётларидир. У революцион воқеалини биринчи бўлиб адабиётга кенг ва чуқур олиб кирди. Уни ҳақиқоний ва рўй-рост ифода этиб берди. Катта оламшумул воқеалар ўзининг бадиий ифодасини топди.

Иккинчидан эса, Ҳамза ҳаётда пайдо бўлган нарсаларни тездан сезиб, илғаб олишда, уларни асарларга зудлик билан олиб киришда намуна кўрсатди. 10-ва 20-йилларда юз берган муҳим бирор ҳодиса йўқки, у адабиётборидан четда қолган бўлсин.

Учинчидан эса, санъаткор янги-янги мавзу ва масалаларни янги жанр ва хилларда маҳорат билан акс эттириди. У поэзияда янгича шакл ва услубни ихтиро этди, драма жанрининг барча турларида пухта асарлар яратиб берди. Янгича-социалистик давр адабиётининг пойдеворини бунёд этди ва шу заминда ўзбек совет адабиёти юксалиб борди.

Булардан ташқари, Ҳамзанинг назария, эстетика ва саҳна санъати тўғрисидаги янгича, ўзига хос таълимоти ҳам таҳсинга сазовор. У марксизм-ленинизм асарлари билан етарли танишиб чиқа олмаганига қарадасдан, адабиёт ва санъат ҳақида ленинча фикрлар юритганилиги кишини ҳайратга солади. Унинг назарий тушунчалари, эстетик қарашлари буғунги кунгача ўз қимматини ўйқотмаганини алоҳида таъкидламасдан ўта олмаймиз.

Ҳамза ижодининг яна бир характерли томони, биз-

ни ўзига жалб қилган хусусияти шундаки, унда турили типдаги шахсларнинг ҳақиқоний образларини учратамиз. Кўз олдимизда ишчи ҳам, дехқон ҳам, бой ҳам, камбағал ҳам, домла ҳам, эшон ҳам, босмачи ҳам, муштумзўр ҳам, коммунист ҳам, революционер ҳам бирин-кетин ўтади. Ҳамзанинг ижодий ишлари билан ҳаётий, жанговар фаолиятининг уйғунлиги, улар бир-бирини тўлдириши, бойитиши устоз адабининг ҳуснига ҳусн қўшади.

Сўзи билан амалий ишининг бирлиги, ваъда билан ижронинг яқдиллиги Ҳамза фаолиятининг мөхиятини белгиларди. Устоз адабининг бизни ўзига мафтун этган хусусиятлари асосан мана шулардан иборат.

Лекин бундан Ҳамза идеал шахс, ўз фаолиятида ҳеч қандай камчилик ва хатоларга йўл қўймади, деган хулоса чиқмаслиги лозим. У бадиий жиҳатдан бўш асарлар ҳам ёзган, гоявий чалкашликларга, хатоларга ҳам йўл қўйган. Айрим танқидчилар эса, бу камчиликларни бўрттириб кўрсатишга, шу йўл билан унинг порлоқ ижодига соя ташлашга уринмоқдалар. Айниқса, улар Ҳамза асарларидан бадиий нуқсонлар қидиришга астойдил ҳаракат кимоқдалар. Шу нарсан айтиб ўтиш керакки, Ҳамза поэзияси, драматургияси, айниқса, прозасини буғунги кундаги адабиёт жанрлари тараққиёти билан солишириб, уларни камситишга уриниш ҳолларини ўринисиз деб биламиз. Ҳозирги кунгача ўзбек совет адабиёти жуда ҳам ўсиб кетди, унда ҳар бир жанрда пухта, бақувват асарлар пайдо бўлди. Лекин Ҳамза биринчи кашфиётчи, биринчи йўл очувчи, яратувчи бўлиб, адабиётимизнинг асосчиси бўлиб қолаверади. Чунки биринчиликнинг аҳамияти ўзига хосдир.

Ю. Гагарин космосда фақат бир ярим соатгина бўлган, В. Г. Титов билан М. С. Манаров эса бир йил давомида парвоз қилиб юрдилар. Ҳа, фан ва жамият учун ҳар икки парвознинг қиммати катта. Лекин космосга биринчи бўлиб йўл очган Ю. Гагарининг жасорати, хизматлари алоҳида аҳамият касб этади. Ҳамза ҳам ўзбек совет адабиётининг гагаринидир. Унинг бутун улуғворлиги ва ижодининг юксак қиммати мана шунд.

Улуғ адаб ижодининг таҳлили ва унинг ўзига хос хусусиятлари, бизни мафтун этган жиҳатларини 1974 йилда чоп этилган «Традиция ва новаторлик проблемаси» китобимизда акс эттиришга уриндик. Бундан кейин ўнлаб мақолалар ёзиб, Ҳамза ижоди ва фаолиятининг янги қирраларини, ўзбек ва қардош ёзувчиларига самарали таъсирини, ижодий алоқаларини ёритишга ҳаракат қилдик.

Ҳамза ижоди — битмас-туганмас бойлик. Унинг ҳақида келгусида янги-янги тадқиқотлар яратилишига ишончимиз комил.

2 - савол. Ҳамза ва 20-йиллар адабиёти масаласидаги фикрларинизда ўзгариш бўляптими?

Жавоб. 20-йиллар ўзбек совет адабиёти ҳамиша баҳс ва мунозараларга сабаб бўлмоқда. Бир вақтларда ўша давр адабий намояндаларининг кўпини кўйларга кўтариш ҳолатларига учраганмиз. 20-йилларнинг охирлари ва 30-йилларнинг биринчи ярмида қатор адабилар ва шоирларни (Абдулла Қодирий, Сўфиэзода, Чўлпон ва Фитратларни) қора балчиқка булғаш одатга айланган эди. Улар оқлангандан кейин эса турлича қарашлар юз берди, баъзан уларнинг хизмати бўрттириб кўрсатилди, айрим ҳолларда камситилди ҳам. Шундай танқидчилар ва адабиётшунослар борки, улар ҳақида қисқа вақт ичida ҳар хил фикрлар (гоҳ ижобий, гоҳ салбий) изҳор этганлар.

Кечагина бир хил мулоҳаза билдириб, бугун бошқача қарашларда бўлганлар ҳам йўқ эмас. Энг асосий гап 20-йиллардаги адабиётга тўғри кўз билан қараш, уларнинг ҳамижодини, ҳам амалий фаолиятини ҳаққоний ёритиш устидадир. Ҳа, айрим танқидчилар у вақтларда замон бошқача эди, ҳозир эса бутунлай ўзгарди, шу сабабдан ҳам 20-йиллар адабиёт на民政наларига қараш ҳам ўзгарди, деб ўз хатоларни изоҳламоқчи бўлмоқдалар. Агар биз ҳар бир санъаткорнинг ижодини чуқур мутолаа қилсак, фао-

лиятини ҳартомонлама ўрганиб чиқсак, замон оқими қандай бўлишидан қатъи назар хато баҳодан холи бўла олардик.

Ҳақиқат ва чуқур ўрганиш заминида 20-йиллар адабиётидаги кемтикларни тўлдиришимиз, ҳар бир ёзувчи ва шоирни ўрнига қўйишимиз лозим. Бу ҳозирги замоннинг — революцион ҳаракатнинг, қайта қуришнинг асосий талабидир.

Сұхбатларни М. Қаршибоев уюстирган.

Кўнгилдаги гаплар

Ҳамзанинг номини ilk бор қаҷон эшитганимни билмайман, лекин унинг номи билан турли ёшда турлича гуурланиб юрганларим эсимда. Дастрлаб Ҳамзадай инсонга ватандошлик туйғусининг ўзиёқ қўксимни фахрларга чулғар эди. Ўша пайтлари тўртта тенгқур даврасида ундан гап очилса, орага туғилган юртини албатта қўшиб турардим. Кейинроқ бу туйғу устига янги бир туйғу — бир ўзи шунча юмушни (шоир, драманавис, бастакор, ўз қўшиқларининг ижрочиси, ўқитувчи, дарслерлар музалифи ва ҳ.) эплаганидан чексиз ҳавасланиш қўшилди. Яна кейинроқ, унинг маданиятимиз тарихида тутган ўрни (ўзбек совет адабиётининг асосчиси, ўзбек театрининг отаси, биринчи драманавис, биринчи бастакор, биринчи шарқия (марш) музалифи, биринчи... биринчи... биринчи...) билан гуурланаидиган бўлдим. Лекин 1910—1930 йиллар ижтимоий ҳаётини, ўша давр адабиёти тарихини ўқиб, ўрганиб, устозлардан эшитганим сари кўнгилда ғалати шубҳалар уйғона бошлади. «Нега?», «Нега?», «Нега?» деган саволлар пайдо бўлди. Ўзимиз ўлиб-тирилиб изчил реалист деб атаган шоирни идеал даражага кўтариб юборганимизни ҳис қилдим. Саноқсиз «Нега?»-ларга жўяли жавоб тополмагач, шубҳалар аста-секин норозиликка, норозилик эса гоҳо кўр галаёнга айланниб борди. Вақтлар бўлдики, қўлни юваб қўлтиққа уриб ҳам қўйдим...

Хайрият, тезгина Ҳамзанинг шахс ва ижодкор сифатида тушунишимида янги бир палла бошланди. Кексаларнинг, айниқса, аям билан дадамнинг Ҳамза тўғрисидаги ҳикоялари (тақдир тақозосига кўра, аямнинг ота уйлари шоир юшаган уйга қўшини бўлган), унинг бошқаларга, бошқаларнинг унга ёзган хатлари, айниқса, Ҳамзанинг бир неча кунга етарли нон сўраб Ўзбекистон

президенти Йўлдош Охунбобоева ёзган ўтич хатиу Президентнинг унга «ҳали уч-тўрт ойлик маошимни ололганим йўқ, ўзим ҳам начорман, узр, Ҳамзахон», дегандек мазмундаги жавоб хатлари... менинг аввалин ялтироқ тасаввурларим парчалаб юборди. Нафакат Ҳамза шахсиятию ижодига, балки инқилоб арафалари Туркистон миллий ўлкасида бошланган катта Уйғонишга, миллий озодлик, жадидлик, маърифатчилик ҳаракатларига, турли оқим ва йўналишларга, адабиётги ва матбуотчиликнинг фаолиятларига, ҳуллас, бутун ўша даврга қарашларим тубдан ўзгаришга юз бурди. Балки бугунги кунда рўй берётган Уйғониш жараёнинда 10—20-йиллар уйғонишига ўхшаш жиҳатлар борлиги учун ҳам у даврга қизиқиши кучайгандир, ҳархолда, кўнглимда Ҳамзага (ва бошқа замондошлиларига) ҳайрхоҳлик, ўзгача гурур уйғонаётганини сезаман. Ва бирдан англайманки, анча йиллар менинг қийнаган шубҳалар, норозиликлар ва кўр ижирганишлар ҳақиқий «эга»сига қаратилмаган экан. Шунда Ҳамзага астойдил... ачиниб кетаман. Ахир, у шўрликда нима гуноҳ?! Ҳалқим деб жонини жабборга берган бўлса, юртимнинг камолими ни кўрай деб елиб-юрган бўлса, тинимсиз ўйлак ахтарган, бунинг учун ўзини ҳар соҳага уриб кўрган бўлса!. Аксари адабиётчиларда Ҳамзанинг номи (яшириб нима қиласиз) қарши кайфият уйғотадиган даражага етган бўлсак, ишончим комилки, бунда Ҳамзанинг айби йўқ. У ўша давр фарзанди, шоири, илгор зиёлиси сифатида афсус чекмайдиган тарзда яшади, ижод қилди, давр зиммасига юклаган вазифаларни кўплар қатори сидқидилдан адо этишга интилди; ўзи ўша даврга сифмати, шекилли, тошбўрон килинди...

Бугун у ўзини ҳимоя қилмайди. Шунинг учун унга (уму-

ман, ўтган барча истеъоддли ижодкорларга) муносабатимизни белгилашда асло енгилтакликка йўл қўйиб бўлмайди. Менда негадир аниқ бир ишонч бор: биз бугунгача номига зўрлаб ёпиштириб келган жуда кўп сифатлашларнинг («асосчи», «биринчи» ва б.) Ҳамзага кераги йўқ, у ўз шеълари, томоша асарларини, аслида, булар учун ёзмаган ёки шу сифатлашларни олайин деб сира интилмаган. Аксинча, у ўзига ҳаловатсиз турмушни танлади, романлардагидек ё киноэпопеялардагидек эмас, оддий, лекин буюк мақсадлар ташвишига кўмилиб юрди, ўша ташвишлар ичидан ҳаловат қидирди, аксари ҳолларда топди ҳам. У ўзига ҳеч қандай имтиёз, сохта шон-шуҳрат ёки иззат тиламади, орзу қилган ягона имтиёзи — ҳалқининг камолотини кўриш эди. У ҳақда эллик-олтмиш йилдан бери ёзилаётган («ҳамзашунослик») асарларнинг жуда кўп саҳифаларидан унинг руҳи хижолат чекиб ўрганига шак-шубҳам йўқ.

Кейинги икки-уч йилдан бўён адабий давраларда 20-йиллар адабиёти кескин мунозаралар қўзгамоқда. Сохта баҳоналар билан ҳалқдан яширилиб келган номлар қийинчилик билан бўлса ҳам қайта тикланмоқда. Айни чоқда, Ҳамза номи теварагида яна баҳслар кучая бошлади. Ораворада: «Нега у асосчи бўларкан, ана, фалончи ундан зўр, ўша бўлсин-да» ёки «У ким бўпти, шеълари бир тийинга қиммат» ёки «Фалон асарини ўзи ёзмаган, писмадончи ёзган» дегандек гаплар қулоққа чалиниб турибди. Рости ни айтганда, бу норозиликларда ҳар қанча ҳақиқат бўлмасин, адабиётчиларимиз орасидаги бунақа кайфият одамда ноҳуш таассурот қолдиради. Албатта, адлатни тиклаш, адабиёт қасрида ҳар бир ижодкорни ўз ўрнига қўйиш керак, аммо бу дегани кимни шоҳ, кимни вазир, кимларни девонбегиу эшикоға қилиб

қўйиш керак дегани эмас. Зеро, таҳт мавжуд экан, унинг учун кураш бўлаверади. Менимча, адабиёт қасридан таҳт ва таҳтчаларни (расмий мавқеларни) олиб ташлашга эришиш лозим. Ахир, тукурорқ ўйлаб кўрайлик, «асосчи» деган мартаба ўзи қаёқдан пайдо бўлди? У адабиётга шу қадар керакми? Аслида, Чўлпон бир йўналишнинг, Ҳамза бир йўналишнинг, Фитрат бошқа бир йўналишнинг (ва ҳ.) асосчилари бўлиши, ҳар бирининг йўлдошлари ва издошлари бўлиши табиий ва маъқул эмасми? Нега биз ижодий мартабалар учун эмас, расмий мартабалар учун курашамиз доим? Яна, «социалистик реализм» расмий тушунчасини олиб кўрайлик (бунинг ҳам ҳар бир миллий адабиётда биттадан «асосчи»си бор). Бу атама топилганидан кейин унга муносаб төмрир қонуилар бичила бошлади, ўзига хос «устав»лари, «программа»лари яратилди ва у бора-бора... ёуз мезонга айланни, адабиётимизнинг жуда кўп истеъоддли вакилларининг бошига етди. Абдулла Қодирий, Чўлпон, Фитрат, Усмон Носир, Сўфизода (ва бошқалар) ниманинг орқасида азобланиши? Нима уларни ҳаётдан олиб кетди? Шахсга сифниши... чакув... душманлари... дерсиз. Албатта, булар ҳам. Лекин асосийси булар эмас. Аслида, улар шахсан ва ижодан «социалистик реализм» қолипига сифмади, улар адабий жоҳилникнинг қурбонлари бўлиб кетишиди. (Шу маънода, чақимчиларнинг ўзлари ҳам қурбондирлар.) Рост, Ҳамза 1929 йили ҳалок бўлди, лекин адабий давраларда бир гап юрадики, агар 37-йилларгача яшаганида, шубҳасиз, у ҳам отилиб кетарди... Начора, бу таҳмин ҳархолда Ҳамзанинг обрўйини бир қадар кўтаради!

Демак, ҳамма гап «ҳамзашунослик»да. Келгуси вазифа шу пайтгача боши билан турган бу соҳани оёққа қўйиш, тўғри йўлга солишдан иборат. Бу вазифани адо этиш учун ҳамзашунос бўлиш шарт эмас, адабиётнинг жонкуяри, муҳиби бўлиш кифоя. Ҳамзани ортиқча мақтovлардан ҳам, ерга уришлардан ҳам ҳимоя қиласидан пайт келди.

Яна бир гап. Кейинги пайтларда профессор Норбой Худойберганов Ҳамза баҳонасида бир-икки ҳамзашуносга муносабат билдириш учунми ёки ўша бир-икки ҳамзашунос баҳонасида Ҳамза-

нинг ўзига муносабат билдириш учунми, ишқилиб, бир қатор мақолаларида (жамоатчиликка маълум улар) норозиликларини ошкор айтиб турибди. Лекин, афсуски, бу танқидчимиз ҳам қандайдир расмий мартабаларни ундан тортиб олиб бошқага бериш учунгина курашёттандай таасусрот уйғотади. Фикрлар очиқ айтилмаса ҳам, гап пайнови айланма-чийрилма йўллар билан «бировнинг чорбоги»га тўғрилаб қўйилаётганини сезиб турасиз. Бу йўл самарасиз. Ҳамза асарларининг қайси жиҳати зўр, унинг улуғлиги нимада эканини ҳамзашунослардан «конкрет миссоллар билан» исботлаб беришини талаб қилган яхши, лекин уларда бу исботни топмадикми, модомики бу мавзу бизни қизиқтираётган экан, ўзимиз ўша ишни бажаришга уриниб кўрайлик. Ахир, ИЛМ рад қилиш билангина шуғулланмайди. Илм ўрганади. Ўрганиб тасдиқлайди, ўрганиб рад қиласди. Мартабалар улашиб, таҳт учун курашиш илмнинг йўли эмас. Мақсади ҳам эмас. Бу билан расмий идоралар шуғулланаверсин. Биз эса кетма-кет мақолаларимизда бир нарсани талаб қиласвермасдан, битта мақоламида ниманидир тадқиқ қилганимиз яхши. Шундай қилсак, ҳар қанақа шубҳа-гумонларга ҳам ўрин қолмайди, ўрганилаётган ҳар бир ижодкор ўз ўрнини топиб кетаверади. Маданиятимизни яхлит севишини ўрганайлик.

Шахсан мен «Кўнглини бир олай деб, эй ёр, хуш келибсиз» сингари ниҳоятда ўзбекона, гўзал сатрларни кўрсам, кўнглим яйрайди, Ҳамзанинг барибир яхши шоир эканига иқор бўламан; «Оловли йўллар» кинотарихини кўрганимда эса ичим ачийди, шўрлик ватандошим учун хижолат чекаман; маҳалланинг иккичунта қизалогини қанд-қурс билан алдаб-сулдаб уйига олиб кириб, Кароматхон хотинига овунчоқ қилиб қолдириб, ўзи уй эшигини ҳам, кўча эшигини ҳам устидан қулфлаб, эрта кетиб-кеч қайтишлари, Кароматхон кеннойи эса қизалоқларга эртаклар айтиб, ҳамирдан шакллар ясаб, зериктирмай ўтирганлари тўғрисидаги ҳикояларни эшитганимда шоир сиймосини янада тўлароқ тасаввур эта бошлайман; «аксари асарлари аслида бошқача бўлган, кейинчалик атай бузиб таҳрир қилинган» дегандай гап-сўзлар чиққанида, адабий жоҳилиятдан куйинаман; ҳозир ҳатто қишлоқ

боқчаларида тарбиячилар зўр бериб ўргатаётган «Қўғирчоғим Наташа Еб қўйибди кўп каша» сингари жўн, гўззаликдан маҳрум тизмаларнинг ўрнига Ҳамзанинг «Тўғрисўз бола» (ва б.) шеърлари ёдлатилишини жудажуда орзу қиласман...

Ҳамзанинг тугилганига юз йил, ҳалок бўлганига олтмиш йил тўлди. Келинглар, 100 рақамли довон Ҳамза ижодини ўрганишда туб бурилиш довони бўлсин. Шу пайтгача қанчалик ундан узоқлашган бўлсак, бундан бу ёига Ҳамзага пешвоз юрайлик. Йўлимиз кесиша зора. Ҳамза асrimиз бошларидағи Уйғониш даврининг фарзанди, асrimиз қариётгандан яна ўшандай, ҳатто анча салобатли Уйғониш жараёни бошланяпти. Биз — саксонинчи йиллар қаламкашлари қаторимизда чўлпонлар, қодирийлар, ҳамзалар, фитратлар, усмон носирлар, ойбеклар, қаҳҳорлар... туришини истаймиз. Уларнинг ҳаётидан, ижодий тақдирларида, ўзаро муносабатларидан ўзимизга сабоқлар чиқаргимиз келади. Улар йўл қўйган хатоларни такрорламай, руҳларини шод қилишни, тарихимизнинг бойлигидан, ранг-баранглигидан ғуурланиб юришни хоҳлаймиз.

Нурулло ОТАХОНОВ



Рифат Гумеров



1958 йили Қозоғистон ССРнинг Жамбул обласи, Талас районидаги туғилган. Улуғбен номидаги Фарғона Давлат Педагогика институтини тамомлаган. Горький номидаги Москва адабиёт институти шеърннат бўлиммининг сўнгги курсида (сиртдан) ўқиди. «Ёш гвардия» нашриётида ишлайди. Шеърлари матбуотда, коллектив тўпламларда эълон қилинган.

Оловиддин

1

Қашшоқ эдим — нонсиз, имконсиз,
Гўдак эдим — ўйинчоғи йўқ.
Ўйнагани жўра ҳам топмаси.
Болакай эдим.
Ертўлада,
томда совуққа
Ураниб ухладим,

калбимда яра.
Осмонда ой — тилим қовунни
Кўтариб тобора юксакка
Очлик мени қилди маскара...

Бисотимда бор эди бироқ
Шунчаки чироқмас,
сехрли чироқ...

2

Мен йўлларда тунадим,
Очиқ осмон остида.
Юлдузлар-чи, нур эмас,
Изғирин ёғдирдилар.
Кечагина сўнгги ушогин
Еганим — нон таъмини

Туйиб тўлғонарканман
Атиргуллар тушимга кирди,
Учдим жаннат ҳурлари билан...

Рўпарамда юксалди нилий
Қулф-калитсиз олтин қасрлар...

3

Шундан бўён мен учун тунлар,
Шундан бўён мен учун кунлар
Серукубат бўлиб бормоқда.
Шундан бўён менга офтоб,
Ой-юлдузлар гўёки олтин
Танглардай боқар ялтираб.
Эмасман-ку, шўрлик тиланчи,
Нега ахир кезай қалтираб?!

Барни кўп соз.

Уларни аммо
Алишмайман кумушми, олтин,
Йўқотганим — оддий чироқка...

4

Ўтинаман:
Э, Худо!
Бор-йўғимни ол!
Майли, қарзга ботай,
Майли, оч ётай.
Ким ҳам мени қўрқоқ дер...
Фақат менга орзум —
Мис чироқни қайтиб бер...

5

Фақир кулба, юпунлик,
Муздай ўчок, совук ел
Хотирамнинг туманли
Уфқида учар енгил...

* * *

Сендан жавоб хатлар кутмайман.
Ўтиб бораётган ёзни қутлайман..

Гўё чўқаётган кемада ёлғиз
Шиша идишларга мактублар жойлаб
Денгизга отаман...
кимлардир топиб
Ўқир, деган умид риштасин бойлаб...

Отамнинг ҳикояси

Ўта содда одам эди у,
Кўзойнак тақарди, киярди этик.
Елкасига доим китоблар тўла
Йўлтўрва оса ҳам одимларди тик.

Ундан кулишарди:
химоя
Чизиги ёнида топиб қулай ер,
Италян тилида ҳайқириб,
Тўлқинланиб ўқиганда шеър.

Хужумга ўтarkan бўлинма
Уни ҳам ногоҳ бир дайди ўқ
Кулатди. Кўл чўзиб
пайпаслаб кўрди
Рўпарада — ўлим,
кўзойнак-чи, йўқ.

Кўп оғир сукутга чўмишиб
Дўстлари қуршаркан теграсин
Мовий кўк остида музлаб борарди
Унинг кўзойнаксиз ўтли чехраси.

Асрор Мўминов



* * *

Оппоқ нақш қадалган қора шляпа...
Юрасан турнадай сипою чақон.
Эслагин болалик орзуларингни:
Узоқ сафар, катта кема. Пойёnsиз уммон.

Бошлиқнинг қизини олдинг. Ўзингни
Эчкидай сезасан— бўри сиёкли.
Андуҳли бир қудрат бармоқларингда
Меҳнат деб бўзлайди, қўмсар сабоқни.

Юракни сандиқдай қулфласанг ҳамки,
Мовий қўзларни ҳеч унотолмайсан.
Оппоқ енг ичиди бақувват
Бесўнақай қўлинг тек тутолмайсан.

Носуюк хотиннинг измида қолдинг,
Унинг кечирими сен учун оғат.
Авайлаб таққанинг — бўйинбоғ асли
Сиртмоқ — ҳалокат...

* * *

Севгига видолар айтамиз, дилбар.
Куласан.
Лабларинг, қабоғинг титрар —
Севгига видолар айтамиз, дилбар...
Офтоб порлайверар,
бойчечак, баҳор...
Дарёлар уммонга қуйилаверар,
Биз эса — севгидан жудолар,
Видолар айтамиз,
Видолар...
Алвидо, то абад алдоқ ишончим,
Менинг аччиқ баҳтим,
маъюси қувончим...

* * *

Муҳлат битди. Эртакка
Ўхшаб охирлади ёз.
Чувалди беғам ҳакка
Япроқларга айтган роз.
Каккулар тўқиб бўхтон
Сайрайверсин, майли, куз...
Аксимизни ёнма-ён
Сақлар кўзгу — сарховуз...

Абдул Жалил таржималари

Бадиҳа

Мен сенинг қошингда турганда
Куюлиб келади шеър, қўшиқ.
Мен сендан йироқда юрганда,
Атрофим поёnsиз бир бўшлиқ.

Мен сенинг қошингда турганда,
Дунёнинг борлигин биламан.
Мен сендан йироқда юрганда,
Биргина сенга зор бўламан.

Мен сенинг қошингда турганда,
Орзуим — зорлигим айтмоқлик.
Мен сендан йироқда юрганда,
Орзуим — қошингга қайтмоқлик.

Дарё қирғоғида

Дарё қирғоғида ўлтиранг ёлғиз,
Умр — оқар сувлиги тушади ёдга.
Термилиб қоласан қирғоқдай ожиз,
Дарё каби оқиб ётган ҳаётга.

Гўё кўрсатади дарё тўлқини,
Бир бор оққан сувнинг қайтмаслигини.
Қалбан ҳис қиласан, унинг шовқини
Бирорта таскин сўз айтмаслигини.


Кўзингга ҳар томон кўринар сароб,
Ўйлайсан яшашга ҳожат йўқдир ҳеч.
Уфққа бош қўяди қудратли офтоб,
Англайсан кетишинг эртами ё кеч.

Ноилож тақдирга тан берган вақтинг,
Мурғак орзуларинг эсга тушади.
Ахир, ўшаларда эмасми баҳтинг,
Кетсанг ким уларни юргта қўшади?





Акбарали Нурматов



Орқага йўл йўқ

Эссе

Кўпинча кўнглингда бир хил савол туғилади: хўш, дунёда абади қолувчи сатрлар ҳам борми? Қўлга қалам олган ёзувчи борки ўз сўзлари, ўз сатрларининг мангу яшашини орзу қиласди. Бу табиий. Шу мақсадда ўз халқининг юрагига йўл топишга, унинг дардига шерни бўлишга чоғланар экан, ҳаққоний сўзлар

билин ўзича «қуролланади». Унинг шу ҳаққоний сўзлари туфайли халқнинг соф вижданли қаҳрамонлари шаклланади, уларнинг орзу-умидлари, қарашлари, курашлари ўз ифодасини топади. Шунинг учун ҳам халқ бу ёзувчини севиб қолади.

Турғунлик йиллари. Бу йилларда яшаган ёзувчилар ўз асарларида ҳақиқий ҳаётни акс эттиридиларми? Улар бу узоқ давом этган йилларда нималар билан банд бўлдилар ва халққа қандай асарлар тақдим этдилар? Улар ўз шогирдларини қандай йўлдан бошладилар ва қандай маслаҳатлар бердилар? Мен шу ҳақда сўзламоқчиман.

Адабий йигинларда ёши улуг ёзувчилар ёш қалам-кашларга таъкидлашарди: «Ҳаётни кузатиш керак. Кузатганда ҳам юксакдан туриб кузатмоқ керак. Ҳаётий тажриба бўлмаса, ёзиш қийин ва бефойда.»

Ҳақ гап. Ҳаётни билмасдан, ҳаётий тажриба орттиримасдан туриб ёзувчи бўлиш мумкинми? Аммо кўргина оқсоқол адаблардан «Инсон дардига, оддий меҳнаткаш халқ қалбига қулоқ тутиш лозим», деган гапнинг баралла айтилганини кам эшитардик.

Энди айтиляпти, шундай насиҳатлар қулоқларга кўйиляпти. Биламан, ошкоралик, қайта қуриш туфайли айтиляпти. Ўлайман: агар замон ўзгармаганда — покланиш сари ўзгармаганда нима бўларди?..

Қизик, ҳаётни кузатиш учун нега «Коинот» телеминорасига чиқдим экан? Наҳот, шунчалар содда бўлсан? Ахир уч юз метр баландликдан кузатганим: атрофдаги ям-яшил дараҳтлар, бир-бираига тулашган катта-кичик уйлар, узун-қисқа кўчалару унда-бунда кўриниб турган сунъий кўл ва ариқлар холос. Яна йўлларда бир зум машиналар оқими тинмайди. Баъзан қаёққадир шошаётган одамлар ҳам кўзга ташланиб қолади. Лекин уларнинг кийиниши, кўзлари ва бу кўзларда қандай ифода борлиги кўринмайди.

Ҳаёт тинч, осмон беғубор. Яқиндаги паркдан болаларнинг шодон қичқириклари, қушларнинг ёқимли сайроғи эшитилиб қолади...

Ўша куни юксакдан туриб анча вақтгача шаҳарнинг ташки қиёфасини кузатдим. Аммо... илҳом ололмадим.

Орадан йиллар ўтди. Замон ўзгарди: оқни оқ, қорани қора дейдиган давр келди. Кўзлар очилди. Энди мен ҳаётни қаердан кузатишни биламан!

...Худойберган ака Тошкент шаҳар Октябрь район ички ишлар бўлимига деярли ҳар куни қатнайди. Одмигина кийинган, соchlари оқарган, кўзлари ғамгин. Сарғайган юзларидан шундоқ юраги эзилгани сезилаётган бу кишини терговччи Мурод Каримов хонасида учратдим.

— Үғлим саккиз кундан бери уйга келмаяпти. Қидирмаган жойим қолмади. Илтимос, топишда ёрдам беринглар. Агар уни тезроқ топиб уйга қайтармасам бутунлай айрилиб қоладиганга ўхшайман. Шунисидан чўчийман. Сизлардан илтимос қиласман, уни топиб беринглар,— дейди у терговчига илтижоли боқиб.

Воқеани суриштиридим. Ўн беш ёшли Хайрулла бировнинг чўнтағига ўғирликка тушаётганда кўлга тушади.

Олган пули олти сўм эди. У шу арзимас пулни деб терговчининг хонасига келтирилади.

Терговчи Мурод Каримов боладан сўрайди:

— Қилган ишингдан пушаймонмисан? Бошқа шуғулланмассан?

Хайрулла терговчининг кўзларига дадил боқади.

— Пушаймон эмасман. Мен кўлга тушмаслигим ҳам мумкин эди-ку. Бу тасодиф, омадсизликолос. Энди бу ишни ташлаганим... ўлганим бўлади.

— Нега?

— Йигитлар ўртасида қасам ичганман. Қасамни бузишнинг оқибати ёмон бўлади...

Терговчи сұхбатни давом эттиришни бефойда ҳисоблади. Ишни судга оширди. Аммо прокурор йигитчани судгача қамашга санкция бермади. Хайрулла бундан фойдаланиб қочди. Унинг дадаси билан шу йилнинг бешинчи августида учрашган эдим. У терговчи хонасида ийғламоқдан бери бўлиб ўтирибида.

— Ўғлим қочиб кетганидан бери юришимда ҳам, туришимда ҳам ҳаловат йўқолди. Олти фарзандим бор. Ҳаммаси эсли-ҳуши. Фақат Хайрулла... Қандай қилиб нопок йўлга кириб қолганига ҳайронман. Энди унинг тақдиди нима бўлади? Ҳатто қамалиши ҳам мумкин. Бирорқ, мана саккиз кундан бери қорасини кўрсатмайди. Соғмикин, ишқилиб? Қаерларда юрибдийкин? Узоқдан бир кўрсам ҳам майли эди. На хат бор, на хабар. Юрагим эзилиб кетди, ростини айтсан...

Энди мен ҳаётни қаердан кузатишни биламан. Замон ўзгариб очилган кўзларимнинг нигоҳи ўтирилашди. Ошкоралик менга ҳақоний сатрлар инъом этгандай. Ўйлайман, агар шу қайта қуриш бўлмаганди-чи? Наҳот мен — эндиғина адабиёт майдонига қадам қўяётган ёш қаламкаш ҳам ҳаётни кўра-била туриб уни пардалашга ёки бўяб кўрсатишга уринардим? Йўқ, ҳали виждонни ўйқотмай туриб... Энди мен ҳаётни қаердан кузатишни биламан.

...Йигирмага яқин одам ўзини касса томон уради. Бирор бирорвога кулоқ тутмайди. Туртади, суради, олдинга интилиди. Тўдада беллар, кўкраклар қисилади. Лекин бунга ҳеч ким этиборм қилмайди. Ишқилиб ҳар ким ўзи билет олиб, тинчгина поездга чиқиб олса бас. Кассир аёл билет сўраганларга худди тўтиқушдек бир хил жавоб қайтаради:

— Билет йўқ. Ҳаммаси сотилган.

Одамлар интилишини қўймайди. Кассир аёл ҳам жавоб беришдан чарчамайди. Бир оздан кейин унинг олдида милиция формасидаги киши пайдо бўлади. Лаблари тинмайтганлигидан билса бўладики, саломлашиш куюқ бўляпти. Кейин кассирнинг иш столи устига қозогга ўралган нимадир ташлайди. Кассир дарҳол у кишига иккита билет тутқазади. Унинг юзида, чақчайган кўзларида одамлардан на уялиш, на хижолат тортиш хиссина кўрмайман. Тўладан келган юзлари без.

Одамлар тўполон қиласди.

— Эрталаб заказ қилиб кетган. Броны. Шуни бердим. Сенларам броны қилдириб қўйганларингда бу ерда сарғайиб турмаган бўлардинглар!

Одамлар тинчиди. Олтмиш икки ёшли Қамариддин ота бўйини кассага чўзганича қолаверади. Қўлида уруш қатнашчиси эканлиги тўғрисида ҳужожат. Аммо... кассир аёлнинг унга қарагиси ҳам келмайди.

Орадан салгина вақт ўтгач, кассанинг ёнида йигирма бешларга кирган йигит пайдо бўлади. У узун сочларини кўли билан тараиди, сўнг қалин мўйловини аста силайди. Менимча, у қандай олдинга ўтишнинг йўлини қидираётган эди. Ҳа, янглишмаган эканман: йигит қўллари-

ни бир-бирига қарсиллатиб урди-да, одамларнинг ичига ўзини урди.

— Сўрайман холос. Шундай, бир оғиз сўрай-чи.

У касса ёнига етгунча бу гапни ўн мартарабайтди. Бир амаллаб борди ҳам, сўнг ойнани оҳиста уч марта чертди. Кассир аёл одамлардан бирортаси бўлса керакда, деган ўйда аввалига қарамади. Сирли чертиш тақрорлангач, бирдан унинг юзларида жилва пайдо бўлди.

— Нечта эди? — сўрайди дабдурустдан.

— Тўртта.

— Ҳаммаси ўша томонгами?

— Ҳа.

Йигит билетни олиб касса ёнидан узоқлашади. Одамлар яна тўполон қиласди. Қамариддин отанинг қўллари ҳавода муаллақ қолаверади. Бир парча кўкиш қофоз ҳамон қўлида...

Орадан ярим соатларча вақт ўтди ҳамки, ҳалиги қалин мўйловли йигитни билет излаб юрган одамлар орасида кўриб қолдим. Қўлида Андижонга билети бор. Сотяпти, ҳар бири йигирма сўмдан...

Худди шу пайт формали кишига ҳам кўзим тушиб қолди. У поезд юриши олдидан ресторандан чиқиб келган икки ёшгина аёлга қўлидаги билетни тутқазади. Аёлларнинг бири унга пул бермоқчи бўлади. «Халоскор» пулни олмайди, балки унинг юзларидан, лабларидан ўпади...

Энди мен ҳаётни қаердан кузатишни биламан. Қайта қуриш, ошкоралик менга шуларни ўргатди. Ўйлайман: агар шу қайта қуриш бўлмаганди-чи? Наҳот мен ҳам... Йўқ, бари бир виждонимни йўқотмаган бўлардим.

Тошкентнинг Октябрь бозори. Тарвуз, қовун янги чиқкан пайт. Баҳоси осмонда. Яқинлашишга қўрқасан киши. Лекин бу ер бозор: сўраш сенинг ишинг. Тўғри келса оласан, бўлмаса — йўқ.

Юзлари офтобдан корайган, қадди бир оз эгилган, каттагина дўппи кийган киши қўлига битта каттароқ қовунинни ушлаганича сўрайди:

— Нечта сўм берайди?

— Килоси икки сўм, тортиб бераман.

— Биз дехқон одам. Паҳтага сув қўямиз. Шу деснагиз, ўғилчани ўқишига опкеганман. Имтиҳонга тайёрланяпти. Ўртоқлари билан бир қовун есин, дегандим. Сал арzonроқ берасиз-да. Қани, айтаверинг-чи, торозисиз ҳам келишармиз?

— Майли, сиз учун ўн сўм. Ўзи ўн беш сўмлик қовун.

— Йўғ-э, нималар деяпсиз, биродар. Сал инсоғ қилсангиз-чи?

— Олмасангиз, қўйинг жойига!

Худди шу пайт қовун сотаётган кишининг олдига бир йигит келади-да, қовуннинг нархини ҳам сўрамасдан биттасини шарт қўлига олади.

— Гапиринг!

— Ўн сўм берасан.

Йигит индамай чўнтағидан ўн сўм чиқариб берди. У қовуннинг нархини эштиб таажжубланмади ҳам, арzonроқ олишга талашиб-тортишмади ҳам. Мен у йигитга тикиламан. Танишга ўхшайди. Э-ҳа, бу кечагина вокзалда ҳар бир билетни йигирма сўмдан пуллаган йигит-ку!

Сувчи амаки қўлидаги қовунни аста жойига қўяди.

— Олмасангиз, нима қилардингиз, бошни қотириб. Мана, йигит киши деган бундай бўлади — мўйловли йигитга ишора қилиб гапиради сотувчи! — Шарт беради, унақа майдалашиб ўтирамайди!

Яна бир харидор келди. Энди қовунфурӯшнинг олдида паст бўйли, эскироқ кийинган киши турарди.

— Хўжайиннинг озгина ўтириши бор экан, шунга беш-ўнта яхши пишганидан оламан. Ўзингиз танланг-да, бир чеккага ажратиб беринг. Ҳозир машина ҳам келиб қолади,— у шундай деди-да, чўнтагидан бир даста пул чиқарди.

Ўйлайман: бу қайси хўжайиннинг юргурдаги экан. Қайси бошлиқ бу кишига бир даста ўн сўмликни бериб қўйди экан?

Сувчи амаки қўлидаги қовунни жойига қўйиб алла-қачон анча нарига кетган эди. Кўзи ўйнаётган қовунфурш унинг кетганини пайқагани ҳам йўқ.

Ҳаёт, қани, мен юксакликдан кузатган сокин манзара? Нега бирдан паркдаги болаларнинг шодон қийқириқлари, минг турли қушларнинг шўх наволари эши билан қолди? Қани, беғубор осмон, қани, сахий нурларини шаҳар узра баралла сочаётган Қўёш?

— Тўхтантлар!— дейди ўн беш ёшли Сирожиддин исмли бола суд ҳайванинг ўрнидан туратганини кўриб.— Нима учун суд раиси мендан сўз сўрамади? Ахир, мен охирги гапимни айтганим йўқ-ку ҳали! Ахир мен ҳам инсонман-ку! Сўзларимни эши тадиган, иносбатга оладиганлар борми, ўзи?

Суд раиси Сирожиддиннинг бу сўзларидан сўнг қайтиб жойига ўтири. Бундан руҳланиб кетган қора курсидаги йигит овозини янада баландроқ қўйди:

— Менга имкон беринглар, ўз дардларимни гапириб олай. Виждонимни нималар қийнаётганини айтай, ахир.

— Сендан бир марта сўраганимиз,— вазминлик билан сўз бошлайди суд раиси.— Агар ёдингда бўлса, аввалигуда суд вақтида сўрагандик. Сенга имкон ҳам бергандик. Ушанда бошқа ўғирлик қилмасликка, одам бўлишга ваъда берган эдинг. Ҳалол яшайман, деб қасам ичгандинг. Биз эса сўзларингга ишонгандик. Мана, кўриб турибмизки, ваъданг қуруқ гап экан. Шундай бўлгач, сендан яна гап сўраб нима қилдик. Йигит киши бир марта қасам ичади. Бир марта ваъда беради. Сен сўзингда турмадинг — яна ўғирлик қилдинг.

— Йўқ, барибир сўрашингиз керак эди. Балки менинг кўзим энди очилгандир! Балки энди одам бўлмоқчирилман! Ахир, менам одамман-ку! Ёки бир марта қамалир одам ўрнида кўрилмайдими?

— Сен жиноят қилдинг. Энди шунга яраша жазоингни оласан!

— Балки кераги йўқдир. Мен умуман қамалишни истамайман. Ҳа, истамайман. Сизлардан ёлвориб сўрайман, мени қамаманглар! Кўзим энди очилди, рост айт-япман, энди очилди. Залда ўтирган анави қари онам хурмати, кечиринглар. Бошқа ўғирлик қилсан, майли отиб ташланглар. Лекин фақат кечирсаларинг бўлди...

Суд ўн беш ёшли Сирожиддин Камоловни кечирмади. Биринчисида кечирган ва озгина муддатга қамаган эди, холос. Энди бу ёлғончи... йигитни кечирмади.

Ва кечирмай тўғри иш қилди. Каттами, кичикми жиноятидан қатъи назар уни содир қилган ҳар бир киши албатта ўз жазосини олиши керак. Биз жуда кўп ёшларни кечирдик, баъзиларини таниш-билиш дедик, баъзида эса пора олиб озодликка қўйиб юбордик. Унча айни йўғ-у, узатмаганларини бошқаларнинг ўрнига ҳам «кесиб» юбордик. Ичада алами бўлган, бир марта бўлсада «қамалган» деган хунук ном ортирган ёшлар худди қасдлашгандек яна жиноятга қўл урадилар.

Октябрь район ички ишлар жиноят қидирив ишлари бўлинмаси бошлиғининг ўринbosari, милиция майори Аҳад Содикбековни анча вақтгача учратишм қийин бўлди. У қандайдир жиноий ишни очиш билан банд экан.

Роса ўн бир кун деганда уни бўлимдан топдим. Суҳбатимиз қамалиб чиқсан ёки жазо муддатлари маълум сабабларга кўра кечиктирилган болаларнинг нима учун жиноятга қўл уришлари тўғрисида бўлди.

— Ҳа, яширишнинг ҳожати йўқ, баъзан бизга икки-уч марта судланган йигитлар, ҳатто қизлар ҳам тушиб турди. Бунинг сабаблари кўп. Ота-онанинг боладан ҳафсаласи совигани дейсизми ёки ялқовликми, бошқаларни ўзининг қамалиб чиқсанни билан кўрқитишиши, хуллас, сабаблари кўп. Аммо ташвишисини айта қолай, колонияларда тарбиявий ишлар мутлақо талабга жавоб бермайди.

Суҳбатга терговчилар Раҳим Парниев ва Муроджон Каримовлар қўшилади.

— Дунёдаги энг мashaqatli ишлардан бири тергов бўлса керак. Жиноятчининг айбини бўйнига қўйгунча игна билан кудук қазиган одамнинг ҳолатига тушиб кетамиз. Тергов баъзан икки-уч ойлаб чўзилади. Баъзан шундай чалкаш ишлар рўй берадики, бу муддат ҳеч нарса бўлмай қолади. Аммо барибир охири ишни ниҳоясига етказамиз. Жиноятчи айбини бўйнига олади ҳам ва биз ишни судга оширамиз. Бироқ «билимдон» прокурорлар айбдорни судгача қамашга ҳам санкция беришмайди. Баъзан шундай судлар ҳам бўлади,— Муроджон айтаверайми, дегандай шеригига қараб олади,— у ерда бўлаётган гап-сўзларни эшишиб юрагинг эзилади. Ойлаб қилган ишинга ачинасан. Биргина «биринчи марта экан» ёки «ишихонасидан ижобий характеристика бор экан» деган сўз билан бизнинг мashaqatli меҳнатимиз пучга чиқади. Бу ҳам майли-я, суддан кейин ўша жиноятчи йигит тиржайиб хонамизга кириб келади-да: «Кўлингдан нима келди...» Э, нимасини айтай, ростдан ҳам шунақа дейишади-да.

Бундай ҳақоратга чидаш қийин. Аммо биз чидаяпмиз. Одил судимиз бор бўлсин-да. Ўша жиноятчининг тиржайган башараси ва айтган гапларидан кейин бизнинг ҳолатимизни тасаввур қилиб кўраверинг.

Тасаввур қиляпман. Демак, содир қилинган ҳар бир жиноят учун жазо бўлиши керак, жиноят қилган киши кечирилмаслиги лозим. Демак, «болалар колонияларини тугатиш керак», деб ташаббус билан чиқаётгандар икки-уч марта судланган болалар билан тез-тез учрашиб туришлари, уларга ҳаётни ўргатишлари керак. Рост, агар болалар учун жазо ўташ колониялари йўқ бўлса, улар орасида жиноятчилар бунчалик кўпайиб кетмасди!

Яқинда терговчи хонасида қўйидаги суҳбатни эшишибга тўғри келди:

— Мани қамаганингиз билан бирор нарса ўзгариб қолармиди? Ҳаёт ўз йўлида кетаверади. Ўғирлик қилган яна қилаверади, одам ўлдирган одам яна ўлдираверади.

— Ҳўш, бу билан нима демоқчисан?— сўрайди терговчи.

— Ҳм. Нима, мани газета-журнал ўқимайди дейсизми? Ҳозир шундай ўқияпманки, бирорта русча газета қолмайди. Буни қаранг, Москвада собиқ СССР ички ишлар министри Шчелоковнинг ўзи энг катта ўғри ва порахўр бўлса, бу ерда миллион-миллион сўмлаб пулларни кўкка совурган бўлса-ю, уларнинг олдида менинг ўғирлаган минг сўмим нима деган нарса? Шу ҳам ўғирликми? Ман барибир улар қилган ишининг мингдан бирини ҳам қилмайман... қўйиб юбора қолинг.

Ахир, ўзингиз эшифтандирсиз, Камолов катта ўғлига неча минг сўм мерос қолдирганини? Тўққиз юз минг-а! Шундан бир юз саксон тўрт минг сўмнини ёб-ичишига

ўйин-кулгига сарф қилибди. Манга ўхшаганлар бунча пулни етти ухлаб тушуда кўрармикин!?

— Ўғирлик қилдингми, қилдинг. Энди бу ёғига ҳам мард бўлгин-да. Қамалиш ҳақида жиноятга қўл урмасдан аввал ўйлаш керак эди. Энди ўзингдан кўр, биродар.

— Қамалсам нима бўпти? Бир ҳисобдан шуниси ҳам тузук. Утириб келганингдан сўнг ҳамма сендан қўрқади... Кейин милициядагилар билан тил топишиш ҳам осон бўлади.

— Нега? — терговчининг жаҳли чиқди.

— Маҳалламида бир йигит бор. Боря ака деймиз. Олти йил ўтириб келган. Кейин яна беш йилга кесилди. Яқинда келди. Оғзи тўла... тилла тиш. Билсангиз, ҳамма ундан ҳайиқади. Милициядагилар ҳам. Бир кун ўз кўзим билан кўрдим, битта сержантни бир тепди. Аммо унга ҳеч ким ҳеч нарса дегани йўқ. Ҳатто сержантнинг ўзи ҳам миқ этолмади. Демак, ман ҳам қамалсам, чиққанимдан сўнг Боря акамга ўхшаб кўкрак кериб юраманди.

Саволга ўрин қолмади. Мен ўзимни босиши учун ташқарига чиқаман. Нега йигирма уч ёшли йигит ўз келаҗигига бефарқ қараояпти? Қамоқга тушишдан нечун чўчимаяпти ў? Милиция ходимлари Боряга нега салом беришади? Тепки еган сержант нега индамай кетаверади?

Бу саволларга жавоб излайман. Қулоғим остида бирорнинг уйига ўғирликка кириб минг сўм пулни олган Баҳром Сатторовнинг гаплари қайта-қайта жаранглайверади...

Ҳаёт. Анчадан бери сокин манзараларни учратмаяпман, беғубор осмонни кўрмаяпман. Ҳа, энди мен ҳаётни қаердан кузатишини биламан.

— Агар менга республикамиздаги таъмагир ва пораҳур кишиларни тугатишини топширишса, биринчи галда қабиҳ ишлар билан шуғулланәтган врачларни турмага тиқкан бўлардим,— дейди ҳамкасбим Анвар Мадраҳимов.— Шу йил саккизинчи август куни шаҳримиздаги биринчи клиникада бўлган воқеани тасаввур ҳам қилолмайсиз. Хотиним касал, оёғида зўрга туриди. «Тез ёрдам» машинасида келганимизга қарамай, уни касалхонага қабул қилишмади. Аммо кўз ўнгимда ўзларига қарашли бир танишларини палатага ётқизишди. Ордер ҳам йўлланма ҳам сўрашмади. Ҳали врачларнинг оддий муомаласи яхшиланмаган. Бу соҳада соглом мухит қаҷон қарор топади? Ана, у ерда ҳаёт сабоқлари, боринг, кўринг.

Кўрганман. Шифохоналардаги оқ ҳалатли, аммо қора юракли врачларни ўз кўзим билан кўрганман. Шу йилнинг май ойида куйганлар билан шуғулланувчи республика марказий касалхонасида ётганимда кўрганман. Бир ярим ёшли қизчамнинг оёғи куйиб қолиб ўн беш кунгача палатага жойлашомлай каридорда ётганимизда кўрганман. Кейин кимдир менинг журналист эканлигими билиб қолиб врачларга айтганда, уларнинг мени палатага жойлашга шошиб қолганларида кўрганман. Аммо у ерда ўз ишини севувчи, ҳалол меҳнатлари орқасидан нон еяётган врачлар ҳам бор эди...

...Саккизинчи синфи тугатиш арафасида бирдан касал бўлиб қолдим ва Олтинкўл районидаги касалхоналарнинг бирида даволандим. Бўлим врачи «жигарингизда оғриқ бор», деб менга гемодез тайинлади. Эртаси куни палата врачи ҳозир касалхонада гемодез йўқли-

гини, аммо ҳар бири учун ўн беш сўмдан берсам, топиб беришини айтди. Инсон ўз саломатлиги учун пулни эяб ўтирапканми? Бердим, ўн беш сўмдан. Палата врачимиз эса касалхона омборидан менга гемодез олиб чиқиб берди.

Тузалиб чиқишим олдидан санаторийга путёвка тўғрилай олишини эслатди. «Қанча бўлади?» дедим унинг қисилган кўзларига дадил боқиб. «Икки юз», деди. Олмадим, иккинчи марта алданишини хоҳламадим. Бўлим врачанинг олдига киргандим, «палата врачингиз билан келишинг», деб гапимга қулоқ солмади. Шунданд кейин йўлланмани санаторийга эмас, балки уйга олишга мажбур бўлдим...

Кизиқ, ҳали ҳам сира тушунолмайман: нега ҳаётни кузатиш учун телеминорага чиқдим экан? Сокин ҳаётни, унинг ташки гўзаллигини кўриш, маҳлиё бўлиш учунми? Нега бизни одамлар орасида бўлишга, уларнинг еяётган нонига, кияётган кийимига назар ташлашга, бир сўз билан айтганда оддий ҳалқнинг кечираётган ҳаётига аралашишга ҳеч ким маслаҳат бермасди? Нечун улар ҳаётни юксакликдан туриб кузатишга ундашарди?

Катта бозор ўртасидаги кичкина китоб магазини. Ичкарида ўзини малика билган сотувчи аёл елпиниб ўтириби. Олдида, чор атрофида минг турли китоб. Аммо аёлнинг икки кўзи эшикда.

Бир пайт ўттиз ёшлар чамасидаги, ингичка мўйлов кўйган, сўнгги модада кийинган буғдои ранг киши хуштак чалиб кириб келди.

— Боги эрам боғбонига саломлар.

— Китобсевар укахонимга салом.

Улар шу тарзда саломлашдилар. Кутилмагандан магазинга бир тўда ўспирин йигит-қизлар кириб келишиди. Бироқ «китобсевар» киши уларга парво ҳам қилмади.

— Ўқилмаган китоблар борми?

— Яхши китоб ўқилмай қолади, дейсизми? Аммо яқинда биттасини топдим, муқоваси шунақа чиройлики, гўё кечабосмадан чиққандай.— Сотувчи аёл оғзини тўлдириб тушунтириди.

— Ў-ў, жуда ман ўқийдиган китоб экан. Адресимни биласиз: одатдагидек «Ўзбекистон» меҳмонхонасида ман. Мана бу ерда хона ва телефон номерим ёзилган. Мана бу эса... китоб ҳақи,— ҳалиги киши шундай деб аёлнинг чўнтағига семизгина конверт солади.

— Бир соатдан кейин китоб ёнингизда бўлади. Бораверинг...

Ям-яшил дарахтлар, баланд-баланд уйлар орасида ғала-ғовур бозор, унинг ўртасидаги кичкинагина китоб магазини ва магазин ичида бўлаётган олди-сотдилар кўринмайди.

Назаримда, турғунлик йилларида ҳаётимизда рўй берган мудҳиши ва қабиҳ воқеалар том-том қофозлардан, пуллардан ясалган «оқ олтин» хирмонлари ортидан кўринмаганга ўхшайди. Аслида-чи?

Аслида том-том қофозлар ва улардан бунёд этилган хирмонлар ортида ям-яшил майсаларга бурканган тоғлар, боғлар ҳам бўлган.

Қайсиadir амалдор ўз мансабидан фойдаланиб пора олди, уйини пулга, хазинага тўлғазди. Бирничи мингга, мингничи туманга, деганларидек, бутун ҳалқ уларнинг касрига қолди. Яхшиямки, аста-секин бўлса-да, ҳақиқат қарор топмоқда.

Яшил тоғлар қўйнидаги дача. Ваннага илиқ сув тўлдирилган. Айш-ишратга берилган бир «китобсевар» унда чўмилиши керак.

Бу пайтда андижонлик Қудрат ака ғўзаларга дори сепаётган самолётга йўл кўрсатиш учун майдон четида

байроқ күтариб турибди. Учувчи унинг устидан заҳарли ҳимикат — бутифос сепмоқда.

Кудрат ака самолётдан заҳар сепилаётганини туш кўрибдими? Бригадир унга «ғўзанинг баргини туширадиган суюқлик» деган, холос. «Суюқлик одамга зарар қилмайди, ғўзанинг баргини туширади, тамом...»

Ҳали элликка ҳам кирмай «бобо»га айланган Кудрат ака шу ҳилда тушунча беришган ва узоқ йиллар уни йўл кўрсатувчи қилишган. Шунинг учун унинг кўриниши қарироқ бўлса керак. Шунинг учун у элликка ҳам кирмай «бобо»га айлангандир, эҳтимол.

Яқинда «бобо»нинг жигаридан касаллик топишди. Лекин нимадан касал бўлганини айтишмади унга. «Бобо»нинг биринчи эшитгани «ўтказиб юборибсиз-ку, одам деган шунақа ҳам бепарво бўладими?» деган сўзлар бўлди. Икки кундан кейин «бобо»нинг жасадини касалхонадан олиб чиқиб кетишиди. Улим сабабини ҳеч ким билолмади...

«Ҳаёт, нақадар гўзалсан!» Шу бугунги кунимизгача бу сўз тилимиздан тушмай келди. Очеркларимизда такрор-такрор ёзилди, қўшиқларда қайта-қайта куйланди. Том-том китоблар ана шу чиройли сўздан бошланди. Аммо бу сўзни далада тупроқ кечиб, эрта баҳордан то кеч кузгача пахта етиштирган оддий халқдан бирор марта ҳам эшитмадим. У шукр қилди, борига ҳам, йўғига ҳам. У шукр қилди, қийинига ҳам.

Самад отанинг уйида бўлганман. У инвалидлиги учун бирон ерда ишламасди, аммо уйида бекор ҳам ўтирасди: болаларга ёғочдан ҳар хил ўйинчоқлар ясад берарди. Рўзгори оғирлашгандан кейин у ўйинчоқларни ўттиз-қирқ тийиндан сота бошлади.

Тириклий. Аммо колхоз раҳбарлари отага бирдан бир машғулот билан шуғулланишни ҳам тақиқлаб қўйдилар.

— Сиз чайқовчилик, қисқаси, текин пул топиш билан шуғулланяпсиз. Икки қўлингиз соғ бўлса, колхозга кириш ишланг, меҳнат қилинг,— дейишиди раҳбарлар.

Отанинг икки оёғи ҳам ишламайди. Буни раҳбарлар жуда яхши билишарди. Бироқ отага тириклий учун пул топишни нега тақиқлаб қўйишиди, ҳеч тушунолмадим. Балки Самад ота бойиб кетгандир, дерсиз?

Ховлисига нигоҳ ташланг: қачонлардир қалин ёғочдан ясалган эски сўри бир томонга қийшайган ишком тагига қўйилган. Кесаклари нураб тушган деворнинг ҳам ярми қолган. Қачонлардир оҳакланган икки хонали уй. У ҳам анча кўримсиз.

Фазилат опа — Самад отанинг ёстиқдоши — умри бино бўлибди, далада. Ер текислайди, эгат тортади, чигит экади, чопик, ягана, чеканка, хуллас, далада қилинадиган ҳар бир ишда қатнашади. Кунда уйидан битта нон олади. Ой охирида эса уйига ўттиз-қирқ сўм пул олиб келади.

Бечора фарзандлик бўлишга кўзи етмагач, битта ўғил асраб олишган. Ҳозир унинг бўйи чўзилиб, овози дўриллаб қолган. Эрта-индин хизматга кетади. Кейин уйлаш керак. Озроқ пул топишмаса бўлмайди. На илож, ўйинчоқларни пулга сотиш керак. Ҳар қалай рўзгорга озроқ бўлса-да, фойдаси бор-ку. «Яна сизни дарвозангиз тагида кўриб қолсам, билиб қўйинг, колхоздан кўчириб юбораман. Ўйингизга кириб жимгина ўтириңг. Бирорта раҳбарнинг кўзига тушиб қолсангиз... устимдан кулиб кетишиади-я! Худди колхоз обрўсига зиён келтирасиз! — Раис охири марта шундай дўқ қилиб кетган, деяслайди Самад ота.

Энди мен ҳаётни қаердан кузатишни биламан. Ошкоралик менга катта ҳукуқ берди. Ўйлайман: агар шу қайта қуриш даври бўлмагандачи? Наҳот унда Кудрат

«бобо»лар ғўзага заҳарли дори сепаётган самолётга йўл кўрсатаверган бўлишарди! Наҳот, «ҳамма нарса инсон учун, инсоннинг баҳт-саодати учун!» шиорлари ортида оддий халқнинг кўрган қора куни давом этарди?

Хайрият. Диллардаги яширин эътиқод туфайли ёмоннинг умри тугаяпти, замон покланиш сари ўзгаряпти, дилларга яна ўша улуғ ном қайтапти. Шулар ҳақда ўйларканман, энди орқага йўл йўқлигини сезаман. Ҳа, энди фақат олдинга!

Эрта баҳор. Ҳали изғиринли кунлар чекинмаган, ҳали гуллар куртак ёзмаган. Шундай кунларнинг бираиди чўл мактабарининг ичидаги энг намунали ҳисобланган билим даргоҳига Марказий Комитетдан комиссия боради.

Чўлқуварларнинг фарзандлари қандай билим оляпти, энг муҳими қанақа шароитда яшашмоқда. Меҳмонн худди ана шу масала қизиқтирарди. Комиссия аъзолари мактабни текшира бошладилар.

Мактаб атрофи озода. Ёнидаги кичик-кичик майдончаларда эса ранго-ранг гуллар барқ уриб ўсиб ётиби.

Меҳмонлар иссиқ плашларига ўраниб олишган. Аммо бу ерда гуллар очилиб ётиби, гўё ёздагидай. Бошлиқ меҳмон ўқувчилардан уялди чоғи, плашини ечиб қўлига олди. Гулларга қарап экан, кўзларига ишонмади. Кейин директордан сўради:

— Бу қанақа гул ўзи? Қайси мамлакатдан келтирсанлиз?

Директор жилмаяди.

— Бу ҳозирча сир. Айтишим мумкин-у, фақат бугун эмас. Ҳоҳласангиз хат орқали ёзib юбораман.

Меҳмон рози бўлади. Эртаси куни ўзини кулгудан тўхтатолмаган директор ерга кўмилган тувакдаги гулни чиқариб олишни буюрди... Бўлмаса шу алдамчиликлар, кўзбўяшлар давом этаверади. Қайта қуриш керак. Энди замоннинг покланиш сари курашини бир зум ҳам тўхтатмаслик лозим.

Бўлмаса...

Мактаб билан танишиб бўлган меҳмон энди чўлқуварларнинг бирортасининг уйини кўрмоқчи эканлигини айтади. Совхоз директори ҳеч иккиманмай меҳмоннинг қўлтиғидан олади-да, ўзи биладиган хонадонга бошлади.

Яшил рангга бўялган катта темир дарвоза. Дарвозанинг тепаси чиройли қилиб беркитилган. Ҳовли кенг ва озода. Ўртадаги ҳовуз... Ҳар замонда ҳовлининг нариги бурчагидаги бостирмадан қўй-молларнинг маъраган овозлари қулоққа чалинади.

«Мана, оддий ўзбек ҳалқи қандай фаровон турмуш кечирикаркан. Қойил!»— ўйлайди меҳмон, уй эгасининг механизатор эканлигини эшитгач.

Худди шу пайт уйига... нега у дарвоза ёнида тўхтаб қолди. Э, ҳа, у уйини дабдурустдан танимай қолган бўлса керак. Шундай. Ахир, ялтироқ нарсалар...

Меҳмон уйни тарқ этган замони эшикдан тўрт киши кириб келади-да, ҳамма нарсаларни йиғиширишга тушади...

Ҳа, қайта қуриш бўлмаса, шу каби алдамчиликлар, кўзбўяшлар давом этаверади. Ҳа, энди замоннинг покланиш сари ўзгаришини бир зум ҳам тўхтатмаслик зарур!

Ҳаёт, сен ҳақингда тўхтамай ёзиш мумкин. Аммо мен шу ерга келганда фикрларимга якун ясамоқчиман. Анча нарса тўғрисида сўз юритибман, лекин бу қалб дардларим одамларга етиб борадими? Ҳаёт ҳақидаги тушунчаларим, ундан кузатгандарим одамлар юрагида ҳамда эзгулик ўйғонишига турткни бўлоладими? Менга кераги шу.

МАЬНАВИЙ ИНКИРОЗ ИЛДИЗЛАРИ

Давра сухбати

Шуҳрат РИЗАЕВ. «Адабий танқид савияси бадиий адабиёт савиясини белгилайди», деб айтган эди Пушкин. Ҳақиқатан, адабий танқиднинг бадиий адабиёт тараққиёти учун аҳамияти нечоғли катта экани маълум. Бироқ адабий танқид мавжуд адабиётни чуқур таҳлил этиб, баҳолаб, шу орқали иккимойи онг ривожига турткি берувчи куч эканини тӯла англаб олмай, қотиб қолган мезонлар асосида адабий директивалар бериш йўлидан борса, у, шубҳасиз, адабиётнинг гўрковига айланниб қолади. Шу салбий ходиса урушдан кейинги йиллар ўзбек адабиётида айниқса ёмон оқибатларга олиб келди. Албатта, кирқ-эллик йиллик адабиётимизнинг барча адашишу депсинишиларига танқидчилик айбдор, деб бўлмайди. Лекин социалистик реализмнинг рамкаларга солиниши ва шу рамкаларнинг темирдек мустаҳкамланишида адабий танқид бош ижрочилардан бири бўлмадими?! Кейинроқ замон кутуси бир оз сусайиб, дадилроқ фикр юритиш имкони туғилганда, хорижий ва қардош адабиётлардан факат намуналини келтириб, шу намуналар даражасига кўтарилиш учун бизнинг адабиётёда айнан нималар етишмайтганини жиддий таҳлил асносида очиб бериш ўрнига гоҳи маддоҳга, гоҳи «ур тўқмоққа» айланниб юрди. Энди эса катта бир «арбоб»нинг ўлими билан уни қайси бири кўпроғу қай бири камроқ шарафлаганини сарҳисоб қилиш билан овора адабий танқиддан нимани кутиши мумкин?! Адабий танқиднинг ноҷорлигидан безиб, унга эътиборсиз, ўзи йўллар излаётган, жаҳон адабий тажрибаларини ўзлаштириб, миллий психологияни, оддий ўзбек кишисининг дарду йўлари, ҳаёти ва фожиаларини бадиий тадқиқ, этишини ягона тўғри йўл деб белгилаган адабиёт майдонга чиққанида, ғашлик биланми, адабий калтабинлик боисми, «адабиётимизда чоллар, оҳ-нолалар кўпайиб кетяпти», «фаол, курашчи қаҳрамонлар образи яратилмаяпти» деган алмисоқдан қолган даъволар билан уни яна рўёлар кўчасига бошламоқчи бўляпти. Бу билан ҳам чегараланмай, гоҳо

суюги қотган, гоҳо эса ўринбосарлика тайёрланётган навқирон вакиллари мисолида адабий танқидимиз фавқулодда босиқлик ва сокинлик билан халқ руҳиятини бадиий таҳлил этишига уринаётган истеъоддларга қарши «намуналар»ни шундайлигича қуруқ ўзлаштириб, «чангальзор-сельвалар» адабиётига маслаксиз сифинаётган ва ўз ожизлигини ниқоблаётган «ёзувчилар» билан ҳамкорликка киришмоқда, уларга ё қўрқувдан, ёки ҷаламуллалик боис юзисизларча ялтоқланмоқда. Бу билан бутун адабий танқидчилигимизни йўққа чиқармоқчи эмасман, албатта. Зеро, бунга тӯла асосим ҳам йўқ. Аммо орадаги 30—40 йиллик узилишдан сўнг 70-йиллар адоги, 80-йиллар бошларида адабиётимизга ўз овози билан кириб келган бир гурух истеъоддли ёзувчиларнинг шубҳасиз адабиётимиз савиясини катта миқёсларга кўтараётганини сезиб, англаб туриб, яна эски қолипларга солиша уриниш, ҳатто, ўри келганда, камситиш табиий норозилик кўзгайди. Нукул «намуналар» санайвермай, боримизни бозор қилиб кўрайлик-чи, балки «намуна» ўзимиздан чиқиб қолар, деган мулоҳаза кишини ўйлатади. Назаримда, шу мулоҳаза бугун бизларни бир жойга жамлади. Дадил айтиш мумкини, «Лолазор» романи тимсолида ўз адабиётимизда том мъюнодаги наомуна пайдо бўлгани ҳам бунга сабаб.

Мирзаҳмад ОЛИМОВ. Менимча, «Лолазор» М. М. Дўстнинг ёзувчи сифатида камолотга эришганидан далолат беради. Унинг илк ҳикоялари миллий заминдан узоқроқ эди. «Учинчи симфония»даги сўққабош Бетховендан-ку гина йўқ, лекин унга ёндош ҳикоялардаги қаҳрамонларнинг — гамгин, ўйчан рассом боланинг ҳам, Замириён ёқтириб қолган журналист Йигитнинг ҳам яшаш ва фикрлаш тарзи, дунёси учналик ўзбекча эмас эди.

«Чоллардан бири»га келиб ёзувчи бу этишмовчиликни бартараф этди, лекин бу асар катта Ҳаётдан чиқиб бир лавҳа эди. «Галатепага қайтиш» тошга ўйиб ёзгандек хотирада муҳрланиб қоладиган нозик руҳий

таҳлиллари билан ҳайратга солди, лекин унда шаҳар ҳаёти манзаралари барибир бир оз енгил-елти акс этирилган эди. «Истеъфо» профессионал ёзувчининг қалами билан ёзилгани сезилиб турса-да, Эломонов ҳам, унинг муҳити ҳам, фикримизча, анчайин жўйлаштирилган эди.

«Лолазор»да эса муқаддас маънавий ақидаларни сақлаб келаётган қишлоқ одамлари, масалан, Ҳотам Шўро ва Холмўминнинг ҳаётидан тортиб, жиддий драмалар ҳам, бачканаликлар ҳам тўлиб-тошиб ётган шаҳар муҳитигача, урушдан олдинги даврнинг машақкатларидан тортиб, узоқ муддатли турғунлик давригача, қишлоғидан нарини кам кўрган одамлар, масалан, Яхшибоевнинг отасидан тортиб, дунё танийдиган Ошногача, тириклик залварини елкасига ортиб яшатган заҳматкаш айлар, масалан, Кунсулув ва Олиядан тортиб, катта даварларнинг ҳадисини олган Муяссар ва Муҳсина хонимларгача, енгил-елти кувончлар, ҳазил-мазахлар ва ҳангомалардан тортиб, кишини иғлатгулик алам ва дардларгача — барчабарчаси юқори бир даражада, муайян бир уйғунликда кўз ўнгимизда гавдалантирилган.

Рахмон ҚЎЧҚОРОВ. Агар Муҳаммад Дўстнинг янги асарини унда мужассам топган дардлар, дардлар баёнидан кўзда тутилган мақсад ва бу мақсадни амалга ошироқ учун танланган ифода усули жиҳатидан яхлит баҳоламоқ талаб қилинса, мен бунинг учун романнинг ўзидаги изборани танлаган бўлардим. Эсларингизда бўлса, Ошно ҳокимият йўлида ҳал қилувчи қадамларидан бирини ташлаш арафасида (Ўртақўргондан Тошкента кўчиш олдидан) Яхшибоевникига (туғилган чақалоқ баҳона!) келади ва қишлоқдош дўстига то пшириклиар беради. Муҳсина хонимнинг (Яхшибоевга хотин бўлгани учун эмас, Муяссар хонимга дугона бўлгани учун!) ноёб талантини асраш ҳақида, хонимнинг «Йўлдоши ҳам талантли бўлиши» талаб қилингани туғайли Яхшибоевнинг ижодни ташлаб қўймаслиги тўғрисида, энди Шариф Валломатга айтиб қўйилгани у билан қалинроқ бўлавериш хусусида ва бошика «ўришу арқоги аллақачон таҳтилиб қўйилган гаплар» билан етказилган ва қабул қилинган топшириклар. Топшириқ олишга секин-аста эти ўлиб бораётган Яхшибоев сұхбат орасида Ошно ҳақида жуда сезирлик илиа бундай мулоҳаза юритади: «Ошно кулиброқ айтиса-да, бариси — жиддий. Энди унинг жилмайишларига ишониб бўлмайди. Эҳтимолки, энди у йиглаганда ҳам жилмайиброқ йиғласа керак...»

Шунга ўҳшаб, Муҳаммад Дўст-

нинг «жилмайишларига» ҳам яхши мъёнода ишониб бўлмайди ва унинг романини жилмайб ўрганланг дард изҳори сифатида ўрганмоқ керак. Бутун асар давомида жиддий оҳанг ва истехдо мувозанати шундай тутиб туриладики, на кўзёшлар нигоҳни хирапаштиради ва на кулаги ақлни ўғирлайди. Лекин бу асло ўтмиш билан кулиб хайрлашиш ҳам эмас.

Ш. РИЗАЕВ. «Лолазор» романига одатдагидан анча вакътироқ бир эмас, икки тақриз ёълон қилинди. Ҳар иккиси ҳам профессионал танқидчиларнинг муносабати*. Бирни деярли тўла ўтироф, иккичиси эса тўла инкор. Демак бир асарни бир пайтнинг ўзида ҳам тўла ўтироф, ҳам тўла инкор этиш мумкин экан, бу факт билан роман одатдаги саноқларда қайд этиб кетилаверадиган асарлардан эмаслиги аён бўлади.

Мусурмон НОМОЗОВ. Бир асар ҳақида турили танқидчи турлича фикр билдириши табиий ҳол. Мени улардаги аниқламалар ажаблантириди. Чунки «роман кечаги кун ҳакидадир» дейиш жуда кам нарсани билдиради. Менимча, «Лолазор» адабиётимизда бизни «кечаги кун»га олиб келган одамларнинг руҳини тадқик қилишга дастлабки жиддий уриниш бўлди. Маълумки, кейинги вақтларда адабиётимизда турғунлик даври ҳаётини тасвирлаган бир талай асарлар яратилди. Бироқ, биз буларда даврни кўпроқ ташки томондан кузатдик. Турғунлик даврнинг асосий хусусиятлари бўлган порахўрлик, қўшиб ёзиш, ўзгалар фикрини писанд қиласлик каби иллатларнинг бирмунча соддалаштирилган схемаси билан танишдик. Айнан шу иллатларнинг юзага келишига сабаб бўлган кимсаларнинг руҳияти эса доимо ҳам етарли даражада очиавермаган. Мурод Мұхаммад Дўст эса ўз романига шу даврнинг типик вакилларини бош қаҳрамон қилиб олиб, асосий диққат-эътиборни уларнинг руҳий картинасини яратишга қаратган.

Умуман, «кечаги кун» муаммосига алоҳида тўхталиб ўтмасак бўлмас. Аҳмад Отабоев мақолосида «Чин адабиёт учун «фalon кун» муаммоси бўлмаган», деб жуда кескин айтган. Бунга қўшилиш қийин. Адабиёт, лозим бўлиб қолганда, «фalon кун» муаммосини ҳам ўртага қўйиши мумкин. Буни инкор этиб бўлмайди. Фақат, лозим бўлиб қолганда! Агар шунни ҳаёт тақозо қилас! Ҳозирги кунда шундай эҳтиёж сезиляпти, деб, менимча, бемалол айтса бўлади. Ҳозир жуда кўп нарсалар, ҳатто шу пайтгача ҳақикат деб қабул қилганимиз тушиналар ўзгарайтган бир даврда яшаётганимизни таъкидлаб ўтиришга хожат бўлмаси керак. Шуни комил ишонч билан айтиш мумкини, бун-

дан бир неча йил бурунги ҳаётимиз билан ҳозирги ҳаётимиз ўтрасида кескин фарқ бор — гафлат босқичи ўтмоқда, ҳозирча теварагимиздаги ҳамма нарсани тўлигича тушуниб етолмайтган бўлсак-да, ҳархолда, кўзларимизни ишқалаб ҳаммасини танишга уриняпмиз, онгимиз гафлат уйқусида кўрган тушларимизни эслашга интилмоқда. Яънимик, биз учун, бугунги кун одамлари учун кечаги кун муаммоси мавжуд. Кечаги кунимизни яхшилаб эслаб, тушуниб олмасак, бугунги кунни умуман тушуна олмаймиз, эртанги кун — келажагимиз мавҳумлигича қолаверади. Шу босис ва ҳудди шу матнода романда «кечаги кун» муаммоси кўтаришганини табриқлаш керак. Зоро, унутмайликки, бугунга хизмат қилмайдиган адабиёт эртаги кунга ҳам, индинга, олис келажакка ҳам ҳеч қаҷон хизмат қила олмайди.

A. Отабоев яна «турғунликни фош қилиб ташлаш ҳам бадиий асарнинг актуал вазифаси эмас», деган бир гапни айтади. Анчайин тўғри туюладиган бу фикр билан ҳам мутлақо келишиб бўлмайди. Турғунлик — биз босиси ўтган жуда катта босқич. У одамларнинг характеристини, онгини ўзгартириди, тушунчаларга, дунъёкараларга кутилмаган ўзгашиблар олиб кирди. Бу босқични маънавиятимиз тарихидан ўчириб ташлаб бўладими? Шундай экан, бу даврни инсон руҳини нуқтаи назаридан таҳлил қилиш, фош қилиб ташлаш жуда-жуда зарур.

Р. ҚЎЧҚОРОВ. Менимча, «Лолазор» материалини «кечаги кун», «турғунлик даври» каби вақт чегараларига қамаш тўғри бўлмайди. Гарчи роман сюжети бизга танишдай ҳодисалар (қайтараман: шунда ҳам фикат бизга танишдай, келгуси авлодларга эмас!), тарихий давр ичидаги ривожланса-да, унда кимларгидир ўхшаб кетадиган одамлар ҳаракат килса-да, асарга маълум даврнинг маълум қишилари ҳақида хикоя қилувчи нарса сифатида ёндашиб ўта гўллик бўлар эди. Бунга қўшимча, романдан прототип қидириб ўқиши, аввало, саҳифалардан тўлқин-тўлқин чиқиб келувчи бадиий санъат мавжалиридан ўзни бебаҳра қолдиришга, қолверса, танқиди Аҳмад Отабоевга ўхшаб, ёзувчи хаёлига келтирмаган даврни чегарани сунъий яратиб олиб, «бунга роман сабабчи» деб таъна қилишга олиб келади. Ҳайронман, Аҳмад Отабоев «топган» хуласа романда борми? Агар бор бўлса, бу хуласага ёзувчи «қаламни қоғоз устида бир юргизши билан» эришганми? Мен танқидчининг қўйидаги гапларини назарда тутяпман:

«Фалон анжумандан нарёги «кечаги кун» — ошнолару яхшибоевларнинг туриш-турмуши, бериёги эса... ўзингиз билгандай, деб ажратиб кўрсатиб бериш, чамамда, «Лолазор» дагидек осон кўчмаси керак».

Аввало, ёзувчи «кечаги кун» тушинасадин шунчалар йироқки, қаҳрамонлари тилидан буни қайта-қайта

айтади: «Яхшибоев ким ўзи? Формуласи нима унинг? Формуласи не бўлмасин, таркибига Ошнодан салгина аралашгани аниқ. Кимки нуфузли кимса бор, унинг вужудига Ошно аралашган. Ошно — ҳаво, Ошно — сув, Ошно — нон... Ошно — ҳамма нарса...» Яна: «Аниқ биланманки, ҳар кишининг ўз замони ва ўз ОШНОСИ бор, ҳар киши ўзича бир буюк күткуга дуч келади».

Ҳани бу ерда «нарёги, берёги»?! Ундан ташқари, ёзувчи «берёги эса... ўзингиз билгандай» демайди, балки берёгига Александр Шоймардоновларни, янги даврнинг янги ошноларини, аввалларни, муҳсиналарни, чоршанбиларни ва... «катталари пора олган, онаси унуган, тақдири биргина инжиқ хотинчага булдуруқли битлиқни Назар Яхшибоев улига» ўхшаш кимсалар қўлида бўлган ҳалқни қолдиради. «Берёгини эса» билами миз — на биз, на ёзувчи! Негаки, курбонойлар, тўпорилар фикат яким ўтмишда эмас, ҳозирги кунда ҳам сероб бўлиб, эртага саҳнага чиқадиганлари бугун писта сотишаётган бўлса, янги ошно ва яхшибоевларни топиш ҳам кишини унча қийнамайди, уларнинг ўринbosарлари ҳозир, тахминан, Левича бўлворларда сайд қилиб юришган чиқади... Агар шундан кейин ҳам прототип излашга тушиб кетилса, имоним комилки, энг кўн дайвогар «Сайдқул Марданов мен эдим», деб келади...

М. ОЛИМОВ. A. Отабоев аслида романга «вокелик ва инсон концепцияси», «шафқатсиз реаликлар» деган тўғри талаблар билан ёндашган, лекин асарда ўша фазилатлар бўла туриб, уларни кўролмаган, чунки бу жиҳатлар адабиётда хилма-хил оҳангларда намоён бўлишини ўтиборга олмаган. Энг муҳими, жиддий, шафқатсиз оҳангни талаб қилавериб, романни деярли ўйқа чиқарган-у, тағин: «Мен «Лолазор» романида турғунлик даври ҳақида ўта жиддий, шафқатсиз реалистик талқинни излаганим ўйқ ва бу давр ҳақида фикрандай ёзилиши керак, деган фикрдан йироқман», деб ўзини оқламоқчи бўлган.

Умуман, рус ва чет эл адабиёти билан оз-моз танишиб, катта адабиётнинг ҳавосини олиб, сўнг: «Бизда ҳақиқий адабиёт ўйқ, мирикиб таҳлил қиладиган асар бўлмагач, танқид билан адабиётшунослик гўрдан ривожланисими, адабиётнинг ноллигини исботлаш учун умрни зое этиш шартми?!» деб айюҳданос солишига ҳаммаси ҳам анча устамиз. Лекин адабиётимизда чинакам асарлар пайдо бўлса, ё уларнинг фазилатларини кўролмай нодонларча танқид қилишга тушамиз, ё уларга гайришуурый тарзда маҳлие бўлмиз-у, бу жозибанинг сирларни олдида ақлимиз лол колиб, куруқ ҳамму санодан нарига ўтольмаймиз. Эҳтимол, таърифу тавсифда камомат бўлмагандир, лекин ҳали адабиётшунослигимиз, масалан, А. Орипов ижодининг сирларини очиб беролгани ўйқ. Танқидчилигимиз

* 1) Умарали Норматов. Кечаги кун одамлари. «Узбекистон адабиётни санъати» газетаси, 2.IX.1988 й. 2) Аҳмад Отабоев. «Биз билган одамларми?» Шу газета, 23.IX.88 й.

ундан кейинги авлод прозаси ва поэзисини ноҳақ танқидлардан ҳар ҳолда ҳимоя қилаётир, лекин ҳали уларнинг чинакам илмий таҳлили билан қойил қолдиролгани йўқ.

А. Отабоев «Лолазор»ни Гоголнинг «Ўлик жонлар» ва «Шинель» асарлари билан солиштириб бундай ёзди: «Голода латифалар оҳангина йўқотмаган ҳолда шафқатсиз реалликлар тасвирига айланади. Бироқ кўзинг кўриб турган шафқатсиз реалликлар латифага айлантирилса, ўқиб қилган ҳузуринг узоққа татимас экан».

Бу беписанд муҳоясанинг бир неча сабаби бор: бири шуки, танқидчи Гоголь асарлар ҳақидаги илмда қарор топган фикрларни кўп ўқиган ва уларни мутлақ ҳақиқат сифатида қабул қилган. Ҳали бундай баҳони олиб ултurmаган асарга дуч келганида эса, латифалар замиридаги шафқатсиз реалликларни, алоҳида тақдирлар ва хусусий ҳодисалар бағрига жо этилган умуминсоний муаммоларни ҳамда воелик ва инсон концепциясини мустақил равиша илтрай олмаган. Мунаққид латифага ҳам шунчаки эрмак деб қарабди. Ахир, том маънодаги латифа оғзаки ижоднинг ажойиб бир мўъжизасику. Ҳажвий йўлдаги адабиётимиз ҳам латифалардаги реализмга, латифалардаги кулаги эфектига, латифалардаги қўймалик ва қисқаликка, латифалардаги фикр ва образ уйғулигига эриша олса, қанийди. Умуман, бирорлар фикрига тобеликдан, назарий билимлардаги мавҳумлик ва бирёкламаликдан, позициядаги маҳдуд тарафкашликдан кутуломлай туриб, одатдаги қолипларга тушавермайдиган «Лолазор» каби асарни тўғри таҳлил этиш қийин.

М. НОМОЗОВ. Романинг қайта-қайта ўқишидан кейин шунга амин бўламизки, Назар Яхшибов ҳам, Ошно ҳам айтарли ёмон одамлар эмас. Уларни яхши кўриш ёки ёмон кўриш ҳар кимнинг ўзиғ тан, лекин бир инсон сифатида уларни буткул қоралашга, инкор қилишга ҳеч кимда асос йўқ. Улар ўзларича ақлли, қобилиятли, ўз ишига пишиқ кишилар. Уларга ҳам инсонийлик ёт эмас. Севадилар, ёмон кўрадилар, тушунишга уринадилар, хато қиласидилар, тан оладилар, мактайдилар, рағбат билдирадилар, гаразгўйлик қиласидилар, оёғидан чаладилар, имконларидан фойдаланиб жазолайдилар... Қисқаси, теварагимизда минг-минглаб яшаб юрган ўртамиёна одамларнинг типик вакиллари. Факат ёмони шундаки, «маҳаллийчиликда айбашлари мумкин» деб ҳатто ўз юртни эъзолайлай олмайдиган... ўртамиёна кўрқоқ одам тақдирнинг тақозоси ёхуд халқнинг ижтимоий пассивлиги, «тепа»га кўр-кўронада ишончи ёхуд янада тепароқдагиларнинг хоҳиши боисидан катта бир юртга бош бўлади. Жаҳали чиққан пайтида ўз хотинига ҳам қаттиқроқ гап айтишга РУХСАТИ йўқ, кир пайгоҳларини елим халтага солиб ўқиб, қаҷон хотинимга ҳам инсоғ

кираркин, шуларни ювиб бераркин, деб умидвор юрадиган, ёёсам ҳаммангдан зўр ёзаман, факат бизда кет йўқда, деб ўзи ҳам тан оладиган одам Ошнога ошно бўлади.

Ўртамиёна одамларнинг буюк бир халққа бош бўлиб қолишининг ўзи латифа эмасми?! Тақдир тўқиган бу латифадан ҳам қизиқор бирон латифа ўйлаб тошиб бўлармики?! Факат энг ачинарли жойи шуки, бу латифа бизнинг ўзимиз ҳақимида. Биз уни ўқиб аввал кулмиз, бир оз кўнглигини юмшатамиш, сўнггина йиглашга тушумиз. Ҳар икки ҳодиса баробаринда руҳимиз поклана боради.

Р. ҚУЧКОРОВ. Ҳўш, нима учун ёзувчи кулиб туриб йиглаш, йиглаш туриб кулди? Ҳамма кетаётган аньянавий роман йўлидан нега воз кечди? Ахир кейинни икки йил ичидеёқ шу йўлда турғунлик даврини «фош қиливү» қанча нарса ёзиб ташландику. Куни кечагина деярли барча асарларнинг конфликтини ҳал қилиб берган ҳукумат миқёсидағи қаҳрамонлар бугун бир айланни ёспасига барча конфликтларнинг сабабчиси бўлиб туриди-ку...

Бу саволларга жавоб излаб романга назар солсак, М. М. Дўстнинг мақсади ҳодиса ёки шахсни (айрим танқидчилар нуқул кучнаб талаб этажандай) «фош қилиш», уни оқ, буни қора дейиш эмас, абадий муаммо бўлиб келаётган инсон феъл-атворининг турфа шароитларда қандай товланишини, нима учун товланишини таҳлил қилиш экани, турли ижтимоий гурухларнинг бир-биридан ошиб тушган тубан қўлмишларини эмас, шу қўлмишларга, инсоннинг иккига, учга... ўнга бўлининб кетишига нималар сабаб бўлишини ўрганиши экани маълум бўлади. Агар унинг ҳозирга қадар ёзган асарларига эътибор берсан, деярли барчасининг бош қаҳрамони маълум бир ҳаёт йўлини босиб ўтиб, ё оралиқ, ё сўнгги сарҳисобга толган одамлар эканини кўрамиз: Мустафо, Гайбаров, Эломонов, Яхшибов ва Сайдқул Мардоновлар. Аксинча, шу сарҳисобга ақл ва фаросат топмай, мудом ўша-ўша яшаб юрган одамлар ёзувчи истехзосига, баъзан нафратига учрайди: Самад, Соқол, Бинафшахон, Ошно, Муҳсинхониму Шоймардоновлар. «Лолазор»да асосий воеалар Яхшибовнинг ўтган умрни қайта эслали шаклида ҳикоя қилинади. Нега шундай? Чунки фаолият ҳар доим ҳам ақа ва виждой билан ҳисоблашиб ўтирадиги. Айниқса, юқоридан бошқарилувчи сиёсий фаолият ишга тушганида ўз йўлида тўғанок бўлган кучлардан осонгина воз кечиб кетаверади. Бандаи мусулмон гуноҳларининг ажрими рўзи маҳшарга қолганидай, бу сиёсий калтабинлик таҳлили айни романда камалхонада ўтадиган бир ойга қолади.

М. ОЛИМОВ. Гап факат йиглаш туриб кулиш, кулиб туриб йиглашнинг ўзида эмас, балки шу кулаги ё йигининг нечоғли табиийлигида. Чин юрақдан йигламок ва кулмок, чина-камига ҳайратга тушмок, кимгадир,

нимагадир астойдил меҳр туймоқ... — буласи ниҳоятда мураккаб руҳи-физиологик жараёнлар. Ҳақиқий санъатнинг кучи ҳаётнинг иллюзиясини яратиб, кишини табиий равиша мана шундай ҳолатларга сола олишда.

Китобхонни ўз қаҳрамонларининг дарду армони билан йиглаши, ўй-изтироби билан ўйлатиши, зақу истехзоси билан кулдира олиш М. М. Дўст учун забт этилмаган довон эмас.

Масалан: Бир неча йиллик жудоликдан кейин урушнинг бутун даҳшатларини туйиб уйига қайтган Назар эртаси куни отаси бокиб юрган подани кунчиқардаги тепаликлика ётқизиб, қишилгига қарайди. «Ўзларининг тақрондек ҳовлилари саҳнида недир бир кичкина қора ўралшиб юрганини кўради, сўнг бу қорага яна биттаси қўшилади... отаси билан онаси... сингиллар уйли бўп кетган... икки укаси йўқ... келмайди... ҳувиллаган ҳовли, кари чол билан кампир, бири кар, бирининг кўзи хира, иккита нордай ўғилдан айрилган...» «Юрагига олов туташди, куйди, жизгинак бўлди, қўй сийдиги анқиган қаттиқерга ўзини урди:

— Ўзаналарингни, Гитлер-...

Еки, бир тасодиф билан механизатор бўлиб, сўнг Қаҳрамон даражасига кўтарилиган, шуҳратнинг ҳавоси кўзини тутиб тирноққа зор эканини ҳам кеч сезган, кейин эса ҳомиладор бўлгани учун овозага ўч раҳбарларга ёқмаган, заҳар сочилган майдонларда «зангори кема»да жавлон уравериб оғир дардга чалинган, охирида кўзиг очилиб: «Мўндиндай хотин бўлиб, эримнинг пайтавасини ювиб, ёвғонини пишириб юрганим тузук эмасмиди, Назар ота?!» деб нафрат аралаш надомат чеккан, ва ниҳоят... бир бурда бўлиб қолган жасади оқ мато тортилган замбильда касалхона ҳовлисидан олиб ўтилган Қурбонойнинг тақдирини бефарқ кузатиши мумкини?

Асарда ихтиёсрис ва табиий кулаги билан ўқиладиган саҳналар шу қадар кўпки, уларга мисол келтириб ўтиришнинг ўзи ҳам ортиқча. Ҳатто романни учнчалик ҳазм киломаган танқидчи ҳам уни ўқиб «кўнгли бироз яйра» ганини эътироф этибди.

Ш. РИЗАЕВ. Ҳўш, «Лолазор» романни нимаси билан адабиётимизда жиддий ҳодиса? Менимча, М. М. Дўст мазкур романни учнчалик ҳазм адабиёти учун мутлақ ўзи ижтимоий тип образини яратди, аниқроғи, акс эттириди. Бу тип ким? Унинг қиёфаси, ижтимоий белгилари қандайди?

Бундан бир неча йил аввал рус ёзувчи Сергей Есиннинг «Имитатор» асари эълон қилинди. Назаримда, бу асар бизнинг воелигимизда ҳаддан ортиқ кенг ўйилган ижтимоий тип — имитатор образини биринч маротаба адабиёта олиб кирди. Энг сўнгги «Русча-ўзбекча лугат»да имитатор сўзи «...имитатор, тақлидчи, ўхшатувчи (худди ўзи бўлиб кетувчи одам ёки артист)» деб таржима қилинган. Менимча, имитатор тушунчасининг

моҳиятини «худди ўзи бўлиб кетувчи одам» (лекин ўзи эмас!) кўпроқ ифодалайди. Сергей Есин бош қаҳрамони Семираев образи орқали хизматда, турмушда, одамлар билан муносабатда, муомалада — умуман ҳайётда гёё яхши хизматчи, гёё яхши эр, яхши ота, гёё самимий сұхбатдош, умуман гёё одам бўлиб яшаётган шахс ички дунёсини таҳлил этади. Езуви асар саръахасига «иззатталаб кишининг қайдлари» деган иловани қўшиш билан Семираевни ўз тилидан фош этади. Бундай тип ўтмишда ҳам, бугун ҳам, келажакда ҳам бўладиган жуда хавфли ижтимоий типdir.

«Лолазор» романидаги Назар Яхшибоев миссолида ўзек имитаторининг конкрет образини кўрамиз. Раҳмон тўғри айтди: бундай турла нувчан шахсни, турланиш психологиясини турғунлик давригина эмас, ҳар қандай жамият, ҳар қандай шароит, ҳар қандай замон яратиш мумкин.

Р. ҚҰЧҚОРОВ. Шуҳрат ака, менимча, факат шу иккى роман доирасидагина эмас, умуман ижодий принциплар борасида М. М. Дўст билан С. Есин муштарак йўналишидаги истеъдодлар кўринади. М. Дўстнинг аввали — «Галатепага қайтиш» ининг, С. Есиннинг конкрет образини кўрамиз, услуби ҳам шуни исботлайди. Менимча, бу иккى ёзувчи тушунтирадиган эмас, тушуниладиган хикоя тарзини мукаммаллаштириб боришияти. Бунда бирор ижтимоий тип нигоҳи орқали унинг ўзи яратиша қатнашган ва охир-оқибат ўзи кул бўлган мухитнинг моҳияти таҳлил килинади. (Фош килинмайди, таҳлил килинади!) Бу тип муносабатларга киришар экан, аввал ўз ҳарифининг (ҳа, айнан рақибининг! Чунки у ўртача «объектлар»га, «чоршанбилар»га жуда осон диагноз қўяди, жиддий эътиборни уларга ирофо килмайди!) руҳиятини обдан ўрганади, сездирмай шу руҳиятига мослашгандай бўлади, финалда за бу руҳияти бошқариш усулларига эришади. Гап ошкора сұхбатларда эмас, пинхона ўйинларда ҳал бўлади. Яхшибоев бу ҳақда: «Хозирча усталик киляпман, йўлини тоғипман», дея факат ўзига сир очса, нусхакаш рассом Семираев: «Тўғри, менинг ўйларим эзгу бўлмаган. Бироқ улар менини эканлиги туфайли шафқатсиз бўлмоғим керак» деган ички программага эга. Мана шу усталик, шафқатсиз ниқобланиш узлуксиз, бутун умр давом этавради. Булар орасида «такдирлар яратиш», «ундов белгилари кўпайиб кетмадими, дея шаккоклик киларга тоб», «озгина разаб, озгина турур», «жабрдийда кўриниш», «тарих учун нутқ ирод этиш» каби минглаб ниқоблар, ҳатто ўлимни ҳам ниқоблаб кетиш бор.

Эътибор берсак, бундай ниқобланниш ҳодисаси жуда кўхна эканлиги — нақ Искандарнинг тобутдан кўлини чиқариб кетишидан, балки ундан ҳам олдинроқ бошлангани таъкидланади. Яхшибоев курғур ўз

ўлимни Искандардан да ўтказиб тақдим қиласиди, Сайдкул Мардонга қўшилиб кўпчилик, жумладан, Умарали Норматов ҳам додга қолади: «Яхшибоевдан ижодкор сифатида дод қолди, айни пайтада ундан яхигина бир бор қолди»...

М. НОМОЗОВ. Роман мутолаасидан сўнг, ўйлашимча, кўпгина ўқувчилар кўнглида бир иштибоҳ туғилади: «Мана, Назар Яхшибоеву Ошноларнинг қандай одам эканини кўрдик: катта бир арбобга хос, ҳаммадан ажралиб турадиган истеъододи йўқ экан. Бир ҳалқни бошқара оладиган салоҳига кўрмадик. Фақат, қандай қилиб булас мундай юксак лавозимларга ўтириб қолдилар?» Романда бу шубҳага асос берадиган ўринлар бор, лекин жавоб йўқ. Буни, менимча, романнинг камчиликларидан бири хисобласа ҳам, хисобласа ҳам бўлади. Романда уларнинг қандай қилиб шу мансабларга кўтарилиганини кўрсатиш мақсад қилиб олинмаган, мақсад шу одамларнинг руҳини таҳлил қилиш эди. Шу маънода бу ҳолни камчилик хисоблаш кийин. Лекин шу ҳолнинг кўрсатилмагани бошқа томондан қаралганда, давр манзарасининг ўқувчи тасаввурида яхлитлашмаслигига сабаб бўладики, буни ҳазм қилиш анча мушкул, шу маънода уни камчилик деб атаса ҳам бўлади.

Умуман олганда эса, роман тўқимасидан, образлар талқинидан чиқиб келиб шубҳага жавоб берса бўлади. Маълумки, сталинизм даврида большевиклар партиясининг эски, синалган гвардияси қириб ташланган эди. Бундай шароитда эса тасодифий одамларнинг кўтарилишига имкон яралади. Н. Яхшибоев билан Ошно шундайлар тоғифасидан. Истеъододлар йўқ жойда раҳбар ўринларга анкетаси тоза ўртамиёналар ўтириши ҳаммамизга маълум ҳақиқатку! Яъниким, шер йўқ жойда бўри ҳам подшо.

М. ОЛИМОВ. Негадир бу иккى шахсга, улар ўртасидаги муносабатларга пастроқ назар билан қараш ҳоллари сезилмоқда. А. Отабоев Яхшибоевни «мураккаб образ эмас», дейди. М. Номозов эса Ошнони бориб турган ўртамиёналар қаторига қўшди.

Яхшибоев билан Ошнони бир-бирига ҳақиқатан ҳам дўст эди, дейиш мумкинми? Бизнингча, мумкин. Дўстлик, бирдамлик, қасамга соғиқлик бўлса, шунчалик бўладида. Замонанинг норасолиги. Яхшибоевнинг чинакам ёзувчи бўлолмагани ўз йўлига, Фарҳод билан Шопурнинг дўстлиги бизни чалгитмасин. Улар — идеал дўстлик. «Лолазор» эса реалистик асар. Бинобарин, Яхшибоев билан Ошноларнинг дўстлиги — реал дўстлик. Реал дўстликни эса зиддиятлариси, яқинлашиш ва узоклашилариси, мұқаррар хисоб-китоблариси, ихтиёрий-мажбурий мурosalар, бир-бира гендер ён беришлариси, ва ниҳоят, бу дўстликдан кўра ҳам ростроқ азалий

таҳзоликсиз тасаввур қилиб бўлмайди.

Оғир талабалик йилларида Яхшибоев мардкорликка чиқди. Харидор «корнинг тўйизасам, бас» деб шарт қўйди. Яхшибоев унамади. «Унагиси келди, лекин у ёқда Ошноларнинг оч юрганини эслади». Бу тўйғу дўстнинг тўйуси эмасми? Тўғри, у василикни ёқтиргани учун ҳам шундай қилди, лекин инсоний муносабатларни инсон табиатининг мана шундай түгдитиди хусусиятларидан ташқарида тасаввур қилиб бўлмайди-да.

Иўлтўсарлиги фош бўлиб, ўтада можаро қўпгач, Яхшибоев ўзини камарга осмоқчи бўлиб, юзтубан йикилиб тушди. Еддида: тирсагида чида бўлмас оғриқ уйғонган эди. «Яхшибоев шу тафсилоти ҳам умрбод эслаб қолди: ўшанда Ошно ўзининг кўйлаганини йиртиб боғлади». Бу ҳодиса нимадан далолат?

Сайдкул Мардон айтмоқчи: «Умуман, Ошно меҳру оқибат масаласи ёмон эмасди». Яхшибоев эса Ошнога ошнолигидан, у тепасида турган кучга даҳлдорлигидан, пайтида жабр кўрган бўлса ҳам, бир умр кўпроқ мамнуният туйиб ўтди.

М. НОМОЗОВ. Мундай қараганда, Ошно образи етарли даражада очилмагандай таассурот қолдиради. Менимча, бу дастлабки таассурот алдамчи. Бу иккى дўстнинг бирга кечган ёшлигига бағишланган саҳифаларда Яхшибоевнинг маънавий жиҳатдан устунлиги яққол кўринади. Ошно бирорнинг кўмагисиз, қўллаб-куватлапларисиз бирон иш кила олмайдиган одам. Унинг тезлигда шароитнинг қулига, бирорлар кўлидаги қўйирчоққа айланишига ишонса бўлади. Яхшибоев, аксинча, ўзига мустакил, характери шаклланган, бирорнинг етоворига ҳуда-бехуда юриб кетавермайдиган одам. Лекин роман давомида шу нарса аниқ бўла борадики, Яхшибоевда ҳам исёнкорлик, ўз ўйларни амалга оширишда ташаббускорлик, шароит ҳукмига бўйсунмаслиқ хислатлари етарли эмас. Яхшибоев руҳидаги жанжализога ўчлик, манманлик, тўпорилик аниқ бўла боргани сайин, бизда Ошноларнинг ўша бошда таъкидланган покизалигига ишонч сўна боради.

Ш. РИЗАЕВ. Менимча, Мусурмон, «Ошно бирорнинг етоворисиз юролмайдиган одам» деган фикрингизга қўшилиб бўлмайди. Ошно биз тасаввур этганда кўра мурракаброқ шахс. Шунингдек, А. Отабоев ҳам ўз мақолосида «Бу тақдирни (Яхшибоев тақдирини. — Ш. Р.) қандай шароитлар, ижтиёрий об-ҳавони, одатда ҳокимијатга эришган шахслар белгилайди.

Кишилик тарихидан маълумки, ижтиёрий об-ҳавони, одатда ҳокимијатга эришган шахслар белгилайди.

Демак Назар Яхшибоев каби шахслар тақдирини «ошно», «ошнолар» вужудга келтирган шарт-шароит, «ошнолар» пайдо қилган ижтимоий воқеалар белгилаган. Шундай экан, «Лолазор» романини «кечаги кун»-нинг «биз билган одамлари» ҳақидаги асар дейиш мүмкинми? Яхшибоев каби типлар тарихий тадрижга эга бўлган ижтимоий тип экан, уларни вақт чегараси билан ажратиб қўйиш бўлиб ўтган ва бўлгуси хавфни кўра билмаслик эмасми?! Турғунлик даври турланувчи типнинг гуллаши учун кулагай шароит вужудга келтириди. Мурод Муҳаммад Дўст эса бевосита шу даврнинг онгли гувоҳи. Шу боисдан ҳам у азалий ва балки абадий муаммо — турланиш психологияси, демакни шахс емирилиши ўзи кўрган, билган, кузатган тағсилотлар билан безайди. Агар таъриф жоиз бўлса, мен романни шахснинг емирилиши ҳақидаги муайян бир давр воқеалари билан безалгав бадий тадқиқот деб таърифлаган бўлардим. «Латифа оҳангичи баҳона қилиб, асарнинг ана шу мағзини тушунмаслик «профессионал танқидчи»га обрў келтирмайди. Хўш, «латифа оҳангичи» нима? Балки ёзувчининг айни шу романдаги услубини маҳсус жўнлаштириб камситмасдан уни «гротеск» деб атаган маъқулроқдир. Ҳар қалай, бадиият илмидан хабардорликка даъвогар киши ўрни билан «профессионал» тилдан ҳам фойдаланмоги керак! Роман муаллифида асарнинг «Бемор» боблари, «Манзара»лари асосан гротеск усулида бўлгани учун таъна қилиб бўлмайди, аксинча, ҳодиса моҳиятида ётган трагизмни комик вазиятларда ифода этиш, аввало, роман бошлангич ниятининг табиий талаби бўлса, иккинчидан, М. М. Дўстнинг, кеч мублагасиз бадий маҳоратидан далолат беради. Хўш, нима учун, танқидчи айтмоқчи, «латифа оҳангичи» (аслида эса гротеск) романда Яхшибоевнинг Ошно билан, Тўпори, Қурбоной, Зоҳид, Александр Шоймардонов, Муҳсина, Муяссар, Чоршанби, Аввал ва шу кабилар билан боғлиқ айрим воқеа ва хотиралар ифодасида кенг қўлланилади-ю, «Киссанавис» боблари, Ҳотам шўро, Олия тақдирлари билан боғлиқ саҳифаларда босиқ, драматик оҳанг касб этади? Яхшибоев шу қадар мураккаб образки, у ўзлигини, самимиятини сақлашга мажбур этиб турган сўнгги илинжи Олиядан ажралгандан кейин буткул икки ҳаёт кечиришга ўзини ихтиёрий маҳкум этади. Бири — ички мушоҳадалари, ички «мен»; иккинчиси эса — гўёки самимий фаолияти, ясама ҳаёт тарзи. Гарчи унинг ички мушоҳадалари асосан Яхшибоевнинг гўёки самимий фаолиятининг узок ва яқин келажакдаги вазифаларини белгилашга қартилган бўлсада, гоҳо сархисобга имкон топилган кезларда ички «мен» и уйғониб, нурли хотиралар, самимий ички икrorларга мажбур этади. Ана шу икrorлар ҳолатнинг табиий тақозосига кўра босиқ, драматик

оҳангда ифодаланади. Гротеск эса Яхшибоев ясама ҳаётини кечираётган, гўёки самимий фаолияти, муомала-муносабат юритаётган ва шуларни сархисоб қилаётган саҳифаларда қўлланилади. Яхшибоев онгли ҳолда «масҳарабозлик» қилаётганини англамаётган ва ҳеч қачон англамайдиган ва айни ҳолда ўзига нисбатан муносабатда «масҳарабозлик» қилаётган кимсаларнинг ичу ташини билиб тургани учун ҳам улардан кулади, ўзининг ясама фаолиятини самимий қабул қилаётганилари учун масҳаралайди. Бу «масҳарабозликлар» — хаётдаги фарслар. Яхшибоев онгли рашида яраттаётган фарслар. Фарс эса, ўша «латифа оҳангичи»ни тақозо этяпти. Мундарижага мутансоби шакл, Бадий маҳорат аслида шу эмасми?!

М. ОЛИМОВ. «Назаримда, Яхшибоев образнинг руҳий-психологик таҳлилидаги етишмовчилик автор таънлаган ҳикоя услуби билан боғлиқ. Шундай таҳлилининг теран бўлишига романдаги латифага мойил ҳикоя тарзи имкон бермаган»; асардаги «аччиқ ҳаёт ҳақиқатини енгил юмор пардаси назарингиздан тумандай тўсиб, хирадаштириб турди», деб ёзди А. Отабоев. Каранг-а, асар чинакам комизм билан сугорилган бўлса, комизмни кулгидан, юмордан айру тасаввур қилиб бўлмаса-ю, «латифага мойил ҳикоя тарзи» қаҳрамоннинг теран таҳлил этилишига, юмор эса комизм замиридаги аччиқ ҳаёт ҳақиқатларининг очилишига ҳалақит берган, десак... Алининг дўпписини Валига кийгизишдан бошқа нима бу? Ахир, аксинча, мана шу «латифага мойил ҳикоя тарзи», жонли юмор асарда таҳлилининг теран бўлишига имкон берадиган асосий ўйлардан бири эмасми?!

Мақола охирида муаллиф «булар — менинг шахсий мулоҳазаларим» деб сувдан қуруқ чиқиб кетмоқчи бўлганд. Ўйлашининг мумкин: эҳтимол, А. Отабоевга шахс сифатида ҳам, танқидчи сифатида ҳам комик оҳангдаги асарлар унча ёқмас, у кўпроқ трагизми күш кўрар? Ундай дейдиган бўлсан, ахир, у «Ойдинда юрган одамлар»дек чинакам фожиавий асарни ҳам, майда оиласиб бахтисизлик асосига курилган, катта ижтимоий муаммолар четлаб ўтилган, деб танқид қилган эди-ку, буни қандай баҳолаш керак?!

Р. КЎЧКОРОВ. Мен Игорь Золотускийнинг нима учун «Кунда»га бурнини жийириб, «ундан романнинг ҳиди келмаяти» деганига («Знамя» журн. 1987, 1-сон) ўйла тушунаман, бироқ А. Отабоевнинг «Лолазор»дан романнинг ҳидини туймаганини унда латифадан бошқа нарсани илгамаганига, асарга бу қадар сунъий бирёқла маҳсусатда бўлганига аввалига тушунмадим. Бироқ, у ёқлаб мақола ёзган айрим авторларнинг ҳикоя услубини, яна, М. Муҳаммад Дўст романидаги киноянинг серқирралигини... эслаб, маҳсала моҳиятига ётгандай бўлдим. А. Отабоев учун яхшибоевлар тақдирин қўмдаги илон изидек

турмушимиздаги майда интригаларининг акси» бўлиб кўринади. Майли, бу «майда интригаларга ем бўлган Қурбонай, Тўпори, қолаверса, ҳалқ тақдирини (энг олди вакили бўлган Қурбонай қисмати ҳалқ қисматидан унисиз дарак беради!) қўйиб турайлик-да, Яхшибоевнинг ўз ҳаётига, унинг хотини билан муносабатига бирров назар солайлик. Ҳарқалай, Яхшибоев ҳам одам, одам бўлганда ҳам «чиритиб юборадиган» одамлар хилидан эканини танқидчи инкор килимас керак. Демак:

«Эгоист! — деди Муҳсина хоним кўзларига ўш олиб. — Мени зор қақшатиб кетмоқчимисиз!..

Яхшибоев бирор дақиқа кутиб турди — Муҳсина хонимга ҳаяжонини босишига имкон берди. Кейин, хотини жўнроқ тусга тушгач, секин давом этди... Ўйладики, хотинми шу, фарзанди шулар, қузғун-ку, ўлаксаҳўр! Пойлаб туришибди-ку! Тезроқ ўла-қолмайсанми, ўртоқ Яхшибоев?.. Мехрин пулга сотиб олгандан кейин, юришдан не мурод?...»

Еки:

«Яхшибоевнинг димоги ачишди, кўзларига жиққа ўш қўйилиб келди... Муҳсинахоним чўчиди, бир муддат кўзлари жовдираб турди, сўнг йинглаб юборди... Эрининг кўксаига бошини қўйди. Яхшибоев у ялди. Елғон, деб ўйлади, килиб юрган касбида.

Муҳсина хонимнинг саҳна машки зўр эди, бир дақиқалик «кўримли манзара» асносида кўлларини каравот четига тираб турган эди...»

Романдан нукул «трагедия ва шафқатиша ҳақиқатлар тасвири»ни талаб килавериши тўғри бўлармикин ёки, ҳеч бўлмаса, юқоридагидай ҳолатларнинг замирига чуқурроқ назар ташлаш фойдалимикин?

М. ОЛИМОВ. Яхшибоевнинг оқимга туштандан кейинги ижтимоий ва ижодий ҳаётигина комедия. Лекин унинг интим ёки оиласив ҳаёти — яхшигина драма.

Яхшибоевдек нуфузи баланд, бир ишора билан унча-мунча одамни йўқдан бору бордан йўқ қила оладиган, эшигидаги ҳодимга сақлаб, «очерқ»ю романдарини чоршанбиларнинг қўли билан ёзадиган, босиб ётган жамгармаси билан «фосиқ хотин» у «оқнадар фарзанд»ларнинг кўзини ўйнаби, атрофида гирдикапалак қилиб юрган одам, боя Мусурмон таъқидлаганидек, мўйсафид боши билан пайпоқларини ювади. Нима бу? Узига хос драмами? Хўш, бу драманинг сабаби нима? Муҳсина хонимнинг ўлардай танбалу, боз устига, пошшойимлардай танноз хотин эканлигими? Йўқ. Муҳсина ундан аёл эмасди, эҳтимол, дурустгина хотин бўлиб қолиши ҳам мумкин эди. Лекин нима бўлди-ю, фалакнинг гардиши тескари айланиб, илгариги илик муносабатларга дарз кетди. Муҳсинага уйланган, ундан бир фарзанд кўриб, иккинчисини кутаётган Яхшибоев Олияни яхши кўриб қолди. Бироқ кутилмаганда бу савдоға Ошно араплашди. Яхшибоев тавалло қил-

ди: «Сендан дўстлик тама қилмайман, майли, ўз холимга қўйиб бер, мен шу Олияга уйланан...» Бу гаплар кор қилмагач, иддаога ҳам ўтди. Лекин барчаси бекор. Яхшибоевнинг бу азми Ошно тарҳини тузган тақдирга тўғри келмас эди. «Энди сен гапга тузукрон кулок сол, деди (Ошно — М. О.), сен Мұхсинасиз яшашинг мумкин, лекин мен Мұяссадан воз кечолмайман, Мұясса Мұхсинадан воз кечолмайди, мен сендан воз кечолмайман... бу ёғига чидайсан, жўра... кўриб турисанки, бу ҳалқани ҳеч узиб бўлмайди... Мұхсина сен ўйлаганчалинг ёмон эмас: аклли, дидли аёл, танилиб боряпти, энди сен болалари билан кўчага қувиб чиқарсанг, эл нима дейди?»

Хуллас, бу мунозара Ошно кучлини қилди: Яхшибоевни «номаъкул» қароридан қайтарди.

Хўш, оқибат нима бўлди? Оқибат шу бўлдикси, ўртадан меҳр кўтарилиди, кўнгилда бир армон қолди. Касалхонада Яхшибоев хотинининг дийдиларидан безиб ҳаёлга чўмади: «Мен асли Олияга аталган эдим, лекин сенга насиба қилиб белгилашди, йўриқдан чиқиб кетолмадим, ўзимни сотдим...»

Хўрлиги келди. У айни хотиротдан қочиб яшарди. Айни хотиротни ўйласа бас, ўзини ерга отиб ургиси келарди».

Лекин тақдирнинг бу ўйинида Мұхсинасизнинг ҳам ўз ҳақлиги, ўз ҳақиқати бор. У, боя айтганимиздек, онасининг қорнидан «фосик хотин» ёки «шанги ёсуман» (Яхшибоевнинг тальбирлари) бўлиб тугилганди.

Мұхсина Назарин еру кўкка ишонмай севар эди — унинг барваста вужудини, мардона феълини, борлигидага гупурган йигитлик, ёшлик оташини... Мұхсина буарлинг барчаси факат ўзиники бўлишини, факат ўзига аталишини истар эди. Лекин Олия масаласи ўртага тушгандан кейин у Яхшибоевнинг қалби ўзига атальмаганини ва атальмаслигини англаб етди. Яхшибоев яна домига тушгач эса, қадр топмаган меҳр-муҳаббати учун ундан қасос олиш йўлига ўтди. Мұхсина хоним санъатда ким бўлишидан қатъни назар, ҳаётда ўз қадр-кимматини биладиган, икки одамнинг турмушида меҳр нимаю қалб нима экинини етарлича тушунадиган ўзича ориятли, ўзича кучли аёл. Лекин Яхшибоев касалхонага бирор-бир дардига шифо истаб боргани йўк, у амалда уйидан бош олиб чиқиб кетди. Мұхсина хоним Яхшибоевни қатъий режа асосида, атайн, маҳсус мана шу кунга ёки кўргиликка дучор қилди. Бир вакътлар Яхшибоев уни меҳрга зор қилган эди, энди у Яхшибоевни худди ўшандай ахволга солди. Қайтар дунё!

Ш. РИЗАЕВ. Мен юқорироқда романни шахснинг емирилиши ҳақида ги асар деб айтдим. Бу жараённи тадқиқ этиши учун ёзувчи Яхшибоев билан Ошнонинг бутун онгли ҳаётини Яхшибоев хотиралари тарзида ифодалайди. Нисбатан холис никоҳ бўлиши учун Сайдқул Мардон — қиссанавис

образини киритади. Ўқувчига шу икки никоҳ (гоҳо асарни ўқиши жараёнида учинчи никоҳни — авторнинг ўзини ҳам сезиб турасиз) орқали Яхшибоев ва Ошно шахсиятининг тадрижини кўрсатади. Шахс маънавий мувозанати бузилишининг сабаб ва оқибатини тадқиқ этади.

Р. ҚЎЧҚОРОВ. Кечиравис, шу ерда гапингизни бўламан. Ҳақиқатан ҳам «қиссанавис» қисмининг ёзилиш услуби «Манзарапар» никидан сезиларли фарқ қиласди. Эътибор беринг: масалан, кўчат экиб боғ яратиш эпизодини қиссанавис самимий бир завъ билан, ўйлар ниҳоясида барибир Яхшибоевга ачиниш ҳисси билан эсласа, Яхшибоев учун бу кун Сайдқулнинг «итдай ишлатилгани» билан мароқли, холос.

Ш. РИЗАЕВ. Ҳа. Худди шунинг учун ҳам Сайдқул Мардон асарда иллюстратив образ эмас. Унинг ҳаёти Яхшибоев ҳаёти билан ёнма-ён тасвirlаниб борилади. Езувчи асарни маҳсус шундай қуради. Зеро Сайдқул Мардон ҳам Ошнога ошно бўлиши, яқинлашиши мумкин эди. Ҳеч бўлмаганда. Ошнонинг ёки Яхшибоевнинг чоршанбиларидан бирни бўлиши мумкин эди. Асарда Сайдқулни «чоршанби» қилишга бир неча марта уринишлар кўрсатилади ҳам. Аммо Сайдқул «чоршанби»га айланса, ўша ерда унинг тасвири тугар эди, чунки унинг тақдирни ҳам Яхшибоев тақдирига айланиб қолар эди. Езувчи мазкур образдан ўқувчи учун муқоясани кўзда тутади. Яшаши мумкин экан-ку, кутқулардан сақланиш эвни қиласа бўлар экан-ку, деган бир ҳақиқатга ўқувчини ҳам, қолаверса, ўзини ҳам ишонтироқчи бўлади. Сайдқулнинг укаси бўлиши мумкин бўлган одамнинг ёди учун изтиробли кечинмаларни ҳазин, дардич, ҳалқона бир мунгли оҳангда жуда таъсирил тасвirlар экан, беихтиёр Яхшибоев билан Сайдқулда маънавиятнинг қадри, нисбати қай даражада эканлиги ҳақидаги қиёслар ҳаёлга келаверади. Ҳўш, Яхшибоевда ўша маънавиятнинг қадри қандай? Биргина шу масаланинг ўзи Яхшибоев шахснинг тадрижини кузатиш учун кифоя. Назарин Олия билан муҳаббати сўндирилишига кечган ҳам ташки, ҳам ички ҳаёти мутаносиб. Ҳаётининг ана шу палласида у ўзлигини сақлай билди, фожиани кўриб юракдан йиглай олди, эл дардига эш бўлишни ўйлади, Булдуруқда — илдизлари томир отган жойда рўзгор, бола-чақа қилиб, ҳаётга, табиатга ошуфта яшаб ўтишдек тақдирни тилади ўзига. Ун томлигидан қоладигани ўнтача ҳикояни ҳам шу кезлари ёзди. У истеъоддли эди, пок эди, маънавияти бутун эди... Аммо... ўша олижаноблик билан берилган қурбон Яхшибоевда маънавиятнинг секин-аста қадрсизлана боришига, пиорвардида эса инкизорига олиб келди. Яхшибоевни оқлаш ҳам мумкиндай. У ўз севгилиси Олия учун одамлигини қурбон қилди. (Шундан кейин ҳам Яхшибоевни «мураккаб образ эмас» дейиш мумкини?) Му-

ҳаббати учун маънавиятидан воз кечди, аммо юрагига алам тугди, ўч олиш нияти билан (аввал Ошнодан, кейин одамлардан, дунёдан ўч олиш нияти билан) қолган умрини ўтказди. Истеъоддини майдаю йирик интригларга сарф этди. Гарчи Яхшибоевни ҳеч бўлмас тушуниш, унга ҳамдарлик билдириш мумкин бўлса-да, барibir эътироф этолмайсиз. Чунки дунёда муҳаббатдан юқорироқ турувчи қадриятлар ҳам бор! Нахотки севгилиси учун тақдирини қурбон килиб инсонийлик қила олган кимса аламдан бирин-кетин бор маънавиятини, сўнг эса ҳалқ, Ватан туйғусини ҳам қурбон қиласа? Шуларнинг тагида яна бошига бир каттароқ кутку, каттароқ сабаб йўқмаки?! Назаримда, кутқулар ичидаги улканроғи — Назар Яхшибоев ва яхшибоевчиликнинг мояхият сабаби — эътиқодсизлик. Агар Яхшибоева сабит эътиқод бўлганида вақтнчалик ожизлик умрбод аламга, маънавиятнинг буткул инкизорига айланмаган бўлар эди. Буни Яхшибоевнинг ўзи ҳам билади: «Қизик, деб ўйлади (Яхшибоев — Ш. Р.), худо бўлса, агар худо нариги дунё деганлари бўлса, охиратда юзлаши эҳтимоли бўлса... ўшандайм олармидим? Иўк, ололмасдим, кўрқардим!..» Демак, эътиқодсизлигини Яхшибоевнинг ўзи ҳам эътироф этяпти.

Яхшибоев-ку тақдирни яшади, бироқ эртанинг яхшибоевлари — бугунги чоршанбилар-чи? Уларга эътиқодни ким топиб беради? Ахир яхшибоеву ошноларнинг буткул кечмиши агар худо бўлмаса, ҳақиқати, маънавияти, адолати, поклик-ҳалолликми, кай бир муқаддас туйгуларни эътиқод даражасига кўтармоқликни, шуларгагина сиғинмоқ кераклигини таъкид этмайдими?! Яқин келажакда чоршанбилар, ҳақиқатан ҳам Яхшибоев тушуда қайта-қайта кўрганидек, Яхшибоевни қизгиш деворга тираб кўйиб, сархил-сархил ноклар билан урармикан?! «Лолазор» романни шу ниятда ёзилган. Езувчи бир шахснинг, шахсларнинг емирилишини бадий тадқиқ этиши аносисида барчамизни «кечаги, бугунги ва эртанинг куннинг ҳам мувакқат, ҳам абдий мувакқати ҳақида жиддий, «чукур ўйлашга, дард чекишига» ундаомқда.

Р. ҚЎЧҚОРОВ. Езувчи сиёсий юзислизни Александр (Искандар) Шоймарданов образида ўзига хос яратган. Бу одам исми билан кўшиб элини ҳам сотади, ҳалқнинг тақдирини ўртага тикиб ўйнайди, ўйнатади. Умуман роман қаҳрамонларининг фаoliyati, Яхшибоевнинг ўзи тан олиб ўйлашича, қўйирчоқ ўйнатишга ўҳшаб кетади. Фақат, бу қўйирчоқбозлик болалар театри саҳнасида эмас, ҳаётда, сиёсатда, балоғатда етмаган элнинг кўз олдиди, унинг елкасига курилган саҳнада юз бераверади. Қурбоний ва Тўпориларни Яхшибоев ўйнатади, Яхшибоевни Ошно, Ошнони бўлса Катта Паҳтакор. Даҳвоқе, Катта Паҳтакорнинг ўзи ҳам жуда унақа муста-

кил эмасдай. Агар яхшибоеву ошнолар қўйирчогининг остига қўл тиқиб ўйнатиладиган туридан бўлишса, Катта Пахтакор марионет қўйирчоққа ўхшаб кетади. Романда, эслайсизми, мана бундай жой бор:

«Катта Пахтакор: «Надо!» деб турди.

Ошно унга жүр бүлди: «Надо!»

Катта Пахтакор шахсан ўзи яна бир бор келиб кетди «Надо, Харунчик!» Бу гал овозида норозилик бордай эди: Ю корининг талаби шу!» (Таъкид М. М. Дўстники.)

Катта Пахтакорнинг (Катта Қўғир-чоқнинг) ишлари шу юқори нинг кўулларида ўйнаса, ўз навбатида, бу ўйнатувчи қўлларга ҳам қандайдир ишлар боргланганини тасаввур қилиш қийин эмас...

М. НОМОЗОВ. Ҳеч бир одам жи-
ноятычи бўлиб түғилмайди. Уни ша-
роит шунга мажбур қиласади. Яхшибоев
билин Ошно ҳам шундай бир му-
хиттада тасвирланадики, бу ерда иста-
санг-истамасанг ўзинг хоҳлагандай
эмас, ўзгалар хоҳлагандай, шароит
тақозо қиласандай яшашга мажбури-
сан. Яхшибоев билин Ошнонинг шун-
дай бўлиб колишида улар яшаттаган
муҳит айбдор. Ошно ўзгалар назар-
ирида покиза бўлишига ҳаракат қиласади,
лекин бу «ўзгалар» назаридағи поки-

залик, тозалик анкета тозалигидан бошқа нарса әмас.

Күнгли истаб, бошқаларни ўйлаб бер иш қилишга ўрганмаган, шароитга қарши бормасликка интилган Ош-но вақти келип ноилож Тўпори, Зоҳид кабиларга инон-ихтиёрир берилбўяди. Камбағал қишлоқда бева Кунсулувга уйланиб умр ўтказиш, шаҳарда эса яхши ишга жойлашиб, демакки, бой-бадавалт бўлиш имконлари тўқнашганда шаҳарни танлаган Яхшибоев аста-секинлик билан ўзига, ўз истакларига қарши боришига ўрганди...

Яъниким, ҳар икки ошно ҳам шароитга қул бўлишга, қул бўлгандаям қойилмақом кул бўлишга ўрганди.

Р. КҮЧКОРОВ. Мұхтасар ки哩п айтганда, ҳаёт атамыш нозик бир синов, иккі йўқлин оралиғига тасодиф-ла пайдо бўлган юракнинг омонат тиширалии давомида кўзининг, ақлнинг, қўлнинг, лунжнинг талвасасини ўзида мужассам этган НАФС ўз инқизорига ҳам манфаат юклashi, бу ўлик ва тирик манфаатлар ОЛОМОНдан ХАЛҚ қа айланиси га шошилмаётган миллионлаб кишиларнинг ҳозирча англамаган манфаати устидан кун кўраётгани — «Лолазор» романининг асосини ушлаб турган гоявий ва бадийи хукмдир.

РЕДАКЦИЯ ДАН

Азиз журналхон! Мана, фаол ёш танқидчиларимизнинг Давра сұхбатидан сиз ҳам оғоз бўлдингиз. Ўйлаймизки, Мурод Мұхаммад Дўстининг «Лолазор» романини («Шарқ юлдузи» ж., 1988 й., 3—5-сонлар) ҳам ўқигансиз. Демак, ўз фикрларинизни матбуотга эълон қилинаётган фикрмуюлозалар билан қиёслаш, тўгри хулоналар чиқариб олиши имкони бор Сизда. Адабий танқиддан кўзланган мақсадлардан бирни ҳам шу-да, асли. Табиийки, романнинг ўзи ҳам, ушбу Давра сұхбати ҳам ҳали кўп баҳс-мунозараларга сабаб бўлади. Зеро, ҳеч ким, ҳатто энг зуқсан танқидчиларимиз ҳам ўз фикрини мутлоқ тўгри деб айта олмайди. Баҳсда эса, ҳархолда кўп нарсалар ойдинлашади. Шунинг учун ҳам адабий танқид бўйли бундан бўйён ёш ёзувчи-шоурларимизнинг бадиий салмоқли асарларини мунтазам шу гарз кўрикдан ўтказиб боришни режалаштириди. Барча ёш танқидчичи, адабиётшуносларимиз жуҳокамаларда фаол иштирок этади, деган умиддамиз.

Сизнинг назарингизда, янги чиқа-
ётган қайси асарлар алоҳида эзти-
борга лойиш? Ешларнинг қайси зўр
асарлари адабий танқид назаридан
четда қолиб кетган? Қайси асар ху-
сусидаги баҳслар Сизни қониқтир-
маган ва унинг давом этишини истай-
сиз?

Жавоблар ингизни кутамиз.



Күргим келди. Күзларингга термұлгим келди,
Бир дам бўлсин ёнингда жим ўлтиргим келди.
Кўнглимдаги ўтни бир зум сўндиригим келди,
Сен йўксан. Сен йўксан. Сен йўксан.

Үз ахволим үзимга чин — сенга билинмас,
Сенсиз умрим умр эмас, куним кун эмас,
Күзларимга сендан бошқа ҳеч ким күринмас,
Сен йўқсан. Сен йўқсан. Сен йўқсан.
Нечун сенга бунчалар мен, оҳ, кўнгил кўйдим,
Борлиғингни борим дедим, боримга йўйдим.
Борлиғимга йўйдим, аммо зоримга тўйдим,
Сен йўқсан. Сен йўқсан. Сен йўқсан.

Вакт

Эртак айтиб беринг, деб
Болаликда ҳар оқшом,
Бувимни саволларга
Күмиб ташлардим тамом.

У бир хүрсиниб шунда
Күлганича шикоят,
Сүнг күзида порлаб нур
Килар эди хикоят.

Гоҳ тонггача айтарди,
Түлқинланиб куюниб.
Уҳ тортиб қўярди гоҳ,
Гоҳида-чи суюниб.

Бошидан ўтган каби
Хар бир эртаги гүё,
Аралашиб кетарди
Үз умри-да доимо...

Ичидан түкирмиди,
Айтармиди билганин,
Хеч фарқига бормасдим
Елеондисгин, чиндисгин.

Энди билсам, эртакмас,
Тарих экан у гаплар.

Шу тарзда туғиларқан
Эңг ҳақиқий әртаклар.

Энди эртак айтинг, деб,
Кенжатойим ҳар оқшом
Үша эски гапларни
Менга ёғдирар мудом.

Чүкүр хүрснинб мен ҳам
Хаёл қилиб ниҳоят,
Күзларимда порлаб нур
Қиласадурман ҳикоят.

Бошимдан ўтганини
Эртак қилиб айтаман.
Күрган-кечирғанларим
Едга олиб қайтаман.

Хеч ёлғон түқимасдан,
Айтгумдир үтган гапни.
Яратаман шу тарзда
Энг хакикий эртакни.

Фақат ном, шаҳар ўзга,
Ўзга бўлар вақт, макон.
Аммо юраги ўша,
Кечмиши ўша ҳамон!..

Дўстмурод
Абдураҳмонов

Ҳалқнинг ўзидан сўранг

Мен йигирма тўқиз йилдан бери деярли ҳар йили бир марта бир ойлик муддат билан ўзбек шеваларини ўрганиш бўйича илмий экспедицияда бўлиб қайтаман. Тошкент, Сирдарё, Жиззах, Самарқанд, Бухоро, Қашқадарё, Сурхондарё областларида (уларнинг бавзиларидаги бир неча марта) бўлдим. Бу жойлардаги ўзбек шеваларини ўрганиш билан бирга шу шевалар вакиллари бўлган ҳалқларнинг этник состави (урғуф-аймоқларга бўлниши), шажараси, ўтмишда қандай ҳалқлар билан муносабатда бўлганлиги, ҳозирги тил ва этник мұҳити, расм-русларни ва қадимий урғ-одатлари, азалий машғулоти, касби-кори, фольклори ҳамда уларнинг мөддий ва маънавий ҳаётларининг яна бошқа бирқанча соҳаларига доир кўплаб ажойиб маълумотлар тўпланди, ҳар хил текстлар ёзиб олинди. Шу муносабат билан айрим этнографик адабиётларда (масалан, Ўзбекистоннинг районлаштириш бўйича эълон қилинган ишларда) ана шу областлардаги аҳолининг этним состави, топонимиаси ва тарихига доир янгиш ва хато маълумотларнинг ҳам мавжуд эканлиги маълум бўлди. (Масалан, баъзи уруғларнинг номлари, тарқалиши хотўғри кўрсатилган, топонимлар янгиш талқин қилинган ва ҳоказо).

Ўзбекистоннинг турли районларида олиб борилган кўп йиллик кузатувлар, йиғилган бой ва хилма-хил материаллар одамнинг бир тушунчага бўлган ишончи ва эътиқодини борган сари орттириб боряпти. Бу — ҳалқнинг ўзи тарих, деган тушунчадир. Тўғри, бундай тушунча аввалдан мавжум, лекин биз, айниқса, мутасадди илмий жамоатчилик бунга кам эътибор берамиз. Ўзбекистон ва ўзбек ҳалқнинг ўтмиш тарихига доир бой фактик материал ҳозир ҳам ҳалқнинг ўзиадидир. Тўғри, Ўзбекистон ва ўзбек ҳалқнинг тарихи ҳақида совет олимлари ёзган асарлар, кўлёзма шаклидаги кўплаб ноёб тарихий ки-



тоблар, археологик қазишмалар ва этнограф олимларнинг йиқсан материаллари ҳамда турли даврларда курилган тарихий обидалар яхши маълумот беради. Булар ўзбек ҳалқининг ва Ўзбекистоннинг тарихини ёзишда асосий манбалар бўлиб хизмат қиласиди. Шу билан бирга Ўзбекистон ва ўзбек ҳалқининг мукаммал ва системали тарихини ёзишда тил материаллари ҳам жуда катта аҳамиятга эгаидир. Бу борада Ўзбекистон топонимиаси (ер, сув, жой номлари)нинг материаллари айниқса қимматли бир манбадир. Топонимларни бекорга «ернинг тили» деб айтмаганлар олимлар. Уларда ҳалқимизнинг ва ўлкамизнинг тарихига доир жуда қадимий ва ноёб маълумотлар бекиниб ётиди. Шунга қарамади, Ўзбекистон топонимиасини илмий жиҳатдан ўрганиш ишига эътибор берилмай келинаётди. Бу соҳада ўз ҳолича иш олиб бораётган айрим ўзбек тилшунослирининг фаoliyatlari кўллаб-кувватланмай келинади. Мақола, китоб, диссертация тарзида якунланган илмий ишлар ёки ўзбек шевашунос олимларининг бу соҳадаги тўплаган материаллари ва тадқиқотлари эса, Ўзбекистон тарихи билан шуғулланувчи олимларимиз томонидан ўрганилмаган, умумлаштирилиб ишлаб чиқилмаган, улардан тарих ёзишда фойдаланмай келинмоқда. Хатто Ўзбекистонда топонимия билан шуғулланадиган бирор илмий ташкилот ёки бўлимнинг йўқлиги жуда ачинарли бир ҳолдир. Ўзбекистон топонимиасини илмий асосда мукаммал таршиш ишини планлаштириша ва уни тўғри ташкил қилиш вазифасини хеч бўлмаганда Ўзбекистон Фанлари академиясининг президиуми ўз кўлига олиши керак. Республикаимиз ҳаётида юз бергаётган иқтисодий, ташкилий-маъмурий ўзгаришлар, хусусан, бир областдан иккинчисига аҳолининг кўчирилаётганини, қишлоқлар ва област-

ларнинг йириклишиши, ердан ва экин майдонларидан фойдаланиш ишларини баъзан қайта ташкил этиш ва ҳар хил курилиш ишлари каби факторлар ержой номларининг ўзгариб кетишига, уларнинг бир қисмининг эса тамоман йўқолиб кетишига ҳам таъсир этади. Шулар билан бирга ҳалқимиз ва ўлкамиз тарихининг «кинич-кинич бўлакчалари» ҳам йўқолиб, унтилиб кетади. Биз ҳали шу пайтгача Тошкент, Андижон, Наманган, Марғилон, Фарғона, Ўш, Ўзган, Асака, Бухоро, Термиз каби кўплаб шаҳарларимиз, катта-катта дарё ва кўлларимиз номларининг маъноларини билмаймиз, улар ўрганилиб, тарих китобларига, ўрта ва олий ўқув юртига мўлжалланган дарслекларга киритилиши лозим. Бундай маълумотларнинг Ўзбекистон тарихини бойитишдан ташқари, ёшларимизни ватанпарварлик руҳида тарбиялаш ишида ҳам аҳамияти бекиёсdir.

Ҳалқимиз ва ўлкамиз тарихи учун муҳам бўлган яна бир маъба — ўзбек шевалари лексикасида сақланиб, лекин йилдан-йил камайиб бораётган тарихий сўзлардир. Сўз ҳам тарих, у ҳам тарихий обида. Ҳар бир тарихий сўзда ҳалқимиз тарихининг кичик бир «бўлакчаси» ифодаланган бўлади. Республикаимизнинг турли регионларида азалий мавжуд бўлиб, сўнг йўқолиб кетган ёки қисман ҳар-ҳар ерда сақланиб қолган қадимий ҳар хил хўжалик соҳалари, турмуш тарзининг бирор соҳаси, расм-русларни, урғ-одатларнинг излари сўзларда сақланиб қолган. Ҳалқимизнинг 70—80 ўшлардаги кекса авлодининг тили, нутқи, сўз бойлиги, сўзлаш услуги билан 18—20 ўшлардаги авлоднинг сўз бойлиги орасида жуда катта фарқ борлиги сезилиб турибди. Мен ҳар сафар экспедицияда бўлганимда бу ҳақиқатга амин бўлмаман ва отахонларнинг сўз бойлигини ёзиб олишга ошиқаман. Ўзимнинг ўшим ҳам элликдан ошган бўлишига қарамай, умримда эшитмаган, «тутылмаган» ажойиб сўзларга дуч келаман. Бундай сўзларни ўрганиб, улар ёрдамида шу ҳалқ тарихининг бизга қоронги бўлган кўп қирраларини билиб, илғаб олиш мумкин. Андижон обlastida бўлганимда, қўргонеталик отахонлар билан кўп сұхbatлашдим. Улар бу ерда азалдан нўхат экилмаслигини, бунинг сабаблари борлигини сўзлаб бердилар. Бу ҳам кичик бир тарих. Бундай маълумотлар Ўзбекистонда, унинг турли обlast va районларида қишлоқ хўжалигининг қандай тармоқлари ривожлангани ва аксинча, қайси тармоқлари бўлмаганини, унинг сабабларини аниқлаш учун аҳамиятидир. Шу хилдаги анъаналарни ҳам ҳалқнинг ўзидан ўрганиш керак. «Ўз ерини ўз ҳалқи билади» деган нақл бор тилимизда.

Бошқа бир мисол: кўргонтепалик оқсоқоллар ўзларининг аслида Тоҷикистон Кўргонтепасидан келганликлари (ўз номлари билан) ҳақида қизиқ мъалумотларни сўзлаб бердилар. Бу ҳам эътиборли факт. Ҳар бир кекса авлод орамиздан кетганида ўзи билан жуда кўплаб ноёб сўзларни ва айни замонда тарихимизга, хўжалигигизга доир кўплаб маълумотларни, жой номларининг маъноларини ҳам абадий олиб кетади. Уларни ҳайта тўплаш мумкин эмас. Халқимизнинг тарихи, тили ва қадими маданиятига оид бундай йўқотишлар тез-тез бўлиб туриди. Ахир В. В. Радлов, П. М. Мелиоранский, А. К. Боровков каби улуғ олимлар қўлёзма китобларда археологик обидаларда акс этмай қолган тарихий фактлар халқнинг жонли тилида сақланган бўлиши мумкин деб неча бор айтишган эди-ку.

Ўзбек халқининг этник тузилиши ҳам кўп ийлардан бери конкрет территориялар бўйича атрофлича ўрганилмай келинади. Ўзбек халқининг ва тилининг тарихи, этногенези учун жуда мұхим бўлган масаланинг бу ахволда қолиши тамомила ачинарли бир ҳолдир. Бу соҳада қилинган ишлар жуда оз бўлиб, қаноатланарли эмас.

Хозирги пайтда катта-катта шаҳарларда ва уларга туташ бўлган қишлоқларда уруғ-қабилачилик излари деярли сақланмаган. Уларда тил (шева), маданият жиҳатидан яхлитлашган аҳоли яшайди. Лекин айниқса Тошкент, Сирдарё, Самарқанд, Қашқадарё, Сурхондарё, Хоразм областларида бундай ҳолга дуч келамиз: катта шаҳарлардан турли томонлар бўйлаб қишлоқларга юрганимиз сари аҳоли ҳар хил ургуларга бўлинib, этник жиҳатдан парчаланиб боради ва аксинча, узоқ қишлоқлардан йирик шаҳарларга томон юрилса, айниқса каттакатта марказий шаҳарлар ва уларнинг атрофларига келиб, аҳоли этник жиҳатдан бирлашиб, уюшиб яхлитлаша боради ҳамда уруғ-қабilaчилик бўйича бўлинishлар ҳам йўқолиб кетган бўлади. Этник тузилиш бўйича бундай хусусиятни қисман бўлса-да, Фарғона водийси районларида, хусусан Андижон областининг чекка (масалан Шарқий) районларида ҳам кўриш мумкин. Бу хусусият ўзбекистондан ташқарида, масалан, Қозогистон, Туркменистан, Қирғизистон, Тоҷикистон республикаларида ва Шимолий Афғонистонда тарқалган ўзбеклар орасида ҳам ҳозиргача яхши сақланган. Бу ҳолат ана шу ерлардаги хилмат ӯзат ўзбек уруғларни, уларнинг ҳаётидаги қадими-anъанавий уруғ-қабilaчилик муносабатларининг сақланиши даражасини жуда аниқ ўрганишни тақозо этди. Бунинг учун эса ўша ерларга бориш керак, у ерлардаги ўзбек аҳолисининг кекса авлоди хотириаси ва ҳофизасида сақланиб қолган маълумотларни зудлик билан ёзиб олмоқ, ўрганмоқ керак.

Ҳолбуки, ўзбек халқининг этник тарихи ҳақида тарихий, тилшунослик-

ка доир айрим китоб ва мақолаларда, дарсликларда «Ўзбек ҳалқи этник жиҳатдан яхлитланиб бўлган», «уруғ-қабилавий бўлинишлар йўқолиб, улар ўзбек ҳалқи таркибига сингиб кетган» каби хотүғри фикрларни тез-тез учратамиз. Бундай мулоҳазалар бу масалани чуқур ва тўғри ўрганилмаганинг оқибатидир. Этник гуруҳларнинг «сингиб кетиши» барча обласлarda бир хилда ва бир текисда эмас. Шунингдек, ўзбек халқининг туркӣ бўлмаган бошқа (эроний, араб) халқлар билан ҳамда мўғул ҳалқи билан бўлган тарихий муносабатлари ва уларнинг ҳозирги этник тузилишдаги кўринишлари ҳам етарлича ишланган эмас. Умуман, этногенез масаласи билан ҳеч ким жиҳдий шуғулланмайтири. Бир масала ҳам тарих, этнография, тилшунослик, хусусан шевашунослик каби бир неча соҳа олимларининг муштарак иши бўлмоғи керак. Тил материализис этногенез масаласини ҳал қилиб бўлмайди.

Шажара ҳам бир тарих. Халқимиз орасида катта ва кичин шажаралар мавжуд. Ҳозир ҳам қишлоқларда уруғ-қабила ва аждодлар шажараларини, уларнинг тарқалиш тарихини яхши биладиган ўқимишли, зуко отахонлар учраб туради. Кичик бир мисол: ўғил — отанинг боласи; невара — боланинг боласи; эвара — эваранинг боласи; чевара — чеваранинг боласи; пайнева-ра — чеваранинг боласи; кунун невара — пайневаранинг боласи; ёт невара — кунун неваранинг боласи. Еки: «Мен — болам-невара-чевара-эвара-кавара-дувора — томдан итариб юбора» (бегона дегани) каби шажаралarda етти авлод, уларнинг кимлиги, қаेरларга тарқалганилиги, нуғузи, ижтимоий аҳволи каби маълумотлар ҳам кексалар эсида сақланганлиги каби фактларга дуч келамиз. Бундай маълумотларни тўплаш ва уларни синчилаб таҳлил этиш ҳам халқимиз ўтиш тарихини тўғри ёритиш ишига ёрдам беради. Ўзининг аждодлари ва насл-насаби тарихини яхши билиш, уларга содик бўлишнинг ҳозирги қайта қуриш пайтида тарбиявий аҳамияти йўқ эмас. Минг афсуски, бундай маълумотлар ҳам халқимиздан йиғиб олинмаган.

Халқимиз ўз тарихида турли-туман кўчиш-кўчирилишларни бошидан кечирган. Ҳар хил сабабларга кўра турли мавзеларда аҳолининг айрим қисмларини қайta жойлаштириш ишлари объектив ва субъектив сабабларга кўра юз бериб турган. Бу хилдаги тарихий маълумотларни яхши биладиган билимдом кексалар халқимиз орасида ҳали беради. Улардан бу хилдаги маълумотларни ҳам кечиктирмай ёзиб олмоқ керак. Чунки бир жойдан иккичи жойга йирикроқ бир гурух, аҳоли кўчиб бориб ўрнашса, ўша жойда улар тил ва бошқа этнографик белгиларга кўра қайта шаклана бошлади. Бу масала ҳам ўзбек халқининг тарихи, тилининг шакланиши ва ривожланиши босқичларини аниқлашда эътиборга лойиқ фактлардан бириди.

Маълумки, Ўзбекистонда сунъий суғориш, умуман, суғориш иншоотлари

тариҳи мұхим масалалардан бириди. Кичин бир мисол келтирай: Андижон областининг Кўргонтепа қишлоғидаги бир сұхбатда Маткарим ота Мадраҳимов, Азимбай ота Раҳмонов каби кекса отахонлар бундан бир неча аср муқаддам ер ости фишили қувур билан Ўшдан Ақбуғра сувини Кўргонтепага олиб келиниб, экин сугорилгани тўғрисида жуда мароқли бир тарихни батифсил сўзлаб бердилар. Бундай маълумотларни мен бошқа районлarda бўлганимда ҳам бир неча бор эшигтанман ва уларни дала дафтаримга ёзиб кўйганман. Бу хилдаги тарихий воқеаларга бағишиланган ривоятлар, қадими мақоллар, қўшиқлар, нақлларнинг халқимиз тилида кўплигини, хилма-хиллигини айтмайсизми? Булар ҳам тарихий фактлар сифатида хизмат қилиши мумкин.

Кўргонтепалик кекса дәҳқон Маткарим отанинг айтишларича, йил (табиат) уч марта янгиланади: қишининг чилласида, наврӯз (баҳор) ойида ва ашур (август) ойида. Бу хил янгиланиш дәҳқончиликда ҳисобга олининг. Чунки унинг ерга, дәҳқончиликка, инсонга, ҳам таъсири бўлади. «Наврӯзда ҳеч нарса олмасанг ҳам бир калиш олиб кийи», дейди халқимиз...

Ҳалқ хотирасидаги тарихий маълумотларни тўғридан-тўғри илмий тарихий китобларга кўчириб ёзиш керак, демоқчи эмасман. Бундай маълумотларни ўрганишнинг илм учун фақат фойда келтириши мумкинлиги ҳақида.

Ҳуллас, донон халқимиз кўп нарса билади. Унинг ўзидан ўрганиш керак: дәҳқончилик, ҳунармандчилик, чорвачилик каби ҳалқ хўжалигининг бошқа кўплаб соҳалари тарихини бўйича ҳам қимматли маълумотлар ҳали халқимизнинг хотирасида сақланиб келади. Булар эмас, ҳатто босмачилик ҳаракати ва Октябрь инқилоби воқеаларига доир китобларимизда мавжуд бўлган хато ва чалкашларни бартараф этиш, уларга аниқлар киритиш учун ҳам ҳалқ орасида юриб, унинг ўзидан сўраш лозим бўлади.

Мен Ўзбекистон ва ўзбек халқининг тарихига доир ўрганиши керак бўлган базъи қирралар ҳақида қисқа-қисқа тўхталиб ўтдим. Бунинг сабаби халқимизнинг хотирасида «комонат» ҳолда турган тарихий маълумотларни кечиктирмай йиғиб, тўплаб олишга бўлган ёхиётининг ҳозирги қайта қуриш йилларида жуда мухимлигидир. Юкорида билдирилган мулоҳазалар ва ўзимнинг ўзбек шеваларини ўрганиш бўйича олиб борган ишларим натижаси ўлароқ шундай бир хуносани баён этмоқчи-ман: ҳозир тарихчи олимларимиз «Ўзбекистон ССР тарихи» деб аталган ўзбек ҳалқи ва Ўзбекистоннинг саккиз жилдик тарихини ёзишга киришдилар. Лекин, бизнингчча, ана шу катта тарихни ёзишдан олдин лоақал иккى йил, яни ҳар йили бир ойдан иккى марта (баҳорда ва кузда) бутун Ўзбекистон областларида тарқалган ўзбеклар орасида комплекс илмий экспедиция ўюштиришлари керак. Бундай экспедиция маҳсус тай-

ёрланган сўроқлик бўйича олиб борилиши ва экспедиция составида академиклар ва мухбир аъзолар, етакчи ва иирик-ийрик олимлар: тарихчилар, этнографлар, археологлар, тилшунослар, адабиётшунослар, шоирлар, ёзувчилар, журналистлар, қишлоқ хўжалик ва бошқа муҳим соҳаларнинг мутахассислари албатта уюшган ҳолда иштирок этишлари лозим. Ана шулар иккى йил мобайнида, худди яқинда Москвадан уюштирилган Орол экспедициясига ухшаб, ўзбекларнинг тарқалган территориясини тўлиқ айланиси, ўрганиб чиқишилари ва халқимиздан тўплланган материаллардан тарих ёзишда албатта фойдаланишлари шарт. Чунки 20-йилларнинг бошларида республиканни районлаштириш муносабати билан нисбатан шошилинч равишда ўтказилган текширишлардан бу ёғига бундай комплекс экспедиция деярли уюштирилган эмас. Ҳозирги пайтда, назаримизда, шундай илмий экспедиция бўлган эҳтиёж жуда ҳам сезилиб турибди. Комплекс экспедиция материаллари халқимиз тарихига доир айрим янгилиш қарашлар, нуқтаи назарлар ва илмий масалаларга аниқлик киритиш, уларни тўғри ёритиш исига ҳам шубҳасиз кўмаклашган бўлар эди.

Модомики, ўзбек халқининг фундаментал тарихини илмий-объектив равишда ёзиша киришилган экан, энг аввало' халқнинг ўзидан сўраш керак! Тарихни халқ яратади, халқнинг ўзи — тарих.

Саккиз жилдан иборат бўлган бу иирик асарнинг номланишини ҳам пухта ўйламоқ керак. Илгарилари «Ўзбек халқи тарихи» дейилар эди. Сўнгра «Ўзбекистон тарихи» деб аталди, ундан кейин эса «Ўзбекистон ССР тарихи» (иккى жилдлик) деб нашр этилди. Бизнинг назаримизда, учинчи ном илмий жиҳатдан ҳам, воқеаларнинг ҳажми ва мазмунига кўра ҳам мақбул эмас. Чунки «Ўзбекистон ССР тарихи» дейилгандан Ўзбекистоннинг совет давридаги, хусусан 1920 йилларидан кейинги даври тушунилади. Ундан олдинги ва қадимий тарихий воқеалар баёни эса бу сарлавҳа ҳажмига сифатизи ва мос тушмайди. «Ўзбекистон тарихи» дейилгандан ҳам бирёзламалик бўлади. Бу ҳолда ҳозирги Ўзбекистондан четда, яъни Қозогистон, Қирғизистон, Туркманистон, Тоҷикистон ҳамда Шимолий Афғонистон ва бошқа ўлкаларда тарқалган, ҳозир ўша ерларда яшайтган ўзбекларнинг тарихи бу сарлавҳанинг ҳажмига сифатизи. Шунинг учун энг маъқули эски номга қайтишдир, яъни «Ўзбек халқи тарихи» деб ашаш ҳар томонлама тўғри бўлади. Чунки бу номга ўзбек халқининг совет давридаги ҳаётини ҳам киради. Шу билан бирга, «Ўзбекистон ССР тарихи» номли лоақал иккى жилдлик алоҳидага китоб ҳам ёзилиши керақ! Чунки Ўзбекистоннинг совет давридаги тарихини тўла ва мукаммал равишда маҳсус ёритишга эҳтиёж катта.

Нураётган обидами, хотира?

Ҳўжа Исмат Бухорий: «Хотирангни шундай тарбиялаки, тошга битилгандай мустаҳкам бўлсин», деган экан. Қадимий обидалар, ноёб тасвирий санъат дурданалари, нодир бадинят намуналари, буюк ҳалқ дарду андухининг тажаллиси. Акрополда (Афина) яшаган машҳур ҳайкалтарош Фидий шернинг тироғини кўриши биланоқ ҳайвон ҳайкалнинг бўйи-бастини, вожоҳатини белгилаб берар экан. Бизнинг жонли тарихимиз бўлмиш осори атиқаларга муносабатимиз ҳозирги даражада давом этаверса, келажакда обидаларнинг бирор тошини топган киши ҳам Фидийдай истеъдод соҳиби бўлиши тақозо этилмаса кошкиди.

Маълумки, қадимий биноларни қайта тиклаш ишлари ниҳоятда сифатизи бажарилмоқда: мутасадди ўртоқлар бунга ғиши маҳсулотларининг кўнгилдаги ден эмаслигини баҳона қиласидилар. Ўрта асрларда оби ғиши (квадрат шаклида) хуммонларда пиширилган. Кўкна хуммонларда сақлаб қолинмаган бўлса-да, XIX аср охири, XX аср бошлирида курилган хуммонлар ҳозир ҳам мавжуд. Вобкент район «Ленинград» колхозининг Ўбаи куолон қишлоғида шу кунларда иккى хуммон ишлаб турибди. Хуммонларнинг сонини кўпайтиришининг имкони бор. Тажриба шуни кўрсатадиги, хуммонда пишган лой ўти чидамли бўлади. Қишлоқда қадимдан қолган бир удум бор: хуммондан чиккан сополни (албатта, кўзани эмас!) куол бўйи баробар юқорига отганда синмаса, демак яроқли...

БИРИНЧИ ИСТАК: Бухоро, Самарканд, Хоразмдаги тарихий обидаларни қурган усталар, иморатлар тарҳини чизган муҳандисларнинг кўпчилиги маълум. Қадимий бинолар олдида ёки ичидаги бир лавҳа ўрнатилиб, яратувчинларнинг исми шарифлари қайд этиб кўйилса, хайрли бўларди.

Нақш — кўз учун куй

Улуғ тиб олими Муҳаммад Солиҳ ибн Қутлуқбий «Рисолаи ҳикмат»да ёзишича, кўз нурини тўфт нарса бақувват қилар экан: тез-тез устоз, донишмандлар сұхбатида бўлиш; оқила аёлга уйланиш; душманларни камроқ кўриш; қадимий обидаларга кўпроқ тикилиш. Эши улуғлар, биолог ва психологияр ҳам бу факти тасдиқлайдилар: киши гўзлар нақши уй, дераза, ҳатто рўзгор буюмларига даврий ҳолда қараб ўрганса кўз ва тан анча соғлом бўлар экан.

Шарқшунос олим Б. Ваймарнинг: «Нақш — кўз учун куй», деган гапида ҳакиқат бор. Зеро, Шарқ куйларининг хислатлари турфа хил. Нақшларга қарраганда кишида номсиз бир сокинлик пайдо бўлади. Халқимиз сокин куйларни шифобахш — хотирани тиyrانлаштирувчи куйлар, дейди.

Бухоронинг кўпгина биноларида ҳиснатлар нақш ўрнида ишлатилган: деворларга турли оялар билан бирга шеърий байтлар битилган. Байтларнинг аксарияти ҳалоллик, камтаринлик, маърифат, илм ва санъат ҳақида. Масалан, Мағоқи Атторон пештоқига қўйидаги байт ёзилган экан:

Дар баҳорон кай шавад

сарабз санг,

Хок шав, то гул бирўяд

ранг-баранг.

Мазмуни: Баҳорда тошга ёмғир ёғса ҳамки ҳеч нарса кўкармайди, Сен туркодай камтарин бўл, шундагина сендан турфа хил гиёҳ унади.

Отахонларимизнинг айтишларича, мазкур байтларнинг магзини чаққан киши эрталаблари Мағоқи Атторда бўладиган румийхонлик, ҳофизонлик, нағоийхонлик, бедилхонликларга қатнашар экан. Мумтоз адабиётимизнинг улуғ билимдони Камолиддин ибн Жамолиддин Эшон гувоҳлигича, Бухорода Дехзадийни «пир — устод» санар эканлар.

ИККИНЧИ ИСТАК: бизнингча, юқоридаги каби ибратли байтларни қайта тиклаш лозим. Халқимиз, энг ёмон китоб ҳам гўйбатдан яхши бўлиши керак, деб бекиз айтмаган. Танқиддан паст китоблардан кўра, бир байт ибратли шеър аъло!

Момотут ва Зарафшон фарёди

Наршах тепанинг жануб томонида кўхна бир момотут бор, ёши Лаби Хо-вуз тутларига тенг. Тепа ва тут ўртасидан Зарафшон оқади. Тепанинг номидан ва тарихдан маълумки, буюк тарҳи Наршахий шур ерда түғилган. Улуғ муаррихнинг юртида на унга аталган бирор кўча, на ёдгорлик, на боғ бор. Шул боис Зарафшон эртаю кеч Наршах тепага шивирлади: «Неча асрдирки Сенинг пойингда оқдим, яқинда ҳам бағдодий нақши дарвозант ва бир тошинг бор эди. Бугун-чи? Қадимий гор деб эътироф этилган гордан бир тўйнук қолди, уни ҳам тулкилар макон айлаган...»

УЧИНЧИ ИСТАК: Х асрда яшаб ижод этган буюк муаррих Муҳаммад Нар-

шахий номи билан аталадиган күча ва шу тела атрофида Наршахий номида бөг барпо этилса.

Минорами, сабр дарахти!

Қадимдан, ғаним ўнг томондан келади, деган гап бор. Чунки инсоннинг эътибори доимо чап томонда бўларкан. Вобкент минораси 1199 йилда бунёд этилган, баландлиги 45 метр. 1950 йилдан бизнинг кунларга қадар минора 4—5 метр кўмилган. Бу фактни мўйса-фидлар тасдиқлаши мумкин. Иккинчи ишончли далил бор: Бухородаги Минора Калоннинг юқорига кўтариладиган эшиккаси ёндош бинонинг томидан ҳам сал юқорироқда жойлашган — эшикка шу том орқали кирилади.

Миноранинг жануб томонидан Пешку — Вобкент марказий автомобиль йўли ўтади. Йўл билан минора ораси 4 метр! Ана шу йўл миноранинг ўнг томонидан келадиган ғанимдан ҳам ҳавфли. Йўлдан турил ҳажмадаги оғир юқ машиналари ўтади. Матъумки, автомобиллар йўлдан ўтаётганда ер қатламида мажбурий (механик) тебранишлар ҳосил бўлади. Минора яқин бўлганлигидан бу таъсир анча сезизларидир. Машиналарнинг чексиз даврий равишда ўтиб туриши боис муайян йўналишдаги тебранишлар минорага таъсир этмай қолмайди. Физиклар тили билан айтганда, бу икки тебраниш тасодифан бир хил частотада бўлиб қолса резонанс (бир таъсирга акс садо берувчи ҳолат) юз бериб, тебранувчи жисмнинг ёрилиши ва ҳатто қулаб кетиши мумкин. Тарихда бундай кўнгилсиз во-қеаларга мисоллар бор.

Ачинарлиси шундаки, миноранинг шимолий томони нишаблик. Универсал магазинидан минорагача бўлган кенгмўл майдоннинг ёмғир-қорлари минора остига қўйилади. Энг даҳшатлиси, Шарқ архитектура санъатидан бехабар мутасадди раҳбарларнинг «ташаббуси» билан минора ости қаҷонлардир гул этиш учун кавланиб, ариқча қилиб қўйилган. Қор ва ёмғир сувлари ҳар хил химиявий элементларни эртиб худди ана шу «гулзор»га олиб келади. Агар қишида бу сувлар музласа минора пойдеворидаги гиштлар шўрлаши, нураши ва дарз кетиши кузатилади. (Сув минус 4 даражада энг катта ҳажмани эгаллади).

ТЎРТИНЧИ ИСТАК: Вобкент минораси атрофида пиёдалар кўчаси ташкил этиш лозим, акс ҳолда, Шарқнинг энг гўзал архитектура ёдгорлиги бўлган 790 ёшли минорадан ажralиб қоламиз!

Тошга забон битса эди

Вобкент минорасининг шимолий-ғарбий томонида XV асрда қурилган бир мадраса бор. Сўнгги йигирма йил ичida беътиборлик натижасида мадрасанинг кўп қисми ҳаробага айлантирилган эди. Ҳозир унинг тўртдан бир қисми қолди, холос. Шу тарихий бинода 1931—1945 йилларда Киров номли ўрта мактабнинг ота-онасиз ўқувчилари яшаган. 1945 йилдан кейин мадрасанинг шарқий деворини хўжасизларча бузиб, ичida бозор ташкил этганилар. Мабодо, тошларга забон бит-

са, балки дардини айтиб-айтиб йиғлариди.


БЕШИНЧИ ИСТАК (тошлар тилидан): энг оғир йилларда ота-онасиз етимларни ўз бағримга олдим, бугун менинг бағримни «Дессерт бар» доғла-моқда. Шовқин-сурон муносибрөк жойга кўчирилиб, бағримда 1931—1945 йиллар хотираси учун музей очилса... Уша йилларнинг етимлари бугун ҳаётку ахир!

Юз йиллик боф қани?

Халқимиз ерга қараб инсонга баҳо беради. 1970 йилларда ҳозирги районом биноси ўрнида чинорлари осмонга бўй чўзган боф бор эди. Вобкентликлар уни ЧОРБОФ дердилар. Кўпгина байрамлар, ҳалқ сайллари шу чорбонда ўтарди. Ҳавоси тоза, салқин эди-да! 1950 йилга қадар унинг ичida тўртта ҳовуз бўлиб, етмишинчи йиллarda битта қолди. Ҳозир на бирорта дараҳт, на ҳовуздан нишона бор. Қизиги шундаки, бофнинг қурилишга ҳалақит бермайдиган тўртдан уч қисмини кесиб, ўрнини тап-тақир асфалт қилиб қўйидилар. Ўрнатилган иккита фаввора, бизнингча, ўшал чорбонинг кўзёшлиари.

ОЛТИНЧИ ИСТАК (фаввора тилидан): яшаб турган бофни-ку кесдиларингиз, янги бофни ким барпо этади? Вобкентликлар бугун қаерда дам оладилар? Фарзандларига, менинг болалигим шу ерда ўтган, деб сип-силлиқ асфальтни кўрсатадиларми?


Илҳом ФАНИЕВ,
Бухоро



Д. МУРСАЛИМОВ.
Н. Красильниковнинг «Ранг-баранг кунлар» китобига ишланган расмлар.

Абдулла АЙИЗОВ

ҲИР ГАП ДЖАР



Ҳакимжон олдинига Нодир Муслимовични «Танк» деб аташларидан ажабланди, ҳатто хафа бўлди. Тўғри-да, кимсан — факультет декани, институтнинг обрўли домласини қаердаги техника билан тенг килиб ўтириша-я!

Агар Ҳакимжоннинг кўлига газетанинг ўша сони тушиб қолмагандан эди, билмадик, у атрофдаги ларнинг пичингини эшитавериб, охири нима билан тугарди.

«...уруш майдонида танклар кудратли ва мустаҳкам техника эканлигини исботлади. Қанчадан-канча мураккаб тўсиқларни енгиб, душманларни зир титратди...»

— О-ҳо! Мана бу мақолани ўқишин ўша пичинг қиладиганлар. Одамларнинг ютуғини кўролмайдиганлар.

Ҳакимжон чор-атрофга фахр билан жилмайиб қаради-да, газетанинг шу жойини қирқиб олди ва камзулининг қўйин чўнтағига солиб қўйди. Шу-шу «ўз хўжайини»га қўйилган лақабдан кўнгли тўй.

...Қўёш асфальтни эриган шоколаддай билқиллатиб, шаҳар устида ўз ҳукмини ўтказиб турган бир пайтда, пойттахтда яшашни музқаймок еб ялло қилишдан иборат деб тушунган Ҳакимжон пайпоқсиз қишики ботинкасини ғурур билан кийиб сёршовкин пойттахтда пайдо бўлди. Аниқроғи, акаси Холмамат етаклаб келди. Ҳа, ўшанда Ҳакимжон Нодир Муслимовичнинг шаҳар четидаги данғиллама ҳовлисида бўлганди. Акаси дарвоза қўнфироғини босгандага қўнфироқ жиринглаш ўрнига, қуш сайраб

юборганди. «Ёпирай!» Ҳакимжоннинг юраги ўйноқлаб кетган. Онгтонг қолиб дарвоза тиркишидан мўралаганди. Ҳовлига киришгач, бадтар ҳайрон колди: қафаслардаги күшлар, айвондаги нақшинкор устунлар, мармар тош терилган йўлаклар. Ўзи номини ҳам билмайдиган уй жиҳозларини кўриб Ҳакимжоннинг оғзи ланг очилиб қолди. Эҳ-ҳе! Музей ҳам бунчалик бўлмаса керак. Қишлоқдаги Қодиркул раиснинг ҳовлиси ҳам ҳеч гап эмас экан бунинг олдида. «Яшасанг, шаҳарда яша экан-да!» деб кўйди Ҳакимжон.

— Ў-ў! — акасининг дўриллоқ овози Ҳакимжоннинг ҳаёлини бўлиб юборди. — Билиб кўй: ҳозир ўқишига кириш жуда-а-а қийинлашиб кетган. Мени ҳам ана шу домла ўқишига жойлаштириб кўйган эди. Хотини ҳам ўқитувчи. Ҳуллас шулернинг хизматини қилиб ялло қилиб юрасан, укам. Унга ҳеч ким гапиромайди. Ҳовлисидағи «Жигули» бор-ку, ўша ҳам сенинг ихтиёргида. Диплом нақд, нарёғи бир гап бўлар.

Шу-шу Ҳакимжон ўзга дунёга кириб қолгандек бўлди. Отаси Фарҳод бригадирнинг машинасини минишни ўргангани қўл келди. Деканнинг машинасини ҳайдаш-ку, мазза, аммо курсдошларидан уялди. Ҳаммасидан ҳам оғзига кучи етмаганлар:

— Институтга кириш ҳам текин экан-да, а. Танкингиз жуда бақувват. Сиз тайёр ҳаммол экансиз-да, а?! — дея ғашига тегишарди.

Кунлар ўтиб Ҳакимжон бу ҳаёт-

га ҳам кўниди. Тагида «Жигули — 06». Оддий кийиниши ўзига ёқмади. Энг янги модадаги хориж кийимларидан сотиб олди. Кўп ўтмай мўйлов ҳам қўйиб олди. Юришлари ҳам ўзгарган. Тоғаси Неъмат тажангдан соч қўйиш одоблизик эканлигини эшитган Ҳакимжон қишлоқда юрган пайтларида ҳар ўн беш кунда сартарошхонага циқиб бошини арчилган тухумдек ялтиратиб чиқарди. Энди-чи, о-ҳо, энди, айтишларича ҳозирги прическаси — энг илғор — итальянча эмиш. Ҳатто курсдоши Анжелика, йўғ-э, Анира тасвирлагандек нафас олишлари ҳам «импортний».

Ҳуллас, пайпоқсиз қишики ботинка даврини унугтган Ҳакимжон тез ўтмай Ҳакимчик бўлиб колди.

Дарсларга кириш йўқ. Акаси айтгандек Танк омон бўлса, ишлар беш. Мана, учинчи курсни тугатиб, тўртингичга қадам кўйди. Домлаларни танимайди. Домлалар ҳам юришибди-да, оқ қофозга баҳо тушириб, эски шляпани «куф-куф»-лаб... Умрида машина минолмайди — виждонли-да! Аммо сахиyllари кўп. Ҳакимчикка индамасдан баҳо кўйиб беришади. Фиринг дейишиш-чи, Танк янчиб ташлайди. Бир-иккита «қаҳрамон»лари ҳам бор. Уларнинг фанини бир амаллаб ўқийди-да, «З» олади. Танкнинг одами эканлигини билиб қолиша борми, виждонлилари,вой-вой, нақ портлатишдан ҳам қайтишмайди-я.

Ҳакимчикнинг кундалик вазифаси — Нодир Муслимовични институтга олиб келиб, олиб кетиш. У кишининг рафиқаси Ойниса Мажидовнани қўшни институтга обориб кўйиш, бозорлик қилиш. Яна... студентларга кўз-кўз қилиш учун катта танаффусда «Жигули»ни институт ошхонаси олдида ювиш.

Ҳакимчик бу йилги ёзги каникулнинг уч кунини қишлоқда ўтказди.

— Э, — қўл силтади у, — шу ерда ҳам яшаб юришибди-я! «Город, город, — живёт народ».

У осмонга бошқача қараб кўйди. Шаҳар ва қишлоқнинг осмони битта эканлигини қаердан билсин. Танк омон бўлса тушунтириб берар.

Нодир Муслимовичнинг дарвазасига яқинлашаркан, Ҳакимчик кишиләрда уч кун уч йилдек ўтганини, шаҳар бу шаҳар эканлигини мақтасига учун тайёрланарди.

Ҳовлига кириб... йўлда ўйлаб келган фикрлари эсидан чиқиб кетди. Ҳар душанба куни ишда бўладиган Танк боши боғланган ҳолда айвонда ётибди. Ойниса Мажидовнинг қовоқлари ари чақандек шишиб кетган. Нима гап ўзи?

Ҳакимчик саломлашиши ҳам унутиб Танкнинг олдида чўйкалади.

— Йўқол! Бор, бор... — Танк кўрпа ичидан йиги аралаш бўғиқ овозида бақирид.

Ҳакимчик орқага тисарилди. Боши айланиб, гандираклаб кетди. Нима гап ўзи?

Боринг, энди бизларни келманг. Хизматларингиз учун раҳмат! — Ойниса Мажидовна сўзларни бўлиб-бўлиб, ўпкаси тўлган ҳолда, йиги аралаш гапиради. — Ҳаммасини, ҳам-ма-сини... институтга боргач билиб оласиз, — дея ҳўнграб йиглаб юборди. Кўз ёшларини рўмолча билан артаркан, Ҳакимчикни кўчагача кузатиб кўйди. Ҳакимчик яқин қариндошидек бўлиб колган бу хонадон эгаларига тик қараёлмади. Саволларига аниқ жавоб ҳам ололмади.

Ҳакимчикка қадрдан бўлган дарваза илк марта тарақлаб ёпилди. Унинг томогига нимадир тиқилар, гўё ўзи тушунмаган лаҳзалар ўтмишини — кувончи онларни чилпарчин қилганга кечаги кунлар тушкаби такрорланмас эди. Ҳакимчик ўзгариб кетди, энди у ўша содда Ҳакимжон бўлиб қолди. Дарваза олдида анча туриб қолди ва орқага қарамасдан институтга югурди. Югурган билан йўл қисқармасди. Гўё кўчадаги транспортлар ҳам овозсиз ҳаракат қилаётгандек...

У тўғри ётоқхонага келиб, комендант Холида холага учради.

— Нима гап, хола?

— Э, нимасини айтай, Ҳакимжон. Одамлар ёмон бўлиб кетишган. Нодир домлани устидан ёзив текширишиди. Шанба куни ишдан олинди. Ҳали хабаринг йўқми? — дея тўқиб ўтирган пайгоғини йигиштириб, Ҳакимжонга тикилиб давом этди: — Айтишларича кўп студентлардан пора олиб ўқишига жойлаштирганиши. Товба! Ким кўрибди пора олганини. Бечора пок одамни тұхматга кўйишпти, шекилли. Сен билсанг керак, уйда хизматкорлари ҳам бормиши.

Ҳали текшириш олдинда дейишияпти. Сенинг тоғангми, амакинг шекилли...

Ҳакимжон михланиб қолди. Шу топда қулоғига ётоқхона устидан ўтаётган самолёт овози ҳам кирмасди. У карахт бўлиб қолди. Анчадан сўнг ўзига келгач, бир дона «БТ» тутатди. Акасининг гаплари миясида чарх ура бошлади: «Нарёғи бир гап бўлар, бир гап бўлар... бир гап бўлар!..» Боши

гангиб, ётоқхонанинг иккинчи қаватига кўтарилиди. Телевизорнинг кучли товушидан чўчиб тушди. Студентлар телефонильм томоша қилишяпти, шекилли.

Ана фильм қаҳрамони бақиряпти:

— Эҳтиёт бўлинглар! Қо-чингла-ар! Орқага, ор-қа-га-а! Танк портла-япти-и-и!..

Ҳакимжон тўртингчи зинада йиқилиб қолади.

Баҳром ЮНУСОВ



Тушликдан сўнг ўрмон четидаги кўриқхона ҳайвонлари дарё ёқасидаги кенг ялангликка йифилишиди. Минбар вазифасини ўтовчи катта тўнка устига чиқиб олган Қуён ҳамма йифилиб бўлганини кўргач:

— Биродарлар! — деди чийиллаб. — Йигилишимиздан асосий мақсад шуки, баъзи бирорлар, сирэмас, ўз мансабини сунистеъмол қила бошлади. Очикроқ айтганда, бошлиғимиз бўлмиш Қоплон Сиртлонович ўз лавозимларидан фойдаланиб, кўнгиллари тусаган ишни қилмоқдалар. Бетга айтганнинг заҳри йўқ, шу кунларда Қоплон Сиртлонович жуда кўпол бўлиб кетгандар, бўлар-бўлмасга бўкираверадилар. Важоҳатларини кўриб юракларимиз сал бўлмаса ёрилиб кетай деяпти. Биз каби кичикларни назарига ҳам илмайдилар. Менимча, Бўри ва Тулкига ўхшаган юлгичлар пора бериб... иҳи...

— Гапни кўп чўзаверма, нима демоқисан? — дўриллади Бўри Қуённинг гапини бўлиб.

Қуён Бўрининг кўзига кўзи тушиши биланоқ сўзидан адашиб, ўйлаб кўйган гапларини ҳам эсидан чиқариб кўйди.

— Юкори ташкилотга хат ёзуб, кў-үриқхонамизга бошқа бошлиқ та-йинлашларини сў-ўрашни таклиф киласман, — деди у қалтираб. — О-овозга қўяман: кимдаким менинг та-аклифимга қўшилса, кўлини кўтарсан.

Бу гапни эшишиб, Бўри ириллаб ўрнидан туриб кетди, Қўй ювошгина бўлиб бошини эгди. Айик қўл кўтартмокчи бўлди-ю, яна Қоплон ўз ўрнида қолгудек бўлса, орамиз бузилиб ўтирасин, деб ўзини тутди. Қуёнлар орадан бундай ботир чиқиб қолганидан кўркиб кетиб, тўнка орқасига яшириниб олдилар. Тулки ўзини гўлликка солди. Маймун қўл кўтариб юборди-ю, ўзига еб кўйгудек қараб турган Қоплонга кўзи тушиши билан, худди атайин қилмоқчи бўлгандек, кўтарилиган қўли билан шохни ушлаб, лип этиб дарахта чиқиб кетди. Тўнғиз бизга барибир, деб хуриллаб кўйди.

Бу орада минбарга чиқиб келган Бўри бир тепиб, Қуённи пастга думалатиб юборди-да, гап бошлади:

— Ўлжалар!.. — Йўғ-э, биродарлар демоқчиидим. Мен мана бу тұхматчи Қуённинг гапларига юз фойиз қаршиман. Ҳей! Менга қара, калтафаҳм. Сен ким билан ўйнашыпсан ўзи, а? Кимни ишдан олмоқисан? Қоплонхон акамизни-я! Ахир Қоплонхон акамиз «Қизил китоб»га киритилгандар-al Шуни биласанми ўзинг, зоти паст? Ахир, ҳей, мана шу ақаҳонимизнинг орқаларидан шунчалик бўлиб юрибсан-ку! Узоққа бормайлик, мана, ёнимиздаги кўриқхонани кўр. Бошлиғи бир бўшашган Кийик бўлгани учун қачон қарасанг, қўриқхонани браконъер аталмиш ревизорлар текшир-текшир қилиб ётишади. Агар бизнинг ҳам ақаҳонимиз ўшандай бўшашган бўлгандаридами, балки сен шалпангқулоқ ҳам

ўша ревизорларнинг қорнида бўлармидинг.

Бўри яхши гапирияманми, дегандек секингина Қоплонга қараб кўйди. Гаплари «хўжайин»га мойдек ёқаётганини сезгач, гапида давом этди:

— Мана мен, масалан, олдин ким эдим? Оддий ялангоёқ дайди қашқир эдим. Қоплонхон акамизга менинг бирорта чатишган жойим йўқ. Лекин шундай бўлишига қарамай, минг раҳматлар бўлсинким, акахонимиз мени ўрмон санинтири қилиб қўйдилар. Нега? Негаки, Қоплонхон ака Сиртлонович биз каби оддий ҳайвонларнинг фамхўридиirlар. Мана, ҳозир менинг еганим олдимда, емаганим кетимда...

«Емаганим кетимда» деган сўзни эшлиши билан Бўрининг орқасида турган ўрмон ошпази — Эшак се-



кингина нарига силжиди. Бўри гапида давом этмоқчи бўлиб, энди оғиз очган ҳам эдики, Қоплон Сиртлонович бўкириб, унинг гапини бўлиб қўйди:

— Бўлди, Бўривой, менинг қилган яхшиликларимни сен айтмасанг ҳам ҳамма билади. Лекин Қуённинг гапларида ҳам жон бор. Танқид қилиб жуда яхши иш қилди. Танқид — келажакнинг меваси, деганлар. Қуёнвой, дўст ачитиб айтади, деганларида, ҳақ гапларни айтиб, кўзимни очдинг. Бунинг учун сенга катта раҳмат. Яхшилингни бир умр унутмайман. Биродарлар, мени кечиринглар, ҳамма хатоларимни бўйнимга оламан.

Мажлис тугади. Қоплон Сиртлонович айбларини бўйнига олганлиги, бошка қайтарилмайди, деб сўз берганлиги сабабли яна ўз ўрнида қолди.

Орадан бир неча кун ўтгач, ўрмонда: «Қўриқхонага браконьер-ревизорлар келишганмиш, ботир Қуённи ўшаларнинг камарида осилиб кетаётганини кўришганмиш», деган миш-миш тарқалди...

СИРТЛОН

Туроб Юсупов

Танқидчи ва ҳаваскор шоир

Вақт айнан тушдан оққач, бузмай мавжуд низомни,
Ёш шоир фикр тинглаш истак, баҳонасида,
Рухсат сўраб, эшикдан қуюқ қилиб саломни
Кириб келди шеър олиб мунаққид хонасига.

«Ҳм... ҳм... демак гоҳида ғазал ҳам ёзаман денг?!
Ўқиб чиққач, мунаққид санчар наштар нигоҳин.
Бу жанрга хос имкон асли осмон қадар кенг,
Кўплар фойдаланолмас, талант етмайди гоҳи.

Минг бўш асар арзимас бир мукаммал ғазалга,
Афсус, ижод аҳлида бўш ёзишга ҳазар йўқ.
Қадрланиб келинган элда ҳақ гап азалдан,
Рости, маза-матрадан шеърингизда асар йўқ.

Ёзганингиз ўқиса агар Навоий бобо
Жаҳали чиқиб, ҳатто тил теккизисб онангизга,
Юмшоқ юзингизга ҳам уришни кўрмай раво,
Қулочкашлаб туширар эди пешонангизга!...»

Кетар экан ёш шоир, дер: «Танқид майдонида
От сурган суворийсиз, эшигтан, билган эдим.
Кўрқиб, ўзимникимас, Навоий девонидан
Эл севган бу ғазални кўчириб келган эдим...»



Муқовада:
Рассом С. Алибековнинг «Дўппилар асарида

Рассом Х. Содиков

Мундарижа



НАСР

Мамадали МАХМУДОВ. Қора дўлана. Қиссанинг охри	18
Шавкат ПОЛВОНОВ. Кашфиёт қурбони. Фантастик ҳикоялар	40
Турсунбой САМАТОВ. Ишонч. Фантастик ҳикоя	38
Акбарали НУРМАТОВ. Орқага йўл йўқ. Эссе	61



НАЗМ

Замира РЎЗИЕВА	11
Ойгул СҮОНДИКОВА	12
Ойдин ШУКУРОВА	35
Рифат ГУМЕРОВ	59
Асрор МўМИНОВ	60
Исмоил МАҲМУД	72



ТАНИШУВ

Зулфия ҚУРБОНОВА. Чўлдаги машмашалар.	
Ҳикоялар	5
Ёқутхон АКРАМОВА. Жўжаковли эгаси. Ҳикоя	14
Рустам ЭРГАШЕВ. Шеърлар	17



ҲАМЗА ТАВАЛЛУДИННИНГ 100 ЙИЛЛИГИГА

ҲАМЗА ҲАКИМЗОДА НИҶИЙ. Шеърлар	2
Хуррият ва адолатни улуғлаб	53
Нурулло ОТАХОНОВ. Кўнгилдаги гаплар	57



ХОТИРА

Комил НУРЖОНОВ. Чин дўст эди	50
Назар ШУКУР. Шеърлар	51



ПУБЛИЦИСТИКА

Адолат НОСИРОВА. Либосга бурканган муаммолар	3
Аминжон МАМАТОВ. Комсомол ҳақида ўйлар	47
Дўйстмурод АБДУРАҲМОНОВ. Халқнинг ўзидан сўранг	73
Илҳом ФАНИЕВ. Нураётган обидами, хотира?	75



АДАБИЙ ТАНҚИД

Маънавий инқироз илдизлари. Давра сұхбати	66
---	----



ЕЛПИГИЧ

Абдулла АЙИЗОВ. Бир гап бўлар	77
Баҳром ЮНУСОВ. Танқидни ҳисобга олишиди	78
Туроб ЮСУПОВ. Танқидчи ва ҳаваскор шоир	79

**ЁШЛИК**

«Молодость»
ежемесячный
литературно-художественный,
общественно-политический журнал
На узбекском языке

Орган ЦК ЛКСМ Узбекистана и
Союза писателей Узбекской ССР

Рассом: Х. ЛУТФУЛЛАЕВ
Техник редактор: О. РАҲИМОВ
Корректор: М. ТУРСУНОВА

Адресимиз:
700113, Тошкент, «Правда» газетаси кўчаси,
60-уй.

Телефонлар:
Бош редактор — 78-94-05
Бош редактор ўринбосари — 78-49-83
Масъул секретарь — 78-97-07
Проза бўлими — 78-97-58
Поэзия бўлими — 78-77-16
Публицистика, адабий танқид ва
санъат бўлими — 78-17-47
Фотомухбир — 78-31-44

Редакция ҳажми 12 босма листдан ортиқ ро-
ман ва 8 босма листдан зиёд қиссалар кўлёз-
масини қабул қиласайди.
Бир босма листгача бўлган асарлар авторла-
рига қайтарилимайди. Редакция ўз тавсиясига
кўра амалга оширилган таржима асарлар кўл-
ёзмасинигина қабул қиласайди.
Журналдан кўчириб босилганда «Ёшлик»дан
олинди, деб изоҳланishi шарт.

Босмахонага 25.01.89 й. да туширилди.
Босишга 10.03.89 й. да руҳсат берилди.
Р-11621. Офсет босма. 1-оффсет қофози.
Қофоз формати 84×108¹/16. Шартли босма
листи 8,40. Нашриёт ҳисоб листи 12,6.
Шартли бўёқли босмада нашр ҳажми 11,76.
Тиражи 300.000 нусха.
Буюртма № 5101.
Баҳоси 50 тийин.

Ўзбекистон ЛКСМ Марказий Комитети
«Ёш гвардия» нашриёти.
Ўзбекистон Компартияси Марказий Комитети
нашриётининг Мехнат Қизил Байроқ орденли
босмахонаси.

«Ёшлик», № 3. 1989.
Тошкент, «Ёш гвардия» нашриёти.